



18/-



*John Carter Brown*




January 1871  
746


1<sup>st</sup> Feb: printers  
1647.

This Vol: which was  
printed at Dantzick  
A.D. 1698 is exceedingly  
rare & curious

It contains an account  
of the Discoveries of  
Columbus the Death of Sir  
Francis Drake; the fight  
between the English Privateer  
& a Spanish Ship; the fight  
between the Scotch & Spaniards  
& a variety of other Historical  
Details.









Relief of the



**Bisselii** (Joannis) Argonauticon Americanorum sive Historiæ Periculorum Petri de Victoria ac sociorum ejus, *maps*, 18mo. *calfs neat*  
*Gedani*, 1691  
10s 6d

77\* — another edition, *cf.* 10s 6d *Monachii*, 1647  
Translated from Pedro Goves de Victoria's "Relation de sa Naufragio y peregrinacion en la costa del Peru, viage, riesgos quetuvo en el con sas companeros," Svo. 1610. A book of extraordinary rarity, of which I have never seen a copy even in Spain.—O. Rich.



JOANNIS BISSELI  
è Societate JESU,  
ARGONAUTICON  
AMERICANORUM,  
SIVE  
HISTORIÆ  
PERICULORUM  
PETRI DE VICTORIA  
AC SOCIORUM EJUS.  
LIBRI XV.



GEDANI,

---

*Prostant apud*  
EGIDIUM JANSSONII à WAESBERGE.  
M. D. C. LXXXVIII.

THE HISTORY OF  
THE  
AMERICAN  
REVOLUTION

VOLUME  
PERIODICAL

1776  
1777  
1778  
1779  
1780  
1781  
1782  
1783  
1784  
1785  
1786  
1787  
1788  
1789  
1790  
1791  
1792  
1793  
1794  
1795  
1796  
1797  
1798  
1799  
1800

W. J. COB

1801  
1802  
1803  
1804  
1805  
1806  
1807  
1808  
1809  
1810  
1811  
1812  
1813  
1814  
1815  
1816  
1817  
1818  
1819  
1820  
1821  
1822  
1823  
1824  
1825  
1826  
1827  
1828  
1829  
1830  
1831  
1832  
1833  
1834  
1835  
1836  
1837  
1838  
1839  
1840  
1841  
1842  
1843  
1844  
1845  
1846  
1847  
1848  
1849  
1850  
1851  
1852  
1853  
1854  
1855  
1856  
1857  
1858  
1859  
1860  
1861  
1862  
1863  
1864  
1865  
1866  
1867  
1868  
1869  
1870  
1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900  
1901  
1902  
1903  
1904  
1905  
1906  
1907  
1908  
1909  
1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951  
1952  
1953  
1954  
1955  
1956  
1957  
1958  
1959  
1960  
1961  
1962  
1963  
1964  
1965  
1966  
1967  
1968  
1969  
1970  
1971  
1972  
1973  
1974  
1975  
1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025  
2026  
2027  
2028  
2029  
2030  
2031  
2032  
2033  
2034  
2035  
2036  
2037  
2038  
2039  
2040  
2041  
2042  
2043  
2044  
2045  
2046  
2047  
2048  
2049  
2050  
2051  
2052  
2053  
2054  
2055  
2056  
2057  
2058  
2059  
2060  
2061  
2062  
2063  
2064  
2065  
2066  
2067  
2068  
2069  
2070  
2071  
2072  
2073  
2074  
2075  
2076  
2077  
2078  
2079  
2080  
2081  
2082  
2083  
2084  
2085  
2086  
2087  
2088  
2089  
2090  
2091  
2092  
2093  
2094  
2095  
2096  
2097  
2098  
2099  
2100

ILLUSTRISSIMO DOMINO,

*Domino*

FERDINANDO  
LAURENTIO,

COMITI DE WARTENBERG,

*Domino in Wald, & Hachenburg, Serenissimo Electori Bavaria à Cubiculis,*

*& Consiliis, Equestris militiae Tribuno; ac Vice-Domino Burg-*

*hussiano, &c.*

JOANNES BISSELIUS,

*è Societate Jesu,*

S. D.



ILLUSTRISSIMÆ

Tuæ gentis Insignia,

FERDINANDE LAU-

RENTI, COMES, in

ipso statim laborum

meorum vestibulo, ve-

lis nauticis inserta; manifestè profiten-

tur: Non *meum* esse magis, quàm *Tuum*,

hoc *Opus Argonauticum*. Nec mirandum.

Nam, si verum *Leges* dicunt (quarum tu

) ( 3

nunc

JOHN CARTER BROWN

*Ad Illustrissimum*

nunc antistes ac præses es, in Noricorum summo pratorio) NOSTRUM illud Æs censendum esse, QUOD AB ALIIS NOBIS DEBETUR, tametsi nondum sit in manu nostrâ: quippeni Tuus jam tum fuerit, etiam antequam Tibi, publicèque daretur, hic calami mei Partus? ut, qui profectò sub oculis, panèque manibus Tuis, concipi simul cœperit, atque nasci. Cùm enim, abhinc triennio ferè, Te, salutiferi fontis causâ, Rheticas in Alpes secedentem, etiam ipse, cum amantissimo tui, germano tuo, Maximiliano, secutus essem; ac diuturnior nos mora Ladisii, non procul Oeni fluminis fontibus, attineret: dispicere cum cura mecum ipse sum orsus; Quonam exercitationis litterariæ genere, minùs arduò, desides horas fallerem: &, lubricos in pomeridianum soporem oculos, suspenderem? Erant tum in conspectu pleraque propemodum, alieni magis, quàm Europæi, tum cœli, tum soli. Videbamus enim, & sentiebamus

*Comitem de Wartenberg.*

bamus ( adultâ quamvis æstate ) ni-  
vales auroras, nebulosos merides ; in-  
solenti calore flagrantès vespèras, at-  
que noctes ; florentes, senescente jam  
Junio , cerasos ; rigescentes , in lapi-  
dem , arbores , ac fontanos , è larice,  
margines. Jacebant ante nos, nil nisi  
depressæ Valles ; in immensum editæ  
rupes ; & pererratæ damis armentif-  
que, sylvestres Alpes. Monstraban-  
tur præterea, cœlo, quàm nobis, vi-  
ciniore, è longinquo montium ver-  
tices ; stupendo naturæ prodigio,  
stagnis & lacubus infessi , subindèque  
copioso natati pisce : quorum flu-  
ctus, impulsiventi, aut occulto vo-  
raginum spiritu concitati, tanquam  
in tonitruum iras fracti, reboabant.  
Quid multis? In peregrinum nescio  
quem Orbem, ex assolitis Bojariæ cam-  
pis, extrusi nobis videri poteramus.  
quod ut copiosiore fide nobis infi-  
deret ; faciebant alia non pauca, ter-  
ris nostris exotica. Nam & metalli præ-  
tiosioris multo simulacrò, passim sco-  
puli

*Ad Illustrissimum*

puli micabant, solaribus verberati radiis: &, quâ nior fulvus defecerat, *crystalli sphengitæque fulgor argenteus* succedebat. Nec deerant, qui, designatis locorum ac mensium limitibus, nobis *Auri* nescio quos, & *obryzi* fluidi, *fontes* prædicarent; sive suo, sive rumoris publici, sensu. Certè quidem latentis *exuberantisque* terrâ suâ *pretii*, monstrabant argumenta, populis illis receptissima: FLORES, rarissimi coloris & germinis. in quibus, adhuc meminimus, teste dextrâ *Tuâ* (cui sunt oblata) *transmarini* prorsus generis LILIA; medias inter Alpes, consueto cæteris caule, coloreque croceo surgentia: cæterum, *foliorum insolenti fertilitate*. Nam hæc elementorum *Alphabeti Græcici numerum*, singulis in liliis, æquabant. Ne longior æquo sim: tam peregrinâ locorum imagine, mens tunc ablata mea; capit ipsa quoque peregrinari: proptérque tot *coeli diversissimi* similitudines, effigiem sibi quandam



*Comitem de Wartenberg.*

dam horridioris, sed ANRIPERÆ tamen, AMERICÆ proponere: cœpit quoties cœrulescentem, nescio quam fegetem (filiginis abortum) aspiceret; Mexicanum sibi Mayzium in animo pingere: cœpit, viso *Rhaetico-ne*, cum arctis *Engadinorum* vallibus; sibi met *Peruvii* montana *Tramontana*que fingere. Donec, imaginum ejusmodi crebro recurſu, demum illud desiderio ſedit, quod ſederat ingenio: lubuitque, ſtylum ſaltem ſucceſſivum, deducere per *Occidentalis Indię* proximam quamque *Rerum memoriam*. Commodum autem fuit, ut in *PETRI VICTORIÆ* brevem *Commentarium*, ſub eas iplas horas, inciderem; dum ſarcinularum mearum abſtruſa ſcrutor. Ejus laboris, pæne jam in fabulæ ſuſpicionem defluentis, ex ipſa brevitate; miſerationem pariter & cupiditatem concepi, quàm primùm in *HISTORIÆ* juſtæ volumen redigendi. Quapropter ego tertio poſt, quàm adveneram, die, manum con-

*Ad Illustrissimum*

festum admovi: quotidianaque, sub  
luminibus Tuis, & aspectu, lucubratio-  
ne, nihil fortasse quidem ad *Aristo-*  
*phanis* & *Cleanthis* lucernas, aliquid  
tamen ad stomachum meum, & ani-  
mi flammam, perfeci. Nam *Tres pri-*  
*mos* illic libros, ut meminisse potes,  
expedivi. *Pauciores* ne concinna-  
rem, presentiae tuae creber interven-  
tus effecit; qui *dormiturentem* stimu-  
labat: Ne *plures* autem; temporis  
arctae leges, & *Tua*, pro mea vale-  
tudine, gratiosissima sollicitudine, prae-  
scripsit; crebrum laboribus frantum  
injiciens. Usque adeo, pulcherrimo  
temperamento, conatus meos & in-  
citabas pariter, & inhibebas: dignissi-  
mus, hac tuâ suavitate, qui novus  
*Scipio*, novus *Gajus Mænas*, *Alphon-*  
*susque Siculus*, audires; siquid in me  
melioris *Ennii*, si quid *Maronis*, & *Pa-*  
*normitani*, reperisses.

Regressus porrò *Tecum* & ex *valli-*  
*bus Oenanis*, campo terrarum ac lit-  
terarum restitutus; reliquos *Argonau-*  
*ticon*

*Comitem de Wartenberg.*

*ticôn duodecim libros partim Monachi; Land/perge partim, prioribus illis adjeci, per diverticula curarum, & otium; quantulumcunq; mihi Suggestus indulsit Ecclesiasticus.* Nam, qui solet in lapide quoque, violenter impulso, durare, neque statim concidere, volantis impetus; idem in me, *Tui Nominis*, ac recordationis auctoritate (quanquam inter difficultates non paucas) perennavit: affectum scriptionis fovit, & protrudit: quoad in meta denique suscepti laboris, seipso defungeretur: operique summam manum imponderet.

Hinc ergo prodiit, *Tibi que nunc ad obsequia præstò fit*, toties promissus ille *PETRUS*; ille, *Jasone* melior, & priscis *Argonautis* veracior, *VICTORIA*; quem hisce, quos paullò priùs demonstravi, titulis patrocínio *Tuo* debitum, tametsi desponsus non esset; favoris tamen in me *Tui*, beneficiorumque grata recordatio, jure plenissimo *Tibi* transcriberet. Cùm

*Ad Illustrissimum*

*Tuus igitur in solidum sit; reliquum est, ut, legitimi ritu possessoris, in ejus Navim-pedem penas: & PETRUM hunc universum, Tuis solius obsequiis mancipa um, manu capias; non ut Patronus duntaxat, sed etiam (si quod aliquando Tribunalis tui curæ tibi respiraculum indullerint) ut Lector. NON Tu quidem ( fateor ) parem in hac historia, Tuis Tuorumque gestis cothurnum invenies. nam, demissioris argumenti soccis usus, primi Scriptoris candor; sine manifestissimo Veritatis adulterio non poterat ad grandiora, per figmentum, insurgere. Non hîc ergò leges, inquam, Serenissimi Genitoris Tui, FERDINANDI Ducis, Martium spiritum: cujus arma victricia sensit, defensa quondam Colonia; redacta sub obsequium Bonna; fugatus Insule profanator, & in Batavos ejectus; expugnataque tot validissimæmunitiones & oppida. NEC Tuametipsius quidem hic castra, bellicæque gesta, FERDINANDE*

*LAU-*

*Comitem de Wartenberg.*

LAURENTI, reperies; quæ *Tu* sub signis quondam *Tullianis*; uni primum; mox geminis legionibus *Tribunus* & *Dux* impositus, fortiter expedisti. Sed, quæqu岸 Operis hujus *Acta* nihil ad *Te*, *Tuæque* pertinebunt; quippe, tota *memorandis Americanis* impensa: nihilominus tamen haud pauca *meorum leviorum*, admonere te legentem *Tuorum* poterunt *graviorum*. Ità, cùm hîc *flumina*, cùm *torrentes crebros*, cùm *æstuaria maritima* pervolves, ingenti cum discrimine superata; tunc animo recurrent, persultati *Tuis* à turmis, perstricti *Tuis* armis atque conflictibus, & hostili cruore tincti, *notissimi Germaniæ fluvii*; *Rhenus*, *Albis*, *Allera*, *Lupia*, *Visurgis*, *Odera*, *Mosella*; quosque referre, prolixum foret. Cùm in *naumachiam* incideris *Hispano-Scotticam*; cujus pars magna, *Petrus* meus, adhuc *parvus*, fuit: tecum ipse *recolles*, *Baltici* maris *insulam*, *Usedomum*; turmis *tuis*, & tuomet *Marte*, *Cæsaris*

*Ad Illustrissimum*

ris in obsequio retentam; nec minùs, consertas cum *Cimbris*, cum *Batavis*, cum *Gothis*, *Cattisque*, prospero sæpe congressu, manus. Subibit animum, captus ad *Dorstam*, cæsis *Hassis*, *vigiliarum supremus Præfectus*: & occupatæ virtute tuâ validissimæ munitiones, *Firstenaviensis*, ac (quam olim *Serenissimus* quoque *Pater Tuus*, sed operosiore molimine, ceperat) *Reklinghusiana*. Nec poterit præterire memoriam *Tuam Hassorum* ingens & insolens, non jam miles tantum, sed prorsus exercitus: cùm in *Tuas*, quas tum ad *Monasterium*, *Westphalorum metropolin*, stationes habebas, id est, *Legionem unicam*; improvisus & *vesperinus* irrupit. Cujus tu, cùm in oculis civium, vim longè superiorem, cum paucissimis obfirmatè sustineres; alas aliquot, turmasque delesti; reliquam aciem omnem, cùm cedere coegisses, tamen insectatus adhuc es: & in *tergis fugientium*, ferre scripsisse longè memorabiliorem, quàm quisquam nostrum



*Comitem de Wartenberg.*

strum in chartis calamo, *Victoriam*.  
Quid ? quod & circumventus tan-  
dem & dispoliatus à barbaris, *Petrus*  
meus? olimque *DEIPARÆ* præsidio  
*servatus* inter fluctus; *Tua* quoque tibi  
fata, læva juxtà, secundàque, reno-  
vabit? Quando per proditionem *Tu*  
quoque *captus* ab *Hasso Batavis* (nam  
militiam miscuerant) jàmq; *diem plus*  
*decimum* ducentis hostium stipanti-  
bus, varia per loca raptatus es, iner-  
mis, seminudus, impastus: ut *Vesaliam*  
primùm, & hinc *Francofordiam* abs-  
trahereris, *Regi transmarino* sistendus.  
In quo rerum articulo, stantibus jam  
*sub acie novacula* fortunis Tuis, non  
*Tu* quidem, ut *PETRUS* meus, *DEI-*  
*PARAM*: sed, *Deipara* conjunctissimam  
*MAGDALÆNAM*, in vota cœlô devo-  
câsti. Nec illa vocanti defuit; sed,  
quibus olim precibus *quatrIduanum* fra-  
tris sui bustum, in *Vitam*: iisdem ea *Li-*  
*bertatem Tuam*, per tot jam dies *con-*  
*clamatam*, in tutum reposuit; immisâ  
divinitus *Trevirensi*, nescio cui, *Tri-*  
*buno*



*Ad Illustrissimum*

buno mente; qui, cum paucissimis  
multitudinem aggressus hostilem,  
Te, non absque prodigii clarissimis  
vestigiiis, in pedes & incolumitatem,  
restitueret: & hoc quidem, *nondum*  
*evolutâ temporis meâ*, quam Voto  
speique tuæ tute præfixeras. Quod  
Tu Cœli de te grande meritum, haud  
aliter, ac VICTORIA noster, *litatione*  
*sollemni* quotannis, & animo gratissi-  
mo, recolere gaudes; in Oetingano  
*Liberatricis Tuae* Templo: tanto Te  
professus obligatiorem, quantò tunc  
Te meministi, castris Tuis *magore cum*  
*gloria* restitutum. Namque vinculo-  
rum indignitate vixdum exsolutus:  
raptim, & à vestigio primo recupe-  
ratæ *Libertatis*, contractis, quantulas  
potuisti, copiis: *Ducem eundem*, cujus  
nuper in manus per dolum incide-  
ras, es ultrò persecutus. Eum, arce  
licet, & præsidio firmò ferocem, ob-  
sidione tamen aggressus; imperata  
coëgisti, mox & vincula *Tua*, victum  
accipere: bonis omnibus successui  
Tuo

*Comitem de Warrenberg.*

Tuo plaudentibus , & vulgatum illud acclamantibus ; CEPISTI , QUI TE CEPERAT ! Quo Tu factô , COMES fortissime , *Casarem* nobis *Dictatorem* , post tot sæcula , revocâsti : qui comprehensus quondam à prædonibus , ad *Pharmacusam* Insulam ; ac , lytro persoluto , tandem expositus in litore : continuò , deductâ classe , piratas illos ipsos persecutus , ac nactus ; primùm eos in compedes , deinceps & in crucem , compegit.

SED , quò ( quæso ) quorsumve , præter oleas ( quod dicunt ) & destinata feror ? atque , dum *Nuncupatoriam* meditor ; *Historiam* , & pæne *Librum* jam ingredior ? Nempe , plus dicere non volueram : quàm , *Argonauticôn* meorum lectione , multam Tibi veterum Tuorum , tam *Gestorum* , quàm *Periculorum* , memoriam , obiter occursuram. Quare volens favénsque Libros hos cape , COMES Illustrissime : PETRIQUE nostri NAVEM hanc , sub inclyti Nominis & INSIGNIUM Tuorum

*Ad Illustr. Comit. de Wartenberg.*

Tuorum VELO, permitte quiescere:  
*securam* utique (si *Tutelam* spondeas)  
& indemnem, adversûs injuriæ cu-  
jusvis procellas, futuram. Nam, si  
*Myrmécide* sculptam *Quadrigam*, &  
huic insidentem *aurigam*, alis suis  
etiam *Culex* potuit, aut *Musca* tege-  
re: *Palladis* hunc & *Nepiuni Currum*  
*maritimum*, id est, *ARGO meam*, non  
multò latius feliciùsque proteget  
LEO Tuus? Cujus vel solum Caput,  
*regio decore conspicuum*; meis ARGO-  
NAUTIS *auspicium* facit secundissi-  
mum, & *priscis* omnibus inconces-  
sum. Nam, quam illis *revehere*, ma-  
gnum erat, post cursum; nobis (ab  
ipso statim portu) donatum est,  
*emittere*, Navim *Coronatam*. Vale,  
Comes Illustrissime. Monachii 3.  
Non. Maji.

AUCTOR

A U C T O R

LECTORI BENEVOLO.

**S**uper Operis hujus instituto, consilio-  
que; nec non, de scribendi ratione,  
gestorum Veritate, deque Tituli causis  
& explicatione, quid sentire, Lector  
amicissime, debeas: commodius non po-  
tes, quàm ex subnexa statim epistolâ,  
quâ doctissimum Amicum sum allocutus,  
intelligere. Quam Tu proinde sine gra-  
vamine, si vacat, percurras licet: Unde,  
tanquam ex littore, totam hanc ARGO  
nostram, eminus prius contempleris; ne  
prorsus in eam hospes, & sine Palladis  
ductu, (quod ajunt) in Palladis fa-  
bricam, intres.

# JOANNI SAMSONI

*Viro Clarissimo*

*Reip. Monasteriensis, apud Westphalos,  
Archiatro. S.*

Quid agam nunc, aut in quo se studio curæ meæ fatigent, tertius jam, iisque sollicitis litteris, interrogas, SAMSON, Amicorum venter. Non committam, ut longius differam expectationem tuam: sed, quanquam adhuc multo Marte viis infestis; aliquid ad te conatum meorum transmittam: in penam tamen duntaxat & charta. Vellem equidem, eâ felicitate, quâ Cæsaris quondam, ad Q. Ciceronem epistola; per medias hostium acies, ad tragulam amento deligata, jactu pervolaret! Sic igitur, post longum intervallum, de me, Vir Clarissime, quod nôris, ac teneas, habe per compendium. Ex quo tempore divulsa nostra, non animorum, sed corporum, mutua præsentia fuit,

fuit ; cū tu , nobis invitissimis ,  
ad Eburones , puto , tuos , nostra-  
tis cœli fastidio , regredereris : ego ,  
non pleno pōst interposito mense ,  
Ratisponam , secundo Danubio ,  
defluxi. Clausis autem tunc , Sue-  
cici fremitūs formidine , publicis ut  
plurimū Lycéis ; vel certe timidiūs  
sonantibus Musis , ut in Pythago-  
ræ Sigéa crederes pleraque tum Athe-  
næa demigrāsse : tunc demum ami-  
corum aliquot , Tullii , Bruti , Pom-  
poniique repetitis exemplis , depri-  
vato quodam Tusculano nobis cir-  
cumspicere cœptavimus : & , Aca-  
demiæ cujusdam umbraticæ titulo ,  
non ut Arpinas Orator , ad Plata-  
num , sed ad arborem tamen , ni  
fallor , Mori , quotidie pactis horīs ,  
ad studiorum veterum exercitamen-  
ta repolienda , coire ; ne , contracto  
fitu , squalerent ac senescerent. In his  
litterarum collegis erant , qui vi-  
vunt etiamnum , & quorum tu ple-  
rosque nosti , Georgius Aheno-  
bar-



*De Commentario*

barbus, Didacus Oryzius, Sebastianus Summontius, Magnentius, Lagus, Apellius, Renvvardus, ac cæteri; Rheni pariter, & Istri riparum alumni: nunc, multarum in litterariis Olympiis coronarum, viri. Scis, cùm Ingolstadii simul essemus, & uterque nostrum Illustrissimos Regni Polonici Palatinos Nieswyzios, Alexandrum ac Georgium, fratres germanos, ad Eloquentiam formaremus; ego de cathedra, tu domesticis palæstris: scis, inquam, & meministi, quam crebra nobis, ac pæne quotidiana, dissertatio, mutuos per dialogos, inteceflerit, super consummatissimo, non solum Facundiæ, sed etiam Historiæ, tum opere, tum discrimine, delectuque: cùm ego meam tibi discutiendam Adelphidem, tu Bertii curas Geographicas (Rerum gestarum condendis narrationibus planè necessarias) utendas dares. Qui tunc igitur utrique nostrum; idem postea, te jam à nobis



*Et Historia.*

bis digresso, sermo recurrebat, in meridiationibus illis Academicis: super Historia plerumque, superque diversis ejus generibus, agitari solitus; idque spatio plusquam semestri, partim inter dictamina, partim inter experimenta declamatoria. Præcipua tamen, & diu fuit, ac frequentior, Commentariorum mentio: de quibus, quod res erat, differebamus. Semen eos esse quoddam, ac veluti Plantarium diffusioris, & ex professo se spargentis in grandius volumen, Historiæ. Commentariorum esse; nudam ponere, sine comptu, sine vestitum luxu, colorumque pigmentis, & certè succinctissimam, Gestorum veritatem: cujus è simplicissima narratione, paratum (ut in Bruto suo Cicerone loquitur) habeant, unde sumant, qui velint operiosiore historiam scribere. Sed è diverso; spatiosioris, & velut adulta jam segete, per ampla camporum luxuriantis Historiæ, partes esse; non jacere brevia per concis-

X X

fas

fas narratiunculas segmenta rerum ;  
ex quibus Lector plus habeat, quod  
divinet, quàm quod sciat, ac teneat.  
sed potius plenîs quasi manibus ac  
volis dispergere totum illud, quod  
dicendum est, ad rerum captum. Nec  
id quidem usquequaque sollertis Hi-  
storici videri, parce seminantium mo-  
re, dicere quædam plenius ; & omit-  
tere plurima : quasi rei gestæ lacunis  
quibusdam, per intervalla, relictis ;  
sed potius implere sulcos pariter atque  
porcas ( ut sic cum Varrone dicam )  
descriptionibus, judiciis, dictamini-  
bus, documentis, digressiunculis,  
concionibus, suasoriis, dissuasoriis,  
affectibus. In summa denique, Con-  
ditoris rerum gestarum plenioris, el-  
le ; non incedere per summa tantum-  
modo narrandorum fastigia ; sed po-  
tius stylum ad negotiorum, quæ per-  
censet, radices, ac profunda, de-  
mittere : vel in explicandis ( ut Tullius  
ad Luccejum disserit ) rerum novarum  
causis, vel in remediis incommodo-  
rum :

*Et Historia.*

rum : cùm & reprehendit Auctor ea ,  
quæ vituperanda ducit ; & , quæ pla-  
cent , exponendis rationibus , com-  
probat : & , uno verbo , liberiùs a-  
git , quàm Commentarii scriptor : cu-  
jus multò restrictiores esse limites de-  
bent. Ad hunc fere modum Com-  
mentarios suos , de bello Gallico , C.  
Cæsar festinavit , inter medias castro-  
rum turbas ( Hirtio teste ) : qui Sal-  
lustio cuipiam , aut Livio successuro ,  
præbere quondam argumentum pos-  
sent operis amplioris. Ac tametsi  
sanos Cæsar à scribendo deterruit ,  
etiam inimico Cæsaris attestante ; non  
tamen id naturâ factum est Commen-  
tarii , sed felicitate facundiâque primi  
scribentis : qui , gloriâ dictionis &  
ubertatis longiùs ablati , legitimum  
Opus compositurus , non tam adum-  
brationem fecit actorum suorum ;  
quàm prorsus umbram & caliginem ,  
splendore sui. Pari ratione , M.  
Tullius , sui Consulatus Commenta-  
rium , Græcè scriptum , misit ad Po-  
sido-

*De Commentario*

fidonium, hominem Græcum: ac  
mox alium, Latinè confectum, pro-  
misit ad L. Luccejum, rerum Roma-  
narum conditorem: ex quibus uterque  
deducerent plenioris & ornatoris  
Historiæ corpus. Ut præteream Q.  
Curtium Ruffum; cujus Decem de  
gestis Alexandri regis Libri, planè  
non aliunde videntur, quàm ex Ari-  
stobuli, Nearchi, Megasthenis, &  
Ptolemæi Lágidæ compendiis, in  
tantum, tot descriptionibus Concio-  
nibûsque refertum Opus, excrevisse.  
Nam descriptionum quidem illam, &  
Orationum militarium, venustatem  
atque copiam, nec apud illos, quos  
memoravi; nec apud ipsummet Ar-  
rianum, illis longè posteriorem, re-  
perias. Omitto Madaurensis Philo-  
sophi mentionem ac testimonium; ut  
cujus, vel ob solam obscœnitatem,  
& novati sermonis horrorem, mino-  
ris habenda sit auctoritas, quàm ratio.  
Quem sane tamen constat; Luciani,  
Sophistæ Græci, librum, qui Lucius,  
& ONOS,

*Et Historia.*

& ONOS, inscribitur, non plus decem  
aut duodecim foliorum opusculum;  
in Grandissimum Asinum, & Unde-  
cim librorum Metamorphosin, ex-  
tendisse: nominibus tantum immu-  
tatis; & Lucianæ sermonis angustis,  
in latissimum narrationis campum e-  
ductis. Sed eorum neutrum, in  
Historicorum non modò curiam,  
verum nec in Senaculum quidem ad-  
mittimus; quippe læsæ Veritatis ac  
Pudoris reos; & præter hoc, Fabu-  
latores. Mihi verò nunc de Com-  
mentariis, &, rerum verissimarum  
Actis, Digressio suscepta fuerat; for-  
tasse longior, quàm vel tua, Sampson  
doctissime, patientia sufferret: vel  
Epistolæ leges reciperent. Sed tu  
memineris, quoties meas, tanquam  
debitum legeris; & de silentio diu-  
turno questus sis? Nunc igitur & E-  
pistolam habes, velut Officium A-  
micus: & Prolixam, ceu Sortem  
suam Creditor, cum fœnore. Quò  
pertinuit igitur (inquis) hæc tua de  
( ) ( 3 Com-

*De Commentario*

Commentariis & Historiis excursio? Statim intelliges; me non præter Casam evolâsse. Tu namque, Quid agerem ego, frequenter interrogabas. Ego, quò planius quætionem explerem Tuam; tantò coactus sum altius, & à fonte, procœmiari. Nunc igitur in viam revertor. Illius Academicæ, de qua scripsi, Philologiæ, cùm mihi quotidiana pænè, sanèque dulcis, memoria recurreret: constitui denique, mecum ipse specimen aliquod, privatos intrà parietes, exprimere. De materia porrò cogitanti; commodissimum est visum, PETRI cujusdam DE VICTORIA, nobilis Hispâni, periculosum ITER AMERICANUM: quod ipse, qui cum Sociis id expertus erat, postquam, omni jam discrimine perfunctus, in sicco constitit; secum Limæ, quasi per otii lusum, in Commentarioli formam redegit, Hispâno maternoque sermone: qui tamen posthæc translatus & in nostram linguam est. Illius autem Commentarii,  
VIC-



*Et Historia.*

VICTORIAM esse, nec alium, eumque veriloquum Auctorem; deprehendere potes ex Alegambæa, tibi non peregrinâ, Societatis Iesu Bibliothecâ: si te fortè, cæterorum otiosum, ipse litterarum ordo detulerit ad Petri Goveæ nomen.

Hunc porrò Commentariolum, in multis planum & perspicuum; in quibusdam nonnihilo ficiorem, & pæne dixerim, sterilem repérimus: locis quoque non paucis perplexiorem, & tot subinde noctibus offusum (nescias, Auctorisne potiùs, an Interpretis, admissio, nebulas affectantium?) ut non rarò pugnantia; quandoque verò, nisi quis ex Historiæ Peruanæ cognitione, Geographiæque radiis illustraret, penitus incredibilia videretur, & in America mediâ Cretam, narrare. Nec me tamen absterruit hic opacus, & implexus in se lucus: quò minùs, promotò, quem susceperam labore, perumperem obstantia; difficultates extri-

*De Commentario*

tricando, discordia conciliando, languidiora festivitate narrationem erigendo; quæque supra fidem apparebant, simillimorum ab aliis gestorum auctoritate firmando; vel, causis denique modisque negotiorum & casuum eruendis, Historiæ certitudinem omni figmentorum suspitione liberando: quin & locorum urbiumque, siquas (ut sæpe) Commentarioli compositor prætermisisset, Descriptiones, quoties res posceret, intermiscendo. Breviter! quid præstiterim; siquando primum ipsum Auctoris Compendium videre tibi lustrareque contigerit, deprehendes: & difficultatum, si non æstimator, certe quidem admirator, tecum illud fortasse Virgilianum repetes; in Tenui (sed non Tenuis) labor! Nec tamen interim illud mihi Civilis Prudentiæ pronuntiatum arrogaverim: quo, Factum subtiliter Emendans, laudabilior eo prædicatur, qui primus Invenit. Namque novi vulgatum illud:

IN-

*Et Historia.*

INVENTIS ADDERE, FACILE videri. Quòd  
porrò VICTORIAM, viderem, non solùm in-  
gentes inter spes, sed insuper numeroſo cum  
comitatu, trans Oceanum deportatum; velut  
novissimum quendam Iasonis æmulum (qui, si  
fides Orpheo, non Phasin solùm & Colchos,  
verùm, Herculis ultra Columnas, Atlanticum  
æquor adiit) post tot alios, sed poëtas, ausus  
sum & ego (quanquam Historiam & professus,  
& complexus) Operi meo titulum ARGONAU-  
TICÒN imponere; verùm AMERICANORUM.  
Id autem tantò præstiti fidentiùs, quòd multa,  
per hos omnes libros, aliorum etiam Heroum  
infereretur mentio; qui, superiori maximè sæ-  
culo, factis ex Orbe nostro velis, gloriâ plus-  
quam Iasoniâ, Novas Insulas & terras aperuif-  
sent. Exegi verò laborem LABRIS (ut videbis)  
Quindecim: Quorum plerosque tamen, mi-  
nimè longos composui; Græcorum, & in  
his, Eustathii, secutus exemplum: quin &  
Romanorum, non dico Iustini, cuius profes-  
sio tota fuit, in Abbreviatione Trogi, Brevi-  
tas; sed Cn. Gellii, veteris Annalium scrip-  
toris, & aliorum. Nonnullos autem Libellos  
(maximèque Postremos) feci Brevissimos:  
ritu quidem nostratis sæculi novo; sed interim  
fortassis non ingratissimo. Quippe, post lon-  
giorum fastidium, cæterorum constructio,  
vel ipsâ successione varietate mereri veniam de-  
bet: Et libelli, cito suum ad finem fugitivi,  
tamen hoc dulcedinis habent; ut lectoris gu-  
stum, si placent, acuant: si displicent, non  
diu torqueant.

Ha-

### *De Commentario*

Habes occupationem mearum, Vir inclyte si non campum, at profecto pulverem, ludoris filium: quem tu, licebit, siquando nancisceris (nam certò mittam) utcumque merebitur, ità sub trutinam, aut vannum, voces: & vel, si videbor operam fecisse, ponderes, sin lusisse, decepisseve, ventiles & excutias. Ac certè vereor, ne de duobus his postremum malis, & deligas. Potes enim (jam dudum præfagio) meum in hoc, si non stylum, at argumentum, incèssere: potes licentià vetustissimæ familiaritatis, dicere reprehendentis indutus frontem; Cur tu rursus, in tanta splendidissimarum segete materiarum, prætermisiss grandibus, exilem Victoriā, tanquam ad seriam tibi curam, assumpxisti? Quare Profectionum potiùs & itinerum Amœnitates, quàm Annalium armatas expeditiones & castra, sequeris? Sic est, mi SAMSON: & confidentem habes Reum; cæterum, proter hoc ipsum utique, clementi Tabellā dignum; quòd is non tam suo, quàm genii sui vitio delinquit, ex tristibus curis ad faciliores quandoque lusus inclinantis. Trabeas, & paludamenta, cum Regnis Rebusque publicis, alii deducant; ad hæc talia oelliore spiritu facti: vel meametipsius serior (si Superis cordi sit) ætas. Hactenus juverit, & ignoscat, aliquantò remissioribus, inhumano liberòque stylo, thematicis indulgisse: Sicut Pictorum nonnullis, videmus, laudi potiùs, quam vitio, dari: quod ædificiis, castris, ac vultibus hominum

## *Historia.*

minum ferarumque prætermiſſis ; artem omnem , & colores , montibus , ſylvis , fluviis , æquoribus , & id genus cæteris regionum deliciis , impendant. Quod enim quiſquæ cupidiùs ac nativiùs ; hoc & feliciùs , præſtat. Puto , me , perpennis hiſce rationibus , non tibi modo , viro capaciſſimæ facilitatis ; ſed , in te , cæteris etiam , ſi non probatum , ac excuſatum iri : cum præſertim , non epistolam duntaxat meam , ſed ( quod non multò poſt erit ) VICTORIAM ipſum acceperis : cui Tu , rogo , forulum aliquem , inter Muſei tui veteres inquilinos indulgeas ; & ſi locus alius non vacat , Imaginis ſaltem Primi Sæculi Societatis ( quam ad me donum gratiſſimum miſiſti ) Grandis libri , Parvulum ſucceſſorem eſſe permittas : non , ut lacunam illius abſentis impleat ; ſed , ut liberalitati tuæ , quoties aſpicietur hic meus , gratias acclamet ; & tam magno volumini , pro quo , tam exiguus ſtat ſuccenturiatus libellus , tantò ſæpiùs & maniſeſtiùs Imparem ſe confiteatur. Adelphidem , Jocoverum , & Illuſtrium Ruinarum Propylæum , nondum tibi , quamvis toties eſt flagitanti , mitto : ſed adhuc premo , premamque ; quoad tu , Monasterienſibus à Mercuriis , nobis Caduceum , ac ſcilicet Irenem ipſam , Pacemque firmam , nunties ; neque fallas. Nunc enim , dum adhuc Martis in campo Comitia ſiunt , vix Togatis illis meis , Curiaſque locus eſt. Convitium videbitur Ignaviæ Recenti facere ; quiſquis Priſcorum Vir-

*De Commentario & Historia.*

tutibus, hac tempestate, grande præconium.  
Itaque manum, non quidem de tabula penitus  
tollo; sed tamen suspendo. Tantisper tu Vale,  
salvus ex me, cum utriusque nostrum Ami-  
cissimo, quem nôsti, quemque soles Alte-  
rum Te nuncupare. Puto, satis intelligis, me  
designare Nierenbergii felicem Interpretem.  
Eum tu beatus, è viciniore, quoties vis, al-  
lòqueris, apud Ubios constitutum; prope-  
modum (si mecum componaris) de ripa Rhe-  
niripam ad alteram, transmissâ voce: cum inte-  
rim ego, trans Danubium & ultra tot amnes  
projectus, tantùm à vobis distem. Ob hoc  
ipsum, Tu me tantò felicior; si nihil aliud,  
illud certe compendii præ me consequeris:  
quòd illi Tu Pyladi nostro, SALUTEM PRÆ-  
SENTIOREM, &, ut Propior Amicus, Dice-  
re potes: &, ut nobilis MEDICUS, Præstare,  
Monachii, prid. Kalend. Majas. Anno c10. 10.  
XLVII.

Tuus, quem ex Icaria nominare soles.

ILIBESSUS.

HIS



# ARGONAUTICON AMERICANORUM SIVE PERICULORUM PETRI DE VICTORIA.

## LIBER I.

### CAPITUM BREVIARIUM.

I. *Petri de Victoria natale solum, & genus. Ejus desiderium, Orbis Novi, maximeque Peruvii, illustrandi: cui tamen obnixè parentes repugnant. De his agit ipse Petrus Victoria, in Commentariolo Itineris sui Americani; quod, ab eo conscriptum Hispanicè, postea Germanicè versum, & Ingolstadtii typis excusum est. Pagina 1. & 2.*

II. *Patris obitu, Victoria votorum compos, Hispaniam navim solvit, in Africa confinia: non sine morsu recurstantis memoriae, de paterna domo, de amore materno, quin & ipsam Hispali; quam, una cum vicinis urbibus ac locis, obiter describit. Commentarioli paginâ 5.*

III. *Atlantici Maris amœnissimus intuitus. Petrus Victoria, rerum maximarum expectationibus impletum, ultro fortunam adversam in se provocat. Præternavigantur Africa littora Comment. pag 8. & 9*

IV. *Insulis Fortunatis appellitur navis; quas Victoria describit, cum primis verò Caprariam & Ferram narrationibus illustrat? ac proditorum in bellis obsidionibusque perfidiam detestatur. Comment. pag 10.*

A

V. Pri-

## PERICULORUM PETRI

V. *Primus America conspectus. Celeritatis nautica in pelago Vetus, ac Recentior, sed diversissima ratio. Lani magnetis acusque nautica. Insula Barlovente, ceteraque Americana: & in his Matalina, cum incolis eorumque moribus.* Comment. pag. 5.

VI. *Ad Insulam Margaritam utcumque appellatur. Ea describitur, una cum insula Cubagua, & utriusque inter sese discrimine.* Comment. pag. 5.

VII. *De iisdem Insulis duabus, maximeque Cubagua, per Hispanorum sollertiam inventis ac relictis. Narratio paullo diductior, de Christophoro Columbo, ejus comitibus, & Regulo Cubagua: deque margaritis.*

VIII. *Celocem, unionibus onustam, cum nauta simul Americano, Victoriana Navis in consortium suum assumit. A Caribana Provincia Prætor Hispaniensi per epistolam Hispani evocantur adversus Scotticos piratas in Oceano Atlantico prædantes.* Comment. pag. 5. 6. & 7.

IX. *Ducibus Acugna & Rosi, vectores animantur ad pugnam, cum Scotticis committendam. Preparatio ad navale certamen, consiliumque de invasione nocturna.* Comment. pag. 7. & 8.



Ndalusiæ, quæ pars est HISPANIÆ BÆTICÆ, caput HISPALIS est urbs; SEVILIÆ vulgè nomine, fluvioque Bæti, cujus ripis incumbit, per orbem famosa: mercibus quidem maxime transmarinis, rerumque copiâ cæterarum, quarum fructu mortales in lauto victu, vitæque sunt, celebris: incolarum tamen, convenarumque frequentia, longè celebratior: ac nobilitatis multâ stirpe splendoreque magnifica. Quam Urbem producere verbosius, non est nunc animus, neque consilium: ne scribere quibusdam studiosius quàm veracius, videat; amore natalium, & affectibus, pro more calami influentibus. Quippe paternum mihi solum, Hispalis: nomen,

VICTORIÆ LIBER I. 3

men, Petrus Govea, Victoſiarum clarâ de familia: domus avita paternaque, tum & auctores vitæ; ſicut utrimque genere fortunilque conſpicui, ſic indulgentiâ piâ filii notabiles. Nam & illos populus, ob opes & gloriam; & illi me, propter ſpem poſteritatis, in hoc uno capite ſtantem, intuebantur. Sed mater præcipuè, muliebri genio filii teneram ætatem adulata, fovebat Infantiam, amplectebatur pueritiam meam, cujus tamen jam tum aures, blandimentis mollioribus occluſæ, ſubſerocis rigoris quiddam præ ſe ferebant: ad altiora ſcilicet indole trahente; peregrinaſque, neſcio quas, glorias ac ſpes, eminus oſtentante. Deſteſtabar itaque ſegnīs otii deſidiam inexpectam; &, trans cognitum Solem exporrectis deſideriis; Ulyſſis, Jaſonis, & ARGONAUTARUM, labores curſusque, cum eorum Erroribus, animo volutabam. Neque parvum propoſito magno calcar addebant; quotquot ex Inſulis, aut exterâ continenti, quotidie remeantes, longè diſſita referebant: Fortunatas, Braſiliam, Mexicum, Caſtiliam Auream, Hiſpaniam Novam. Hiſpaniolam, longiſſimeque ſupra pelagus Atlanticum projectas Philippiſinas: ubi ferebatur, in Orientem ſuum, abſoluto curſus circulo, Sol noſter Occiduus revolvi. Sed cupiditatum acerrimus ſtimulus, Peruvianus Orbis, Mexicanas inter & Antarcticas plagas, in obliquum jacens, alliciebat *Novorum admiratricem Adoleſcentiam*; cùm, præter regionis peregrinam faciem, jaſtarent maritimæ plagæ theatrum; aëris clementiam; montium aurum & argentum. gemmarum foſſilium latebras; æquorum pacifica monſtra, quarondam urbium magnificum nitorem, ac regionis luxum: &, ſi quid præterea, poſt Americum Veſputium, aut Columbos & Pizzaros, audaces nautæ, vel viſum reppererunt, vel hauſtum fabulis nuntiârunt. Hæc omnia, rariorum avidam mentem impellebant, ad

extera sequenda. Quibus accedebat, animicelsioris incontinentia ingens, experiundatum difficultatum altus impetus; cui, longinquis in Navigationibus, nunquam deesse materia virtutis posset; & super hæc, quotidianis incrementis gliscens, libertatis amor; domesticæ disciplinæ repagula perumpere, pædagogique dictaturâ tandem extolvi, præpropèrus; vix aliâ magis se pueritiam, quàm observatoris oculo, cruciante.

Cæterum huic obstabat consilio primùm omnium, communis parentum reverentia, præneque terror quidam Filii vortum, quotidie jactatum, aut amaro cum risu discutientium; aut, ob oculos posita roboris & annorum immaturitate, detestantium. Nec enim duodecenniô (sicut etiam) tunc primum excedentem, Navigationibus, & periculorum incertis, fore parem: quæ res dua non pueros duntaxat, sub Hylæ fabuloso nomine; nec solas Ariadnas, sub iisdem figmentis: sed proflus Hercules ac Theseos, virilis audacia nomina, f. egissent. Ducum, & Heroum esse tales animos, tales spes: & ideo Duces, & Heroum vires quærere; non Puerum, adhuc bullâ nitentem, & nisi pudor audacis pestulati deterret, crepitacula crepundiaque quassaturum. Vbinam lacertos illos, & firmitudinem? ubinam ingenium, prudentiam, experimenta? Quem, & unde, rerum usum, alienas gentes ac mores invasuro præstatum & præscriptum? Pubertatem adhuc longè; quanto longius Indias, & totô Cælo sepositas Insulas, pusioni jacere: vix paternorum penatium limen, citra nutricula comitatum, transgredi sucto? Quid aliud hac intempestiva desideria, quam anicularum deliria, quàm infantulorum somnia, quàm prægnantium picas, & in pariete depictorum militum, cum umbris digladiationes esse? Quiscerem igitur: & intra vastos securosque felicitis Hispalis muros, mihi pro certo proponerem; universum esse Terrarum meliorum Orbem inclusum. His Parentum dictis, tanquam  
ascia

ascia quadam, præcisæ Spei ramis, veluti Truncus & rude lignum, intrâ patrios hærebam parietes: contentus, dum fors melior se daret, sienti mecum murmure premere devorareque dilatas cupiditates.

II. Sed (sic Numine disponente) non ità multo post, toties iterato, jamque pære contempulo postulato, latius ostium casus patefecit. Pater enim, quò nemo contenti suus obstitit; die suo clauto, mortalitatem tandem, & imperium domûs, explevit: matris fortunæ omnibus, & unico filio, cum vacuo thalamo, relictis. Hujus ego viduitatem, vixdum perfolutis Inferiis, intentius aggressus: omnes rationum & argumentorum arietes adolvebam; quibus animam illius flexiliorem (& tunc solitarium, mœroribusque luxatum) in consensum perpellerem, & expugnarem. Neque defuit importunitati successus suus. nam illa, sexui luctuque sueta lamenta, facillè diluebam constantia: cùm mater Solitudinem objectaret suam, & cum juvenia formam, contumeliis obnoxiam; si testis ego, custosque decederem: cùm ætulatæ meæ teneritatem insequeretur; & in corpore quantumvis fortiusculo, tertium decimum nondum expletum annum: cùm lacrymas, cùm ploratus suos, funebreque peplum, cùm paternos conjugalesque manes, & omnia discessu meo turbanda, crepitaret. Quæ posteaquam bona mulier (& filio, quàm sibimet, indulgentior) diebus aliquot occinuisset; id totum vox una mea, tanquam clypeus quidam, retudit ac perfregit: cùm reponerem obnitenti; *Victoriarum* universo sanguini suetum atque gloriosum, & Matri quondam lætum plausibileque futurum: quandocunque per famam ac fortitudinem inclarescerem. Tunc enim verò, minimè pugnacis mulier indolis, acquievit: suisque posthabitis commodis, filii votis generosis manum dedit; ad quas



quascunque vellem terras, commeatum & vitæ subsidia pollicens. Ità prorsus nihil est, quod non precum importunitas, & obstinata voluntas, extorqueat: *Certòque (nescio cui) Sanguini cedunt adamantes; & assiduis natorum assultibus, maternus affectus atque Sanguis.*

Tam secundo Successu lætior ego; premendamque, nequis corrumperet, occasionem ratus: irremem Hispali reperio, pronò Bæti delapsuram in Freti Gaditani fauces; & hinc, per Oceanum, Carthagénam Americæ Septentrionalis urbem, procurfare certam. In hanc, cum focis, & multa vectorum remigumque turba, tanquam Novam Argo, cum inscendissem; Quod bene felicitèrque succederet! passis velis è navalibus provolo: Matre manum filii, tanquam vaticiniò quodam ultimi conspectus, arctius teneriusque stringente; littinque siccum copiosis fletibus irrorante. Nos autem, Jasone firmiores & Theseo, Bæti nostro supremum decurrimus, flumine gentilitio: quod Trisci Tartessum quoque, recentiores autem, Arabicà barbarie, Guadalquivirum nuncuparunt: quasi dicas, Fluvium Magnum. Hic alicubi vadusior, plerumque tamen iustissimo profundo (quod & ideo navæ sequuntur) in Atlanticum se Mare provolvit: ostio, leucæ nostratis spatium in latitudinem æquante. Læva Gades jacebant: ac paullo semotius, Fretum strepitabat Herculeum, compressis littoribus arctatum. At ex obliquo latere, propectis in altum: Africæ celsiora, primaque montium dorsa, renidebant: & Mauritanie citerioris vestibula. Dextra vero Lusitanie supremus ad Occidentem angulus: Sacrumque, quod appellant, Promontorium remicabat. A fronte, quacunque ferrent oculi, totius Atlantici maris immensa vastitas, placidissima fluctuum, sed nonnihil crispante planitie, procumbebat. Hoc æquor



æquor Aegæum, hoc Euxinus mihi Pontus, ad meos Colchos, erat: certò destinatoque mentis (ut putabam) robore; quidquid post tergum reliquisset, oblivione sempiterna sepeliendi.

Sed, ut videas *natura motus primos incemendabiles*, & *affectuum indomitos spiritus*: tamen si rationis lupato regere coneris: primam ego statim noctem, in navi sine somno duxi. Recursabant curæ vigiles; &, cum amabilis materculæ mœsta recordatione, turbidissima penarum paternorum desideria. Tamen, utcumque sit, *Invenculam esse, nobilis ortus, totius jam domus subsidium*; & interim intimo nunc fulcro destitutam: placidam moribus: compositam animi dotibus, supra sui sexus leges: indulgentem cum temperamento; severitatis ac blandimentorum mediam. Et, quod his omnibus vivacius mentem penetrabat, Ex illo, nec alio sanè, Petrum Goveam utero progressum esse; qui nunc tamen fugeret eam, cujus pectore lactatus esset. Ut omnia cetera deleret Oblivio, Longi temporis certissima Filia: Genitricis certe nomen, & teneritudinem, expungi corde nullis saculis posse. Quæ cum mecum ipse crebro cogitarem, ac dicerem; fluebant (neque dissimulaverim) repugnantis per genas, tacitæ jugesque lacrimæ: non sine flagrantium genarum purpura: quarum ruborem (alioquin *erubescere nescia*) tristis illa nox totidem, quot refulgebat, sideribus, in lucifugis meis luctibus accendebat. Ac ne patriæ quidem urbis, & Hispalensium deliciarum, in imagine memoriæ meæ silentium erat: cum inquietissimus cogitationum turbo circumtonaret animum, in totius Bæticæ recordatione demersum, &: *Illam, illam* (diceret) *relinquere terrarum partem potuisti, quæ partes orbis omnes post se felicitate relinquit? Illam utraque ripa pinguem & uberem amnem? hinc quidem cum Iulia, cumque Sala Carissaque Constan-tiam, Sanlucaris oppidum, ac Trianam? ulteriore*

vero *Betis* ripa, *Palantium*, *Cabéas*, *Nebrissam*, & alterum illud *verustiusque* *Luciferi* *funum*? *Præter* hac, in medio (quæ se partitur *fluvius*) *spatio* *sam*, ad *Syenæ* *Ægyptiæ* *modum*, *insulam*, *juventutis* *Seviliæ* *lufibus* *sepositam*? *Parva* *sunt* *hæc* (*ingerebam* *ultro* *mihi*, *mœtoribus* *augendis*) *Potueristi*, *malè* *sane*, *potuisti* *valedicere* *siccis* *oculis* *Hispani* *tuæ*, *tot* *aliarum* *urbium* (*nisi* *quis* *vera* *negat*) *Gemma*; *si* *quis* *autem* *invidet*, *etiam* *Reginæ* *Succine* *posthac* *cariturus* *es* (& *hoc* *quidem* *seculis* *perpetuo* *secuturis*) *illius* *urbis* *pomæriis* *amœnissimis*? *illis* *magnificis* *mœnibus*, *atque* *propugnaculis*? *illis*, *tanto* *structis* *ac* *ductis* *impendio*, *fontibus*, *canalibus*, *viridariis*, *pratoriis*, *palatiis*? *Portes* *illud* *deferere* *memorabile*, *quoque* *decentius* *nec* *omnis* *habet* *Hispania*, *Capitolium*? *illam* *Speciosè* *DEIPARAE* *clarissimam* *verèque* *regiam* *basilicam*? *cujus* *amplitudini* *majestatique*, *cujus* *lato* *pariter* *ac* *venerabili* *splendori*, *vix* *orbis* *Christiani* *templa*, *simul* *juncta*, (a) *certent*? *Et* *non* *erit* *deinceps* *in* *oculis* *tuis* *illa* *celssissimi* *fastigii* *Turris*; *unde* *latissimus*, *ac* *voluptatis* *plenus*, *in* *circumjectas* *plagas*, & *in* *ipsam* *propemodum* *Africam*, *prospectus*?

III. HÆC ipse mecum, pugnante phantasmatorum vicissitudine, donec dilucesceret, agitabam. Sed tunc, occurrentibus alterius & recentioris cujusdam amphitheatri spectaculis: priores mentis imagines (ut assolet) posterioribus cesserunt. Id, Oceanus erat Atlanticus: cujus paullatim, magis ac magis, rota prodibat in conspectum facies. Hoc mare cæteroquin, Hispani Gadiumve sinu solventibus, plerumque sub principia navigationis procellosius, inclementiusque nobis, cum omnium admiratione, secundiore divino favore cursum indulsit; tanquam per otium, & non per laborem atque periculum. Illius igitur usus ego blanditiis: ex æquoris aspectu mille voluptatibus oculos pascebam: mille considerationum lufibus animum differbam.

rebam. Arridebat, in immensa diffusum spatia, pelagus; & in unum collecta visus compendium (immaniter alioqui distantia) Pontus atque cœlum, inflabatque blando miraculo, non affluctis intutibus, aquarum sine fine campus; & vibrantium fluctuum, quoties vento sinuarentur, crispatis fulci. Tantaque spectandi dulcedo viscavit intentum animum: ut me neque sœta novitiis vectoribus nausea multum avocaret, & insuper juxaret stantis malaciæ blandus viror, cœrula subopacus umbra, subindèque solatibus etiam radiis gratiosus. Tunc enimvero vel maxime, tanquam indicto navigationis iustitio, deliciis imaginationum me pascebam: sexcenti que dispositis in mente votis, aliud ex alio desideriorum solum trahebam nunc, quidquid optando comprehenderem, id indubitata sorte processurum: nunc, quidquid unquam veris vanis præconiis Hispania jactasset, ex *Indipetarum* ore: totum illud fore meum. Alias Americæ veteres opes, ac, nescio cujus Granacaxæ regis, solidum auro palatium, cupiditate volebam: tanquam alter Iason Aurei velleris rapinam. Interdum & terrarum undæque prodigia, Cete, Sirenas, Glauco, ac quidquid longè pêtita credulitas fabulatur, itineris longi levamen mecum mihi fingebam, Immo (si qua fides juvenilibus, & adhuc inexpertis, impulsibus est) ipsas molestias ac tædya, quorum fertilitate redundat mare, diligebam. Venirent sanè ventorum adversi flatus! ingruerent cum procellis & tempestatibus decumani fluctus, typhones, naufragia! descenderet, & incumberet meo solius capiti, cœlum omne cum nimbis suis: & cum aequatum furore Neptunus totus! Inventuros parem tot malis VICTORIAM: & in pectus, solidè præparatum, concursura calamitatum prælia. Fluctuarem sanè, quotidieque perirem: dum modo curiositati meæ nullum pelagus, nullus Orbis angulus, vel clausus esset, vel inexploratus. Tales

inter Fortunæ provocationes, animus ibat: & unâ, triremis nostra. quæ primum quidem secundum Mauritaniam littora, tranquillè deductos, Fessani regni cuidam portui nos applicuit: quem La-Rachium nuncupant. indè, litus idem obliquo legentibus cursu, Salam, flumini (quem Rebatam dicunt) impositam urbem, ac Portum: post Hainocallam, Benizium, Titam, oppida navaliaque maritima, deportavit. Donec, ad lævam tandem, omni prociù excùsa Mauritania, Marocchianoque regno, maris alto transversis velis influximus; & Africam radere destitimus. Ibi malacia nos affixit; nec molesta tamen, neque diuturna. Quare, revulsis anchoris, & in Oceani vastitatem emota triremi: velis, remis, & vento Cæcia pariter colludentibus; ad eas, quas nos hodie Canarias, prisci Fortunatas etiam dixerunt, insulas adpellimur.

IV. HARum, indetortò servatò procursu, sineque navigationis ambagibus, spatium, ab extremis Hispaniæ finibus, est trecentarum Lencatum. Contra Mauritaniam, quæ monte premitur Atlante, sitæ sunt? sex quondam numerò, nec non diversis ab appellatione nostrati pleræque nominibus; cùm olim *Ombrion*, *Iunonia Prima*, *Iunonia Secunda*, *Capraria*, *Nivaria*, *Canariæque* dicerentur. nostra vero tempestate Septem inclaruere; quarum nomina celebrantur & loca, *Lancarota*, *Forteventura*, *Grandis Canaria*, *Tenariffa*, *Gomera*, *Ferra*, *Palma* [b] repetitæ nostris ab hominibus, & pariter appellatæ, sub annum salutis millesimum quadringentesimum quintum. Hæ cunctæ vetustam *Fortunatarum* nomen emeruerunt aëris clementi genio, fructuumque tum felicissimo proven-  
tu, tum copia. de Septem autem Insulis ea, quæ potior; quia *Grandissimorum Canum* jam olim multitudine redundavit, CANARIAE nomine sè-  
que sororèsq̃ue suas, per orbem traduxit: durat-  
que

que sæculis etiam nostris, ignobilis tam nobilium insularum nuncupatio.

Porro placidissimam omnes cœli plagam fortis sunt; quippe sub Cingulo temperato sitæ; propterea quod, ab tricesimo ferè gradu positionis Arctosæ, per transversum jacent; octonis propè Gradibus ab Æstivo Tropico remotæ. Multaque sunt, quæ Fortunatas nobilitent, non hodie minus, quam olim: justis aliorum scriptorum voluminibus memorata. Cæterum ego cum singularum, uti quæque recenscebatur, nomina mirarer: &, ungue rosô, mecum rationes appellationum exquirerem; vidit hoc de vectoribus quidam, maturus (quantum apparebat) & longo maisi usanequaquam Canariarum hospes.

Hic ad me conversus: In vocabulis, inquit, hæere te, noto. Singulis quæ causæ, quæque sint origines, discutere longum esset. Ego solius Caprariæ titulum, in exemplum tibi cæterarum exentero. Quid est? inquam ego. Caprisne, sicut illa Grandis Canaria canibus, abundavit? Et ille; Non multum, inquit, abis à vera conjectura. Capraria, quam vides, ista, primum Inaguâ dicebatur. At Hispani [quorum regibus nunc omnis hic insularum ordo substernitur] cum in eam principio victricibus armis penetrassent: adverterunt, lætissimas segetes non aratro, non vomere, non bidente bipalioque, vel sarculis, ac ne boum quidem ungulis, exerceri; sed (quod stupas) capris in juga sociatis, & inæquales ramosque truncos per jugera trahentibus, (c) indigenas fregisse terram, & comminuisse glebas. Caprino præterea cornu, nec alio pastino, specus & latibula montium, in hyemis suffugia, tanquam domos, aperire solitos.

Hic ego, narratiunculâ fidei tam probabilis non indelectatus, longius arcessere præcedentium sæculorum annales sum cersus: &, complaribus in-



terrogatione ventilatis, sciscitari tandem; siquid de Ferrea quoque, quam nominarent, insulâ comperisset? Non cunctatus ille; Bene, bene mones, inquit, nam nec hujus quidem Insulæ memoria sub rubigine jacere debet. Ferreum (ut scias) illi cœlum, ferreum terræ solum; quod inter ænigmata numeres, in tanta gignentium fertilitate. Sed, mihi crede; Durus illis (ut dixi) Sol; adamantina sidera, noverca tellus, videri poterant: cum anno toto nec pluvias deorsum cœlum dejiceret? nec rivos fontesque sursum humus propelleret. Ergo siti perpetuâ plantæ, segetes, animantesque marcebant: & vacassent cultore terræ; nisi mirabili quodam ingenio natura parens succurrisset. id tale fuit. Quotidianis ardoribus, quantum fuit vaporum, attractum, & in nebulam collectum; per vespertinam in aere pendeat. noctu verò (quo tempore cœlum alibi rorat) & ante crepusculum matutinum, descendebat: neque tamen, uti nebulæ nostrates, fortuito, vel in quemvis subjacentis soli tractum; sed in locum, quasi præcæteris dilectum. ARBOR enim stabat, in insulæ propè medietullo, spatio diffusa; foliis, æterno virore latis, densa turculis, & opacâ ramis. Nuci ferè similis, sed peregrinioris fructûs atque generis (d) Muris eam & fossis inseperant incolæ; non aliter, ac nos, siticulosi in locis, publicos fontes atque puteos. Et revera fontis erat instar stirps illa. nam humor iste, quem dixi, per noctem omnem in aëre suspensus, sensimque recidivus; posteaquam ipso moræ tractu coaluisset in Nubem, incumbebat arboris illius cacumini. Roscido deinde lentoque stillicidio resolutus, omnes imbuebat ramos atque folia: quem, sub lacis exortum, quassatis furculis, in subjecta vasa doliaque decutiebat: hominum pecorumque solo quidem & unico, sed copioso tamen quotidianoque refrigerio. Poterant hoc subsidio nostrorum hostilitatem mul-



multos in annos Ferreani distinere; si Nubeculam illam & Arborem in ditione tenuissent. Ac certe stupebant oppugnatores Hispani; quid tandem obiectis, in communifontium penuria, tanto coeli fervore, sitim mitigaret? Iamque de solvenda, quam tot mensibus urterant, obsidione consilia, desperationi proximi, volutabant; cum, ecce tibi, scortum insulanum perplexis rebus, operam interposuit. Hæc libidinosa mulier, ne continentioris linguæ, quàm sexus esset: non contenta sagacis naturæ vulgare mysteria, quibus sui cives ad eum usque diem sustentati fuerant; aditu per lenocinia meretricia reperto, post proditum corpus suum, etiam murum ac munimentum cum Arbore, suis amatoribus, patriæ libertatis hostibus, vendidit & subegit. Arbore sub potestatem Hispanorum redacta; spes pariter & animus, ac libertas Ferreanorum, concidere. Maluerunt enim, sub alieni dominatûs iugo, jus suum; quàm, sub intoleranda siti, vitam & animum projicere. SED tamen lascivam perfidiam, capite postea meretrix luit; popularium suorum mutnô dolo, procul, aliam in insulam, arcta; patriæque pessumdaturæ, tanquam in iniferas & funebre solatium, jugulata; non improbantibus, posteaquam de supplicio compererunt, Hispanis. Hæc cum diceret ille, quem memoravi, vector; exclamat, qui tertius nobis assidebat, Sacerdos quidam Castellanus, & : *O, factum fortiter (inquit) ac secundum talionis leges! Sic, sic omnis perfidia ruat in auctores suos! Sic, & non malis artibus, vincere persistat noster sanguis, Hispanus miles! vel certè, si peregrinas & inconductas aliquando fraudes, ex eventu verterit in suas occasiones & victoriam? prodita teneat, proditorem excreetur. Alioquin si sæpe nobis Tarpejâ sit opus ad Capitolia perfringenda? si, Trojanum ad excidium, Sinonis artibus, & Helenapravaricante? si Scyllæ fabulosis amoribus, ad Nisi regis*  
pur-

*purpureum & capillare fatum; aut Romilda [e] nobilibus historicis ad Forum Iulii capiendum: Si denique bella vel nulla gerimus, vel nulla conficimus, nisi per Scorta; quem, quaso, speciosis sub Arcubus, immo Fornicibus, triumphum ducemus?*

V. HAEC nobis, narrationum grata vicissitudine versantibus; secundus ab tergo ventus, & mox excitator, supervénit; In parato jacere pontones; navigationis momentum instare: properaremus, si, præter Canarias, alium etiam Orbem, & Americas, cogitaremus. Ad monentis igitur vocem, nulla mora, pariter consurgimus: &, in pristinam recepti navim ac stationem [quodque Calites omnes approbarent, precati] cursum relumimus. Is fuit, sine diverticulis; ac nullis exscensibus interruptus. Nec adeo multi dies interfluxerant, cum, apparentibus eminns veluti quibudam montibus, conclamare nautæ cœperant, Americam, Americam! &, Se Primas alterius Orbis insulas conspicere; Se Caribum littorales Alpes agnoscere. Mihi miraculo Navis nostræ celeritas erat; ut, quæ die, non amplius quinto decimoque, quàm Europæ conspectum reliquerat, jam primas Americæ frontes & vestibula, nobis commonstrasset. Cui vetus ille meus, qui Canarias mihi nuper explanaverat, polyhistor; Parùm, inquit, est hoc; quod tu nunc primum, tanquam infuetum, stupes. Priscis quidem temporibus, cum adhuc, sicut omnia cetera, suis in incunabulis [ut sic dicam] Ars jacéret nautica, nec, præter Thessalicam Argo, facilè classis ulla miraculi colorem haberet; tardis remigiis hæc tabulæ natantes incedebant. Nam, vel à littorali deligatas loro puppes, secundum continentis oras, agebant; Actam legentes, ut Securitati cursûs consulerent. Vel (ut Phœnices ac Græci remiges) ab alterutris uris cœlestis, certorumque Siderrum motu pendebant, indimota vigilantium oculorum

lorum custodia. Vel [f] extincto cœlo, stratisque ventis, Aves emittebant; continentem alicubi, vel Insulas, perito volatu petituras, & hoc ipso classibus aliquid de via meliore locuturas. id quod Taprobanes institoribus fuisse familiare memorant. At hodie posteaquam excogitatum Ferrum est, cujus lingulam mucronemve Magnete gemmâ perungunt, hoc est, Acus, quam dicunt plerique NAUTICAM, hanc jam solam (sicut ipse vides) sedens in puppi naucierus in conspectu semper habet. Ex hujus, in partem omnem conversione; tanquam ex Dodonæis quercubus columbisve vaticinans, omne gubernaculi regimen solis pæne nutibus attemperat: & magistro navis, remigumque directori, celeritatis tarditatisque, recti deflexique cursûs leges, sine naufragii periculis & metu dictat. Quô fit, ut, Cæciis maximè flantibus, & Hispanas triremes à tergo trudentibus; horarum non amplius quaternûm ac vicenûm intervallô, centum milliarium Germanicæ Geometriæ (putà, Ducentarum leucarum horarûmque) spatium maritimum, quotiescunque volumus, vulgò transcurramus.

Quibus dictis, ego magis, quàm priûs, attonitus; Credere tamen peritiori malui, quàm Pelagi vias ad calculum, scrupulosa supputatione, redigere. Stabat inter hæc magis ac magis in oculis Novus orbis; augmentibus cœpti clamoris lætitiâ, quotquot eum eminus agnoscebant, jam antehac adiutum. Nongentorum millium intercapedinem ab Africæ postremô portu, peritiores Pelagi mentefores numerabant. quô percursô spatiô; primas Americani Maris ad insulas proram adjecimus,

Harum insularum ingens, in hemicycli figuram numerus, ab Australi Maris Atlantici tractu jacet; & flexu curvato, sinuatur in æstivum Occidentem; ad Insulas usque, quas nostri Barloventas appellant. Eas distare compertum est ducentis circiter passuum

um millibus à continenti: licetque ( siqua Fides expertis ) è locis editioribus oculos , hinc quidem ad Floridam , illinc autem ad Patagônum usque terras , & ultimis Aultris vicinam Chicam , immensissimo spatio , circumferre. ( *g* ) Sunt in his , insigniori nomine , Diva Lucia , Tabagus , Barbados , Guadalupe , Desseada , Bartholomais , Granata , Barbara , Martinias , Anguilla , Sombréra , Virginésque : cujus postremi nominis amplius quinquaginta recensentur. Cingulam est hoc Insularum exterius ; & ab litore longius discedens. Interiore verò fluxu spatæ jacent , Vincentia , Martinina , Marigalanta , Monserrata ; cùmque Divæ Crucis , Insula , quam Aves dicunt ; & Estasia Principem in his omnibus locum , sicut & medium pæne situm , tenet Martinina : quam & Matitiam nonnulli , quidam etiam Matalinam , indigitant ; portu commodam , & aquationi peropportunam Cæterum , omnes has insulas , ad usque Barloventas , Caribum gens ( seu Canibales ) suis lembis & excorsibus infestant , effera natio , deque linteibus , quos Canôasipsi dicunt , grassari solita telis veneno tinctis ; agitare terrâ marique ( tanquam in saltu bestias ) humana corpora quotidianis venatibus , & comprehensa , sine discrimine truculentèque , jugulare : mox , cocta crudave , nullo gulæ distinctu , devorare. Quo factum ; ut Caribum quoque Canibalumque nomen hæc fortiantur Insulæ : quoniam complures earum , quæ præsidia deficiunt Hispanorum , vel tenent illi , vel terrent ; quippe propter desertas litorum , & interiùs jacentium terrarum vastitates , barbarorum ac latronum asyla : nec non perduellium , & quisquis Christianam servitutem fuga rupit , perfugia , dolosæque receptacula. ( *b* ) Cæterum nos , jam pridem dulcibus destitutos ad potum undis , ad se Martinina pertraxit ; aquationi , cujus ipsa perliberatis est , intentos ,

VI. SIC, paucis insumptis ad necessitatem & quietem diebus, cursum resumimus: &, prosperè nos ferentibus Furis, post dies item non multos, in conspectum Insulæ cujusdam, vulgo Margaritæ, decurrimus. Hanc falso quidam à Diva Margarita Virgine, nuncupant; cùm istud sibi nomen ex meritis & opulentia sua, non ex Patrocinio vel auspicii, induerit; unionum quippe (quos & margaritas Græci Romanique dicunt) in paucis opulens & copiosa. Nec tolerabilior eorum error, qui cum Margaritarum Insula, Cubaguam confundunt. Quanquam enim mari cingatur utraque, quanquam litus utraque meridianum urgeat, ac neutra priores alterutri concedat, unionum piscatu vel copia: tamen penes Cubaguam vetus opulentia, cum veteri dissonoque nomine, penes Margaritam autem divitiæ simul, & vocabulum recentius, hæserunt. Distant præterea locis, haud exiguo (quod compérimus) litorum ac maris intermeante spatio: quod Cubaguam ad Orientem, Margaritam autem ad Occasum (interponentibus se Testiganis Insulis) semovit. Neque minus est inter utramque, seu telluris, à magnitudine; seu fertilitatis, ab indole, dissidium. CUBAGUA namque, passuum millibus haud amplius octodecim spatiosa, si Margaritis destituatur, ac Nitri spuma, quam incolæ legunt: inter despectissimas marium terrarumque particulas jacebit: sordida, squalida, cælo soloque juxta sicca, sterilibusque: nullo neque graminum, nec herbarum aut olerum, ac ne cæduarum quidem, adjumento vel solatio. Sine fontibus præterea, cisternis, puteis, atque rivis: dulcium laticum egestate, quotidie cogitur in continentem meridianam aquatum excurrere; septem millium intervallo, quo fluvius Cuama dirimitur à Cubagua: cujus ab ripis undam potabilem petunt, ac reportant.

AT Margaritarum Insula, tricena Germanicæ  
Ge-



Geometriae milliaria circumplexa: tametsi fontane subinde tam inops, ut æquali pretii pondere, vino refertus cadus, & alius unda, venum eat: tamen, hac maximè tempestate, commixtum terræ solum, pabulo, plantis, frumento gentilitio (quod Maizium Americani dicunt) sale præterea, cuniculis, & armentis, super unionum ingentem copiam, pæne luxuriat. cum horum, è diverso, plethorumque Cubagua, terræ quadam intractabilitate, sit incapax: exasperante præsertim agrorum fastidium indigenarum ingenio: quibus alicubi nihil ferocius. Horum fuscus color, capillamentum raturum, barba nulla, victus ex ostreis, quid possunt in hominibus illis aut magnum, aut bonum, aut humanum, polliceri?

VII. CAETERVM ego, cum dictum aliquot ingratum otium traherem: luce quadam, productis in multam vesperam sermonibus, interrogare cœpi, super origine nominis, quo MARGARITARUM Insula præ cæteris triumpharet? itémque, quibus principiis, & hæc, & Cubagua, se Regibus Hispanis præbuissem? ut quibus vel sola posterior, ex unionum annuo quincunce, perhiberetur nummum Aureorum quindena millia, fisci censibus locupletandis, inferre. (i)

Sciscitantis sermonem excepit idem ille, qui sæpius antehac: verteranus, inquam, Polyhistor; quem inter ARGONAUTAS Orpheum dixisses Naupliam: aut inter Græcos ad Trojam, Nestora Neleum; ut, cujus ab ore (non minùs, quàm Orphæo Nestoreoque) melle dulcior plerumque fluere oratio. Talis hic, plurimi Maris & experimenti vir, neque rudis annalium gentis nostræ;

QuAEDAM, inquit, loca, sicut homines, ab inveterato nomine nuncupationeque, peragrè decedunt: ibi præsertim, ubi pertinax indigenarum indoles accessit ad consuetudinem; quibus odiosa spectaque Novitas omnis est. Ea si non obstitif-  
ser,



fer, CUBAGUA diceretur hodie PRIMA MARGARITA: Secundæque nomen altera sortiretur. nam aliquanto prius ad illam est, quàm ad hanc, commerciorum factus gradus: donec, etiam ad Occiduum Insulam promotis velis, utriusque Piscatus intravit unam in sagemam & lucrum Hispanæ felicitatis. Id in hunc modum evenisse, de majoribus ego comperi.

*Christophorus Columbus* (is, qui primus, Castellanorum regum auspiciis, Occidentales Indias detexit) quater omnino Calibus, quas Males cognominant, solvisse dicitur; & Oceanum pervagatus Atlanticum. Cæterum illâ navigatione, quæ serie tertia, fertur in annum incidisse millesimum, quadragesimum, nonagesimum septimum octavumve (namque variant rumores) CUBAGUAM eam ipsam, de qua tu, VICTORIA, quæstionem moves, attingit: instructa rebus necessariis classe, sed haud quaquam populosâ. nam prædiis Dominicam, cæteraque nostratis juris Insulas, firmaverat. In anchoris fluctuanti prætorix navi, Tabagum inter & Cnbaguam, ac littoris insulani faciem eminus speculanti, piscatorum se globus offert, operi gnaviter intentus: nullo tamen (quod vehementer nostri mirabantur) in exonerandis retibus pisce, vel aliâ maris vivâ prædâ, renidente. Columbus igitur, expeditâ scapha de suis, quas ad prætoriam deligatas circumvectabat, mittit animosiores: qui de piscantibus exceptos, ad sese pertrahant, sciscitatum; quod genus negotiationis, aut artis, quæstusque sequerentur? Sed Barbari, quod res erat, suspicati: simul peregrinarum magnitudine navium perterrefacti (multò namque minores ipsi Candas, nostrisque scaphis contemnendas, agunt) in litus Cubaguanum priores evasere: subductis eodem momento lembis quoque: quos, more gentis, de palis littoralibus revinxerant. Ibi jam, in tuto constitutis, & globatim vi-

ris fœminisque spectantibus; esse miraculo classis Columbæ, prætorix granditas, remorum ordo, velorum ac rudentum volatus & iniquies, habitus omnis atque cultus classiariorum, barbarò mentò virilem majestatem ostendantium. Stabat in eo cœtu, cujusdam de piscatoribus uxor. hujus colum, dens à lucentium margaritarum serie coronatam, conspiciatus è Castellanis nautis unus: cùm non dubicaret de muliebris ingenii levitate, quin ad permutationem nullo negotio, soloque curiositatis studio, petraheretur: de *Patellis è terra Malacitica* fictis, & præsigni nitore lucidis, unam aliquam protulit, ac perfregit. Mox, in littus concepto saltu, fragmenta raræ testæ (rem, nulli barbarorum ad id usque temporis conspectam, ac propter hoc ipsum pretiosam) ad omnes mulieres circumtulit. Earum pleræque baccatæ, monilia sua Castellano concesserunt: fragmenta luti Malacitici, tanquam dignum pretium, receperunt. Ità nauta, pro rei minimæ dispendio, maximas opes reportavit.

*Columbo* primùm ea res videri permira; potine magis, an sobrii barbari, negotiationem tam disparem inissent? An ex ipsa potiùs copia, merci tam pretiosæ vilitas annasceretur? Alios igitur aliosque submittere, lembis alteris atque tertiis: quorum pars nolas ac tintinnabula; pars acus nètricias, & sartorias forficulas; nonnulli de *limo Valentino* fictiles patellas, ac fragmina, venditarerent, & invicem ipsi margaritas licitarentur. Valuitque successus. namque nec istis emprores emptricisque defuerunt; & nostri, pro suis nugis, sex ampliùs margaritarum libras retulerunt, variante quidem baccarum magnitudine: cæterum nulla fraude vitiatas, aut degenerantibus, unionibus. Ibi *Columbus* exclamasse perhibetur, *Commilitones! rem factam habemus!* in parte terrarum ea sumus, quæ facile *Croesum* etiam, & avaritiam *Mida*

lae satiet! statimque littori prætoria applicuif-  
fe.

Confluente tantisper Insulanorum omni multi-  
tudine ( sed exermi ) totumque littoris marginem  
prætexente; *Cumânas* quoque, *Cubaguar* tunc re-  
gulus, famâ nova gentis excitus, supervénit. Is  
Columbum, per sermonis interpretem, prolixè sta-  
tim ac perquam humaniter invitare: suas, quantulas-  
cunque facultates, & hospitiû offerre: denique  
multis orare Ne dubitaret navalibus néve tectis, suc-  
cedere. Sed Columbus, ut in in re nondum explo-  
ratissimâ: prætereâque sagax cumprimis, distingue-  
re promissorum constantiam à facilitate verborum,  
officiique simulatione; perplexus hætere, loco per-  
sistere, moras quærere nectereque; prorsus nec  
homini se, nec cœtui pollicitisque, præceps cre-  
dere. Cùm interim, de *Cubaguanis* simpliciores  
quidam, &, qui cæteros omnes è sua sinceritate  
moribusque consuëssent æstimare; Columbi na-  
vim ac lembos ultrò conscendere: miratique ve-  
stium, barbarum, & gladiorum habitum; postea-  
quam etiam farissas *Hispanicas*, ac formidandas  
acie curvatâ bipennes, viderunt: & ad extremum  
immanes quoque tormentorum militarium ma-  
chinas considerârunt: in ultimum stuporem dati  
sunt; ac jam non inspicere tantum revererique, sed  
prorsus, tanquam cœlo lapsos, adorare cœperunt.  
At aliquanto major ab nostris stupor & miraculum  
invaluit, tot millium unionum contemplatu, quibus  
*Cubaguanorum* omnium, in comitatu Reguli sui,  
cervices circumfluebant. Hoc enim verò dignum  
tot periculis, tot Syribus, & naufragiis, ac mor-  
tibus, affuisse pretium, cujus fructu, non pœ-  
nitenda videretur, etiam ipsius ( si foret opus ) lucis  
ac spiritûs hujus jactura. *Thalassiarachus* igitur ipse  
jam totus in lucrum inhians, interrogare signis ac  
nutibus: vndénam has colli divitias eruisent? At  
Barbari digitos in Mare, littoribus proximum, in-  
tén-

tendere : Canoâsque suas, seu lembulos, instrumenta fortunati piscatûs, commonstrare: Quibus, uti quàm plurimum & securissimè Columbus crederet, cùm tamen præsentiam suam interponi rebus incompertis nolle, Reguli postalatis & invitamentis hætenus indulsit, duos ut lembos, Hispanis onustos audacioribus, submitteret : in altum ipse, dum illi promissorum fidem explorarent, regressus.

At Hispanos in terram expositos, magnâ populi stipante sequentēque multitudine, *Cumânas* (quem dixi) Princeps Insulæ, fide bonâ, citra dolum ullum malum, excepit: pèrque turbæ medium, deduxit in urbem (ut tunc) Regiam, ac gentis primam. Vbi, posteaquam in ædes palatinas introducti sunt, opus, circulari fabricâ structum, ac templo Panthèdque per omnia simillimum: consilère legatos jussis in sedilibus, gentis ritu ligneis atrisque, cæterum artificio dolabræ perpolitis, & nigroris splendorem cum lemniscorum atque torni varietate confundentibus: ad oculorum usque miraculum & suspendium. Tunc & epulas, quales amicissimis solebat, apposuit: ex penore subvectio, nec illic natô: panis multum: pomorum fructuumque plurimum vini, quantum satis erat, albi purpureique, partim è dactylis, partim è radicibus, incertum quibus, expressit. Ac ne bellariorum quidem præterivit urbanitatem, positîs in medium phialis, quas ille non condimentis aromatëve, nec tragematis & Athenarum deliciis: sed (quod rarius & gratius Europæis est) electissimis iisque siccis unionibus impleverat; &, quantum cuique visum, tanquam apud nos coriandri grana saccharô convestita, plenîs raptanda volîs permisit.

Exactis epulîs, quarum profusior exitus, quàm spes & principii species, fuit: animi causa convivas deduxit in Regiæ penetralia, veriùsque Gyneconitidem, ubi foeminarum stabat agmen, tanquam

quam in spectaculum & amphitheatrum sui dispositum. Omnibus his (quippe regium ad thorum delictis) velut margaritarum fastidio, quas scilicet etiam plebejæ vulgò gestarent, circum lacertos armillæ, circumque colla torques, ex auro Peruano puroque. Nec *Cumana* Principi, *sæta cæteroquin barbaris*, inesse *zelotypia* visa: sive commonstrandis concubinis, sive, quod plus mireris, indulgendis. namque rumor est: solitâ nostris & execrabili levitate quosdam in aurum mulierum, corporumque cultum invasisse: quosdam autem in ipsum pudorem atque corpora, turpitudinis incontinentiâ. Cui sceleri, posteris non parum erubescendo, janua patefecit, tum ipsius *Cumana* facilitas, tantisper secedentis: tum, plusquam feminuda, prostantium mulierum lascivia: nec invita mens ad injuriam.

At *Columbus*, intellecto tanto compendio: quamquam in spes infinitas palpitante corde, pressisse tamen cupiditatem fertur: & suis, coloniam firmasque sedes in Insula flagrantibus reposuisse: *Vires Hispanas adhuc tantis rebus impares: differrique melius, quàm tam incertis barbarorum cervicibus imponi jugum dominatus: quod illi paullo post, vel solo paucitatis irrisu, possent & auderent excutere.* Sic, disiectis postulatis, in Dominicam Insulam re-legi cursum jussisse. Cæterum ipsum, in animo suo secum abstulisse, disposuisseque, suspicantur, opum immanium occulta desideria: quæ tamen interim premeret; dum, Præturæ suæ conventibus per cæteras Insulas actis paullo majus & securius otium suis curis reperisset. Verum inter hæc, *Ferdinandum Castellæ regem*, tardâ novæ felicitatis reperræ notitia, Columbique taciturnitate peroffensum, memorant, ad usque læsæ majestatis sensum, & mandata vinculorum, exarxisse. quæ Rex tamen, injeceritne viro, tam præclare de nostris Hispaniis promerito, præstat in incerto, quam in ulcere, relinquere. Sit penès narrantes rerum fides, qui  
sæpe



sæpe, studio gentis suæ, de laudibus exterorum detrectant: & criminationibus obruunt, quibus patrem rependere gratiam, arduum; debere, turpe credunt. Vtut est: ab hisce, quæ retuli, principiis, ad Cubaguam & baccarum piscatum facta via, successu temporis pervasit ad Insulam Margaritarum, omneque litus bacciferum, à promontorio Cancasino, Salinas usque, quod tu, VICTORIA, posueras in tua quæstione.

Quæ cum meus ille Nestor dixisset; omnes nos (etenim plures ad auscu tandum adreperant) senis optimi fidæ memoriæ, tam prudentibus conjunctæ documentis, gratias egimus: ac cœnati, tabulatis navis indormivimus. (k)

VIII. POST noctis medium, revulsis anchoris, conabamur Insulam intrare. Sed portu tritem arcebat, coortus repentè Caurus, pertinacissimis flatibus ex obliquo violentus; ac præter hoc perfrigidus, alternosq; fluctuum aggestu turbulentos. Cum igitur plurimum, & nullo tamen successu, remigassemus; ac, de voto jam desperantes, permiscere ventis & fortunæ nostram industriam cogitaremus: sub ipsum, ecce, lucis crepusculum, celocem secundò vento propulsam, adversum nos rapi conspiciamus; ac mox conjunctam excipimus. Eam conchis onustam margaritifera, & unionum opulento quæstu, nauta barbarus remò protrudebat, jam sponte suâ Caurique violentiâ cursitantem. Is erat, gentis atque Solis vitio, penitus investis, qui tamen, insupèr habitò nuditatis opprobriò; cursuque, quem ad aliud litrus destinaverat, in necessitatis & procellarum obsequium diflexò: nihilò trepidior aut pudibundior, in conspectum & societatem nostram properavit. Ampleximurque nos lembi peregrini consortium: vel eo nomine non aspernati: quòd, præter maritimas divitias, etiam propinquæ telluris alicujus nuntium, aut significationem, portare posset, nec  
spes



spes abluit. Paulò namque post, depacata maris seditione, portum, tunc quidem ignotum; sed postea peropportuna stationis manifestum, ad Margaritarum insulam, invehimur.

SED vixdum etiam ad exscensum pontones eieceramus in littus: vix penè substrictis velis antennas levaveramus: salutantibus lata conclamatione terram nautis; cùm, ecce, de nec proviso, litteræ nobis à Prætorè provinciæ Caribanz (quæ maris Atlantici proximo littori, meridiem versùs, adjacet) redduntur, in hunc modum scriptæ.

**VIRIS** fortissimis Hispanis, salutem. Si per hostem, & myoparones, ac (quod impeditenti caput est) per nostrorum paucitatem licuisset: non vos epistola mea, sed occursum, & iuncta eorum dextera, salutassent. Nec enim (si qua specula turrique littoribus imposita, fides est, cujus ex culmine conspecti procul estis.) tuere nos potuistis: quin Hispani, popularesque: quin manu prompti, gentisque fortissima delicta pubes, sitis. Sed occursum officium, mutuosque congressus, intercludit, præter exiguum præfidiariorum numerum, hostica triremis: in vicino circumvolitans. Piratae sunt hi, gente Scoti, secta Calviniani: copia classiariorum, & apparatu, quavis ad latrocinia validi. nec tamen idcirco formidabiliores, Nam & Numen (quod speramus) adversum habent, propter religionem profanam: & in ipso pane portu quominus arena potiantur ac voto; cum ventis obluentibus bellum gerunt, quod cum mortalibus maluissent: ab infesto turbine circumacti. Nec longe posita rei bene gerenda jacet occasio. nam quintam decimam, ab nostris navalibus, leucam, nec ultra, distant. Quapropter nolite, per Superos! nolite tam illustrem, o fortes heroës, opportunitatem desidia transmittere. Sunt in manibus vestris gens perfida, religionum hostes, pacatorum marium infestatores, Hispani nominis odio feroces, & ob hoc invicem odio sancto digni. Sunt in potestate nostra (si modo viri vultis esse) manibus raptoque plena naues, scaphæ, cista. Vestrae manus respiciat, tot, per summam inju-

viam spoliatorum, ultio nec non hominum nostrorum, per Indica commantium aquora salus; & in futurum securitas; in præteritum tempus, vindicta fortis. Stant in arbitrio denique vestro decus, gloria, divitiæ: quæque, copiis antestat omnibus, Philippi Regis, cui virtutem vestram approbabit, gratia: cæque roboris vestri fama, favor, ac munifica pro meritis liberalitas. Tantum, quaeso, tantum vestris in viribus animis, ac sanguis: in dextera verò Mars, & gladius & celeritas, sunt. Valete. pugnate, vincite!

IX. RECITATIS hisce litteris, nemini dubium fuit: quin tam illustris, rei bene gerendæ, præmendanda quàm primùm esset opportunitas. Præcipueque duces id censebant: Ioannes Acugnias, & Laurentius Roas, mihi propinquitate conjunctus. Hi duo, quidquid apud nos classiariorum, vectorum, remigumque fuit, convocatos docent; Quid petat ipsa res, quid ipsis auctor sit Prætor Caribanus. Tot maria, plusquam Argonauticâ generositate, tot scopulos & insulas Cyaneas superantibus, in hunc usquediem: nulla dissimulatione prætermittendum, nulla consternatione pavendum, unum maris hostem, Scotum. Tantummodo, si veterem gentis Iberica virtutem ac decora censerent urgenda, persuasissimum haberent: in animæ festinatione totum esse victoria momentum constitutum.

Secundum hanc incitationem, cum omnium una vox in cælum iret; Dimicaturos se: Ducerent! quacunque Deus, & casus, fortibus animis viam sternerent: se nullâ sanguinis parsimoniâ secuturos: benignè prolixèque Caribani Prætoris postularis est promissum. Verbisque juncta mox facta; singulari mentium ac manuum contentione præparatis & expeditis, quæcunque necessaria certamini visa forent. Ac primùm omnium, de conferendis in loco temporèque manibus, sententias rogantibus: in commune decretum est: Opperiendam noctem; & prædonum soporem in suamet perniciem convertendum.

tendum. Opprimi posse deberéque, nihil minùs  
suspicientes, sui securos, omisís armis improvidos,  
somnia semivigilive languore torpides. & hoc po-  
tissimùm opus esse; triremis nostræ non admodum  
populosâ militiâ. Cùm igitur omnium animis hoc  
insedisset consilium: ad arma statim, & instrumenta  
prælii, decurritur. Fit Navi totâ cœtus, labor, &  
impetus omnium unus; hinc quidem puppim, ruden-  
tum aggestu, tanquam vallò propugnaculoque, com-  
munientium: illic autem proram, adversum in-  
cursuros Scotos, vasís, doliis infertis, & sarcinis  
constipatoribus, in castelli ritum: obstruentium:  
Aliâ parte tormenta militaria, cum fistulis ac tubis  
æneis, disponentium; alibi verò loricas, & tho-  
races chalybinos, & armorum omne genus, sibi-  
met cum telis & ensibus accommodantium: passim  
denique futuri conflictûs simulacra prælusoria  
(tanquam in hostem jam seriò Marte moveretur)  
agitantium: ut, *Quales in ipso discrimine paullò pòst  
ferent, ex umbra discriminis conjectaretur. Omne tem-  
pus*, omnis hora, præcipuéque noctis adventus,  
*alacritati festinantium annus videbatur*, & ævum;  
accercentibus importunò votò Lunam, & Hesperum,  
& omne stellarum incendium: tum super hæc pul-  
veres funesque pyrios: & globos, ignes, gládios  
prætrectantibus classiariis: donec, propemodum ante  
tempus & legem (tanta, semel incitatæ fortitudinis.  
impatientia gliscebatur) cornua, buccinas, & ca-  
strensia tympana, miscerent.

# ARGONAUTICON AMERICANORUM SIVE PERICULORUM PETRI DE VICTORIA

## LIBER II.

### CAPITUM BREVIARIUM.

I. **P**etri Victoria, ad certamen navale, animus. Destinatur ab Duce Acuonia ad custodiam nobilis gynacæi. Sed huic imperio auctoritas Ducis alterius, Roæ, cum minis intercedit. Comment. pag. 29, 30, 31 & 32.

II. Andradius, & Villandradius, unâ cum suis, auxilio veniunt Victoriana triremi. Milites vestresque denovo, ad rem fortiter contra Scotos gerendam, inflammantur ab Ducibus. Comment. p. 33.

III. Congressus primus classium, Scotica & Hispanica. Principium pugnae animosum, inturbat Victoriana navis magister. Discrimen ingens illius triremis, corrigitur paulo post; magistro navis fidelioris, dimicatur acriter ab utrisque: victoriaeque omen primo stare penes Hispanos incipit. Comment. pag. 34, 35, 36 & 37.

IV. Petri de Victoria vicinum periculum. Andradii cognati interitus. Scotorum ingens, adversus Hispanos victores, animus; propemodum eis palmam de manibus extorquet. Caesarum numerus; ac sepultura. Victoriana Classis, victrix, Carthagénam America portum & urbem petit, ac tenet. Comm. p. 38.

V. *Carthagena Americana descriptio. Canibales, seu, Caribes, populi; quales, & quam feri? Bellua, & aves illius regionis. Promentorium Canoa. Accola fluminis S. Martha. Nova Amazones. Valentiola, seu Venetovela describitur (in qua Welferorum quondam procuratores) & Fluvius, cognomento Grandis.* p.39.

VI. *Victoriam, Carthagena ulterius tendere parantem, Laurentius Roas, avunculus, modis omnibus attingere conatur. Cujus rationibus, Petrus studiosè occurrat, vincit, & invitissimo proficiscitur.* Comment. p.44

VII. *Carthagena in Peruvium abiturus Petrus; primo Nombrediosam urbem (Hispanis, Nombre de Dios, nuncupatam) navi: dein, itinere pedestri, Panamam pervenit. Urbis utriusque situs generatim: nec non loci aerisque natura, & portuum usus, stricim depingitur.* Comment. p.48.

VIII. *Nombrediosa urbis principia, nominisque causa afferuntur. Insula, circum eam, aut ad latera sita, attinguntur: quas inter, Hispaniola paullo fassius describitur. Admirandum in summis rupibus stagnum. Palus item in Valle, formidabilis.*

IX. *Panama urbis, ex alto repetita, origo. De Vasco Valboa, Duce Hispana militia; deque Panchiaco, Americano Regulo, & auri siti contemptuque, narratio & doctrina. De Castello Aureo.*



**M**HI, sub tanto certaminis apparatu, nequaquam animus infantili formidine palpitabat; quippe jam olim a teneris, & aviti sanguinis spiritu, bellorum cupienti. Merus unicus impræsentiarum, fluctuantem agitabat; Ne qua me fortis invidia, tam desideratis experiundæ virtutis casibus seponeret: inexpertemque congressû velut inotiosum spectaculum, alieno ludibrio reservaret. Neque temerè formidabam id, in quod propè propiùs impegissem: nisi dede-

cus hoc per alienam facundiam, pertinaxque patrociniū, evasissem. Quod in hunc, quem memorabo, modum evenit.

Erant sub velis nostris, ab Hispaniis usque portūque Bætis, nobiscum Oceanum ingressæ, Fœminæ nobiles haud paucæ; nuptæ pariter, & nuptiis destinatæ. quæ partim viros, partim sponsalitia secutæ pacta, pares spes, & æquata pericula, portabant in Americam. His adjunctus, ex more dignationeque, plebejarum grex, in famulitium & obsequia; triremis nostræ partem non minimam impleverant, Sarcina major utique, quàm salus, aut necessitas: certe quidem Argûs illius veteris præposterâ (ni fallor) æmulatione: quæ Medeam & Colchicum gynæcœum non importavit Phasidi, sed abstraxit. Earum igitur omnium, non modo securitati, sed etiam dignitati quietique consulturus Dux *Acugnias*: ac militum interim curas in id unum, quod præsens necessitas exposcebat, contenturus: me cum duobus aliis coævis, & propinquitate connexis, accersiri jubet in prætorianum cubile. Tum introductis, præsentem Roâ simul, avunculo meo: *Quanta res*, inquit, *o nobiles adolescentes, quantumque dimicationis periculum, cum exercitatissimis prædonibus immineat: ipsi juxta nobiscum & auditis & (puto) creditis. In hac discrimina nec aras vestra sufficiet, armorum ad hoc usque temporis insolens, bellorum exsors, & unico termino vestri, non multum accessionis ad fortissimorum militum fortunam factura, vel victoriam. At è diverso, vulneribus vestris aut funere, necessitudinum vestrarum in patria luctum quamplurimum incendetis: ac nos, tanquam atatula vestra crudeles productores, invidiâ, neutris utili, gravabitis. Sunt insuper in gynæconitide mulieres, sicut scitis: ingenui sanguinis ille quidem, sed imbellis ac pratimidi: sexus fractus, & ad omnem classici sonitum defecturus, ad omnes tormentorum explosiones*



ac flammæ exclamaturus, ad quamcunque gladii striduram, & cruoris conspectum, pallore deliquiôque moriturus: univêrsûm denique prospera pugnae momentum gemis, fletu, lamentisque turbaturus. Virilia robora, muliebris chorus enervabit. Quare sanè, totum hoc genus exscendat, ac nos tantisper turbâ tumultuque liberatos, velespectet in terra, maris & hostium domitres: vel glorioso functos exitu, procul & securâ naniâ deplotet in portu. Vos autem, tu VICTORIA, comitêsq; gemini: ne nihil agere vide unini: Rem omnium custoditu difficillimam, Mulieres servantes: præsidiis & curâ vallatas vestrâ, nobis integras & incolumes redhibete: venturi propter id ipsum in partem nostri décoris atque laudis: si redeuntibus, quales eas accipitis, tales reddatis.

HAEC ad nos Acugnias Dux; & tanquam nemine contrâ dicturo, conticuit: obsequium imperii sui præsolatus. Nos autem hac denuntiatione fulminati, tantûmque non buxô pallidiores; nec, quid agere nos, neque quid dicere conveniret, reperiebamus. Ego præ cæteris, saxô stupidior, in vestigio stabam eodem; terram intrens in ipso mari: pudorêque manifesto labia mordens, expectabam, qui pro me respondendi partes obiret. Nec fefellit hoc Roam, mihi genere cognatum, sed fide sollicitudinêque multò conjunctiorem. Is igitur, jam suapte sponte conceptam iracundiam, nunc etiâ meo nomine profusius in Acogniam exonerat, &; Quod ad alteros (inquit) hos duos spectat, affeclas PETRI mei; minûs equidem laboro. Pro se forsitan ipsi facundi sient. Cæterûm ego nepotis mei VICTORIAE caussam ago: de quo miror equidem oppidò, quid in mentem tandem venire tibi poterit, Acugnias. NAM, si Fœminarum potissimum te cura tangit; &, si meum hunc adolescentem, earum maxime tutela factum natûmque censes: ad Terentiarum potius aliquem, aut Persarum regis, cubiculi cuaeator

rem, suasissem ires; qui Thaidas istas (sit in hoc verbo verecundial) servaret. Isses ad Darii vel Arsacidarum Bagas, ad thalamorum Parthicorum exsecras custodias: quibus mandata daret, ne fax ista navigit (quam honoris causa nomino) sine janitoribus & excubis suis degeret. Sin autem, in hoc mandando munere, citra sexus respectum, tantummodo precipueque VICTORIAE nostri commodis, & aetatis teneritudini, cupis indultum; ut, quae per annos nondum armis habili, securitati seponenda sit: quantum in primo peccares, tantundem in hoc altero decipereris & errares. nec id adeo promutua, quae nos intercedit, amicitia; neque pro VICTORIAE nostri gratia, faceres. Quod enim ad Roam attinet, negat Romae, se passurum; ut ex se suisve prognati, turpitudinis minima labecula pro sapia gloriam contaminent: & scilicet vita nimio desiderio, mortisque muliebri fuga, Faeminis praesideant: quasi virilis adhuc roboris incapaces. Quin id potius agant, ac discant mei, meum insistere vestigiis; ac per maria, fluctus, pericula, perque ferrum, mortem, & interitum: ad gloriam atque claritudinis incrementa grassari. Quod autem nominatim pertinet ad hunc VICTORIAM: non est, non hercules is est hic adolescens, quem tu qualemve tibi proponis; ut quem, necdum licet puberem, necdum quatuordecenni grandiozem, plus juvet pugna, quam pax; plus palma, quam pluma: quique non tam annorum spatio, quam alacritate peccatoris, cursum impetumque virtutis metiatur. Sicut enim prae maturo membrorum robore, corporisque proseritate, praevertit aetatem, sic fortitudinis studio, longè multorum antevenerit aequalium spiritus. Et instigatur ad altiora, parentum ac majorum suorum exemplis: memoriaque seminis, longa per aeternos Heroas linea descendenti, fervet ac bullit, juvenculi sanguis: ut, inerti trepidatione proscripta, nihil ducat latebra probrosius, nihil illustrius victoria: quam nominis etiam & vocis societate spirat. Quare, si veterem, Acugna, Sodalem: si Roam tuam diligis, & in amicis habes: da res-

tefferam amoris, in hoc adolescente contra piratas expediendo. vel, si recusas (quod non debes) prius, ecce, gladium hunc strictum (& stringebat revera rotabatq; gladium) in alterutrum, aut utriusque nostrum pectus demersum, circumage. Invenit enim, hunc unâ mecum potius è vivis, quàm de navalibus egredientem, conspiciari; faciliusque sustinebo, belluis agnoscere, quam ignavis portibus expositum, lugere. Tu quoque (laperadjicit, ad me conversus) tu, VICTORIA, memento, te sanguinem meum; quantuscunque potest ab avunculo per serorios partus in cognatum defluere. proptereaue. simulac cieri praelium videris, & naves navibus, manusque manibus conferri; presta tu quoque te virum: & si minùs ad te, propriumque tuum decus potes (cujus rudimenta nunc primum ingredièr) at ad me saltem meamque dexteram respice, certaminibus intentam: quamequidem ad Sanctum Numen, ad Superos atque cæli sidus levo; contestatus clarissimo jurejurando: Sicut fortitudinis tua remuneratricem, sic ignavia, maleque gesta rei, vindicem extituram.

II. ISTA Roæ, tam fortis ac vehemens declaratio, quantum Acœgniam à cœptis atque mente prima deterruit; tantum è diverto nos exhilaravit. Vnde pariter, & iste gynæcei curam in alios transmovit: & nos a turpissimæ functionis servitio, velut manumissi, lacertos & animos armis applicabamus, nunc enses tractando, nunc fistulas jaculatrices: omnia nunc denique facere volvereque sollertes & alacres, quibus non modò tiro, sed multorum stipendiorum ac Veteranus miles, sese duci suo probaret. Animavit juvenitem alacritatem, sub eum ipsum temporis ac discriminis articulum, nobis additus, Ioannes Villandræus, qui Margaritam insulam Prætor obtinebat: & cum eo LOPESIVS Andræus, ductore militum ejusdem insulæ prognatus, mihiq; præter hoc propinquitate sociatus. Horum superventu, cum comi-

tatu non spernendo , viresque nostras auctaro ; non parùm omnium arrecti sunt animi , reputantium : in certaminis vicinia , ne transfugia quidem , servitiæque , nedum auxilia socialia , repudianda. Sive jam de composito nobis accesserint ; etiam ipsi prætoris Caribani litteris evocati : quò numerum & manus firmarent Acugnianorum ; sive , quia consilia profectio- nis eorum longè diversa , Numinis providentia verterit in solatium nostrum. Inquirere namque veras & penitas causas , alio versis cogitationi- bus , tunc minus vacavit.

Cæterùm triremi nostræ cum sua navi con- junctos , universim quidem omnes ; ego verò Roasque singillatim , tanquam sanguine fœde- ratos , officiosè consalutavimus : tandemque cu- ratis corporibus , sub ipsum noctis principium , pro- cùl portu naves in altum detorsimus.

Ac nocturnus quidem omnis nautarum re- migumque labor , absumptus in effugiendis cõ- tibus atque scopulis ; & everberandis , quos Afri- cus concitabat , fluctibus. Acugnix verò , cætero- rumque ducum , in confirmandis classiariorum ani- mis , adversum hostem , magis ac magis jam pro- pinquantem , sedulitas intenta discurrebat. *Nunc , nunc concepti quisque spiritus , nunc arderis proximi meminissent , & Hispani decoris : cujus curam à supe- ris suscipi , vel ex ipsis his elucere periculis ac difficul- tatibus : utpote quos , medias inter Scyllas & Sæxa naufragiis infamia , salvos , & incolumi remigio trans- portatos deductosque , nollent in Scotos incidere som- no stratos , sicut consilium federat : sed in vigiles , ac præ- lio paratos. Gloriosiorum Iberico nomini victoriam fore : qua non tenebris , neque dolo , vel casui : sed bellatorum unica dextera , post Numen , deberetur.*

III. ADHUC loquebantur , per foros atque tran- stra , nunc milites , nunc remiges , interdum sin- gulos , sapiens universos , obeundo stimulandòque :  
cum

cùm repentè, dispulsò noctis opaco, diliculus  
pariter, & hostilis myoparo prægrandis, super O-  
ceanum præstò fuerunt. Et Sol quidem, purpureò  
radio sensim magis crebrescens, clariùs suum utri-  
que parti discrimen, ac, quid opus factò, com-  
monstrabat. Piratica verò navis, cùm, præter om-  
nem expectationem, cunctis subsidentibus ven-  
tis, ingrata malacia stupens hæssisset: tribus omni-  
nò defixis anchoris, catenatæ vincæque similis  
in salo torpebat. At jam pridem in ordines ac sta-  
tiones suas distributi nostri: ductorum imperia,  
cum novis animis, accipiebant: ad omnem stre-  
nuè gerendæ rei dexteritatem intentis mentibus.  
Præcipuè, quibus commissa puppis ac prora  
myoparonis fuerat, sine dispendio militum in-  
vadendi convellendique; vias omnes & occasio-  
nes iussa faciendi speculabantur. Præter hos au-  
tem, in principiis Hispanæ triremis collocati clas-  
siariorum exercitatissimi: fistulas, enses, hastas,  
præferratosque contos & sarissas; in Scotum oc-  
cursuram dirigebant. Alacerrimi verò turrim li-  
gneam insederant, quam sub vesperam pridianam,  
opere tumultuario, satis eminentem & conspi-  
cuam eduxeramus. Hanc enim ex omni robore  
delectos iussit Acugna dux occupare. quod illi  
magnis animis exsequebantur: &, constitutos  
humiliore situ prædones, laudabili superbia despi-  
ciebant ex arduo: certissimi (sicut & plerique  
nostrorum) vel hostium potiri, vel certè mortem,  
alterutris inevitabilem, oppetere. Prior triremis  
nostra (quoniam venti succiderant) remis pro-  
pulsæ: connitentibus indefesso lacertorum motu  
iervitiis, Scoticam navim, ad proram illisa pro-  
ra, concussit. ad cuius afflictæ sonitum, lon-  
gè reboantem, secutus illico nostrorum ingens  
clamor; victoriæ spes & augurium. Nec minor à  
Scotis (ne trepidationis calumniam incurrerent)  
adversum nos regeſta conclamatio; tumultuan-



te rot diversissimis vocibus quaquaversum mari; dissonamque littoribus, & confusione multiplicatam, échonem eminus replicantibus. Simul ab hostibus anchoræ revelluntur; & navis in libertatem agitur. simul arma, si quibus ea nondum provisa, capiuntur: ac, nudatis ensibus, oneratisque nitrato pulvere tormentis carrilibus, dum myoparo se circumagit; *In Hispanum, In turmentes Iberos, In Philipporum transmarina mancipia!* minaciter ab omnibus conclamatur. nobis sanguis, & mors, & internecinus interitus, denuntiantur. Contrà quæ, ne quid minus nos agere videremar, paribus ab nostra parte convitiis responsum est: & mox utrimque, mistô tympanis cornuum tubarumque concentu, classicum aëris vario claque roque relisu personuit.

SED inter hæc naumachiae tumultuantis tam inimica principia; res, ad nostrorum consternandos animos non levis, ex nobis ipsi evenit. Cum enim, ex omni naviculariorum numero, virum exercitatissimum dux Acugias ad clavum & gubernaculum delegisset: & ille provinciam eam, nulla tergiversatione susceptam, ex spe votoque nostro cœtasset; sic, ut hujus unius dexteritati deberemus, quod primo statim concursu proram Scoticam navis nostræ rostrum arietasset: repenti, subortô lituorum tentarumque pellium fremitu, cum foribundis hostium occlamationibus; desertor factus ac transfuga, qui gubernator fuerat, relictô classis regimine, deligatam in scapham scelestus desiliit: præcisoque funis nexu, sese fugæ tutoque pelagi commisit. nos autem, ministerio destitutos, ultimo sub discrimine reliquit. Et id quidem iniquissimo nostro tempore. Namque triremis Hispana, post primam illam prædatoriæ concussionem innoxiam, refuga; cum, omni remigum adnitu, mox alserum in hostes impetum urgeret, perruptura

fuit



sine dubio vel laceratura proram Scoticam : gubernaculò repentè manca, preditoris unius scelere, pro recto navis incurfu, tenuit obliquum iter ; & in latus hosticæ navis, transverso trieris impulsu, violenter impexit : nullo tamen notabili Scotorum damno. Simul celerrimo receptu, propemodum sine myoparonis omni stricturnâ, vacuum est in pelagus præterlapsa. Verùm properè correctum remigii vitium est : utique, posteaquam & fugitivo gubernator suffectus alius, seduitate connisus est, adprobare se ducis iudicio, ne delectus pœniteret : & ipsa Navis, emendato cursu, velocissimè reducta, tutum est in locum minusque prædonibus obnoxium deducta : revolatura protinus ardentiore congressu ; nisi, mirabili Ponti levitate, resuscitatus post diuturnam tranquillitatem Auster, secundior hostibus, quàm nobis, affluxisset. Tunc enim, pede factò, dispassitque pleno sinu velis ; piratæ sese longiùs in altum abstulerunt, ubi colligendi sui spatium & animos retumerent. Nostram autem trirēm, victoriæ jam cœptæ votis dejectam & elutam, insequi se coëgerunt. Cessatum igitur ab neutris : &, ipsa frustratione Martis animorum indignationem inflammante ; tunc primum, quasi signo datò mappaque jacta, certaminum exarsère studia. Tunc laxata, fomitibus admotis, tormenta militaria. tunc, pyriò fartæ pulveri, fistulæ portabiles exoneratæ tunc simul fulgure fulmineque, simul fumo, pice, sulphure, nidoque nitrato, cum horrendo fragorum tonitru, ruptus & confusus aër ; terrificum sine fabula Chaos, auribus & oculis pugnantium ingerere : prorsus undæ flammis, cælum pelago, dies nocti, vita funeri, fluctibusque sanguis ac cæles permisceri. Tunc planè, *Nullam virtuti difficultatem imperiam esse*, monstravit nostrorum ad vincendum obfirmatus animus. Nam, quaquam & numero multum inferiores Scotis nostri (quod statim patuit)

tuit) & ventorum favore destituti, manifestè viderent; in lubrico præcipitique sui prælii fortunam stare: nec audaciam tamen, neque dexteras omisere. Sed alii quidem, grandinantes inter sclopos ac tubos, interque volitantes grandioris plumbi globos, Piraticam nihilo seguius irrumpere laborabant; depulsantibus hostem, haud minore roboris fiducia, Scotis: & multo vulnere desuper inflicto, virtutem Hispanicam plectentibus. Alii verò de nostris, periculorum contemptu longius abrepti, propemodùmque (si fas est, contra fortes viros, confiteri verum) vincere præfestini; triremem adversariam transfultu petebant. Ceterùm, fallente conatu, præcipientes fluctibus hauriebantur; indeplorato quidem casu, quia sic ipsi voluissent; nec tamen idcirco spectantium & superstitem virtutem absterrente. Nam hos ipsa commilitonum incruenta funera, proritabant in sanguinem; ne sicci perirent & invulnerati: mutuò semet hortatù nostris exstimulantibus; &, quod invidiâ Fortunæ non possent, id per obfirmatam violentiam perfringere prorsus connitentibus. Donec ad extremum Hispana res superior fuit; utique, posteaquam consumptâ ballistarum & arundinum bellicarum irâ, propiusque succedentibus Ibericis, quàm ut in eos quidquam possent Britonum æneæ minæ; concors in Navim prædonum insultus est factus. Sed priusquam ad hanc prælii summam ventum est; multa devoranda globorum & flammæ tempestas fuit. Hæc ascendentibus in Piraticam, iter nequaquam incruentum stravit.

IV. STABAM inter fulminantes ac refulminantes ego quoque: ponè me verò, corævi mei, tunc primum aciem experti præliorumque gustum, adolescentuli. Quos inter, Lopezius Andrada, suprâ relatus ab insula Margaritarum, cum Prætores Villandrado, pridie nobis adjunctus. Hunc juvenem, eadem mecum & cum fortissimis tentantem viri,

pri-

priusquam Prædatoriam penetraremus, jam in frustra globus æneus, excussus tubo grandiore, disceperat: plurimum (nequid dissimulem) dolente me cognati sanguinis interitum: sed oculis nihilominus siccis luctum premente. Nam periculum, mihi jam proximum, cogebat, ab alienis ad propria, curam & consilia convertere.

Sed jam pridem myoparone potiti nostri, tumultuabantur in Britannicos, indomitis impotentibusque furiis: non cædibus, non præcipitiis, non ætati, non formæ sexuive parcentes; sed uno miscentes interitu, nullo distincta, nullis respectibus, ut quemque, de partibus inimicis, casus & fors in manum dedissent. Et jam in diei tertiam (neque fallor) horam, cum diluculo cœpta, dimicatio prorogabatur, cum penes Hispanicos sine controversia staret summa victoriæ. Sed tanta fuit Scottorum pertinacia, tam infracta virtus; uti ne vicisti quidem palmam concederent. Et, ut appareat, *In rebus desperatis solum etiam Animum*, cæteris amissis, *omnia reparare*: quanquam nostrorum nullo Spartam suam deferente: superati tamen, etiam Victores, sumus. Ac, quoniam paucitate classiariorum jam ab initio laborant Acugniani: Britannicorum identidem recentium affluxu numeroque pressi: tandem myoparonis capti possessio. ne per vim ejicimur: navésque nostras infami natatu repetimus. *Concedendum enim est, etiam Hosti, virtutis & bene gesta rei testimonium*: ut Historiæ non sola narratio, sed Fides quoque veritasque constet. sine quibus non scribentur Argonautica Christiana, sed veteres & Colchicæ fabulæ: quod ab nobis plurimum abhorret.

Sic igitur turbatâ prælii versaque fortuna, prædatoria Scotica, secundissimis usâ flatibus, altoque mari decurrens; in perpetuum se tempus nobis eripuit. Ità tanti moliminis ac Spei res, nulla neque ductorum nostrorum, neque militum  
ignâ-

ignavia; propè propiùs in incassum & ventos recidit: fatorum tamen (sicut arbitror) prudentissimò temperamentò; ne, geniò nationis nostræ, si virtuti per omnia successus suus colluisset, fastu luxuriantes & gloriæ tumore, superos adversos irritaremus. Discessum igitur, æquatò pænè decore: nisi, quod paucorum adversus multitudinem audacia, suâ potiore palmâ carere non debeat; ut, quæ magis in ærdno: nec in sua navi, sed alienâ, non absque prædonum notabili clade, steterit. Ac de cæsorū quidem & deletorū hostiū numero (*quoniam in mare sparsos nemo computat*) constare nobis non potuit. Nostrorum autem, tam acri dinturnoque conflictu, viceni, neque plures (quod merito miretis, cecidère. nec vilia tamen omnia, nec illacrymata suis, capita. Quorum potissimum, Ioannes Villandradius, Margaritæ Prætor; & modo mihi memoratus, Lopezius Andrada. Vulneribus fœdatorum, summa fuit major; neque spernendorum juvenum.

Sed nos, de purgato prædonibus Oceano, memorabilem, & Pompejanæ proximam, (ut putabamus) rostratam coronam nacti; resinctis fronde viridinavibus, pridianum invehimur portum. Neque multò post, in Urbem à Diva Martha nominatam, laucios exponimus. Amissis autem in conflictu, suprema fune is, pro rerum & apparatus præsentī copia, pertolsimus. Nec ita multum illic demorati; ventorū opportunitate captata, triremem Hispanicam unâ nobiscum maris alto reddimus: & in paucis diebus Carthagenam (jam olim Hispali nobis destinatam) aura sub votum fluente, tenemus.

V. EST Carthagena portus & orbis; inter Sinum Vrabatum, & Fluvium, quem Grandem appellant, sita: quorum illum ab occatu respicit, hunc ab ortu. Nomen sibi reperit à figuræ similitudine (a) qua Carthagenam Hispanicam, in Murciæ litto.

littoribus, æmulatur. nam & hæc Insulam habet adnexam, Codégum nomine; non secus, ac nostra quondam Scombrariam, aut Heracléidæ. Cæterùm accolæ multum dispares Europææ Carthagænæ. Sunt enim, universi tractus illius non tam cultores, quam vastatores, Caribes seu Canibales: gens procero, feréque dépili corpore, colore nigredinem inter ac livorem mediò, luridoque: membrorum omnium obscœna nuditare: nisi, quod scæus imbellior, tegenda velet ab umbilico, gennum tenuis: paucæ, de primoribus, totos pedes. Mortalium, quoscunque Sol aspicit, pessimi sunt ferocissimique: callidi, sagittas spargere, non ex belli more rituque, præferratas; sed osse præfixas marini cujusdam piscis, quem Rhangiam ipsi dicunt: & aculeis spiculorum, toxico nocentissimo delibutis, exitiales. Ludus illis & jocus est, humanæ carnis dapes inire: nec distinguunt, recentes, an salitas? ad ignem desiccatas, an crudas? dummodo glutiant & vorent. Exsecranda quin etiam inglavie, suæmet pueritiæ teneros artus & pulpas concupiscunt, ac, propter hoc solum, corpora masculorum évirant: catulorum & nefrendùm ritu; quò ceteri corpusculi partes in teneritudine, & delicatam molliem infringant. In hac Americæ totius sola parte, Leones (cæteroquin illis in terris fugaces ac timidi) cum Libycis Marmaricisque ferocia contendunt. Putares; incolarum imitatione magisterioque bellos etiam efferari. Psittaci volant apud eos, vario colorum distinctu: Vespertilioes quoque coturnicum granditate. Suprà Carthagenam (liber enim tractum illius oræ totum exsequi) Canoæ promontorium ingens, Orientis ad plagas, in Oceanum excurrit. Ab hoc, littorum inæqualis ac vastus error curvatur; ad usque promontorium illud, quod Velæ caput appellant. Littori medio fluvius interluit, à Diva Martha (sicut & insula quæ-



quædam, & urbs superior) nuncupatus. Regio continentis, dives auri, dives ambrae, gemmarumque; Sapphyri verò cumprimis, Smaragdorum, & Onychis Arabicæ, quam Chalcedonium vulgus nominat: quin etiam unionum ac baccarum. Ingenium illis indigenis, non quale Canibalum; sed placidum, & ad artis opera non absurdum: æri potissimum inaurando; texendis in storeas tapetiaque palmis; telâ, margaritis, & auro dispungendâ; piscatui denique, cum exquisitissimis insidiis, exercendo. Nec exulant, à gente cæteroquin idolorum cultrice, Christianæ virtutis lineamenta quædam; ac vitiiis interlucen-tes, bonorum picturæ morum. Namque sunt, nec exiguo numero: quæ cum telis & arcu Martem exerceant; nec Venerem tamen ullam nôrint: sic, ut Amazonum gloriâ superiores, inter æternas cum viris pugnas, virum & congressum ignorent; virginitatis ævo tam longo, quàm vitæ.

Longius, Orientalia radentibus littora, post Canoam, promontorium occurrit aliud; quadratâ quidem ipsam figura, sed acumine gemino prominente. quorum id, quod objacet Occidenti, Velæ nomen; quod autem Euro perflatur, Conchibacôæ barbaram appellationem gerit. Posterioris latus prævelant Insulæ, quas Bacôas Americani dicunt. Eas continuò Sinus excipit, ingens in Austrum; & Adriatici maris quædam effigie. nam & in istum Flumina non paucâ, nec incelebria, de montibus Andalusæ Novæ, ruunt; & in eo sparsim Insulæ, sicut in Adria, renident. Denique, Sinus ad finem, quæ Decarraro miscetur amni, medias inter undas rupes erigitur; ingens altitudine, conspicuo situ, lato planoque vertice: cui barbarorum industria, muris incisctæ, turres quondam, & urbem ac propugnaculorum minas, impo-  
suit



fuit. Eam à Ferdinando (ni fallor) Cortesio, redactam in potestatem, auspiciis Caroli Quinti Cæsaris, memorabant: & ab nostris hominibus Valentiam: quin etiam, Venetiarum honorifica memoria, VENETOVELAM nuncupatam: quod illa nomen, etiam hac tempestate, retinet. Et hanc nos, cum è Margarita Carthagénam peteremus, conspeximus eminus; Velæ promontorium navigatione stringentes. Illic audire me memini, nescio quem Rhæticae gentis è Germaniis militem; sed idiomatis Hispani gnarum; cum in hunc modum narret; (b)

HANC illam oportet esse VENETOVELAM; quam, maritimo cinctam undequaque Sinu, Carolus is, qui simul Hispaniis & Imperio Romano jura dedit, aliquamdiu præsidium & arcem esse voluit: continendis in obsequio gentibus, quæ Castiliam Auream in propinquo frequentabant. Ac videbatur hæc (ut certè fuit) inexpugnabilis. Sed posteaquam Cæsar, accisò bellis Germanicis ærario, grande conflavit æs alienum: genti Welferorum patritiæ, quæ Vinelicorum Augustam nunc quoque Daumviratu moderatur, pignori dedit VENETOVELAM: in mutui salvam fidem. Sed Welferi, spes tam longinquas, prudenter post patriam habuerunt: ac, missis trans maria, qui procurarent, quique dominorum interea vicem lucra tractarent: vestigales ipsi census, & Auriferae Castiliæ fructus, per quietem expectabant. At curatores, à Caribibus circumfessi; procùl tunc fortè (sicut fit) Hispanis agentibus: ad famis ultimam necessitudinem redacti sunt. Ac, nisi fama fallit (quæ trans maria semper liberius narrat) per eruptionem, an insidias? aliquot nacti Caribæ, ex his tres, post omnia cætera victus absurdè nutrimenta consumpta, mactarunt: & in epulas

las verterunt. Hæc tunc Rhætus ille, gentili-  
tiis (velut ajebat) ex Annalibus repete-  
bat: nec indulgenter nimis fidem accommodante  
narratis; nec per superbam temeritatem dero-  
gante.

Post Carthagenam porrò, sicut antè retuli:  
lævum ad latus, in Océanum Atlanticum dena-  
tat Flavius, cognomento GRANDIS, Amazonicus  
vulgò dictus. posteri, diversis ab reptoribus  
ac navarchis, alii quidem Orellanam; Maragno-  
num alii, nominârunt. Peruanis è montibus  
oriandus? ut primùm fonte suo digressus est; tor-  
rentibus incurfatur, & liquefactis nivibus:  
quæ passim illie, Alpestribus ex jugis, præ-  
cipitant. Inde, flexu sinuatus, anguis in morem,  
Septentriones tandem rectiore cursu petit: & in-  
numeris dextrâ lævaque profluentibus in con-  
sortiùm admixtis; amni quoque Decarrarò socia-  
tò: post ampliùs centena quinquagena millia  
Germanicæ dimensionis exacta, vix tandem è  
regione Margaritarum & Trinitatis Insularum,  
Atlantico se confudit æquori. Cujus immane  
tamen ostium, etiam ipsum insulis amplis inter-  
fectum est: ac, præter hoc, immenso diffusum  
spatio, diu classes prætervectas in dubio tenet;  
Flumenne tantùm, an planè jam Pelagus, na-  
vigant? & profecto, nisi dulces haurirent aquas;  
pro Pelago potiùs, quàm anane, pignus deponant.  
Adèò, littoribus adhuc procùl, & in medio flumi-  
ne, circumferentibus oculos, non urbes hinc &  
hinc ullæ: non villæ ripis aut turres impostæ;  
non ipsi tam vastæ celsitudinis montes (qui flu-  
vio Grandi prætexuntur) resident. Cælum dun-  
taxat, & undæ, sunt in conspectu. Quibus è signis,  
certissimam Amnis Granditatem, citra nominis  
ullam vanitatem, deprehendas. (c)

VI. CÆTERUM Carthagénæ, ceu qualiqua-  
li profectiois transmarinæ reperitâ metâ, comi-

tum meorum magna pars hæsit : & in his Laurentius quoque Roas , avunculus (ut dixi) meus. Is in posterum tempus , quoad lucri commodorumque spes , & negotia sic exigerent ; conductis locatò testis , pro Carthageno sensim inquietino se ferebat : Hispali totà de curis & animo delerâ. Quod ipsum neque mihi penitus molestum erat , primis quidem diebus ; quibus , jactatione nauticâ defetiscens corpus , in quietem componebam. poteratque , si Peruvium in urbe Carthagenæ præstò fuisset , non esse prorsus inamœnum ; adhærere Roæ , comitatuque pariter & convictu , sic expetentem , frequentare : cùm præsertim cognati juris officio , me tanto viro viderem obligatum. Sed scilicet , *Obsequia Nulla ferunt ætatem ; quoties exprimuntur duntaxat , nec sponte totâ fluunt.* nam , impetu juvenili , mox vel refrigescunt , vel tepent ; donec denique velut exspirantia vaneant. *Fratrium quoque Sororumque* (necdum remotioris sanguinis) *Amor , propriò commodo tandem obruitur ; atque cedit.*

E G O certè , moræ factus ofor , & navigare properus , post menstruam ferè desidiâ , oblata triremi nova , Roam intrepidus accedo : petoque , mihi bona propinqui venia liceat insistere destinatis ; quodque jacentis trans Oceanum Atlanticum Indiæ reliquum esset , id in Peruvianis præsertim lustrandis regnis , tanta navis opportunitate , penetrare.

Tulit indignè Roas ; & , veluti plagam aliquam , ità discessum à se meum , profundius , quàm unquam veritus essem , in pectus demisit. Igitur primò , quasi pro Morum præfecti jure , patruive fronte ; neque perfunctoria verborum severitate , cœpit increpare. Mox , ut incusso terrore simul attonaret , simul prosterneret : præcisè negare : Se dimissurum . Sed , cùm obstantem cerneret ; ac vultum meum intelligeret ,  
etiam

etiam adversum minas & asperiora duraturum; phrasibus aliquantò collectioribus, &, in rogitantis humanitatem traductâ voce, placidius est aggressus; nunc hortando; nunc obtestando; subinde miserescentis quoque patres induendo. *Darem bienne, vel, ut summum, trienne contubernium; si non mei ipsius tutela, securitatique: certè tamen avunculi precibus atque sollicitudini. darem amantissimæ Matris memoria, reverentiæ, votis; qua Filium non sub aliis magis, quàm sub fratris oculis, vivere quotidie desideraret, darem Sanguinis pietati, quam, violento discessu contra tot preces turbare, perfidia speciem & partem parricidii futuram. Respicerem etiam (siquid apud me valere posset pristinorum memoria meritorum) impensos, jam ab incunabulis, mihi favores amorisque; solius Sororis affectibus cessuros: Reputarem insuper; Ecquò potissimum promotore causa, tam clausis maternis auribus, iter Americanum extudissem & explicassem? Quo deductore, Batis alveum, Gades, triremem, & comites, puer vix duodecenni grandior, evolvissem? Quis per tot Ponti discrimina, per Scoticos piratas, fœminina custodia depulsâ turpitudinis, per importuosa Mexicani maris littora juveniculum expedisset? Rependerem hanc itaque quantulamcunque tot benefactis gratiam: neque se barbaras inter gentes destitutum vellem, omni necessitudinum solatio cariturum. Cùm præsertim ad longè forsitan barbariores ipse vela facturum essem: & utcunque tolerabili relicta sede, quam Carthagena promitteret: insequerer itinera non ferendis aestibus ac malis aspera: quareremque colonias, quas forsitan, per invia pèrque devia reperitas, ad extremum solâ morte possessurus essem. Nunquam secundos eventus illis obtigisse, qui bene monentibus contumaces animos opposuissent: & utique Superam iracundia futurum: ut, qui nunc inter mortales unum omnium benevolentissimum, desertum irem: inter ignota loca desertus aliquando, re-*

*rum vicibus immutatis, alienissimorum hominum opem, lamentis nihil obtenturis, inclamarem.*

HUIC Orationi ROÆ, quæ discessus mei propositum tam multiplici gravabat invidiâ, pat utique non fuissẽ; si tunc Prudentiam aliquam, ætatisque maturitatem in consilium admittere potuissẽ. Sed inconsultus Adolescenciæ, quo tunc raptabar, impetus; & improbum PERUVII desiderium, diurnis juxta, nocturnisque stimulis (non invicis fortasse Fatĩs meis) agitabant animum: difficultates omnes impudenti generositate perruptorum. Igitur avunculi, lacrymis iufusos, ocalos, siccis ipse luminibus ex adverso devorans: in hæc ferè verba concisè respondi: sedentisq; super lectulum complexus dexteram: *Si quid unquam (ajo) vel Affectus apud me, vel Sanguis, valuissent, in toto meo profectionis Americana consilio: primas enim verò tum (nec immeritò) Genitricis ejulatibus concessissem; cùm illa me, Per quidquid sacrum profanumque retinere niteretur. Illa me, quod tu nunc rogas, rogabat: illa, quod tu mones, hortabatur: illa, quod tu nunc objicis, exprobrabat. Pace tua, dulcis avuncule, dixim! Illa de me, quidquid dici tacerique potest, & multum ultra, promeruit; partu, nutritione, charitate, studio, dulcedine pietatis. Neque tamen his tot nominibus, uti retineret abiturum, evicit. Injurium itaque posthac amabilissima matri grandem inflixero; si, quod à Filio non uterus, non lac, lacrymaque potuerunt, id os & querela Fratris eblandiantur. Plus genitrici gnatus, quàm Avunculo nepos, debeo. Fateor equidem, & ultrò præ me fero, Roa; multis obstrictum me tibi: nec id unquam inficias ibo. Tu quoque cùm multa tua liberalitatis adversum me promerita modo produceres; in sermone tuo non cuncta posuisti. Nam plura commemoratis, ac longè grandiora, secum ipsa recolit, assidueque celebrat, mea conscientia, quorum hoc ipsum non est infimum*



*finum : Quod tu me validius , quàm ego memet ,  
amas : & ob hoc tam sollicitè retentare propemodum  
per violentiam , conaris . Hos tuos summos conatus ,  
non nisi summus Amor intendit : & idcirco sanè gra-  
tiam ex me mutuam requirunt . Sed , chara mater ,  
charus avunculus , charissima peregrinandi vo-  
luptas est . Experiri totam , quàm latè jacet , Ame-  
ricam , destinatum ac fixum sedet . Quod si quando nihil  
Peruvius , nihil America , superfuert : cum Rege Ma-  
cedonum Novos potius mundos aliud cælum & Soles a-  
lios , inquiram . Neque tu molestè tuleris hanc ado-  
lescentuli cupidinem nondum in hoc proposito turpem ,  
nondum honesti fines egressam . HUMANÆ gentis hæc  
indoles est ; experiri , videre , peragrarè , quidquid  
ipse Sol circuit & contuetor . Nec eadem omnibus  
Theatra sunt . Me , spectare Peruvii plagas , urbes ,  
ac littora , delectat : Te tua Carthagèna tenet . Si ni-  
hilationes tuas , in hac deligenda sede , conturbant a-  
lii ; si tu potes , & soles , etiam suadentibus Hispa-  
niam Novam & Mexicum , opponere pro scuto lu-  
bidinem tuam , ac dicere ; Carthagèna me juvat ,  
non aliis in terris , habitare : Carthagèna mihi , non  
Mexicum , placet ! qua , rogo , qua tandem tua pie-  
tati est invidia : Peruvium & Cuscum & Limam  
negare nepoti ; qui Peruvium , Cuscum , & Limam  
omni terrarum amphitheatro præhabet ? Summatim  
igitur , sive permittis , favore tuo ; sive resistis ulte-  
rius , tuâ venia concessuque , proficiscor : & è portu  
solvo , dulcis Roa . Cum his , vale !*

Quibus in hunc modum peroratis ; ego flen-  
tis ubertim , ac verba mea silentio refutantis ,  
manum complexus & exosculatus : simul hume-  
ris ejus impressa facie superinjectus , animò fer-  
reò digredior ; ac , protinus auram nactus è votò ,  
vela facio : jam alteram ac tertiam Argo mihi visus  
incedisse . Roa meo quid factum postea sit ; ma-  
gis non novi , quàm non inquirò .

VII. CÆTERUM nos Oceanò , quâ ( Bra-  
filiam



filiam inter & Mexicum) in Occidentem obliquum protenditur, evecli: paucis in diebus, Portui primum & Urbi, quam à Dæi Nomine Nombrediosam nostri nuncupant, applicamus. Cui non ita multum immorati: Panamam, urbem & portum alium, è regione Nombrediosæ sitam ad Austros, itinere terrestri progredimur. Urbes hæ, duobus, magnitudine distinctissimis, at loci coitu pervicinis conjunctisque Pontis adstitæ: fauces ipsas Isthmi sic mœnibus obsident: ut Nombrediosa quidem Oceanum Atlanticum, Panama verò Pelagus Zuriū seu Pacificum, claudant: alteram altera respicientes. Octodecim milliariū (quæ Magna seu Germanica nominamus) spatium inter isthæ loca comperimus. Urbs utraque CASTILIAM AURIFERAM, pro cujus fronte sunt locatæ, simul inchoant ab Occidente: simul, ceu capita cæterarum urbium, nobilitant: Provinciam alioquin malè frequentem, pessimeque nostris ab hominibus interdum habitam; per assiduas injurias eam incolis exhaurientium. Et ea tamen, & si concussiones avaræ deessent, in semetipsam recidiva marcidaque jaceret; tum aquarum putore, tum pestilentis aëris insalubritate. Sed hæc intemperies præ cæteris urbes illas, quas modò nominavimus, exercet. Ac Panamam quidem Euri vastant, & Cæciæ Vulturique venti, Nombrediosam autem Africus, Canrus, & quidquid Australiam Occiduatorumque flatuum numerò censetur, ne Favoniis quidem, (quod mirère) satis propitiis. Verum parcius Panama, sæviūs Nombrediosa, Libitinam sentit: Urbs haud aliis magis, quàm Ibericis corporibus, funesta, quam idcirco tristi, sed vero vulgatoque verbò, SEPULCRUM HISPANORUM, indignant. Quanquam me quidem, converso fato, clementer Nombrediosa, truculenter autem Panama, non multò post, habuit: sicut in loco referam. His tamen omni-

bus incommodis insupèr habitis, & hæc frequen-  
tatur, & illa: navalibus portubusque percomodis,  
& emporiis Europæ toti felicibus. Ac Panama  
quidem mercibus floret Americanis, in Orbem  
nostrum transvehendis. Id in hunc fere modum  
fieri solet. Quidquid ex Chila regione, quæ  
trans Peruvium in Austros jacet, vel auri, vel opulentiæ  
cæteræ congeritur; id ex urbis Aréquipæ portu  
Limam; Limano de portu, cum reliquis Peruvii  
mercimoniis, tardo quidem, at securo littorum  
tractu, Panamam navibus oneratis transportatur.  
Panama vero, deoneratis navigiis, & in plaustra  
translatis molibus, itinere terrestri Nombrediosam  
opes; & hinc, resumptis remigiis, Havanam,  
insulæ Cubæ nobilissimum Portum: ex hoc  
tandem in Europam devolant. E diverso, quidquid  
Europa suarum facultatum Americanis vendit;  
id Olyssipone Gadibusve per Oceanum Atlanticum,  
ponè Fortunatas insulas, in Canibalam & Margaritarum  
insulas: ex his deinde Carthagénam ac Nombrediosam  
commeet. Ibi, levatis navigiis, onera transferuntur in  
axes ac rotas: quibus pervecta Panamam, postmodum  
in Peruvii regna velis decurrant: secundum  
littora maris Pacifici. (d) Verùm hæc hæctenus,  
de geminis Isthmi velut portis atque custodiis:  
propter crebram Panamæ Nombrediosæque  
recursuram mentionem, paulò diligentius  
exposuisse sufficit. Ad singulas nunc adnectere,  
quæ magis ex usu cognitioneque videbantur: non  
erit abs re, nec extra propositum.

VIII. NOMBREDIOSÆ Portum, in com-  
modiora navalia redegerunt nostri: quibus,  
processu temporis, paullatim & ædificia cum  
propugnaculis adstruxerunt; & muros in  
legitimæ formam Urbis circumposuere,  
Nomen autem ex DEI NOMINE mœnibus  
illis imponere placuit; ne Divi Pauli  
documentum Apostolicum præterirent,

rent, quo Christi cultoribus imperat, A DE I NO-  
MINE rerum ut omnium ac negotiorum principia  
capiant: quippeni proinde Navigationis etiam,  
& Exscensionum?

A tergo Nombrediosæ, quæ respicit Aquilo-  
nes, Cuba jacet ac Iamaica, quamque dicunt Hispani-  
oli, celebres Insulæ. CUBÆ littoribus, Trinita-  
tis inter & Albajumam, ad Austrum objacet In-  
sularum innumerabilis multitudo; quas, viridan-  
ti semper cespite conspicuas, & serie quadam, ve-  
lut lectulorum hortensium, in areolas ac germi-  
na digestas: ISABELLAE regina VIRIDARIUM  
nostrates vocant. IAMAICA, Citria profert & Me-  
dica vulgò poma; quæ Græcis Aurea sunt, no-  
stris Aurantia. Nerantiave. Gossypium quoque  
gignit tenuissimum; & ipsâ sui subtilitate vali-  
dum ad telas ac pretium. Infestatur stas turbu-  
num furiis, quas Turacanos indigenæ vocant;  
tam validis, ut stantes in alto naves, super litto-  
ra siccumque momentò trajiciat. HISPANIOLAM  
indigenæ priores. Quisque jam dixerunt; tanquam  
*Supra modum Amplam* (quæ vis vocis est) *magni-  
ficamque*: vel, si barbaræ pronuntiationis empha-  
sin in eo vocabulo plenius expendas; IN COM-  
PARABILEM. Tenebrosis quaquaversum densisque  
sylvis, littorum tenuis, prætexta: quæque jacent  
ante sylvas, asperis rupibus arduisque montium  
prævallata jugis; eminens ad se tendentibus ab  
alto maris, speciem Cimmerici cujusdam, aut si  
quistrius est, horroris præbet. cum interim In-  
sulæ penetralia, simulac intraveris, latissimâ pul-  
chritudine rideant. Quinque Provinciis insignio-  
ribus unica distinguitur Hispaniola; quarum ta-  
men singulis, minores insuper aliquot regiuncu-  
læ subjunguntur. Longitudo, quæ protenditur ab  
Occasu Solis in Orientem, quingentis quadra-  
ginta passuum millibus: at latitudo, quâ spa-  
tiosior existit, trecentis absolvitur. Habitat  
urbibus;

urbibus: quibus ea, quæ Divi Dominici nomen præfert, ut caput, imperat. Montes illi, quos Cipangos vocant, Auri ditissimis venis redundant. EST hæc Insula, pleraque sui parte, propemodum ad luxuriam, bonæ telluris, saluberrimi cœli, frugum tam sponte sua quàm cultu nascentium feracissima. Sacchari felicitate proventuque tanto: nusquam ut gentium spissitudo proceritasque cannarum Quisquejanis certet: medullis arundinum tam confertis, ut unius alicujus fistulæ liquor excoctus, vicens, nonnunquam & triceñas explere phialas memoretur. Adhæc salus ingentes, lanæ sativæ divites: arbores, mastichês atque succini, nemora viretaque, germinum aromaticorum omnis generis, copiosa. Ne longum faciam, non est calamus, non ingenium: quod hujus Terrarum partis felicitatem æquare scripto vel eloquio possit. Paucissimis, qui Boream respiciunt, tractibus exemplis, cæterorum Ver & Autumnus est assiduus, continua pæne dierum noctiumque paritas: ac, siquâ discordent, non ultra mensuram horæ brevioris dissensus exorbitat. Quod igitur in tanta siderum ac terræ clementia consequens est, æternus illic hortorum, nemorum, pratorumque viror exsultat: nec illa duntaxat, ad Septentriones vergente valle, quam ob amœnitatem à PARADISO nominant, sed toto prorsus interiore telluris solo. Nec ullo penitus mente non indulgens Annus est, recentibus temporique congruis fructibus, in mensas secundas inferundis. Intrâ Lunam inchoatam & exactam, certeque tricesimum intra diem, à defixo semine, cucurbitæ, pepones, cucumeres: dimidio vero celerius brassica, lactuca, beta, nasturtium, & id genus olera cætera, vigent, & ad maturitatem perveniunt. Fidem autem pæne transcendit (non ipsam veritatem) tritici siliginisque luxus, qua-

quarum frugum spicae, dodrante multo longiores, virili brachio spissiores habitioresque; duo granorum millia perfacile claudunt in siliquis. Quod & si manu cultis areolis eadem semina depanxeris; illum ipsum, modo relatum, granorum numerum longè vincunt, & hoc (quod stupeas) quartum intra mensem; quo fructum & folliculum festinant. Sylvarum odoratae radices, etiam apros villaticosque porcos, nec alia magis terrarum plaga, saginant pariter atque condunt; ad ventris peregrinam voluptatem, & saporis invidiam. Flumina quoque fontesque salubritatis suae mirandae genium Auro debent; quod passim omnes aquae vehunt, inexhausta fulgentis sabuli devolutione.

Talis cum tot naturae dotibus Insula, non mirum, si jam olim, & ante nostrorum hominum appulsum, inquilinos invenit; quos deliciarum & opum amor, vel ex ipsis Romanae majestatis sedibus ac terris excitos, illis in agris collocavit. Cujus argumentum, Nummus est ex auro solidus; cum Augusti Caesaris effigie laureata vetustissima, nostrorum avorum memoria refossus. (f) Nec desunt illi terrarum parti, ludentis naturae prodigia: quibus accenseas Montem quendam, sexaginta circiter passuum millibus ab urbe Dominicae sepositum; ingentem jugis, & inserta nubibus altitudine: ceterum, horridò rupium invioque succincta, vel inaccessus undequaque, vel non, nisi cum salutis projectu, penetratos. Supremo verticis sui sive stagna circumplectitur, mille passuum ambitu: dulcibus ac pisculentis undis. Circumsident hanc paludem, in coronae civicæ vel turrigeræ Cybelæ imitamentum, cautes altiores: justis intervallis, perque capitum intercisa surgentes. De rupium porro fissuris atque rimis, toto passim montis

cir-



circuitu, fontes ac rivi limpido procurfu gelidòque latice, prorumpunt; & introrsum, veluti lacus conchâ quadam, coeunt. qui tamen ipse lympharum confluxus, nusquam exitu repertò, vel hæret secum, quotidianis solibus imminutus: vel (quod propiùs fidem) subsidit ac sorbetur, voragibus occultis haustus, & indè novarum sub rupe scatebrarum alimentum effectus.

EST, præter hæc, in ea, quæ Cajaba dicitur, Hispaniolæ provinciâ, VALLIS: quam tristium undarum formidanda palus occupat. Hujus profunditas, & proximi maris sinum, & complura præterea vasta, naviumque patientia, flumina deglutit. Lacus hic CAIÒNA dicitur, ter mille passuum longitudine: duodecim quindecimve millium latitudine: profunditatis autem indeprehensæ: cum nec mersus quispiam, neque naufragus, unquam indè revererit: qui periculi sui mensuram narraret: quippe solitis, ab omni retrorsum memoriâ, navibus pariter ac vectoribus, hædere fundò, quem semel abrepti subierant: nec in litus ullum (sicut alibi) suctis expelli tabulis & oneribus: ac ne quidem cadaveribus. Nam ista quidem Balæones grandes, & piscis quoddam arox genus (Taberones illi dicunt) vel hiatu pleno confestim glutunt; vel dentium uno morsa tota corpora pervadente, discerpunt. (g)

IX. De Nombrediosa, proximeque sitis Infulis, quibus illa fruitur, & deliciatur: per diverticulum ista dicta santo. Cæterum PANAMAE Civitatis originem, ex altiore paululum principio reperere, non fuerit injucundum.

Vascus quidam NUNNIUS, cognomento VALBOA, nostræ vir gentis: miles ingenio suo turbidus; at peregrina licentia, proculque regis oculis, inquietior: cum in Peruvii sterilioribus plagis, minorum adhuc ordinum curis, & in-



frā præfecturæ dignationem, alieno de nutu præ-  
sideret: *innata Superbis omnibus pervicacia, detre-  
ctare primū imperia cœpit*: mox, seditionem  
exorsus, Ancito Baccalaureo, Provinciæ Præ-  
tore, sese, suorumque gentilium complures, ab-  
rupit. Principio Ducis, mox propemodum &  
Regis ipsius, ad tempus aliquod, exutō sacramen-  
tō: nova sibi vexilla, novas sumpsere sedes: non  
jam per solum animi tumorem, sed etiam per avari-  
tiæ vecordiam: quam in manipulis tam paucis  
nec univèrsū potuit explere Peruvium. Quæ-  
rentibus nova fœdera. sicut fit in Desperatis: non  
potuere deesse novi conjurati: conciliante præ-  
fertim societates, mentium & inquietudinis  
similitudine. Nam erant ultra Quitum, Septen-  
trionalis Peruvii nobilem urbem: erant extra jus  
& viciniam Hispani nominis, Reguli quidam pro-  
vinciales, Isthmum Americanum circumfiden-  
tes. Tum, præter hoc, exulceratis invidiâ metu-  
que cogitationibus, infesti barbarorum primo-  
res: ex peregrinæ gentis diversis moribus lividi,  
campisnisque nationis Hispanæ gliscente domi-  
nati suspicaces: *Qui vicinissimo cuique semper  
nimis videtur*. Se in iis omnibus, uti copiis,  
itā nexu potissimus, PANCHIACUS erat, To-  
parcha: quem tam arctè sibi Valboa cum suis om-  
nibus devinxit: ut eosdem pars utraque pace bel-  
loque fumerent amicos & hostes. Hunc Pan-  
chiacum Vascus, quā suasu, quā pollicitis ac  
blandimentis, ad baptismum denique, post Chri-  
stianæ magisteria doctrinæ, perduxit: ac, de salu-  
tari fonte susceptum, CAROLUM nominavit.  
Nec immemorem benefacti se Regulas præsti-  
tit. Etenim Auri gemmarumque viam ingentem,  
tanquam donativum, die quodam festivo, Val-  
boanis militibus ipsique Duci, sub epulas in me-  
diā protulit. Primæ potioresque doni partes

ad Vascum sine controversia pertinebant : quas etiam ad se , nullâ morâ , manus avida traxit. Inter affectas , ut quisque se vel Ducis , vel Reguli ferebat intimiorem ; lis erat & contentio , quanta nec inter Gallos olim , captam Romam auro promercali nundinantes. Nec hercules aliter hîc , atque tunc in foro , cui Camillos intervenit , in stateris ac libris bilanci- bus jacebat Aurum ; ad ponderum leges examinandum. Iamquæ ventum ad rixas erat & jurgia : succensisque cupidine mentibus , Avaritia ferrum spectabat atque sanguinem. cùm diremit controversiam PANCHIACUS , ingenuâ reprehensionis libertate. Contractam etenim in pugnum dexteram , alteque sublata , furioso cum impetu reduxit : & in bilancem , quâ thesauros ponderabant , impexit , ictu tam valido ; qui cum Smaragdis Aurum omne discussum , huc illuc pavimento toto disjiceret ; deque Congiario sparsionem faceret. Adjecit (frendentibus licet illis) cum stomacho ; *Vestram Fidem ! Hispana gens ! Et Christiani vos estis , quibus Thesauros in Cælo Deus vester imperavit . ac seposuit in Terris , venturi ? Ecce , nos ex Gentibus Peccatores , & ab longis tenebris , nunc demum lumine cognitionis cælestis aspersi , tamen id , quod VERUM est , videmus , & hoc , quod vos AURUM vocatis , nos TERRÆ MASSAM dicimus , inque medium & commune , tanquam possessionem plebejam , projicimus . At vos , in jubare Soleque Religionis primis ab natalibus versati : tanquam DEAM quandam adoratis ac rapitis Globam neque vescam , neque potabilem , nec ullo modo nutrimentis humanis genitam . nam aliquis , cur abdidisset illam Natura , qua vita totius cuncta subsidia ponit in propatulo ? Quod amplius est . In me , qui sprevi vestras asimationes , qui disjeci , qui pro-*

protrivi, dentes infensos ac lividos oculos distringitis: indignamini què, quod IDOLUM vestrum, nostris illis priscis multò damnabilius, conspuam & proculem. Atquin ego vos, & Numen hoc vestrum, quod adoratis, nihilominus cito placabo, ne diutius in dissidio simus. Ego vos (si Felicitatem hoc appellatis) ad summas statim Fortunas perducam, ex quibus non tantum manus, & sinus, & arcus, ac triremes vestras, & maria, terrasque; sed, quod his omnibus vastius est & insaturabilius (hoc est, Avaritiam vestram) expleatis. Ibi, quantum potestis concupiscere, tantum rapite, trahiteque, sed sine rivalibus, & lite ponderationum. Vos tantummodo mihi credite, meque sequimini. Secundum hanc, quam retuli, Satyriam Panchiacus haud aliter, atque pollicitus fuerat, fidem exsolvit. Novis etenim arrectos votis, à mediterraneis, in quibus hucusque militiam triverant, ad Americæ superiora, Boream versùs & Isthmum, deduxit: & ex aliis alia commonstrando loca, fossilis auri massis aut fluidi metalli glareis opulenta; Regnum Hispanis his aperuit, quod AURIFERÆ postmodò CASTILIÆ nomen est sortitum. Postea, progressus ad Occiduas partes; Zarii maris portus & ostia, sitientibus referavit; ad id usque temporis navibus Europæis inaccessible. Præter hæc, montium Darienæ regionis latentes opes &, quibus ex littoribus Lima, Potossium, Chila, cæteraque fortunatissimæ continentis abdita penetrarentur, retextit ac propalavit. Ne verò dictis ejus discors appareret eventus; in iplo statim itinere, quod ad Isthmum ferebat, Panchiaci Reguli ductu, VALBOA repertis auriferis specubus, obryzo copioso militares currus & impedimenta referit: donec ad æquoris Pacifici litus illud pervenit, quod nunc urbi Nombrediosæ stat oppositum. Illic & Portam, utconque prius ru-

dem, in formam commodiorem redegit: &, partim, ut repetitæ felicitatis fidem præterito firmaret; partim, ut spes subsequentiũ in tempus futurũ vallaret; Arcem erexit, super ipsum litoris marginem; cui nomen AUREO CASTELLO fecit. ac, ne gratuitus esset tam speciosus titulus: quidquid Auriprius, ac postea, VALBÒA congeffit; id universum illius munitionis laqueariis intulit: non sibi tantũ, sed & Regi; cujus in obsequium redierat. Verũ, exempro rebus humanis VALBÒA, redactisque sub imperium perduellibus: Regii curatores considerare lucrorum compendium, & sub rationes vocare census annuos exorsi, qui redundare possent in Philippos: Castello paullatim domuum frequentiam, & hinc urbem; mox turres & propugnacula, circumportarunt. ET hæc nunc est illa, toties memorata, sæpiusque memoranda PANAMA: cujus principia sese debent VALBOANAE, velut retulimus, rebellionis: *fortuna Regis, etiam è laesa Majestatis decremento, majestatem augente.* (b)

# ARGONAUTICON

## AMERICANORUM

### SIVE

## PERICULORUM

## PETRI DE VICTORIA

### LIBER III.

### CAPITUM BREVIARIUM.

**I.** *Petrus Victoria, Panama navigaturus in Peruvium, primo ventis retinetur: deinde febris gravissima, ex aestivis caloribus. Eam Victoria lethiferam, Medici pronuntiant. Commentarioli, pag. 60. fin. & pag. 61.*

**II.** *Petri dolor atque lacryma, ex mortis denuntiatione. Tanitudo praterita vita; & hanc consecuta, febris remissio. Comment. pag. 62. fin. & pag. 63.*

**III.** *Confirmatiore valetudine, Petrus tandem, cum Sociis, navem insecundit; verum, adversus tantum iter, perperam instructam, & imparem. Tumbesianorum admiratio, primis Europaeorum conspectis irremis. Comment. pag. 64. & 65. princ.*

**IV.** *Abdestinato in Peruvium Navis cursu, ventis obliquis avelluntur procul, in Occidentum pelagus. Legunt, invito remigio, Nova Hispania, California;*

*Qui vique littora. Tatarraxi Senis Regia, & opes : ac regni prodigiosa animalia. Quadam adduntur, de Insula Salomonis, ac Nova Guinea. pag. 67.*

V. Vi procellarum, in Insulas denique Philippinas abripiuntur. Ea describuntur, cum suis opibus. Resarto navigio, ab iisdem retrogrediuntur, in Peruvium vela facturi. Comment. pag. 70.

VI. Nova coorta, eaque Java, tempestate : navis Victoriana in anchora, & vectores in formidine, fluctuant. Pace maris reddita, cursus, in Peruvium ceptus, resumitur : qui tamen navigantes, ob nimiam longitudinem, grandi sollicitudine affligit. Comment. pag. 72 & 73.

VII. Magistri navis, callida ad vectores oratio : qua eis, de annona in futurum sollicitis, persuadere nititur : ut commeatum omnem in commune comportatum, sibi, eam custodi & dispensatori, concedant, aequaliter ac viritum distribuendum. Comment. pag. 74.

VIII. Vectorum, adversus nauclevi consilium fraudulentum, questus, murmura, protestationes. Sed vincit illius prava ratio : non sine damno, rixis, & indignatione Sociorum. Comment. pag. 76. 77.

IX. Post multum temporis, Peruvium tandem aspicunt : sed non agnoscunt. Scapha exploratoria incassum emissa, Panamam versus denno rapiuntur ventis : & versum Hispania Nova littora. Ad eam usi navem advertat, gubernatori persuadere nituntur. Comment. pag. 22. & 23

X. Pertinax adversum salutaria consilia magister navis : relictis utriusque Panamæ, Novaque Hispania portibus, navigium procelloso cuidam Promontorio applicat. Mox fraudulentia nova, auctor est Veteribus : ut eorum dimidium, ad levandam annona gravitatem, navi relictæ, pedestri itinere procedat, ad innominatam quampiam urbem, Comment. pag. 80 & 81,



XI. *Naclero, fraudis suspello. & fidem apud vectores non reperienti: fidem animosque complurium conciliat nonnemo Sociorum, per dolum aut vanitatem. Victoria solus unus in sententia contraria persistit. Comment. pag. 83.*

XII. *Ab hac tamen cum denique demovet, quantumcunque dissentientem, Pediosa cujusdam amicitia, & importuna preces. Vectorem ergo magna pars, & in his Victoria, scapha terram petunt: navim & mare relinquunt. Comment. pag. 85.*

**P**OSTEA QUAM Panamam pervenimus: Peruvium confestim, inoffenso maris, ut sperabamus, cursu cogitabamus. Sed ventorum torpore spes pariter & naves suspendente (subsiderant enim Aquilones, quorum præcipue successu velificandum erat) in urbe, male grata quiete, defedimus. Et tunc æstatis adultæ cursus erat: cujus intolerandus ardor, vix aliam, totius Americæ terram sæviùs accendit, aut perseverantiùs exurit. nam, præter spissatos directo Sole radios: æquoris insuper reflexo fervore plaga palustris & uliginosa marcet: tostique per immensa littora sabuli caloribus, corpora torquentur. *Ætnæ Siculæ, Vesuviique Campani, diceres viciniam: perpetuis ignibus flammata.* Ita non tam æstuant illic homines, quàm affantur: cute semusta pustulis, ac Maurico præne nigrore rampi solita, scordarique. Quare, citò viscera penetrante fidere, flammæque correptis intestinis: morbi gliscunt, & contagia vulgantur: inter corpora præsertim iasaeta, vel alioquin ob teneritudinem floxa. Vectorem itaque non pauci, mari soleque fessi, concepto languore, decubuerunt.

MIHI molestius nihil erat, quam auræ secundioris expectatio, diuturna sanè, jamque sex-

tum

tum in mensem effluente morâ. Cujus, dum & tædio conficior, & incertâ meliorum spe distendor: ecce! quæ tamdiu me distulerat intantum, in me vi totâ ruens acuta Febris incumbit; tantò gravior utique, quantò tunc alieniore meo tempore. nam, ne tristem interim cursum suum urgeret & expediret; metus nec immeritus erat, neque parvus. Intendebatur inter hæc morbi vis; & valetudinis moles, prostratum ad extrema deduxerat: cùm (dictu miserabile!) super hæc omnia Medici quoque, desperato curationis successu, mihi suprema denuntiant; adjunctò; *Non artis sua, non virium & corpusculi mei, tantis depasti caloribus, esse posse, proferre vitam. Cederem itaque Numini, quod suum esset, repascenti: darémque manus Naturæ, pari rigore senium juvenilesque pedes, in conditorium citanti. Sic esse constitutum æternis legibus; ut inoffenso passu procedat moriendi necessitas. Cui proinde, si virili fortitudine pueriles annos impenderem, dimidium mali superatum fore.* PRIMAM esse Mortis facilitatem, non Time-re Mortem: longeque negotiosius Pavorem interitus, quàm ipsum interitum, exantlari. Folminatus ego tam tragica, tamque præter opinionem jacta crisi, plane peremptoria; siqua fides est vitæ dulcedinem continuata felicitate quondam expertis, & mox ab hac in luctum sempiternum descensuris: dubitare mecum ipse cœpi; verene sic haberent sese, quæ valetudinis arbitri protulissent? an vero per soporem & delirium hæc audissem? Sed simulac, illorum abscessu meæque solitudinis silentiò, quies & otium fuit; cuncta per rationem meditatus exputandi: tunc enimvero cœpi, considerata funeris propinquitate, fletibus non perfunctoriis diffundi: cubitoque super pulvinum, quoad vires dabant, nixus, memetipsum hinc ferè lamentis, ante fatum, extuli;

II. PEREUNDUM est igitur? & pereundum, inter gentes

gentes non tantum exieras, sed etiam ultra notum So-  
lem projectas, & omnem humanam consuetudinem  
exutas? Moriendum ante diem? & hoc quidem impu-  
beri? modò quatuordecenni? vixdum etiam delibatis  
vita dulcioris principii? Et, nondum exactis ado-  
lescentia spatii, jam tempus ego, jam senium explevi?  
Quid ergo nunc generis claritas? quid opulenta conge-  
stis copiis domus? quid latè sparsa, per cognationes,  
per & affinitates nobilitas, in saeculum aliud abituro  
conferunt? Frustra, mi VICTORIA, frustra, mul-  
tūque poenitendo, tot marium Insularūque cir-  
cuitu; Eßsam, Marroccium, & Mauritania decoloris  
extrema, Peregrinus Europæus rasisti! Stultā navi-  
gationis lassitudine totum Atlanticum cucurrissi;  
Fortunatas lustrasti; Margarita portus intrasti; Car-  
thagēnam & Nombrediosam obtisti: caterōsque maris  
importuosi flexus & angulos pervasisti: quo pretio la-  
boris? scilicet, ut Baticam, ut Hispalim, ut penates  
paternos, ut amabilissimam genitricem, fugeres! &  
inter duos vivere securè noluisti; quò periculosus at-  
que turpius inter alienos perires! O, me calamito-  
sum, torvisque fati in lucem editum! Ergò non po-  
tui Tempestatibus vitam ponere? non, Brasilerum Ca-  
nibalumque littora pratervectus, barbaricis configi  
telis? non piratico certamine: cum Andrada Villan-  
dradioque, sicut periculum, ita mortem, sociare? non mu-  
le discriminum ruinis, in tanta maiorum fertilitate, tan-  
ta Ponti levitate, consepeliri? Nunc denique, nunc, avun-  
culè dilectissime, repulsa precum tuarum, quales com-  
merui, pœnas dependo. nunc, tui contemptum pelle  
mea depleto. Tu monebas: tu retinebas: tu lacrymis, mi-  
nis, vaticiniis absterrebas: nec tamen vel hilum in  
contumaci pectore proficiens, quantum mater in filio,  
tantundem verborum propinquus in nepote, dilapida-  
bas. Et nunc quidem fortassis irridet fugitivi sui pro-  
terviam Roas. Fortassis impietatem degeneris nati pia  
genitrix exsecratur: & inter solitaria viduitatis quo-  
tidiana lamenta, flatibus istis meis, iustissimo supplicio.

Nemesis

Nemesis aquas adfundit. Hoc scilicet, hoc nunc curiosa pertinaciae pretium; hunc exitum refero, non reverentia cognatum sanguinem, temeritatis: ut Matris desertor. Avunculi contemptor, periculorum irrisor, avi levius, conscientia gravis, solatiorum omnium e-gens, Christiani funeris & exsequiarum extorrens; procul paternis cineribus, & tumuli communionem, deputrescam. Sed parva sunt haec. Ille potius, ille mentem meam nunc pavor lancinat; ille sub praecordii horror, mortis in vicinia, consternat: Prætorum pudibunda memoria; scurrilium in lubricis annis errorum recordatio; neque pauca grandiores aetate sua noxa: quarum nec expertus jam olim Hispanus fuit, & nauticus, per tot vectorum ac scelerum irritamenta, cursus fertilissimus. Nunc (eheu) delicia vanuerunt, animi remorsus durat: usura flagitiorum transvolavit, & pavitudo successit; qua Promethæo quocunque vultu re crudelius viscera fodiat Peccatum peractum est; peccati supplicium impendit. Jamque simulac damnatum, VICTORIA, spiritum effuderis: ministri, qui praesto sunt, Tartarei, tetricumque Stygi apparitores, tetrum & sibi concolorem Reum ad Puteal raptabunt horrendum; ad Praetorem, quovis Castio rigidiorum, improbitatis omnis scopulum: ad Iudicem ac tribunal, a quodam Nesciri malefacta capitalia, quam post funus Absolvi, nefas est. Sequetur reum convictum & indefensum, inexorabile sine fine supplicium: sequetur horribilis immensa profunditate Vahis, inextinctis Tartarorum incendiis aëtuosa; cujus Flammas immanes, nulla Panamæa Canicula vel Sirius astrivus aequat; nullum Atlanticum Zuriusque Telagus obrueret aut temperaret. Ad qua nunc omnia (vixit PETRE) caussa parum praemeditata, nulloque patrone, festinas.

Quæ cum in hos ego, similesque plures questus, largissimis infusus lacrymis, egressissem: revolutus in lectulum, ad CHRISTUM. Deum ac Servatorem, oculis animoque conversus; quan-

to potui mentis & præcordiorum dolore , rogare meorum admissorum veniam , omnium singulorumque corpori : non voce minùs , quàm manibus , cælo tensis. Vnde , quorquot domesticorum ægri læticam circumstitebant , in fletus uberes effusi ; mecum eadem orabant , ac dolebant. Visamque placari mox Numen. nam remissione protinus æstu , de morbi vi plurimum decessit. Relevari capitis ac viscerum ardor ; minùs jam rigere lingua ; meare legitimo temperamento venæ ; prorsus emendari valetudo ; ciborumque patientia vitiato stomacho reviviscere.

III. Non fefellit hic ipse rei melioris rumor Medicos. Vnde , qui nuperrimè decretoria me censura sepelierant , iidem ad me paullo post , quasi resosuri , concurrant : & , sive sincera gratulatione , sive (quod familiares conjectabant) à convalescentis hilaritate liberalius lucrum & Soteria prolecturi ; tanquam per officium frequentant. Largis interim , & ad animum recreandum quæsitissimis sermonibus , primò ; mox altero , tertioque , tum & pluribus diebus aggressi : celerius omnium opinione mihi salutis aut firmitudinem attulerunt : aut (quod idem est) fidem & credulitatem. *Plerumque namque , qui se valere putat ; ille jam valet.*

Cæterum ego Medicis non sine luculento præmio remissis : cum dilapsam jam pridem triremem tacitus dolerem : devoratis tandem animi tædiis , ad urbis Panamææ procerum nonneminem accedo : propositoque Peruanæ navigationis desiderio , commeatum ab eo , simulque de meliore nota commendaturas litteras , ad Proregem Limanum , extorqueo. Mox , ulketioris moræ fastidio , quoniam triremium biremiumve iustarum copia non erat : navium ordinis minoris aliquam (verius Celocem grandiore) inscen-



scenda; plebejam sanè trivialemque: præterea nominibus aliis multis miserabilem: quippe nec annonâ, nisi negligenter; nec armamentis suis aut utensilibus, instructam. non illic vela, contra procellas duratura; non malus, sustinendæ carbaso firmus; non rudentes in longum solidi; non carina laterave, fluctibus insultaturis paria. Dicam ad summam: ne magister quidem navis vir gnavus aut alacer videbatur; lentissimique remorum ductûs ministri, qui per trastra sedebant: prorsus ut appareret, nisi venti nos protruderent, tertio quoque die tres passus eos in Pelago promoturos; & in eorum locordiam merito Bilbilitanus noster vates, prælusisse credi posset: cùm id genus remigum, NON NAUTAS putavit esse, sed ARGONAUTAS.

Et talis quidem erat *ARGO mea Quarta*, qualem depinxi modò; depingamque posthæc sæpius. Sed tam malè materiato vehiculo, nihilominus animam & spes nostras ausi concredere. CENTUM viginti quinque vectores, præter nauticam turbam, Panamæo portu solvimus quos inter etiam Nestor ille meus, facundusque polyhistor, erat. Peruvium autem omnes æquè tendebamus. Et navigationis quilem principia, ponè littora, præclare se dare visa sunt: non tam naviculariorum industriâ, quàm cæli sereno, ventorumque non diu duraturâ fide: narrante præsertim ex aliis alia Nestore; quorum tam copiosus erat, quàm aquarum mare. Sicut enim singula quæque rerum obviarum sermonis ansam ei dabant: ita loquendi flumen ad ea vertebat. Cùm autem & barbaros animadverteret pro littorè consistentes, ac celocem nostram non maximam, tanto cum onere, mirantes: Atquin (inquit) hæc illis pacata navigia, sine pompa triumphum, & armorum terrore, jucundiora visu sunt: quàm maria, Darii Xerxisque classibus



constrata. Sunt enim indigenæ partis hujus Americæ (sicut & Peruvii) subtimidiores, suspicaces: & ad grandia potissimum machinarum spectacula, formidolosi. Certè, qui Peruano- rum primi (quod Tumbesiam incolentibus præcipuè signateque memorant evenisse) tiremes & onerarias Europæas conspexere, disparsis velis antennisque volitantes, & alternatione remorum incedentes: homines, omnium rudes, & transmarinorum insoliti, quique præter Canoas, Peraguas, & Balsas suas (id est, lembulos) nihil unquam nauticæ oculis usurpâssent; principiò, tanquam ad prodigium quoddam, concussi feruntur. Avulsas ingenti terrarum tremore rupes, aut seminsulas, incertò ferri fluitareque pelagò suspicati: posteaquam propius admotas, æquali semper agitatione moveri, nec usquam impariter mergi, deprehenderunt; admiratione propemodum lapidescere. Donec ad extremum etiam hominum formas in triremibus conspexere; per foros, pèrque malum, per pro- ram ac puppim, & navium marginem discorsan- tes; donec consideravère vultus peregrinæ fron- tis & oris; nec perinde, sicut seipsos, investes ac depiles, sed aptissimis membrorum tegumentis, & cum gravitate barbæ. Tum enim verò prorsus ex- tra se positi, *Deos! Deos! & non Mortales*, clamare, credere, venerari, sunt orsi; (a)

IV. SED jam pridem, dum nos in Nestoreas has pluresque similes enarrationes, intenti pen- demus: & serenitas aërem, & ventus secundus navim, destituerat; in Eurum subito rapi- dissimamque procellam commutatus. Et nau- clerus, nec scientiâ torquendi clavi, nec in- dustria laboris, tempestati par; remis suis mani- bus, Oceano nos permisit, ac fortunæ fluctuan- tis arbitrio. Quo factum; ut ab lictoribus maris Orientalibus, quæ Peruvium nos pervexissent,

momento celerius abrupti, longissime raperemur in Occidentalis æquoris vastitatem: & inemendabili dierum aliquot noctiumque cursu (cum Vulturis violentissimi nec punctum de statu remitterent) plerumque margines Hispaniæ Novæ, dextrâ jacentes, legeremus. Paulo post ulterius provecti, Californiæ, quæ suprà Novam Hispaniam ad Occasum porrigitur, Sinus intramus. Ab his ipsis tamen mox dispulsi, Cæciâ vento nos proturbante; transversim in alta maris aliquousque raptamur. Ibi, coorta repente malacia, dierum aliquot ingratiſſimam trahimus moram; non prorsum, non retrorsum, progrediente celoce. Postquæ, recrudescentibus Vulturis, ad continentis Americæ Borealia, deflectere cœpimus; errore tam omnibus manifesto (sed quis, ventis nolentibus, corrigeret?) ut, vectorum quidam, veteri littorum peritia, Regiones agnoscerent. Monstrabatur veteranorum digitis, eminus & in extremo maris ac terrarum angulo, QUIVIRÆ Regnum; Archipelagus inter, & Asianum Fretum, medio situs. Qui lustraverant olim, miranda referebant. Canes, leonum magnitudine: cæterum transportandis oneribus habiles, & insuefactos, Tatarrazii præterea Regiam: Senis, majorum nostrorum memoria decantatiſſimi; quique regio jure nomineque Quiviranis præfederat, cujus opum excitiſſima fama quidam nostrorum hominum: & credulitate temeraria certis incerta præhabentes, signa reliquerunt, sub quibus sacramento mernerant: ac, præſidiis Mexicanis imminotis discessu suo: post iter longiſſimum, & millena pericula, Tatarrazum denique Regem invenerunt, Solio residentem ignobili, sine vestitu, sineque gloria, vel apparatu, regnantibus sueto: nisi, quod collum obibat, ære fassili plebejò (quod cuprum vulgus vocat) ductus plexusque torques. Hæc erat omnis illa

illa Midæ transmarini Regia: *tanta fama tam vile crepitaculum!* Celerius itaque desertores illi, quam spe sibi finxerant, oblaturati; correctâ stultitiâ, pedibusque reprehensis, Americæ citeriora repetierunt. nec in Mexicum quidquam, præter longinquæ fidei portenta, reportarunt, in quibus memorabant Animal quadrupes, equi forma proceritateque: colore puniceo, fronte media cornuta. Quod cornu, quia simplex & unius sine flexu macronis est: MONOCEROTIS nomen & auctoritatem illi Bellæ conciliavit. Caput ejus propemodum cervinum, ardua subreptaque cervice: pedes quoque tibiis, caprearum in ritum teretibus, atque macris. Ferox aspectu, sævumque feræ genus, quoties inatdescit: præcipueque, si lædas: cæterum ira citò defervescente, placabilique: ne quis multum dubitet, de veritate Monocerotis. (b)

AQUIVIRÆ deinde littoribus, interspirante Borea transversisque tempestatibus disjecti: vela convertere cogimur in Austros. iterumque, nec multò post, cadentibus Aquilonibus, & Euro nos propellente, mediò decurrimus Archipelago: relictis ad lævam (quas ostendebant eminus periti maris illius) Insulis Salomonæis, Novaque Guinea

De Salomonæis in hunc modum referebat noster polyhistor. Alvarum Mendavium, Limano solventem portu, post mensium tredecim continuam, & directi cursus, navigationem: in multas incidisse, permagnasque Maris, quod à Divo Lazaro nominant, Insulas. Eminentiorum, hac tempestate, nomina memorabat, Jesum, Malayam, Malartam, Atregadam, Trium Mariarum, Divi Christophori, Jacobæam, Zambamque, quarum postremam, affirmabat, cæteris omnibus ambitu magnitudineque præstare. Sed Mendavius (inquit) priusquam suis singulæ nominibus

insig.

insignirentur à posteris : eas generatim , pro jure libituque Repertoris , SALOMONIS Insulas appellavit. An , quod ex istis usque crederet ab illo Ierosolymorum Rege , Davidis filio , petiitum & advectum Aurum Ophiræ ? an potius fortuito quocunque mentis lusu , vel arbitrio ? Distare porro dicuntur ab America leusarum spatio circiter octingentarum : faciliore ( quod omnes consentiant ) ad eas triremium cursu , quàm ab eisdem in Peruvium recursu : propter ventorum & Oceani diversos mores , non æque recedentibus faventium , atque venientibus ad eas oras. (c)

NOVAM autem GUINEAM (ab Africanæ Guineæ quadam similitudine sic appellatam) primus omnium Villalobus , anno Salutis CRIST. 15. XLIII. cum navibus , ad indagandas Moluccas , emissus è recentis Hispaniæ regnis aperuit. & ob hoc Argonautarum Hispanici sanguinis non ultimam assecutus est palmam. Incolarum nigra corpora , sed agilitate miranda , non ingenii minus , quam membrorum , prædicantur. Sunt autem , quibus hæc GUINEA continens esse videatur : quique Salomonæas Insulas ei per Chersonesum Isthmumve connectant. (d)

V. SED nos interim , quanquam Nestoreis his narrationibus non indelectati , Peruvium ( quod solum quærebaramus ) remis velisque fugiebaramus ; & in paucis diebus , Archipelagi quoque spatio decursò , sensim Oceanum Orientalem , & Indiam Gangetidem intrabamus , quam nunquam destinaveramus. Id ventorum accidit pertinaci malevolentia : quorum indomitis furiis ablata celox nostra : ne Tiphys quidem (Argus veteris magistro) paruisset. Ità toto jactati Zurio Lazaræoque mari : Philippinis tandem Insulis cursum advertimus : non invito sanè nauclero nostro : quippe cujus actuaria jam nec contra famem sitimque , neque satis adversum tempestates ac fluctus instructa , manifestè fatiscebat & peri-

& peribat. Sed libet (priusquam Philippinas ingrediamur) eas obiter describere: sicut accepimus. Sunt Insulae complures, super aequor Divi Lazari per pelagus Indicum sparsae: feruntque PHILIPPINARUM nomen, commune cunctis, ab Regum, quibus subsunt, nomine: ceterum, praeter hoc, distinctis singulae nuncupationibus inter sese discretae. Circumluuntur ab ortu Solis eo mari, quod Archipelagus (velut dixi) nominatur. Ab occasu, Sianis regno Chinaeque parte terminantur, & India, quam Orientalem & Trans-Gangeticam dicimus. Ab Austro, Moluccis insulis & Bornea stipantur. ad Septentriones autem Cantone finiuntur. A vicesimo ferè caeli gradu, Boream versus, inchorae; pertingunt ad quintum, super Aequatorem. Insularum porro nominatiores sunt: Luconia, cujus caput est Manhila: tum Mindanaa, Calamiana, Vizaia, ceteraeque, sub harum claritudine latentes. Earum pleraeque MICHAEL retexit LOPPIUS, cognomento LEGASPE (etiam ipse nostris Argonautis inferendus, ex merito) sub annum reparatae Salutis Millesimum, quingentesimum, quartum ac sexagesimum. (e) Sed multò jam antehac in easdem penetrarat, Alvarus Saja-vedra, nobilis Jason & simul navarchus: qui, Ferdinandi Cortesi missu, Cinatlà (maris Zuxii portum) soluta navi, procurrit in Orientem; Moluccas Insulas investigaturus. Per eam enim occasionem, Mindanaam quoque, Vizajam, ceterarumque nonnullas adiit; quas deinde posteritas appellavit PHILIPPINAS.

Porro causam tam laboriosarum navigationum (praeter Regum Hispanorum voluntatem & mandata) splendidam habuere plerique; Famam ipsam ingentium & exoticarum opum, quibus tam Philippinae, quam MOLUCCAE, ferebantur affluere. nec ex vano. namque sanè, quales rumor cantabat; tales, ut plurimum, repèrere. Praeter aurum, &

aromatum



aromatum copiam : etiam Margaritæ jactabantur , non cujusmodi vulgò sunt in cervicibus & pretio principum foeminarum : sed , quibusdam in Insulis , ea granditate , qua turtures ova niuntur , alibi , Galinarum etiam & anserum partus æquare , dicebantur . Ac , siqua fides idoneis Annalibus : invenère quidam uniones , quales fama cantabat , & in Europam devexerunt . (f) Nos Margaritam , nec ad nucis avellanæ magnitudinem , usquam locorum illorum conspeximus : nec uno grano locupletiores navim reduximus : quam idcirco , diebus pauculis insumptis , ex anchora revulsimus : & in mare priscum propulimus . Nam , quæ nos causâ retineret ? Non fuerat neque consilii nostri , neque compendii : vel Moluccas intrare , vel adeò Philippinas . Sed nempe , mille locis lacera velorum carbasæ , cæteraque navigationis instrumenta manca , præter aquandi , frumentandique necessitatem , etiam invitos advertere telluri navim coegerunt . Ad Palmeram igitur (quæ Mindanaæ , Vizaæque media prætenditur , folii querni similitudine) descendimus . nam isthac , uti prima tractûs illius Insularum , sic opportunior , occurrebat . In qua tamen haud ultra biduum exegimus , ac mox antiquo cursui vela reddidimus .

VI. CAETERUM : immutata repente maris fides , in anchoris actuariam tenere compulit ; nec retrò , nec prorsum , velificandi libertate concessa , tempestatum culpâ . Nam , præter disturbatum procellis aërem , & furentium Austro- rum violentiam , ex obliquo pelagus miscentem , etiam nubes , æstivis incensæ caloribus , inter sese collidebantur , creberrimæque ruptæ tonitru , fragoribus aures nostras , tumultu Pontum ac Cælum , fulgurum flammis oculos , ignium jac- tu proxima littorum , & pavore palpitantia cor-  
da ,



da, verberabant. Insuper etiam tenebris superpressas diei nitor, nocte præpostera nantarum ministeria suspenderat; nulla regendæ navis neque spe relicta, neque modo, vel adjuvamento didixisses, in antiquum omnia revoluta chaos; quodamque mox veluti cataclysmo superfundi. Nam etiam, nequid ad malorum cumulum deesset, præcipiti ruina fracta nubila (cùm procella, quam Ecnepham dicunt, nimbos impelleret) improbis imbribus descendebant: & assiduo casu labentia, mari veteri maria nova videbantur affundere. cùm interim & ab anchoris, ancipiti fide pendens, navigium nostrum fluctuaretur; in momenta singula ruptis rudentibus: & sævò tot fluctuum agitatu, saxis littoralibus celox impingeretur. Sylvæ quoque, propinquis prætentæ littoribus, mari magis ad horrorem, quàm ad subsidium periclitantium, incumbabant; non frangendis ventorum incurfibus, quàm augendo terrori, validiores: insanò mugitu tot millibus arborum inter sese collisis, & ramorum fremitu longè lateque tumultuante. Grandi quoque terroris incrementò, tempestati nubium, horribilis rupium atque nemorum Echo consonabat. tam pridem itaque tot malorum terror, ac vectorum quoque nantarumque mistus clamor, omnia turbaverant; exigua salutis relicta fiducia: ne mihi quidem, sicut antehac, animi robore durante. **QUI** enim facilius est, quàm, natura rerum omni bellante, mente collabi? vel, **UBI** NAM citius ac sapius, quàm in mari, desperatur? ubi, quot fluctus in procella, tot mortes, oculis offundantur. Quod igitur restabat uncicum; ad cælum, & vota supplicabundi confugimus. neque cassa prece. Nam, exactò continuos inter nimbos atque turbines, die gemino, totidèmq; noctibus: lux tandem cælo nubibusque silentium & concordia rediit: superestis etiam imbribus, & ventis tantammodo

nondum plenâ pace compositis. Horum bonitatem dum opperimur, paucis in eis insuper ad corporum curam sumptis horis; aquam & commeatum, fluctibus destructum, reparamus: quæque cætera sarcinendæ navi desiderabantur, integramus. Sed erat interim exigua ventorum emendatio: quorum, malefido licet durante flatu, relictis à tergo PHILIPPINIS, raptam è retinaculis actuariam, iterum in Peruanum cursum impellimus; remorum improbâ contentione.

JAMQUE mensis alter & alter navigatione processerant: &, quantum tempora, tantum alimenta, disfluebant: dum, prædevoratâ Peruvii spe propinquitæque, nihil quisque minus, quam parcimoniam, meditatur, &, absumpto præsentis victu, sibi cuncti futura pollicentur, ad usque luxum & copiam; in tanta præsertim littorum feraciorum expectatione. Sed hæc, quanto sperabantur, tantò fugiebant errabundos; & iter, cum tædio cunctorum, tendebatur in longinquum. Jamque vectorum plerosque sollicitudo torquebat proferendæ vitæ, producendique commeatûs; maximè, tam frequenti populofoque navigio. Naclerus igitur, in istam jam pridem intentus, & nunc tam oppositam nactus, occasionem; vocatis ad concionem, quotquot in tabulatis & transtris erant; in hunc ferè modum verba facit: &;

VII. PER aliquammultos abhinc, inquit, dies quiritantium voces & murmur excipio, de prerogata, præter omnium metam ac suspicionem, navigationis morâ. Debet igitur hic ipse querulorum affectus admenere nos; ut incommodis quibusvis impendentibus remedium in tempore comparemus. Et, si quidem mea remigumque tarditas incusaretur; si scopuli, si Scyllæ marisque Syrtes, si naufragia timerentur, quorum discrimen humana depellere valeret industria; totum in me meisque crimen esset, & manus

nostra, salutis vectorum conducta, velut noxia respicerentur: si quando nos, rebus in artibus, langueremus. At nunc, incertis & nullo mortali consilio praevertendis, conflictamur, omnes ex aequo: Fatis scilicet, & Futuro, quae posita sunt utraque, caelestium in potestate. Numinis volâ dexteraque Ventis continentur, non, arbitrio meo; qui nuper, tam secundi, tam fluxiles: ut etiam incogitantes nos Salomonais ac Philippinis Insulis impingerent: paullo post in contrarium converso successu, nunc plusquam bimestri tarditate nos affligunt. Idem ipsi quoque, qui nunc pravi sunt, in deterius variato flatu, fieri praviore possunt: turbinumque mobilitate (quod Superi tamen avertant omen!) forsitan in Australis Oceani, vel Archipelagi Septentrionalis distantissima littora, navim dissipere. Non insueta (mediusfidius!) nec ab humanis maritimisque casibus aliena, loquor. Possunt ista, solentque contingere, gravius, lenius; prout Superis cordi sumus: & si (quod procul sit!) contigerint, interrogo; Quid facturi tunc simus? Equidem, quod mearum fuit partium, ad hanc usque diem cum fide prestiti. Panamâ navim eduxi. laceratam agnoris injuria, velis, malo, rudentibus. antemnis, remis, instauravi. penuria pressam potabilis aqua, tum & quibusdam utensilibus imminutam, supra necessitatis leges instruxi. Vicia cetera subsidia, quorum usus indigebat, importavi. Nihil horum omnium facile deinceps, ne producta quidem in quartum quintumve mensem profectio, deferri potest. Soli victui (vectores mei) soli diario, periculum ex futuris eventibus, semper, & in omni Ponto, sub omni navis rectore, potest ingruere. Quis enim gubernatorem ventos unquam? qui Oceani fidem, in capistro tenuit? Aut quam res est ad obsequium minus nata, quam procella, vel aura? Quantum tempestates, tantum extendi navigationis mora, potest. & tunc (ut oraculo quam clementissimo vatisser) nos famebimus. tunc inopia succumbemus, qui crocia maris non cessimus. Certum hoc est, & extra

controversiam, periculum; nisi paucis in diebus, Peruvii littora teneamus. Fingamus tamen curiâs nostri, vel unicam adhuc, & mensuram duntaxat moram. quot turbula tantisper? quot casus agitare puppim hanc possunt? Et tunc vos (necumque provisum mihi meisque sit) ex penuria languebitis; ex languore, succumbetis. Toties annona solet incendi, quoties fervere mare: nec ulla (quod scitis) in Oceano segetes, nulla fruges, ut in continenti sicco, surgunt. granaria procul hinc, & horrea. Quapropter, ut ad consilii mei caput aliquando veniam, ô vectores: Siquid experto prateritorum, siquid venturorum præsago viro, creditis; jam nunc in medium, quidquid apud vos copia, quidquid annonæ desidet, conferite. Communis omnium vestrum nauclerus, communis etiam dispensator ero: commune, faxo, sit omnium nostrum promptuarium: & penus in navi, meâ fide clavibusque, claudenda vobis; &, quoties res poscet, referenda. Nemo providentiam cuius nunc auctor ego sum, damnet: nemo sibi metipsum, in inopia discrimine, quàm publico erratori, fidat. Quoties enim in longum navigatio tenditur; improvide sibi quisque, gulâ stimulante, consulit: & quantum appetit, tantum absumit. in diem, sine futuri cura, vivit: & ante diem rapitur; frigoribus, nausea, stomachi doloribus: qui primum ex ingluvie; postea sensim ex penuria, gliscunt. Tunc igitur promus condus optimus is est; qui providentia modio victum dispensat. Sua cuique diætâ, suo canone, deinceps vivitor. non ad cuiusque libidinem (quæ ventribus, rabidè famelicis, inexplabilis esse solet) sed ad rationis modum, frumentum designator: nec alia mensura, quàm ad Oceani latitudinem, com meatus exigitor: ut, quoad Ponti cursus, tantum unuscuiusque Aëlis & vita, porrigantur.

VIII. Non fefellit nauclerus, privato magis suoque quæstui, quàm communi nostrum commodo, disertus esse. quem contra plerique mullitabant; Enim vero non gratis tam ab alto repetitam rationem,

rationem, huc demum evasisse; Panarium ut sibi, remigibusque mensam, actuaria praeclarus rector quæreretur. In hoc ergo studium productas congestasque restiti navigii laudes? Cur igitur non simili sermonis crepitaculo celebratam gubernantis inscitiam, velorum pannucias, mali fragmenta, laterum atque tabularum infirmitatem, pudendos per vastum aquor errores, & invitisimis obtrusas Philippinas, fœdeque fluctuantem ex ipsis anchoris celocem? Cur autem non ab ipso confestim navigationis exordio, propositam profecturis tam infantilem comportandi commeatus conditionem? Tunc certè neminem unius alicujus fuisse navarchi remis ac rudentibus illigatum; ut non vel alium reperturus fuisset, in suas leges & commoda, vel maritimum iter in tempora rectiora dilaturus. Sed scilicet haud id agi, ne vectores egeant; quorum nemo non suas necessitates, (antequam alto sese committeret) in consilium vocarit: sed id quari, ne probrose mendicitatis rector, ne navicularia mancipia, fameant, homines mortalium omnium exhaustissimi, pumiceque jam dudum aridiores, ac ventorum vacuo pasci consueti. Miserum ipsum, obœratum, capite censum, animaque suæ debitorem; posteaquam domi sua conturbavit, nunc, incitis urgentibus, foris naviculariam facititare cœpisse; nullisque, ne triduanis quidem, repertis futuri subsidii, ventrem famelicum, & operas jejunas, in navim importasse. Consumptis nucum & amygdalorum corticibus, quos in angulo navigii rasissent, nunc ad mendicationes confugere, subdolo Communis Necessitatis prætexit pal-liatas. Ergone, qui sibimet frugi non fuisset, alienis jam malis (quæ fingeret) obviam iturum? An autem alienas cuique curas largius, quam proprias, esse consulturas? Cur diuturnæ navigationis moras, quas ille nobis metueret, non industria potius succideret; quam ignavia sua mendacisque prorogaret? Poneret tamen, & de composito texeret, longos cursus, navis: interstium, ejectionem in Insulas ignotas, & huma-



*ni cuius expertes. Nempe, tali quoque rerum eventu, sibi nostrum unumquemque navigaturum, sibi victurum eundem ac moriturum, potius, quam circumscriptori nauclero, remorumque motoribus, in pradam ac direptionem cederet.*

ISTA clanculum principiò; mox valentiùs, & pæne cum clamorâ rebellione, dicebantur. Tamen, omnibus denique pensatis; ac maximè detrimento periculoque, quod ex rectoris contemptu repulsaque creari nobis posset (nam, cui parcerent, oblatâ frangendæ navis occasione, viles ac venditæ remigum animæ?) tandem in vota gubernatoris descendimus: &, ad præscriptum, annum unâ cum clavibus comportavimus.

Verùm illieo fraudis exitus in aperto fuit; iniquissimâ diariorum dispensatione: cum, qui quàm plurimum contulissent in publicum, minimò fruerentur; & è diverso, potissimam victus portionem ad se nauclerus suosque servos traheret; qui tamen omnes simul, nec semodiam attulissent. Indè rixæ ferè quotidianæ; clamores dissóni; mentes aversæ; litigiorumque minacium acrimoniâ, tantum non bellum denique nauticum, mali consilii pessimum excrementum.

IX. INTER hæc tamen, emendatis utenque ventis, navigatio promovebat. Jamque dies, ex quo Philippinas reliqueramus, diluxerat quintus & octogesimus: cum ad primos Auroræ radios, nihil jam pridem extra Pontum & nubes aspicere solitis, regio quædam sese procul ostentare cœpit. Neque tamen, cujus nominis aut terrarum hæc esset, pro comperto tenebamus; nebularum densitate, locorum cognitionem discrimenque conturbante: cum revera PERUVIUM id esset. Hujus ignoratione, quoad exploratoria deprehenderemus, in altum converso detortoque cursu; maluimus pleno nos æquori, quàm ignotarum gentium littoribus, committere. Ne tamen in  
inisci.



inscitia diuturniore nautæ perseverarent ; dromadem, phaselo nostro connexam, vulgoque Gorgonellam dictam, expedire visum est: ad Orientales plagas directò cursu, certiora cognituram. quæ tamen, profugaram more, nunquam deinceps ad matrem, & scilicet actuariam nostram revertit. Tantò pejus actuariæ consultum, in maris medio fluctanti: nec ullum, cui se tuto crederet, oræ maritimæ locum reperienti: quippe, scaphis jam nullis ad explorandum relictis. Inexploratis autem regionibus insulise, quis navim appelleret; in tanta littorum importuosorum iniquitate? Cum præsertim, super hæc, ingens quoddam illius tractûs Promontorium, in Oceanum immenso procursu sic exeat, in cuspidis ritum & acumen: ut incredibilis spatii sinum, molestissimò navigantium circuitu, conficiat. illic, vorticosò pæne turbine gyratum mare, naves (etiam è remoto propinquantibus) impetu violento trahit, ac raptat. Cujus insanâ proinde vi, nostra quoque Liburnicatandem abrepta, nec contra ventos quidquam, neque contra Typhonem, potuit. Ergò nec volentes, neque cogitantes, Panamæ quondam relictæ, rursus sinibus insuebamus: volantibus similiores, quàm navigantibus: velocitate tantâ puppi velisque raptis, uti nec al anchoras quidem jaciendas, aut ad retinacula designanda, spatium superesset, ac tempus.

IN hac igitur fortunæ malevolentia deprehenso, consilium ponere cœpimus; Panamamne rursus Urbem, (cujus in conspectu pæne portusque consisteremus) an æquoris immensam, peteremus? *Possè Panama, quidquid erroribus nauticis peccatum esset, recomponi. posse commeatibus veloces, consiliis nauclerum & nautas, instrui; navimque tum denique, veluti resumpto spiritu, cursuram acrius & secundius, in loca regnaque destinata. Nemini sententia tam compendiosa, præterquam*

magistro navis, displicuit. Hic enim, remis velisque Panamam fugitans, Suasoriam nostram ne quidem ad aures admisit; *Sceleratè* (sicut ipse loquebatur) & *astuosi Portus* execratione: quippe qui calore suo pestifero sanam adhuc, & morbis intactam, actuariam incendere lue posset. Revera tamen, sapienter rem æstimantibus, manifestus erat; inopiæ suæ mendicitatisque conscientia meliora consilia respuere; Vir utique triobularis, quique probe nosset; fortunæ tenuitate, vix in Panamæo littore cum unius impendio teruntii se cœnaturum; nedum in remotas PEUVII plagas, justis sumptibus, biremem aut triremem expediturum. Tantum impedit commune iustitia bonum privati dispendii formido!

RE ST A B A T nihilominus, posteaquam adversus prima consilia præfractum invenimus, secunda, bonisque proxima, suadere. *Sitam esse non ità procul, & ex latere sinistro nobis opponi, NOVAM HISPANIAM: America Septentrionalis regionem amplissimam felicissimamque, salubrem, perhospitam. nostrum plerosque quæstis & fomentum corporis indigos; illic maritima iactationis lassitudinem deposituros. Interjunctione tam brevè (quæ tamen ad affectorum respiramen esset valitura) non retardatum iri nauticum iter: sed, interpolatum potius, stimules nacturum. Respiceret regionis montana, cultissimarumque turres urbium, eminens residentibus! aspiceret terra viridis amœnitatem: quæ fertilitatis sua tantum non loquacibus illecebris, prolliceret Hispanos in cognominem sibi provinciam. Quin, si cætera cuncta tam salutaris divorticuli momenta deessent; nosne ventos ipsos, eò rectà nunc fluentes ac ferentes (& profecto tunc Ortus hiberni flamen, Vultur, spirabat) successibus perquam commodis, invitare pariter & impellere?*

X. SUGGEREBANTUR ista: sed non fiebant; *Minimè gentium, clamante nauclero, qui scili-*

scilicet, non minoris incommodi, quàm, quod in priore consilio fugerat, metu ( licet id ipsum gnauiter dissimularet ) explodebat, quidquid in medium omnes suadebant: ac pertinaciam suam, tanquam oraculum & adorabat ipsemet; &, ut idolum, adorari volebat à nobis.

Ergò longi Senatusconsulti summa denique fuit hæc, & decretum; Ad illud ipsum Promontorium, quod ante nos situm esset, ut appelleremus: ventis licet, inter litorum rupes atque flexuras, reluctans: & omni ratione, Prudentiaque, reclamante. Quibus malis ingens accessit, ad irritandos vectorum animos, incrementum: æquoris videlicet, tanquam in arcto deprehensi, continuus quidam, in Euripi morem, accessus recessusque molestissima vicis alternatione reciprocus. Has tales Symplegadas atque Scyllas, huic tali Tiphys Palinuroque debebamus. Quatriduumque solidum illa navis ignavæ tenuit agitatio; per opportunum *navarcho* ( quem se dici volebat ac gaudebat ) spatium, ad novam fraudulentiam excoquendam. Eam, simulac suis omnibus numeris vertebrique constare vidit: non distulit, nobis, longam desidiâ per-tæsis, proponere; fronte ( quod exercitatæ fallaciæ, præfidentesque nebulones solent ) inter consilium imperiumque mediâ. REPERISSE se, dum veteres per hoc otiosâ navigationes, & loca nota recoleret; reperisse tandem itineris finiendi salubre consilium: & ex omni voto compendium: eorum maxime bono, qui tardas exosi vecturas, Peruana regionis aditum per viarum breuiaria, festinarent. Ad hanc tamen, tam insperatam felicitatem, opus fore vectorum aliquot, ad breve tempus, divertio. nec dubium, quin nonnullis luctuosum id, acerbumque charorum discessu sodalium & amicorum divulsione sit casurum. Sed meminisse tamen utroque debere; Nisi per accrba, nunquam addulcia perveniri. Solatium autem hauriri posse non minimum; partim ex absentia brevitate: partim ex utilit-

tatis, indè proventura, voluptate. Navigium, utique centum ac viginti quinque vectoribus gravatum, pondus sustinere, suis tabulis & lateribus impar; longèque majus. Indè celeritati cursûs (quam omnes exoptarent) remoras enasci. Caterùm, cùm in hac sententia nihil non expeditum ac facile futurum esset: illam tantummodo difficultatem nonnullamque litem fore: qua vectorum pars naviget? qua verò navim relinquat? Eam tamen omnem controversiam (si se, verum expertem, attendant) finitum iri profecto prius, quàm capietur. Nam, & illos, qui remanerent, quietius quidem sessuros; sed tardius periculosiusque portum nactus: & illos, qui descensionem praeulerint (inter quos, nisi quòd rectore suo navis carere nequiret, se ceritè primum ac ducem futurum) aliquantulum quidem ex itinere terrestri molestia; sed discriminis nihil, & contrà, lucri plurimum capturos. Abesse, circuitu littorum baud adeo negotioso, Portum, Manta cognomine celebratum: iter, propter regionis situm, & dulcium aquarum occursum, tum amœnum, tum breve suecinctumque. Portu Mantæ, coituros rursus in amplectum, & eos, qui navigii molestias retinissent; & illos, qui profectioe terrestri nonnihil pedes exercitassent. Hujus consilii temperie, minùs posthac, etiam cum inopia, conflictaturam actuariam, convictorum multitudinem succisa. Secepsus contrà, rerum omnium cornucopias, ex continentis fructibus & mercatu, præsto fore. Quod si quos ipsorum, ceu maritimi victus fastidiis fatigatos, oppidana potius delicia, vel dapes exquisitiores sollicitarent: distare non procul ab hoc ipso, cui tunc adhaeremus, Promontorio, municipium & urteculam: ab Hispanis olim exstructam, professionis Christiana, juris Castellani: dignissimamque, propter civium liberalem indolem, qua vulgò notesceret. Sed huius quidem, per temporis, ex quo divertisset in ea, longinquitatem effluxisse sibi nomen. Ab quo-vis tamen, etiam barbara gentis, obvio viatore monstratum iri: dummodo secessus ab litore permodici

neminem præniteret pigeretve. Sed inter hæc prænere se nihilosecius: ne, locorum amantitate capti, mora vel digressibus nimio plus indulgerent: neve Manta portum oblivione vel incuria neglectum irent. Praeter ceteris autem illi, quibus nec urbecula multum cordiforet: nec pes ad ambulandum durabilis: oram martitimam perpetuò stringere meminissent: ut recipi, quoties postularet usus, ac permutari possent: per vices aliis aliisque navim relicturis, & relictam denuo resumpturis. Ejus rei gratia, se, paulo cunctantius meditatusque factis velis; de composito semper littoris margines rasurum: ut, clamore sublato reserando, quacunque nobis collibuisse, pariter edita, navigium ipse confestim ad nos advorteret; nos autem nulla mora conscenderemus. Quod bonum igitur, quod felix esset & auspiciatum! Vellorum dimidium in scapham (quam per quatrduanum otium ex tabulis, & naufragiorum reliquiis, ad promontorium hærentibus, compegerant) sese dimitteret, terras petiturum: dimidium autem turba residuum, navigationis solita compertaque mala, tolerare fortiter insisteret. Sic sentire se, sic velle.

XI. NEMO secundis auribus, neque sine doli mali vaniloquentiæque suspitione, gubernatoris sermonem excepit: palam etiam plerisque frequentibus; Commeatu per summam fraudem circumscriptis, nunc novas insidias tendi: nunc mentes ipsas & animas & salutem oppugnari. Quidam etiam clarissimò convitiò barbam & os hominis incéssere; Nihil esse Nautæ & nunciis sublestius: nihil eorum narrationibus contaminatus, in verba singula fumos & mendacia venditantium. Semper ab illis adferri Peregrina: tot decipulis insidiosa, quot simplices aures nacla sint: his præsertim moribus, quibus receptum jam publico dicto sit: MUNDUM velle Decipi. Perstitit ille nihilosecius in asseveratione, frontis orisque ferrea contumacia: contestatus frequenter omnia Sacra Profanaque:

jurans:



jurans insuper ac dejerans tertio quoque verbo Fidem suam. Quibus tamen omnibus, pondus farè nullum invenisset: nisi perjurio suo N U M E N etiam ac Superos involuisset. Tunc enim verò labare nonnullorum constantia, stictique; lentè primùm, ut assolet: mox, tanquam excantatis animis, prono per præcipitium assensu, compluriumque suffragio. Causa stolidæ credulitatis accessit nova, Væctorum nonnemo, terræ filius; & in quamvis adulationem mendaciorumque venalis. Hic dissensu primùm simulato, ne subornatus patesceret; deinde sensim, quasi rationum naucleri congerie victus & immutatus; ad extremum in impostoris sententiam pedibus, ac propalam, concessit; ausus insuper (facundia sine dubio conducta) multo disertius copiosiusque singula confirmare, quæ magister navis confinxerat. Pedestris viæ comoda, maris tædia, litorum valliumque Tempe: cætera præterea quàm plurima, commentis expingere: nec appellatione quidem urbeculæ, quam alter amiserat, prætermissa; cùm Thalassiam eam nominaret. Neque simplici nequitia contentus: necai partim comperta celebrare videretur, se vero (retulit) visa fuisset oculis, non audita duntaxat lectæve memorare. Lustrasse quondam oram illam maritimam universam; neque sine lucris. Urque plurimùm crederemus; se referebat, quanquam stomachi languore conficteretur, etiam nunc in comitatu cæterorum, eadem loca denuo lustratorum.

Valuit & affirmatio tam audax, & exempli proprii promissum nequam; multorum ad corruptelam potens, Clamare plerique jam, etiam eoram, qui contentissimè prius restiterant, *Concederet Scapham! præcideret vinculum ac funem! valeret tarda molestaque navis! Se vero pedibus itineris reliquum exacturos. Tantummodo Mantam, ex condito (flammarum nempe significatione nocturna, diurna*



diurna vera Divi JACOBI tessera) pars utraque convenirent, ac, quoties navim resumere postularet usus. Et hoc, Ex animi sententia, fideque constanter inconcussa. Quæ cum fierent omnia dicerenturque: nihil tamen, ne tam quidem, ab animi firmitate demotus ego, stabam petra quavis inconcussior; & partim mendaciis indignabar, impudentissimè comminiscens, ut navigio nos dejicerent, ac spoliis ipsi nostris potirentur; partim stoliditatem subfannabam cæterorum, qui certa dimitterent; & incertissima sequerentur. Sic ergo notum Vlysem? An in sola continenti prædones impostoresque, verborum largos esse; promissorum falsos? In Oceano scilicet nullam fluctuare fidem? Non hoc superi (dicebam) non Numen neque ratio siverint; ut veteri deceptor, novam, & pristinis omnibus perniciosiorem, ad fraudem pateam. Ex hoc enim vero loco, quem nauo meo teneo, nemo me, nisi vel viribus expellet, vel naufragio. Dicebam hæc, & mihi constabam; etiam adversus torrentem, & omnium sententiam, iturus. SED, mirum sanè dictu; Quantum in Amicitia molis sit & ponderis, ad constantiam labefactandam?

XII, ERAT in navi Joannes quidam, cognomento PEDIOSA; non modò patria mihi, sed sanguine quoque propinquo junctus: tum, præter hæc, vinculis fortioribus educationis ac condiscipulatus, planissimè concretus. Cujus juvenis amor, mihi tam firmè jam à teneris hærenti; sicut charitatem nullam faciliè præferebam componebamve: sic eandem nullius postulati repulsa temerè lædendum existimabam. Is, principiò naucleri fallacis nugas animoso contemptu rejecerat, & exhibilarat: ausus etiam, clara contestatione, peracriter adversus væcordiam promissorum illius, & vocem & manum extollere. Paullatim deinde, tot asseverationibus ac juramentis, & mercato præcipuè teste, quem dixi, debilitatus: ad extremum fractus ac prostratus, manus mendacio dedit; adversum

versum rationis evidentissimam lucem. Et hic, ne sibi soli desiperet, in partes suas me quoque pertrahere connixus; cum argumentorum momentis parum promoveret; tandem precibus, & Amicitiae sacrosanctis fœderibus, quæ crebrò commemorabat, aggressus est: iis solis, tanquam Hectore fortissimo, pugnans in suam VICTORIAM. Ità, cæterà firmum & inflexilem, Affectu denique (factor) & obsecrationum improbitate, suas in leges ac vota perduxit. Sic, *Amicam veritatem amiciorum Platone triumphante*; causam optimam tandem, & cum causâ navim, deterui; tantummodo ne deseruisse Sodalem viderer. In scapham itaque, constantiæ transfuga, pedisequus amicitiae, me cum cæteris demisi, quinquaginta circiter comitibus. Cum iis in terram, ad lævum pelagi latus procumbentem, exscendi: Nestore meo, cujus tot quondam narrationibus oblectabar, prudentiam simul & celocem suam retinente. Quo factum, ut & aurium mihi voluptas, & disciplinæ fructus, unius absentia capitis interciderent. Nos porro littore, post longum Oceani tædium, alacres potiti; ne, sine ducta, belluarum in morem, ageremus: universo de numero, profectionis rectorem & itinerum velut modimperatorem, deligimus. Hujus in verba placitaque, quoad Mantæ portus in conspectum veniret; corpora simul & voluntates (citra sacramentisamen religionem) oppigneramus.

# ARGONAUTICON AMERICANORUM

SIVE

## PERICULORUM PETRI DE VICTORIA.

LIBER IV.

### CAPITUM BREVIARIUM.

**I.** Lectori se purgat Victoria; quod per aliquot deinceps libros, regionibus ac locis propria sua nomina non sit assignatus; notitiâ eorum destitutus. p. 88, 89.

**II.** Expositis in terram Sociis pedariis; Victoria, dum in nemore fontanam inquiri, in casulam incidit, crocodili pelle contectam. Reversus autem, Sociorum non paucos invenit repentinis terminibus stratos, & quiritantes. Comment. pag. 90, 91.

**III.** Aegritudinis sociorum causam docetur: quam, inconsulto devorata, poma venenosa praebe-  
rant. Remittuntur ad navim agri. Comment. pag. 92. & 93.

**IV.** Cateri progrediuntur itineribus, propter promontoria, difficillimis. Fontem, dudum indagatum, denique reperiunt: repertoque fruuntur. Comment. pag. 94, 95 & 96.

**V.** Victoria, contra votum pervigil, secum adversus instantia mala (renitente licet semper timore, & prevalente) philosophatur: atque in omnem se fortunam obarmat, Comment. pag. 97.

VI.

VI. Viarum in progressu locorumque, amœnitati permixta, asperitas. Calor, Situs, refrigeria. Rivus (ac mox amnis) è rupe geminus, & admirandus. Occursus torrentium fluminumque creber & permolestus: quoniam pacto à viatoribus superatus? Comment. pag. 100. & 102.

VII. Crescentem, cum itineris duritiâ, famem, viatores spe promissi ab nauclero oppiduli consolantur; verum irriti. Victoria interim, ac de Sociis nonnemo, pane depositi, seipsos animi magnitudine erigunt. Via radio, plerique optant ac suadent navim, imprudenter relictam: & tunc aliquoties oculis oblatam. Comment. pag. 105.

VIII. Aliis tamen superbe contra sentientibus, in itinere pedestri persistitur. Famem, radicibus arborum, cancrisque, mitigant. Lassitudine plerique franguntur. Problema; Cur viatores, à quiete interposita, ad iter continuandum agrius resurgant, ac pergant? Comment. pag. 108.

IX. Spatiofo fluminis trajiciendo, tumultuariam ratem apparant: & qui priores, quique posterius transportentur, sorte designant. Relictorum in ripa, superflua, fatuâque cautio, eventilatur. Comment. pag. 112. & 113.

X. Balboas; unus è sociis Victoria, in fluminis transitu, loco vadoso, submergitur. Comment. pag. 115.

XI. Balboa submersi vita, moresque; quibus tam lugubre exitum visus commiserunt. Comment. pag. 117.

**P**ROXIMUM fuit; semel stultè navim egressis, semper, & in immensum, errare: neque loca tantummodo (quod in solo peregrino ferè necessarium) sed nomina quoque regionum ac populorum, ignorare; quippe, sine ductore gnaro vagantibus. Tanto magis ego, jam nunc in

in antecessum, isthæc Argonautica mea lectoris, me cupio purgatum; si non, ut hucusque ferè, sic etiam in posterum, suis quæque nuncupationibus, Europæis exoticisve, consignavero. Nam prius, quàm in hanc malorum necessitudinem induti sumus; ab usque Bætica, familiaria nos nomina comitabantur & ducebant, per gestorum ordinem ac denarrationem. Hîspalis, Gades, Pontus Atlanticus, Africana littora, memorabantur. Præter hæc, Canariæ, Mantinina, Margarita; nec non urbes, Carthagèna, Nombrediosa, Panama, cum insulis Salomonæis & Philippinis. tum cæteræ portuum ac regionum insularumque, sub propriis appellationibus, descriptiones; nautis vecto-ribusque per quotidianum usum extrinæ.

SED postea, quàm invidia fortunæ, nauclerique Panamæi perfidiâ, recto maris ac littorum tramite sumus excussi: tunc enimvero fugere miseros ipsa rerum natura, simul cum sui notitia, cœpit. mortales, quorum ore, digitove certa duce-remus, vel penitus nulli: vel, si qui rarissimi sub conspectam venissent nostram, immanes atque barbari: quorum tu non linguam solum ignotam; sed perinde fidem omnem, & indiciam, suspecta duce-res. Nobis igitur abundè fuerit; locorum intra-ctabilem genium, & horrida regionum expertos esse. Nec quisquam super hæc (tanquam alio-quin vacillatura narrationum veritate) nomina, quasi sub testimoniis juratis, quærat. Fatemur enim ingenuo candore; nos hæc ut plurimum igno-rare. Cæterùm ea styli sollertia nihilominus flumi-na, solitudines, montes, Promontoria; quin & saltus, præcipitia, portuum flexus, ac si qua præte-rea viarum erroribus annexa sunt, exsequemur: ut, etiam prætermisâ nuncupa ione, gentes illæ (siquid Europæe Romanëve nòssent) sua singulæ loca, suas colonias viciniâsque designari, sine du-bitatione recognoscerent. Id quod, in tanta nomi-num

num verorum nocte, satis esse debet, ad Historiæ retinendam dignitatem. Sed jam tempus, ad incepra remeandi; gestorumque seriem, per itineris & calamitatum ingens æquor deducendi. quibus lectitandis, ipsa (quod sperare videor) occurrentium rerum varietas, quanquam in tenui sæpe, non tennæ tamen levamentum asperget.

II. POSTEAQUAM igitur scaphâ (sicut expositum est) cum sociis proximo littori subiectus, arenam atque continentem tenui; statim, ut è mari vehementer accensio, fabuloque solaribus radiis exarsio, sicire molestè cœpi. neque labor alius prior cupidinem infedit, quàm fontis indagandi fluminisve; cojus haustu dulci calentia viscera refrigerarem. Dum igitur in his curis, & undarum desilero, cæterorum immemor omnium, incedo; divulsus paullatim à contubernio reliquorum, in loca solitaria, clausaque sylvis, incido. quibus, dum palabundus hac illac inerro: repente casulam reperio, perexiguam, fabricâ materiaque plebejâ structam; pedes longam novenos, nec amplius septenos in altum eductam. Ac latera quidem & parietes, non dissidebant ab Americana consuetudine. neque tectum aliter, nisi gentium illarum ad regulam. Cæterum tegumentum tecti novum, nec unquam ad id temporis à me conspectum, CROCODILI maculosâ prælongaque pelle refulgebat: quam, quisquis architectus fuit, composuit, perque conspicuam artem, superextenderat. At super has exuvias, pari miraculo, clypeus jacebat ingens. Is, nequâ dilaberetur, seu ventis aut rapinæ pronus esset: circumfixis ad tecti margines *vexuris*, quasi densâ tutissimæque sepe, diligenter incingebatur. VEXUROS Americani vocant, janci quoddam arundinisve genus, sine nodo: quod ab radice paullò crassius, deinde sensim cacuminatur in cuspidem, altitudine scipionum, contrectatu glabram planamque, pondere veluti



palearum aut acerum : ut aërem te portare credas aut plumam ; non baculum , aut juncum , cannamve. Cæterum firmitudine constat supra ferri robur infractâ durabilique. Quod equidem non conjectura scribo , sed experimento damni ; quippe vulnere sauciatus non perfunctorio : posteaquam , velut in stipulæ levitate nugaturus , temerariam volam , per lulum & jocum , in culmi verticem violenter impegi ; sed mox alta , vera , sanguinolentaque plaga perforavi. Perrupi nihilominus (ira cruorisque conspectu dolorem stimulaute noxium septum : & , indimotô Crocodili coriô , (nam & clavus infixum erat) Scutum tamen deripui : suppositô pedibus arboreô truncô , qui jacebat in proximo , saxorumque congerie , quorum omnium subsidio , nulla mole , sublati sum in gurgustii fastigium. Videbatur Barbari cujusdam sive Ducis Heroisve , sive Prædonis , confecta victoria , monumentum esse trophæamque : quod , strato vicinis in littoribus hoste , fluvialiive monstro , sibi debellator ipse statuisset. Ea nunc rapina , nullo sacrilegii metu scrupulove , mihi venterat in corporis mei munimentum. Ergo solô vulnere mœstior , cæterâ lætus & novitate rerum alacer , abibam : simul in expectationem intentus feliciter aquandi , simul , mapalis inventi faciem & monstra mecum expendens. Ac fluvium quidem fontanamque , post diurnam & laboriosam indaginem , reperi nusquam : ad locum autem , unde digressus principiô fueram , relictis viæ prioris vestigiis , reversus : socios tandem reactus sum : una quidem omnes infelicitate , cæterum diverso malorum habitu sensuque , confictantes. Nam alios quidem cœli violentus calor , & intoleranda sitis straverat , marcido languore terræ defixos , vel arborum radicibus applicitos : tanquam in mortis viciniam. Alios verò deprehendebam , velut ipso cum funere jam luctantes ; humique spar-

sparsim, furentium ritu supinatòque corpore, volutatos, non sine clamorum & ejulatus infania. Nec apparebat, procul propiusque spectanti; *qua causa nova, velut Vlyssii quondam comites a Circo furiasi, grunnirent? nisi fortè, (quod tunc suspicabar) veneno vitalibus imprudenter ingesto, vel toxico noxive germinis cicuta per errorem absumpta, baccharentur.*

III. ERRABAM itaque jam pridem, sine voce; non tamen sine lacrymis, & in misericordiam attonito vultu; neque, quid id tandem esset, assecutus, interrogabam meipsum tacita disputatione, *Meos, an alienos, an denique spectra quadam & lemures, aspicerem?* Donec ex amicorum nonnimine (quem & ipsum sitis torpor & impatientia vix sinebat in verba consurgere) quid esset, didici. Nam is, simulac me conspexit: ratas id, quod erat, à dulcis aquæ vestigatione regredi; quanquam Clypeum videret ignotum, de Clypeo rogare superedit: sed confestim, vehementer appetentium more, versus ad id, quod solum expecebat; Et quid tu, Petre? quid? inquit: aut ubi fontem rivumque reliquisti? Nam me quidem herculè, nisi, te monstrante, fontanam hausero: jam fugiens extremis è labris, anima deficiet. Cum ego negarem, post sedulam scrutationem, vel guttulum aquæ, vel guttam nactum; & hoc, tardissimè credenti, vix tandem asseveratione graviore persuaderem: in impatientiæ delenimentum ei sum orsus exponere reperti mapalis, & Corii crocodilæi, clypeique miraculum. Deinde; Sed interim hi, qui sic miserabiliter volutantur, quid? (inquam) aut ex quo fonte biberunt? quamam Medea phrenetici Jasones potionati sunt? Tum ille; De fonte nihil (inquit) neque de Colchica saga, libarunt. Vtinam eadem parcimonia cibos quoque vitassent! Quid igitur? (inquam ego) num magicam quampiam, aut aliter secleraram herbam, momorderunt?

runt? Immo, respondit ille; Non herbam, nec folium: sed ipsam arborem, ac peste contactos fructus. Cū enim per littoralis huiusce saltus (ut fit) avia deviāque, parū certi vagarentur; & alius quidem scatebras humectando gutturi persequeretur; aliū autem diversis desideriis, quia liquorem jam desperaveramus, poma prunāve sospiraret; quorū succo linctūque, viscerum ardorem committigaret; infelicissimo tandem & vere malevolo Fortunæ favore, simul plures in frugiferam huius sylvæ particulam incidimus. Erat in hac arbusculum, pomis (ut æstate, jam in Autūnum vergente) gravidum. Et erant mala, cuiusmodi totam Asphalici lacus crepidinem in Palæstina prætexunt; colore vivida, carptu prompta, contactu mitia, gustatūque non insuavia. Sodomæ foetus esse, quamquam in orbe longissimè diffuso, facile conjectassent: nisi rabida cupiditas nec modum adhiberet, nec consilium & oculos. Carperunt igitur: & in decerptos fructus, nullo prohibente cuncti, quos cruciari nunc cernis, præfestinis morsibus involarunt; vescos illos quidem ac prædulces, cæterū intrinsecus nativa refertos peste. Nec poterat, priusquam bolum totum glutirent, inter ipsam vorandi moram, eos ex toto fallere latens perniciēs. Sed scilicet, *Indormabilius nihil est ventris impetu: qui, gulæ prava suasionē, dummodo sensum & aviditatem expleat, inter salutaria noxiāque non distinguit*, ac, deprehensa quoque fraude, coeptæ voracitatis insaniam absolvit. Et hoc est (inquit) peccatum illud, hæc illa Circe Medæque; quam nunc tanto viscerum tormento malè consulti launt.

Secundū hanc amici narrationem, ego, meusque PEDIOSA, non magis jam misericordia, quā futurorū metū, molles; suadere miseris cœpi-  
mus (accedente tandem cæterorū quoque consilio, qui sani remanserant) ut desertam modò  
navim,

navim, quanta possent, festinatione repeterent: dispulsuri venenum per opportuna pharmaca: quæ facilè vel Nestor illis, vel quivis instructorum vectorum, suppeditaturus esset. hic enim quid esse tandem; nisi vel rerum omnium penuriam? vel, quod penuria deterius, pro medicina luem? Pro nobis autem ex animo solliciti, verebatur & præfagebamus: Quoniam tam funestè nostrum iter, in ipsis statim exordiis, initiatum esset: ne pejore deinceps progressu claudicaret: & ad extremum lapsu pessimo præcipitaretur. Dissimulavimus tamen, quoad licuit: &, contra mentis sensum, *Bona verba* præfati: Superùm illis favorem, omniaque secunda precamur: ac dividimur.

IV. Et languentes quidem, quo potuere gressu, dolorem inter & necessitatem luctante: perfidum gubernatorem, ac mare, repetière: successu nunquam postea nobis comperto. Nos verò, quos corporum aliquantò major firmitas, in delecti ducis auctoritate retinuerat; mutuis accensis sermonum incitamentis, insidioso nemore digredimur: atque littoris propinquiora stringimus. Et, quanquam jam in noctem vesperta vergente, per æqua tamen & iniqua, fereque per salebrosa loca progressi: sub crepusculum denique, quandam in convallem deferimur, angustam, prælongamque: cujus mons alter editior, horridoque devexus situ, latus omne sylvis, desuper incumbentibus, intexerat. Eratque sanè, præter arcti tramitis molestias, iter illud tum opacò montium, tum depresso vallis: ac, præter hæc, squalore peregrinarum frondium, & tenuitate fulgentium siderum, cumprimis inamœnum. Successit, etiam evictis jam confragis, labor atrocior; Mons novus, in immensum elatus, & accessu prægravis: tametsi pedes etiam recentes & integros acceperat. quantò difficilior ergò nostris, jam prælassatis? Hoc namque loco (sicut per

per pleraque Septentrionalis Americae littora) Promontorium à continenti coeptum, asperis, præruptis, jugosisque verticibus exurgens; primum quidem commodiores maris oras viatoribus subducit. deinde, non sensim, sed manifesta statim præcisione, vastum & editum; in mare subjectum propendet. Unde fit, ut neque terram ab læva, vel arenas, indulgeat humanis pedibus: & à dextero latere, navigantibus ex adverso portum ac navalia præsecet; propter immanem cautum celsitudinem. Cum hac nos tamen locorum atque temporis inclementia conflictati (quanquam profundò noctis, & incrementibus cum horrore tenebris) omnium incerti passuum subingrediebamur; tristi silentiò compositi. Jamque laboris dimidium exactum erat; superatò, summas inter difficultates, Promontorio. quam rupium victoriam ingenti beneficio natura parens coronasset in nobis; si supremis in verticibus vivas undas, è fragore fontis alicujus, promississent. Sed videbatur *ad omnia vota nostra Felicitas esse surda*. nosque sitis impotentia moriebamur: propterea, quod super assiduam lassitudinem, sudorisque fluxum, etiam æstivæ noctis languor, desideria potius accenderet. Iamque ferè tolerantiam minimum erat, ascendere; fatigari; cum prominentibus *saxis* luctari; pèrque tenebrarum ambigua pedes ad scopulos cruentare. Prægravabat enim undarum absentium impatientia, quarum ut potiri tandem aliquando contingeret; neminem nostrum pignit, etiam montis alterum latus, quantumvis per præcipitia deruptum ac lubricum, emetiri: non absque descensù nocturni manifesto discrimine. Sed difficultates omnes, uti cæteris in desideriis; ita fontium in cupiditate, vehemens amor deglutiebat.

Sic haud ita multò post noctis medium, superatum Promontorium est. Et, quia paullatim  
etiam



etiam astra, Lunæque nitor se, purgatis nubibus, exseruerant: tantò leuiore negotiò planitiem litoris, apertò cœli splendore, contigimus. Quò simul ventum est: ecce, fonticulus! incerto primùm sonitu, velut è longinquo strepens, repente nostros ante pedes, gratissimò spectaculò, procubuit. Ejus scaturigo, descopulo propinquo, modestis defultibus prorumpens; in subiectam scrobem, conchæ simillimam, effundebatur: elegantia naturæ mirabili, tanquam artis ingeniò, marginatam. Hujus crepido, flosculis circumquaque variata, vivoque gramine; simul arborum frontibus impendentibus, amœnissimam frigus, cum umbris & odoribus, spargebat. Fuisset animus, ad sublustre cœlum; hoc ludentis naturæ spectaculò, primùm omnium oculos pascere. Sed impotens venter extinxit hanc cupiditatem; & ante cuncta cætera desideria fuit. Ergò, fontis circum oram, omnes in orbem & coronam strati; quam necdum exterso sudore, nulla salubritatis cura, largiter omnes haurimus: ac per vices, inter se sibi succedentium recedentiùmque, frigidæ ductibus ad satietatem indulgemus; tantò bibaciores, quantò per tot jam horas ad reperiendam laticem intentiores. Indaginis iraque tedium, potûs copia, quasi fœnoris quadam exactione, pensabat: avarâ voluptate, neminique non ignoscenda; tanta præsertim liquoris fluentis illecebra. Nec enim calamus est, neque sermo, qui possit illius omnia bona comprehendere: non perspicuum aquæ niterem, crystallo quovis & adamante tralucidiorum: non influentis in guttura lenitatem; non haustus dulcissimam saporem: non frigoris blandam temperiem: non denique, commendatam eventu, salubritatem. Vt taceam ipsius, quo fons concipitur, receptaculi speciem & amœnitatem: quam non eloquiò Demosthenes, non calamo Xenophon, non penicillo Parrhasius, adsequan-



sequantur. Et cæteri quidem sociorum, satis habuere, fontis hujus usuram haustu nudò jejundòque capere: quippe, qui præter bibendi cupidinem, & os sibi distentum, nihil secum attulissent; non coctum, non crudum. At me, PEDIOSAMQUE meum, futurorum providos; humanorum casuum & viarum incerti successus, admonuerant: uti viatico cibario suam quisque manticam implemus. Quod nos, dum navigio digredimur, non perfunctoriè fecimus. Hujus itaque sollicitæ tunc fructum cepimus: cum, esuriente comitatu toto, nos soli, post largum potum, sub arbore sepositâ jentavimus; quantum visum est.

V. Sub hæc, peractis munifico Numini gratiis; quoniam noctis aliquantillum supererat, priusquam Aurora promicaret, dormitum pariter omnes concedimus, stratis sub arbusto fontano corporibus, bini ternive somnum inimus; sed somnum plerique, præter me Pediosamque, planè famelicum: & idcirco (quod Physici quidam opinantur) expeditiorem ac pinguiolem. Me verò non tam ventris satietas, quàm cararum intemperies, insomniâ multavit; reputantem, intempestivâ futurorum imaginatione; *Quantum certa felicitatis in Batica reliquissim? quàm incertam sortem in America regnis persequerer? per quot curas, labores, vexationes, mortes? An verò, si vel aurei montes, & omnes Peruanorum thesauri, sine scoria fraudèque, certò tandem affluerent; pacem fore tam imbecillam adolescentis aetatem ac vires, in tot casus? At nunc, dum opes peregrina (mendacissima fortassu expectatione) per mille barbaras manus, atque tela, per inhospitas solitudines atque saxa quaritantur; uno temporis puncto curâ disturbatum iri. Limam, Cuscum, Quitum, & nescio quas Peruvii regias inquire; quas fortasse nusquam gentium, aut, non nisi per sepulchrum, invenias. Quod si tam prona repertum sint transmarina loca, præculque distita; quid ità non tam facile deprehendi, quæ pro-*

*pinguiora sint? Mania portum? oppidulum Thalassia? limitem Peruviana navigationis? Nempe, toto sanguine, totoque spiritus impendio ( nisi me conjectura malorum malè falleret ) nihil aliud denique, quàm inania fumosque quæri; nec aliud, quàm fumos & inania, repertum iri: cum Mortalium cuncta fluxa sint, & ventus, ac vapor; & ( si verum audire possumus, ex ore Sapientissimo ) VANITAS VANITATUM!*

Talibus, & harum similibus imaginibus, inquietabam diluculum meum: & , inter molestas animi disputationes, lævorsum dextrorsumque corpus agitabam. donec per injuriam fugatus sopor, pertinaciter abscederet; nunquam eo mane rediturus. Ego quoque, necessitatem in constantiam vertens; vigiliam tandem obfirmavi. mox, timiditatis meæ pudore, memetipsum & ignaviam præteritam execratus; *Quid autem (inquam) ego, parùm virili robore, cum venturis terrâ marique malis, muliebriter litigo: priusquam hac in nos incurrant? Quid igitur tunc agam: cum incommoda præsentia præsentem obruerint? Quem tum, qualemve, me geram? Non ita, VICTORIA, non ita! Tuum te nomen, & omnis retro sanguinis tui generositas, ad fortiora stimulet; ad aduersorum tolerantiam adhortetur. Quid, quod hæc ipsa, qua tute tibi ( vates importunus ) incommoda præcinis; aut nunquam in universum, aut etiam in prosperius, evenire possunt? Nos quidem ceriè, vano sæpissimè timore paratragediamur illic; ubi latissimum epilogum fortuna scena dabit. nos intempestivo pavore quam plurima pingimus, in mentis phantasmate: quorum nec umbram quidem in suo tabulario Divina Providentia præscripsit. Ad summam! MALUMUS interdum timore Fatorum mori: quàm ipso Fato.*

Dicebam hæc ipse mecum: & dissidentem animum, verbis in hunc modum fortibus, seu firmabam, seu circumscribebam: nonnullo philosophiæ fru-

fructu. nam fluctus certe curarum inutilium, utcumque tunc conquievit. Nec tamen ideo secundo fluxu somnus successit; ut ego reor, praeterlapsa jam hora cupidineque, quam dormituru natura lex praesnavit; quaque semel neglecta, frustra posthac ad solius arbitrii tui libidinem, stertere coneris. Igitur quietis & ego tandem aspernator: ut primum rubelcentis auroræ jubar notavi, cortipio cubitu membra: paullumque pandiculatus, & mox alacres in pedes erectus: A u T (inquam) illa, quæ metuis, Petre, sic accident, uti mente fingis: & ita supplicium tibi struis, ante supplicium. Aut irritus pavor irridet suspensum animum: & ecce, carnificinam, à nullo iussam, spontaneâ stoliditate subis. Quin ergo potius, quidquid illud est, sub Deo, caeloque, Superum in manibus relinquis? tu vero latus & hilaris, vivis atque pergis?

Hac sententiâ, tanquam ipse mihi Cato meus, aut Cordubensis Stoicus, animum armabam: & hiscentem, velut sopitiunculio papavere sparsis, in quietem quandam componebam. Sed, ut opinor ego: N U L L I S Artibus mens invita cogitur, ut id velis, quod non vult; & hoc despiciat, quod formidat. In universum; ipsam potius evertas, necesse sit: aut certè pericula, quibus angitur, media perumpas: vel denique, nescio quo stupore dementia, cæcerum more, neque sentias neque videas; etiam ea, quæ sentis, ac vides. Nam, etiam ad Sapiëntia leges intellectus jam perducto domitoque; magna tamen adhuc vis & imperium est phantasmatum. Est quædam (nescio quæ) tyrannis illarum, quæ cerebrum infestant, impressionum: quas, cum importunitate tumultuantes, & more muscarum impudentium advolitantes; quanquam sæpe rejeceris, sæpius sapiensque rejicere cogaris: fatigue, nihil profutura. Certe quidem ego, noctis propemodum totius dissertatione, velut Platone quodam, Academiaque præparatus, & adversum imminētia casuum, super  
E 2 omnes

omnes Epicuros in Phalaridis taurum, ut putabam, animosus: Socios, adhuc altò somnò stratos, expergefacio; tardiùsque dicto (sicut fit in semisopitis) audientes, clamoribus increpito. Vix tandem in viam matutinam accinctos, ultro sermonum hilaritate (non minùs ac pedibus) antegredior. Neque tamen adhuc, inter tot pectoris excitamenta, latrantes in præcordiis, sollicitudines satis conspicio. Dicebam sæpe quidem ipse mihi; *Macte virtute, VICTORIA! macte robore! papa! quid inani lanienda juvenile cor sodicas? quid vulturum non necessarium, Promethæo tuimet odio pasci? cur toties ipsi tibi non constas? ubi nunc ille, modo conceptus, vigor tuus? ubi meditationis antelucana decretum? Nempe, pristinos in sinctus, animique tempestates resini; ignavus & variabilis tuimetipsum gubernator! Quin tandem obfirmas? &, indivulso fortitudinis arrepto clavò, cursum, quem inchoasti, corripis; portus salutis quo tua securus? Aude saltem, aude nunc tandem: &, aliquando victà desperatione, quod tibi non credis, Deo Providentiæque crede. vultum sereniorum, si tibi non potes, at Sociis adorna. SAEPE, qui finxit hilaritatem, is induit: & gaudii commento, verissimè mœstitiâ extinxit. Hæc mihi, similiâque cùm itinere dicerem universò: jamque probè (sicut opinabar) animi mollietiem duravisset; post multa tamen eodem relabebam; garriente semper, in penetralibus curarum, interrogatione primi pavoris; Quid autem? quid in posterum fiet? Sed comitum nemo cogitationum mearum rixas audiebat; alternante semper spe metuque cordis: & idcirco, totius oris habitu, solutiorum in vultum diffusio, quem & jocis interdum, ac fabularum mixtoris, diffundebam.*

VI. ADJUVABAT autem non parum sermonum leporem (quasi suggestâ colloquiorum faragine) regionis ipse situs, per quam tunc progrediebamur: aperiente suprà nos quidem cœlò pulcher.

pulcherrimæ serenitatis faciem ; sine nubibus ullis , & adhuc clementer radiante Sole : ponè nos autem , dextrâ lævâque , jucundissimum maris ac terrarum amphitheatrum expandente viâ. Dextrorsum quippe , littoris ingens spatiositas ostentabat nobis ignotâ portuum , rupium , atque promontiorum ; cum infinito Pacifici maris excursu : certantibus vivacissimâ colorum varietate , cum vitrei viroris fluctibus , solari radiò , confusique splendoris purpurâ. Lævorsum verò non invenustius spectaculum , pulcherrimarum arborum sylva capitis impendens , relevabat ambulantes umbræ projectu : cantûque volucrum aures , & aspectu ramorum oculos , oblectabat. Nec deerant ex obliquo spirantes Zephyronoti ; qui leniter concussis agitatisque stirpium foliis , diem & ardorem temperarent : gratissimâque suffurri fremitu , confabulantium attentionem interluderent.

Valuerunt ista nonnihil ad angorum laxamentum ; qui , per intervalla recurrentes , identidem pectus lancinabant. Sed non perinde valuerunt ad corporum refrigerium ; æstu sensim , & meridiani fervoris incrementò , flacuitum. Etenim , subsidentibus Favoniorum antris , dièque crebescens ; calor (ut in plaga regionis flagrantissima) cœlique vapor intolerandus , languore simul & fatigatione , pæne spiritum & animam interceperant. Nec jam ullum erat intemperantis mali solatium ; præter spem Virbeculæ : quam pridie navarehus , digredientium credulitati descripserat. Hoc igitur solum jam , omnis molestiæ retrigerium , oculis inconnivis requirebamus : ad oppiduli mentionem & memotiam ( ut *impatiens est omnis expectatio* ) non sine murmure , plerique suspirabamus ; ne salivâ quidem dentium inhibita , tanquam proximo statim vororum sipe. Quoties igitur aut saltus , recessu nemo-



rum intercisis, vacuum intuentibus spatium aperuisset : aut eminus revidens aliqua rupes , scopulorum inæquali concisione, castelli pinnarumque simulacrum expresserat : vel quodcunque denique spectaculum nitidius obscuriusve procul refulsisset : id nos THALASSIAM urbeculam suspicabamur. ad illius conspectum manus pariter & clamorem tollebamur : donec, post innumeras frustrationes, consumptâ jam omni sylvâ, nulloque reperto municipiô, *miserorum spes omnis in aquas ac flumina residit.*

Ecce namque ! dum omnium inopes irritique, cum Solis ardoribus, atque vitæ tædiis luctamur : repente post sylvas, ad itineris nostri sinistram latus, clivosior terra primum in montes : paulatim deinde, celsius asperiusque saxosas in Alpes exurgere : tum longissimò rapium dorso procurans, cepit undequaque fontibus & undarum delapsu scaturire.

Temperamentum id fuit, in tempore concessum desperationi nostræ, jam siti succumbentium. Neque corporum id duntaxat & gutturis refectioni valuit ; sed etiam ad mentis & oculorum remissionem. nam tanto subinde ludebat artificio fluviorum nativitas, & scatebrarum origo ; prorsus ut dubium esset ; manne sic an venarum suarum sponte, proflirem ? Sed unus, præ cæteris omnibus, rivus, admiratione multâ cunctos suspenderat. Is, è scopulo præcellentis altitudinis exortus, latice copioso primum ipsius saxi planitiem inundat. Ab hac deinde, per abscissa penitusque derupta præcipitia dejectus ; in petram aliam priori petræ subjunctam, non aliter atque consulto præparatum in cratêrem, coit. Indè tertiam in rupem, superioribus longè depressiorem, collectus ; in saxosam latitudinem, mensæ ritu constratam, diffunditur. Idem autem, posteaquam stagnante vado desedit ; extra crepidinæ, quidquid redundat, molliter egerit : inque canalem



nalem lapideum geminum, bipartitis lapsibus, evolvit. Eorum canalium alter laxus ac spaciosus: posteaquam longò sulci tractu, per cava rupis, aquas inoffensas devexit: sub ipsum finem denique, seipso celsius exurgens, & cuspidatim in puppis morem sese surrigens, violentissimo cursûs populus, vacuum in aerem erumpit: ac figurâ quadam cœlestis Arcûs exsilit. Nam, præterquam, quòd etiam in hujus pellucida lymphâ colores ludunt, fulgore Solis incensi: fornix hic aquaticus primam sui partem, velut Iridis pedem, in scopuli fine defigit. Alterâ verò sui parte, peractò jam hemicyclò, ripis semmontanis incidit: ibique profluentem orditur. Esset itaque tam gratiosi spectaculi voluptas insatiabilis: nisi subinde *turbinum impetus* (*semper aquis infidus*) exultantis rivi curvamen aut conturbaret, aut abrumperet: nonnunquam autem, majori ferocia tenuissimum in rorem dispergeret.

At Aquæductus alter, canalis titulo spatioque grandior; & jam pæne fluvii capax: perlata præcipitia, vasto cum fragore dejectis undis, cadentium impetu tumultuque (nam collectim dernunt) Nili fluminis Catadûpas assimilât, ac, jam tum à petræ suæ radicibus inchoato torrente; Mare Zuriûm inquieto rapidoque procursu, sub legitimi fluminis ripis, ingreditur.

Horum, & his non absimilium naturæ lusuum erat abundè. quorum spectaculò nos Thalassæ, quam inquirebamus, desideria mitigassemus. Verùm, ut VOLUPTAS in terris nulla sine facibus suis fluit: NEC ullum facile commodum oneris adjuncti vacuum est; sic ista quoque nobis tantilla refrigeria, non citra multos curarum æstus steterant. Nam cum in eum, quem dixi, modum plurimi passim fontes, & ex fontibus alvei, rivorumque decursus, occurrerent; ipsâ sui multitudine, quantum ex aspectu delectationis, tantum in transitu molestiæ creabant; dum itinerum progressus retardant. Angebanturque,

cum ipsis deliciarum incrementis, incommoda vadandi. Cùm enim, qui rivuli principio fuerant, paulatim deinceps amnes, & ex annibus iusta flumina, fierent: evenire necessum erat, ut, quas undarum scaturigines, olim saltu pedisve passu trajeceramus; eas deinde, processu fluxûs, superare pontibus aut navigiis cogeremur. Nec unumquodque fluminum semel duntaxat vincendum occurrebat: sed ter subinde, quater, aut sæpius; quoniam flexibus in Mæandritum gyratis recurrebant; & in semet implicabantur. Subsidiarum interim, nec à subliciis, nec à coriaceis pontibus, ac nec à lembis ferè, quidquam ad manum erat. Quare, quod unicum nobis adjumentum, in arcto deprehensa necessitas reliquerat; detractis corporum inferioribus tegumentis, ad lumbos usque, gurgitibus ac vadorum incerto nos committebamus. Id autem fieri non poterat, absque temporis ac profectionis gravi dispendio, quam molestiam augebant sæpe fluctuantis viæ pericula. Nam quod annium plerique, qui sese progredientibus objecerant, latitudine pedes ut minimum duodenos; profunditate, ternos plus minus æquarent; ultra vires & audaciam humanam erat, singillatim eos viritumque perumpere. cum præteritum catarrhactam undarum, ripis inclotam, suaque sponte jam incitatam, insuper alluviones novæ, de rupibus ruentes, impellerent. In vadarum itaque trajectu, connectebamur terni ferè, quaternive; conser is indivulsà fide manibus ac digitis. Ità, veluti copulà catenave colligati; ne contrà rectà gradientes flumen invalesceret, progressu sursum obliquatò, pervadebamus. Nec enim nos falsebat; eos, qui rapidè defluentes aquas secundo pede sequerentur, simul cum illis abripi; qui vero ruentibus adversum irent, vincere facilius & perumpere. Multum nihilominus, antequam riparum potiremur, luctæ; plurimum formidinis exhaustiendum e-

fat, torrentes ingressis: ut, quibus ne sic quidem confertis constrictisque, penitus profluentes parcerent. Nam & in saxorum occurrentium gasteras impingebamus; & in labuli lubrico fidum defigere vestigium, magni moliminis erat, insidiarumque plenissimum; trahentibus ad imgraves pedes levibus arenis. Inter mutuos itaque nexus pariter vadantium, nunc hunc nunc illum insani gurgites tubruebant, aut in gyrum vortices circumagebant. Quod si quis, misericordia suadente, fluitanti manum injiceret; aut, connisu corporis, allevatum iret periclitantem, copulatione dissuta, ceteros omnes efficiebat ad progressum imbelliores: & ipse, cum sarcinae suae jactura, discrimini pariter involvebatur.

VII. PRIMIS tamen diebus, beneficio Numinis, perruptae difficultates omnes, & superata flumina: sociorum nullo desiderato. Sed, quanquam inter haec aquarum assatim esset; nec ulla sitis corpora, semper madentia, torqueret; in immensum tamen fames invaluerat: cibus in viaticum aut nullis; aut, si quis unà porrasset, flumine corruptis, ipsaque morà. Nam plusquam septimum jam diem extra navim agebamus. Quae, gravia licet ac desperationi proxima, tamen gemino solatio tolerabilia fiebant. Nam & Thalessiam, toties memoratam, expectabamus in singula momenta: *crescentibus inter ipsos pedes, spe, desiderioque* venallium opsoniorum, quibus reficeremur. Præter hoc (nisi malè nos oculi nostri, praestigiae magicæ dementabant) Actuaria subinde, quam reliqueramus, à dextra se nobis ostentabat: quanquam interdum duntaxat; & id ipsum rarius, atque longinquius. Suspiciatêris, non tam juvandae, quam irritandae cupiditati nostrae, per deridiculum adnavigare; rursusque sese proripere, nec perpetram Hirundini navim eam comparâsses, celeriter portuosis litioribus advolantem; sed protinus celeritate

te majore revolanti. Scilicet expositorum miseris insultans ( ut erat suspicio ) bipedum pessimus nauclerus ; puerilem viatorum expectationem inanibus spectaculis lactabat. Pauci benignius interpretabantur ; fluctibus , aut iniquitatilittorum , hanc inconstantiam assignantes , non gubernatoris malitiæ. Quoties porrò dies in vespèram , ac noctis viciniâ , vergeret ; videri navis desinebat : arborum , uti nos conjiciebamus , littoralium tegumenta , vel prominentium scopulorum recessus quærens ; ubi , demissis in profundum anchoris , noctem ageret à precellis tutiorem. Id si sic verè gerebatur , & non ex sola conjectura nostra ; nempe pari , qua nostrum iter , tarditate laborabat actuaria , nec mihi cum nautis mare , quàm cum viatoribus terra , tunc agebat. Jamque nos inter hæc , miliaria magna , non minus sexaginta , laboribus insanis , & continuatis erroribus , exegeramus. Iam nec ad requiem quidem , somnique necessitudinem dato corporibus spatiò ; vires & valetudinem attriveramus : sic , ut animis plerique , pedibus autem ad unum omnes , succumberent. Ego quoque veteris meæ magnanimitatis memoriam stimulosque , frustra refregebam. *In membris enim collapsis , quomodo se mens erigeret ? aut , quo pacto , deleta fiducia melioris successus , abs se quidquam sincerum virtus impetraret ?* Fingebam itaque magis alacritatem , quàm retinebam : contentus ad extremum illa , quam dura *Necessitas etiam ab Invitisimis extorquere debeat , Ferrea Patientia.* Quo fiebat , ut , qui jam vix halitus reliquias , & ultimam vitæ fugientis laciniam obtinebam ; tamen in socios verborum largus essem ; spemque fronte simularem ; at corde , dolorem altissimum premerem. Videbam enim nullo negotio , MALO , quod omnes urgebat , & nemo dispellebat , unius adolescentuli fortitudinem esse parem non posse. Vereque *superba confidentia fuerat ; despiciere calamitatem , sub cujus ruinis omnes suspirabant , cum præ-*

settum extrema fatigatio nonnullis jam animam sub-  
 movere videretur, in mortis necessitate constitutis.  
 Quos inter Iuvenis erat quidam, in paucis mihi  
 charus; ac longæ familiaritatis usu devinctus. Hunc  
 jam olim in actuaria malè firmis viribus utentem,  
 solus (sicut interpretabar) societatis amor, & ami-  
 citiæ, quæ nobis intercesserat, dulcedo pellexerat;  
 ut unà digrederetur nobiscum, & in continentem  
 descenderet. Hic eum, membris quotidie minùs ac  
 minùs coherentem; posteaquam tot insuper sale-  
 bræ, voragines, præcipitia; præterea montes, ac  
 flumina delassassent; tandem vis mali fregit, & pro-  
 stravit. Iacebat igitur cadaveri propior, quàm via-  
 tori. Sed, quod mireris; hunc juvenem nihilomi-  
 nus, insitus omni mortalium generi *vita jucundus*  
*Amor* (qui plerumque solet in extrema sui linea ve-  
 nire dulcior) utcumque sustentavit; donec ipsa con-  
 tubernii cupiditas hominem, cæteroquin minimè Ti-  
 monem aut lucifugam, invitis denique Fatis omni-  
 bus, erexit; ac nos sequi coëgit. Persuaserat enim  
 sibi: *Hoc ipso se vivere videturumque; si cum vi-  
 vis esset.* Procedebat igitur; juvitque progres-  
 sionem, quòd, illius gratiæ, nemo nostrum concita-  
 tiùs incederet; quippe, qui cerneremus, cum via  
 miserè luctantem, & tantum non ad mensuram ac  
 scrupulum pedes molientem. Idem ambulationis  
 genus nostrum plerisque placuerat; nisi pudor re-  
 pressisset. Usque adeo non magis torpor universos,  
 quàm planè vivendi tædium, occuparat. Exsecra-  
 bantur itaque complures, neque tacite, non modo  
 consilium, sed etiam consultorem; cujus perfido  
 suasu navigiò certò dejecti, terrestris itineris ambi-  
 gua delegissemus.

Hi proinde magnopere cunctis auctores erant;  
 ut ad primum quemque navis recursum, suscitatis  
 ex composito, de nocte quidem flammis, de die  
 verò conclamationibus: nauclerum sponsionis admo-  
 neremus, Urgendum, ut actuariam, omis-  
 sis



fuētis ambagibus, ad littus adverteret: in quam reciperemur, ut nostram; quam nos malè consul-ti, velut alienam, reliquissemus. Nec utique dis-ficilem fore suorum votis navigii magistrum; volun-tatis nostra tam clara significatione percepta. Quod e-nim hic, toties hucusque visus, ac toties rursus dilap-sus, desideria nostra lesellisset; id utique non illius fa-ctum culpa, sed nostra; quippe, qui nullo nostra cu-piditatis indicio prabito, fastidientium potius speciem, quàm ambientium, edidissemus. Et profecto, si quid saperent ii, quibus adhuc pergendum terrâ potius, quàm pelago, videretur: expenderent illi vel nunc tandem, quoniam sua pertinacia ceteros invalidiores precipita-rent? Ponendum sanè temeritati metam aliquando, finemque: neque pluribus laceffendam insaniis indi-gnantem Fortunam; cui prorsus usu nullo, periculisque certis, per summam levitatem, insultaretur. Quid e-nim per Superos hominesque! quid tot errorum & an-fractuum incommodis quari; quid iisæm declinari; Secutos esse profectionis compendia, littorum salubri-tatem, Manta portum, & Thalassia (nescio cuius) venalem benignitatem, emporiumque. Tamen horum omnium nihil, ac ne casam quidem aut pastorale tu-gurium, comparere. ne sepem quidem, aut fumum (quæ duo tamen neque Scythia solitudinibus facile deessent) in conspectum afferri. Fugisse contra ple-rosque, quo tempore consilium exscendendi capiebant, navigationis nausæam; cursus tarditatem; annonæ di-minutionem ac fraudes; naucleri morosum imperium, & verbosas imposturas; pauca, neque fortasse levia, mala: nunc autem sexcentis iisque gravissimis, com-mutate. Numquid non hoc esse: Cinerem vitare; sed in adverso flammam insilire? culicis declinare morsum; & Hydra bella quærere?

VIII. DISSEREBANT adversum hæc, ama-ro cum risu, pars contumacior, & quibus scilicet su-perba præ relictis; ac specie magnifica, præ salutaribus placebant. Transgressis, in spes ingentes, ex orbe pa-trio diversum ad orbem; nempe nunc denique consi-lia



lium ponendum, an pericula viarumque lassitudines, infra quasitas opes ducerent? Anne, cum ex Europa mensum, ac propemodum annorum aliquot, navigationibus AMERICAM sequerentur, nullam ullius discriminationis unquam oblatam esse speciem? nullam imaginationem? non formidinis ullius materiam? an ne tempus quidem ac spatium deliberandi concessum? Num pro regni Peruviani deliciis atque copiis, recte maris & elementorum omnium bella susciperentur? Pudendum enimvero (si non alio, saltim ignavia muliebrique metus opprobrio) viris juvenibusque nominis Hispanici; si post superatum Betin & Gades; post enavigatum Oceanum Africanum & Atlanticum; Post Margarita, Carthagenae, Panama, praelia caloresque; si post percursum pelagus omne Zurium, & Philippinarum portus aditos; post innumera denique naufragiorum in reditu pericula: nunc demum animis plusquam faemineis conciderent; posteaquam tantum non in Peruvii conspectu, certe jam propemodum in Mantana valibus, & laborum meta, starent. Quid ergo futurum, in occursum belluarum peregrinae ferociae? quid in Antropophagorum palantium insultu? quid in ceteris terra Pontique monstris animorum fore, mulierculis hisce; quibus parvula famis & insomnia duritia, quibus exigua lassitudinis asperitas, tam cito robur & constantiam convelleret? Descerent sane tales & nervo mentium, & callo pedum; quos tam infantilis ignavia torpescisset! At se certe per saxa, perque flammam, inextorto gradu perrecturos. Præterea: descriptam à navis magistro Thallassiam oppidulum, magis ac magis in propinquo jacere.

TALIBUS, per opinionum varietatem, in partem utramque ventilatis; ad extremum pro cœpti semel erroris perseverantia decretum est: urgentibus viam terrestrem iis potissimum, qui jam tum ab initio, fictis commodorum descriptionibus, è navigio nos prolicuerant. Et in hunc modum, post longam digladiationem, superior fuit sententia

*tentia stultior; quia vanissima fortitudinis jactantia speciosior.* Itaque, minimâ jam actuariæ nostræ curâ, progrediebamur: &, eodem nobiscum passu, fatigatio, tædium, calamitas. Fames præcipuè, singulorum & omnium viscera rodebat; ne Thraso-  
nibus quidem illis impatientiam dissimulantibus, quibus Hercules & Jason videbantur in pectoribus congeniti. Tanta porro vescarum rerum egestas nos in-  
cesserat; ut, ne rabies edendi vitalia depasceret, ad sylvestres radices & absurda quæque, solò geni-  
ta, vellendam converteremur. Hæc, cultris atque pugionibus effossa, concisione minimè curiosâ, ciborum quandam in similitudinem redigebamus. Eæ  
demum cupediæ nobis, eæ dapes erant; apparatu Persico potiores. Cumularunt hanc felicitatem, pro-  
cessu temporis, tanquam auctarium & condimentum annonæ, cancri subinde; quos, littorum in vado,  
maris (uti fit) abscessus deslituerat; rari tunc ta-  
men; & neque tantæ famelicorum turbæ suffecturi,  
neque scrutantium sollertiæ semper opportuni. Nam  
cùm id genus animalia, non nisi per citimi litoris arenas serperent; eveniebat, ut, siqui collectum is-  
sent, in prandia sine magna difficultate paullum quid eruerent. cæterum ante noctium crepuscula, stimu-  
lante fame redeuntes eundem ad piscatum, æstu ma-  
ris restagnante prohibebantur. Hinc, ne cum undis  
pariter & insidâ littorum luctandum esset; incœna-  
ti potius in montibus aut petrarum dorsis, noctes  
agebamus: sanè meticulosas, neque penitus à bel-  
luarum incursibus immunes. Exactis autem per som-  
ni ciborumque penuriam tenebris: quotiescunque.  
Soles ac dilucula recurrissent, primùm omnium cir-  
cumspectabamus; Ecquod comminus eminuisse pro-  
missum emporium reluceret? Id autem, post infinita  
suspiria, comparebat nosquam; ut jam planè Tha-  
lassiæ desiderium nemini prudenti posset aliud, quàm  
puerorum nugæ vel lusus, videri. Tamen cum pueri-  
libus istis cupidinibus, multa virilia robustaque mala  
cresce-

crescebant. ante cætera verò, plusquam Eriſichthonia (ſicut memoravi) fames in dies ſingulos atrocior. deinde, fontibus paulatim rivisque deficientibus, ſitis ingens, ob hoc ipſum; quia plerumque ſecundum pelagus fieri noſtrum iter cœperat. æquoris autem vicinia, quippe ſaliſis & corpori noxiis aquis, ad potum nihil conferebat. Quod & ſiqua ſubinde fluviorum oſtia marcentibus occurrerent; intermixtâ jam Ponti ſalsedine, nihil ad refectionem utilitatis afferebant. Unde, quod, catena, quadam moleſtiarum, proximum erat; ſtomachorum vitium, tabes corporum, corruptelæque viſcerum, cum febribus, enaſcebantur. Sed &, ſiquos naturæ robuſtioris, à gravibus morbis inviolatos, quotidianæ tantummodo ſtringerent ærumnæ; tamen eadem ſemper, ac ſine fine, tolerando; ſub extremam etiam ipſi peſſimabantur: utique, poſteaquam neque *requie* (quam tamen omnibus animantibus, *unicum in fatigatione ſolacium*, natura providit) allevarentur. Nam ſimulatque membra, viarum aſperitate fracta languidaque, planiore ſolo ſtraviſſemus ad remiſſionem captandam; pauxillo reſpirationis deguſtatò, reliquum ad iter longè ponderoſiores reſurgebamus: ſic, uti pœniteret nonnunquam interjunctionis; ut quæ tantò gravamine nobis vitæ moleſtiam duplicâſſet. Id, frequens oppidò viatoribus & deteſtabile fatigationis incrementum; tunc præcipuè glifcit; cum mora productior eſt quieti conceſſa. Mirari proinde ſæpe venit in mentem; Vndenam principia ſuâſque cauſas trahat? *An*, quòd *agitatus aſſiduò motu ſanguis*, ſpiritus vehat vegetiores, quoad ambulationis calor perennat: Et idcirco currendi promptior, ex ipſa ſui ſubtilitate, progredi geſtiet? *Contrâ vero ſtratus idem cum univerſi corporis mole, per cubationis ſeſſionisve languorem ſenſim intra ſeipſum, velut in maſſam, ſpiſcietur?* Et, ipſa denſitate torpidus, alacritatè que veterem tanquam oblitus; ignavo lentere congelascat? *An* potius,

potius, dum in fervore labor est cundi, currendive; minus idem ex ipsamet assuetudine necessitate sentitur? remissus autem, & jam tanquam ex professu deses, hebescit? ut, sicut MORTALES omnes sumus ab asperitate proclives ad voluptatem; ipsa torpedinis dulcedo nos sensim plumbeos reddat, & immobiles, ad strenuum conatum? An denique QUIES incendere fatigationem: idcirco creditur; QUIA molestissimus contrariorum, ad contraria transeuntium, sensus est? Sed ista viderint, qui se Philosophos appellant.

IX. Nos interim Thalassam nihilò magis assequeremur: porras ut jam fabulas & apologos mihi loqui viderentur, qui sperare colonias humanas aut civium societas auderent; in solitudinibus præsertim tam sepultis & abstrusis. Eas tamen etiam paulatim, quantumvis arentes, interfluere flumina ceptabant; quæ sinistro montium latere decurrebant. Verùm illa non duodenum, ut antehac, pedum; sed longè latissima, spatiosis alveis sese diffundebant. Et, quia procul admodum ab lictore maris Zuxii, quod infuebant, fontium origines recedebant; affluentibus undequaque rivis, quanto procedebant, tanto crescebant: grandique cum murmure per confraga ropium, & saltuosas voragines, incedebant. Fuerunt ejusmodi fluminum compluria, toperatu difficillima; solòque sui conspectu, quoties necessitas trajicere compulisset, formidanda. Ventum erat ad eorum primum, nomine quidem mihi (sicut cætera regionem illarum) incompertum; periculò verò, licet alienò, plus nimìò notum atque memorabile. Stantibus in hujus ripa, prònum erat, aestimare; vadò transiri, nisi nudatis & expeditis à corporibus, neutiquam posse: quapropter sarcinas & impedimenta seponenda. sed, cum ea nobis, ad profectiorem reliquam, usui pleraque necessitati forent: excogitanda ratio fuit, quàm, nullo nostro gravamine periculoque, transportarentur. Novam igitur

Argus fabricam non ad Pelion montem, Minervâ dictante, sed ignotissimis in saltibus commisitente pauperie: proximis è sylvis trabes arborum, temerè jacentes, in materiam advolvimus. Post has, virgulta viminàque cum juncis & genistis, in vinculorum atq; compagum usum, comportamus. Ex ea tota congerie Ratem extemporalem, aut certè Rati non absimilem struem, molimur. Euère quoque, qui ramorum latiora fragmenta pugionibus ac machæris, in quandam remorum effigiem, destringerent: & diductis in spatium principiis, palmularum ac tonfarum similitudine quadam induerent. Hæc illi Remos appellabant; & ad compagis nauticæ latera scirpeis nexibus, alligabant. Hoc opere (quantum per tempus & rerum necessitudinem poterit) exacto perfectoque; cultum deinde corporum, ad intimam usque tunicam, ponimus: ac, velatis tantummodo, quas pudor jubet, partibus; indumenta, cum sarcinis omnibus, in schedium injicimus. Postea, designatis, qui remigii non usque quaque rudes apparebant, sociis; jubemus, ratem ut à capite pedèque propellant. Reliquis autem transnatandi lex imposita; demptis duntaxat iis, qui tentandorum fluminum, inscientes & pavidî, conatum hunc longè refugerent. his enim indultum; ut, transportatâ suppellectili, recepti compage, ligno mallerent, quàm suis brachiis, consideræ.

Geminas igitur in partes omnis turba discedimus. Eorum altera, natandi peritiâ (nec dubium, quin etiam audaciâ) melior, nostras exuvias & sarcinas in trajectu comitari jubetur. His admiscetur pavidiorum quidam; & nonnulli, penitus imbelles, in ratem cum impedimentis imponuntur. Illis porro timidioribus imperatum; ut, manuum injectu quàm lenissimo, posticæ partis hærerent; quo minore periculo pavoreque simul transirent, non defatatos verò pavidis cæteros,



teros, arte vel animo firmiores; quin interim ad-  
natando, vocibus, hortamentis, & conñisu sup-  
positūque brachiorum, suppetias ferrent. Hæc pri-  
mæ partis erat turba. Deterior paulò (sicut tunc  
quidem videbatur) alterius cœtus fuit conditio. nam  
in hanc erant descripti Sociorum ii; qui neque  
robore quidquam, neque natatu, valerent. Et hi  
præstolari iussī; quoad schedia fluviatilis, primæ  
transportationis onere perfuncta, ripam citiorem  
repeteret. Id autem ut citrà dubitationem, & ex-  
fœderis quasi sacramentò, sic fieret; à nobis sedulò  
cautum est, ac provisum: reputantibus ingenii  
mortalis incertam fidem; & promissorum, in ho-  
ras variabilem, mobilitatem. Itaque, præterquam,  
quod præcessuros juris jarandi vinculis adstrinximus,  
non defuturos salutē nostræ: super hæc, quidquid  
funiculorum & restium, quidquid lignularum, peri-  
scelidum, ac laciniarum in sarcinis repereramus; id  
totum sollicitè protulimus, quæ, posteaquam no-  
dīs innumerīs in quandam indentis speciem con-  
fuissemus, ad ratis denique pedem deligavimus.  
Id eò consiliò factum est; ut, quodcumq; præ-  
cedentium cœtus abnavigâset, nos tamen, in ci-  
tima relictī ripā, correptum manibus funem sum-  
mā contentione retineremus; &, siquā perfidiā  
(quod fieri posset) recursus ratis negaretur; eam  
nos nihilotēcius, etiam invitīs illīs, per vim re-  
traheremus. Quod tamen quā consultò dispe-  
ctēque fuerit excogitatum: nunc quoque tantò post,  
nondum equidem pervideo. Quasi vero non longè  
fortius priores illi trajectores materiam, sarcinis ac  
vectoribus præponderantem, retinuisſent; si fallere  
fidem voluissent? & id tanto magis, quantò ma-  
jorem viderent nostram erga se diffidentiam? Aut,  
quasi non (si quis unus ex omni numero fraudem a-  
nimò machinaretur) eam facillimè statim & sim-  
pliciter expedisset; si per pugionis aciem præſello fune  
nostro, ratem ipse porro propulſisset. nobis contra, decep-



tu, in manibus mutilum retinaculum reliquisset? Quo sane casu, quid, nisi vacuum vestem, & hiantem frustra spem, cum nasi suspendio, reportassemus? Sed hæc in hunc, quem retuli, modum composita sunt: delectique sorte, de generosiorum numero, qui cum prioribus posterioribusque trajicerent: ut neutra pars subsidiis suis, & auxiliaribus, destitueretur.

Solus extra delectum BALBOAS quidam (nescias, natandine scientiâ magis, an jactantiâ præsignis) se cæteris omnibus ultrò ducem obtulit. At ego, postremam inter turbam, ità fortis judicio damnatus, ac præter hoc transnandi ruditatem: professus: submœstus substiteram.

X. REBUS instructis omnibus: nos, quotquot in ripa restiteramus, OMNIA prospera communibus votis ominamur. fluitare verò ratis, & urgeri remis, cœpit: sociorum aliis per trabes sedentibus: aliis autem natatu circumquaque, maxime laterum tenus, assultantibus. At nos, ex condicto funem retinentes, festis plausibus (quantum in re tristi potuimus) & confusis in commune clamoribus, alacritatem natantium accendebamus. Princeps natationis, is, quem dixi, BALBOAS contra torrentis fremitum grassari: fluctuum assurgentium minas provocare: frangere tumentes cum spuma gurgites: & corporis variâ jactatione, tanquam per Orgiorum quandam licentiam, inter undas bacchari. Subinde quoque sponte suâ, pèrque proterviam (eorum ritu, qui, more pravo, Leves artes, quasi veras virtutes ostendant) clementer fluentem amnem, concitare: sedatimque fluxum turbulentâ gyratione velut efferare.

Iàmque cum comitatu ratèque, quindenos circiter passus promoverat, ut paullatim aquæ, siquandò BALBOAS quietiùs incederet, humerorum tenus assurgerent: nec ultra: plerumque paulillò suprapectus. Ibi tum ille (simulando, reor, irridendo-  
que.

que pavori) per lasciviam & jocum exclamare; *Numiam enimvero tandem hanc esse, propterea que moderandam, fluminis profunditatem! Itaque rediturum ad eos se; qui, discriminis exsortes, in ripa desedissent.* Cum hoc dicto, divulsus à suis, ac per natationis ambages, renatanti similis; ad nos iter intendit: & (mirum dictu!) momento citius in præceps alvei rapitur. Hic, exigua temporis intercapedine, velut obratus; posteaquam emerfit, voce clara sociorum coëpit opem & manus implorare: sibi discrimen ultimum impendère. Jocari nos hominem suspicabamur, consueta scurrilitate; familiaribusque per otium nugis. Itaque sapius licet; *Per fidem, per societatem & Amicitiam, & omnia sacra, rogantem; nemo nec amicus, neque socius, adjutum ivit: cessantibus etiam iis ad opem, ac tanquam scurrantem, deridentibus; qui, proximè secundum vociferantem, natabant.* Et tamen in promptu subsidium fuerat. Sed, quâ veniâ mortalibus, frequenter mentiri suctis, nemo fidem habet; ne tunc quidem, cùm vera loquuntur: eadem etiam huic joculari lixæ, semper antehac in facetias & imposturas effundi solito, nemo manum porrexisset eo temporis, quo comprimis egnisset; & ipse revera ferriò poposcisset. Accedebat ad hunc auxilii neglectum, factorum quadam invidia; quòd nulli comitum, nec simulacrum quidem, aut umbra periculi subolebat; alveò vix ad lumbos, aut summum ad pectus, pertingente. SED interim BALBOAS, iterum tertiumque fundo remersus, posteaquam frustra preces & lamenta consumpsit: ad extremum, inter luctus cum undis, & incerta verba, depressus haustusque profluente; nec à nobis unquam postea conspectus est. Id, occultione quodam & per impetum citante fato, ceciderit? an repentina quadam pedum nervorumque (velut in natantibus amat) torpedine, spasme convulsione?

sione ? num etiam fluvialis alicujus monstri (cujusmodi multa Pontus adversis annuum aestiis immittit). morsu retinaculoque ? sive qua demum alia causa, minus hominibus suspicabili ? mecum tacitus divinare malo, quàm apertâ temeritate scribere. Potiùs id agam; ut mores hominis, conjectantium libertati relictos, fide quàm optima ponam in propatulo; qui sic habebant.


XI. FUIT BALBOAS hic, Juvenis (si quis alius) ingenio pravo, male quietò, bonisque dissociabili. Tranquillitatis, jam olim in paterno solo, tam impatiens; ut ex Hispania Peruvium, alterâ tunc navigatione, nulla magna neque gloriæ, neque lucri spe, peteret. tantum, quia malè feriatorum more, nullo loco neque consistebat, neque consistere poterat. Primus hic, bene compositam vectorum in navigio pacem, tumultu turbat. Primus nauclero, sive venalis, sive gratuitus assentator, nostrum excentum subscriptione sua laudaverat: & itineris terrestris suavioriam declamarat. Idem ipse Mantæ portum, & urbeculam Americanam, sub ficto Thalassæ nomine, sexcentaque viæ commoda, tanquam pro testimonii sanctitate, descripserat; vanissima circumlocutione: nec dejerare dubitavit; Nullum locorum eorum sibi, pervagato quondam oras illas, incompertum esse. Quibus figmentorum coloribus, multorum è comitibus fidem & animos (velut in loco memoravimus) ceperat, atque dementarat. Unde nec mirandum: in caput illius calamitatum nostrarum partem, eamque non vulgarem, recidisse: qui malorum nobis omnium, quæ tulimus adhuc, quæque feremus in posterum, caput ac principium sese præbuerat. Verùm erant hæc, in comparatione graviorum, levia; propemodumque venia digna: nisi grandiora miserum flagitia pressissent. Nam erat, super hæc, BALBOAS omni vita  
mo-

moribusque contaminatus : petulantia, vitiiſque,  
 quæ dictari ſolent à petulantia, diffuens ac diſſolu-  
 tus. aleæ cumprimis, vetitiſque loſibus, addictiſ-  
 ſimus : ad portentum uſque. Nam probrorum cæ-  
 tera referte, piget æquè pudetque. Præter hæc  
 omnia, mens hominis ab rebus divinis & immor-  
 talibus aliena : vācor, & Numinis contemptor,  
 animus : lingua perjuriiſ polluta : manus ad omne  
 ſcelus faciles : os in cœleſtia ſubrectum : & altero  
 quoque tertiove verbō, maledicis vocibus Di-  
 vinum Numen, ac Superos, aſſuetum incēſſere.  
 Nēve quis putet, aut quotidianis periculis hunc  
 aliquando manſuefactum : aut *à maritimis ærumnis  
 ſtudia Pietatis induiſſe* : fuit BALBOAſ idem  
 ſemper, & cis, & trans Oceanum. inter aſpe-  
 ra verò Zurii maris, & itinerum peſtriſtrum,  
 aliquantō ſolutior, atque nequior. Nam, inter hæc,  
 non modò nihil ab alea, laſciviæque conſuetudine,  
 diſcedebat : ſed intuper ad eadem pravè facta, no-  
 ſtro de numero non unum, exemplis & ſermoni-  
 bus, incendebat. Quod equidem *hominum genus,  
 ceteros corruptentium, vix ulla poſeſt in ſocietate,  
 quantumvis ſelectiſſimā, deeſſe : promptiſ præſer-  
 tim ſemper in deteriora lapſibus, quoties nefarium  
 magiſterium lubrica Iuventus adipiſcitur.* Hanc igitur  
 BALBOAſ, tam prægravem malefactis, tam  
 onuſtam pondere flagitiorum conſcientiam, quid  
 mirandum, tandem in profundum deſcendiſſe ? ſerā  
 quidem fortaiſſe, ſemper tamen juſtiſſimā, Nu-  
 minis iracundiā pœnas expoſcente. Quæ verò ſcri-  
 bo, tam vera ſunt : ut ea de cœtu noſtro nemo  
 (ne BALBOAſ quidem ſtudioſus, aut ſimilis)  
 diſſiteretur : divinitus in eum hominem animadver-  
 ſum eſſe, tam diuturnæ malitiæ maniſeſtum. Cū  
 præſertim, quo loco periſſet, nec periculum reve-  
 ra, nec vortex ullus, nec omnino cauſſa pateſceret  
 exiti, quippe, fluvii pœatō vadō : nec, niſi pec-  
 tus natantis (maximè poſt reditum in humiliorem  
 al-

alveum) tingente. Possemus hunc, Argonautarum nostrorum HYLAM dicere: non minùs, ac veterem illum, aquis raptum: nisi tragoediae veritas, nimio plus historica, fabulas omnes hinc longè proscriberet: &, in hac morum impietate, verendum esset: ne potiùs à Megæra nigrâ, quàm ab albâ Nympha, Juvenis nocens esset abreptus.

Eum nos piscibus, aquatilibusve belluis, relinquimus, cum isto, quod posuimus, gestorum ac vitiorum illius epitaphio. quod ei nos condidimus, nullà sanè mortui calumniâ, vel insectandi studio. Namque malevolentiae causas, tantò post, in vitæ sanctioris stadio locati, procùl habuimus. Quæ verò tradidimus: ea, tunc omnibus comperitissima, publiceque dispersa: nunc, posteritatis documentò salutari, dissimulanda silentiò non vjdebantur.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER V.  
CAPITUM BREVIARIUM.

I.  *X* interitu Balboæ, caterorum consernatio. Unde, qui residui in ripa manserant, alio loco flumen transgrediuntur. quibus tamen in processu torrentes, ac mala, crescunt. Sociorum dissoluta concordia, novo periculo coalescit; oblato ingenti alio flumine: in cuius insulam quandam, impropiis satis & hospitio, evadunt. Comment. pag. 122. 123. & 124.

II. Insula Formicaria demigrant, in terram continentem; direpto prius e peregrinis arbutis genere quodam siliquarum dulcium. iis avide devoratis, paullo post graviter omnes cruciantur. Comment. pag. 125. 126. & 127.

III. Uno e Sociis, vi veneni extincto. Victoria ceterique subinde sibi restituuntur. Quod genus illud Siliquarum fuerit? Disseritur super esculentis salutaribus, & noxiis, specie similibus; eorumque prudenti selectu & discrimine, primum deprehenso. Comment. pag. 128. 129. 130. & 131.

IV. Navim suam, quæ exscenderant, præter spem conspiciunt. Signum flammæ vocibusque, dant ex patto;



do; datumque sepius iterant: & ad se navem tandem pellicunt. Sed eorum gaudium in ventos abit. Comment. pag. 132. & 133.

V. Ioannis Pediosa, plurimum de lassati, preces & oratio, ad Petrum Victoriam; ut in vita extremo (quod sibi finxerat) secum persistat. Comment. pag. 136. 137. & 138.

VI. Post deliberationem prudentem, Victoria Pediosa obtestationi obnuntiat: cumque monitu confirmatum, destituit. Quem Pediosa, molitia sua damnata, tandem sequitur; & ad Socios se recipit. Comment. pag. 139. & seq.

VII. Progressus & iter per aqua iniquaque loca, summa cum difficultate. Quidam è Sociis apum Americanum, lancea confectum, ceteris absumendum paratur. Illius cum apro pugna depingitur. Comment. pag. 144. & seq.

VIII. Navim suam Victoria, & Socii denique in oculis ac vicinia habent; sed brevissima fallacique laceritia. nam eam gemina navis Britannica hostiliter infecta, vertit in fugam. Quedam ibi, de Francisco Draco, & piratis Anglicanis. Comment. pag. 150. & seq.

IX. Navi sua suorumque, Victoria ab Anglis timetur, eamque pia & multiplici sollicitudine praeplorat. Aliunde vero accersitu solatii, seipsum confirmat. Comment. pag. 153. & seq.

X. Amissa jam series ex oculis & manibus aeternae suae, socii Victoria ad fatuas urbacula promissa perrelabuntur. Sociorum interim numerus, variis perfectionis difficultatibus, & funeribus, imminuitur. Comment. pag. 155.

XI. Iter prolixum, per loca fabulosa, coticulisque infrata. Victoria, dum scopulorum vortices superare cogitur, decepto inter transultus vestigio, in voraginem horrendam praecipit delabitur. Comment. pag. 157. & seq.



Nunciat **BALBOAE** calamitas socios  
 quidem omnes; ac in diversum, af-  
 fecit. Quidam enim altorum, casto  
 Numinis horrore, cum aperitissimam  
 pravitatis vindictam deprehenderent  
 penas pares, ex factis paribus, meren-  
 bant. Alii contra secordes, nullo, vel perquam  
 exiguo coelestium consiliorum sensu, superstitionem  
 induebant, tanquam hominis unius fenestras exita  
 reliquum omne flumen insausis omnibus iniussis  
 ad residuorum transitum. Igitur pars pleraque  
 viatorum, adhuc in ripa ceteriore montium,  
 omisso fume simul, & transgrediendi consilio, tunc  
 incertissima quiete resederunt. Et nox quidem  
 insequens, neque nobis per somnam, neque per  
 laticiam illis alteris est exacta: communi laeta quo-  
 dam & formidine aequalitibus universis. Die vero  
 postero, rix aurora sublucente, nostrum aliqui  
 digressi, pone litoris submissiores oras, idipsum  
 flumen, ingenti diffusum spatio, repererunt: ideo  
 quae jam multo vadisus. Quare, clamoribus eos-  
 rum sibilisque convocati, diversim alios aliunde con-  
 volavimus, ac flatum, nullo negotio, pedestres  
 transgressi, comitibusque, quos pridie ratis transposue-  
 rat, aggregamus. Ita, conjuncto rursus, velut ante,  
 coetu: pluribus humeris, ad plura novaque ca-  
 lamitatum onera, preparamus. Haec adde nobis  
 non defuerunt, ut antiquos Herculis labores, &  
 Hydrae decollare fabulosa capta, viderentur in  
 memoriam insculpere: cum semper malis antio-  
 ribus mala posteriora, graviora mole, densiorque  
 numero, accederent. Quare quidem, si tunc  
 ex unico monstro laetaris, serpentium innumera se-  
 ges pullulabat, sic apparebat nunc, una quadam  
 infinita de statu, neque, neque semper, ante ha-  
 ne, deteriores annes subnasci. Quos, dum in-  
 perare compellimur, pede, natatu, luctamine:

pro-

professionem interim quotidianis obstaculis, socios crebris funeribus, ac tempus, mensum dilapsibus, amittimus. Tardeque denique, sed aliquando tamen, illam, tot torrentium corrivationem evicimus, post diem omnino duodecimum, à primo fluminis ingressu, nec tamen hoc ipsum sine numeri nostri decimatione, quippe, conitum nonnullis, manifeste profunditatis gurgites ingressis, & caed. fluctuq. haustis. Ac videri poterant Balboæ manes pluvium paulatim caput tributa potescere, cum primis autem eorum, quos illi morunt ac vitæ similitudo secisset propinquiores.

Sic afflictis turbatisque, quod in melioris fortuna desperatione proximum esse solet, ordinis omnia, & compasiva societas necesse est intersit. Mox, nullo capite, nullo rectore, gerendumque dictatores successit pro consilio temeritas, pro fide fiduciaque mentium, & amicitia dissolutio, pro inmutis inter nos solatiis, animorum mœror, pro comitatu dispersio, pro pace, discordia, pro sermonum suavi nexu, seduliosa verborumque jurgia, cum rixis & altercationibus, certatim alium aliò, velut insanae viæ causam, & dimissæ navis suato rem, perimant. Cum interim revera seipsum quisque justit, pro sua parte, vel, omnes in commune, BALBOAM, ac naucleri perfidiam, exagitare potuissent.

SED inter hæc, (dicta mirum!) ab ipsis malis, aliud quod malorum levamen emerit, Novæ scilicet incommunitatis occurfus, & omnium publicum periculum, cujusmodi necessitas, etiam brutas animantes societate quadam adstringere solita, multo magis hominum mentes, à dissidiis, in unum conducit. Ecce namque! persuperti paulatim torrentibus, (ut nobis quidem videbatur) itinere plano, tristitiam secari, progrediebamur, & ob hoc ipsum, MINABE felicitatis vitio, (Quæ B. semper ex Prosperis furcatur) bellum e nobis ipsis, per litigia,

iustitiam : quod foris ab aspera viarum natura  
 defecerat. cum repente, nec opinantes, recen-  
 tem in fluvium, eumque spatium diffusissimum, im-  
 pingimur. Hujus alveus crebris, iisque multum  
 herbidis insolis, sparsim interpolatus; sicut specie  
 graminis & florum invitabat: sic, gurgitibus & pe-  
 riculorum ambiguo, deterrebat. Inventus est  
 nihilominus, ex omni turba nostrorum: qui solus,  
 nullo BALBOAE, nullo sociorum post eum exi-  
 tio, consternatus: tentare vadum animis auderet.  
 Is, reperto pedum haud amplius quinorum perpe-  
 tuo profundo, necusquam inæquali: primus in ter-  
 ram quandam interjectam evasit. mox voce, ma-  
 nibus, exemploque suo, coepit eandem in sedem  
 nos omnes pellicere: crebris hortatibus securita-  
 tem transitus, & vorticum vadique clementiam,  
 interponens: fidem porro suam jurifurandi religio-  
 nibus oppignerans. Itaque nemo fuit omnium,  
 quin, *Sequendum*, clamaret: eum praesertim in lo-  
 cum, ubi dux & auctor consilii, citra grande luc-  
 tamen & periculum, jam in portu consisteret. Quare  
 detractis, ac super capita levatis, indumentis: ami-  
 ni nos sine mora committimus. Nullum est, ne Col-  
 chici quidem Phasidis, aut Scythici Borysthens,  
 vel Cydoi Cilicis, frigus: quod fluminis istius, per  
 quod iter nobis erat, æquare gela credam: omni  
 nive glaciæque rigidius. Adstrictis certè, corpori-  
 bus pariter & intestinis: multo cum cruciatus stu-  
 pentium membrorum luctabamur: tantummodoque  
 spatii brevitate, post progressum longum, nos  
 consolati, mutuis alter alterum hortatibus pro-  
 trahebamus. donec in glebam denique cujusdam  
 insulae graminosam penetravimus. Ibi calentem  
 diem, in tempore locoque, nacti: congelata rigore  
 membra, laxare Solis ardore coepimus. Sed (dicta  
 miserabile!) nullo quietis aut fomentum lucrò.  
 Vix enim confederamus: cum nos incivilia  
 formicarum & culicium rostra (quorum illic  
 im-

immanis exercitus stabulabatur ) non sine furiis aggrediuntur ; & , puncturis creberrimis lauciatos exagitatofque , fuo fundo finibusque pæne velocius exturbant , quàm admilerant : tanquam intelligerent enimverò , genus id insectorum inhospitale ; Nos *exteros* esse mortales : *nec ad sese quidquam pertinentes*. Sentires : cum infelicitate nostra , nos ubique persequente , fœdas inisse barbaras bestias ; ab eaque doctas esse ; *Semel miseris , nusquam Patriam , nusquam Amicum , esse debere*. Quamquam etiam Invidiæ quadam haud obscura ratione , stimulatæ videri possent , ad nos infestandos.

II. ERANT enim eodem in loco , stirpium ac virgultorum , nescio quorum , peregrina gemina , quorum fructus , nigricante siliquâ vestiti , simulac eos mandere cœpissēs , gratissimò statim sapore , mellis dulcedinem præferrent. His non leviter , & extimò labiò degustatis , confestim universi conclamamus ; *Migrandum quidem , è culicum ista formicarumque fœda coloniâ : non tamen impune , neque sine spoliis , ac rapina ; quippe gentium jare ; quod omnibus hominibus ex aquo permitteret , hostem depopulari*. Nec esse profectò temerè ; quòd in boni fecitatisque partem venientibus Hispanis , insecta Batavica , paludem alumna , bellum moverent : eosque solo communi pellerent. Dicebamus ista , frigidò jocò ; sed calido stomacho ; quem , alimenti jam pridem avidum , *disertior omni monitore fames intestina* , stimulabat ad pabulandum. In eas igitur ( quas dixi ) siliquas passim involamus , carptu faciles ; & præter hæc , propensa ramorum liberalitate , se nobis ultrò porrigentes : cum ob oculos & ora nostra penderent. Corruptis manu deductisque stipitibus ; pro se quisque destringimus , quantum esuries , cupiditas , & sarcinæ nostræ capere ferreque possent. Ad extremum , ne diutiùs aut culices formicæ.



amicæque nobis, aut nos illis, molestiam exhibere-  
mus; demigramus: & insularum, quotquot inter-  
iacebant, glebīs laborioso transultu superatis; per  
fluminis residuum alveum in continentem terram  
evadimus. Id, quod commodius assequeremur, ip-  
sa naturæ providentia comparaverat; quæ sparsim,  
universum per ananem, turrectis, velut  
aggeribus, granisve restitis, tanquam gradus quos-  
dam, transitis, ad ulteriorem usque ripam,  
disposuerat. Sed nihiloties nonnunquam, aut  
vestigia lababant; aut, in transgressu, salus  
nos fallebat: ut per fluminis subinde partem neces-  
sario trahendum corpus foret. Ibi tum alveus, à  
primo sui tenore degener, nullo profunditate  
nobis, nunc incertitudine quigitum, iniquam se  
fallacemque præbebat; raptique cædas in foveas,  
non raro subvertebamur, ubi, salvis quidem cor-  
poribus, onera tamen fluitabant; & vestimenta  
tingebantur. His igitur adversus putredinem desic-  
candis; in ripa Solem, & aprius gaudentem  
tumulum, inquirimus: quoad madentes exuvias  
derorarent; &, ardore consumptus humor,  
aptitudini veteri tegumenta restitueret. Nobis  
interim (quoniam diei multum adhuc, & po-  
meridianus calor, supererat) visum est, corpora  
curare; discescendoque Soli, locis opportunis & o-  
paci discumbere. Raptim igitur (quia virgultorum illic  
copia suppetebat) frondes diripimus; sylvestre-  
que sibi quisque tabernaculum, *ad IONAN. EUS. sub*  
*hedera meridiantis exemplata;* componimus. dein,  
per herbas strati; aliquarum fructibus, mo-  
do collectis, indulgenter ac per genium veloci-  
mus non expectata cœnantium lege, vel hora.  
Statim autem, serpente per venas illæ obrâ passionis,  
& in papaveris ritu sumpsit in caput agitante; pa-  
riter omnes, velut ex condito, conspimunt. Cæ-  
terum quiete, neque multum durabili, ne-  
que corporibus salutari. Namque lyia quidam  
pesti-



pestifera VOLUPTATIS imagine: (Cuius *semper principia Dulcia sed Finis amarus, vst*) non multo post somnum initum, expergiscimur; sponte sua quidam; alii questibus, alios & ejulatu suscitantes. Et nonnulli quidem, quorum recens ac primus mali sensus gliscerat viscerum tormina, verminationemque clamitabant; alii divulsionem illiū, atque vulvalium. At pars maxima, stomachi rejectamentum, nauseam, vomitiones, & incubabant, & moliebantur; tanquam cruciatus causam simul, & remedium. Inter quæ dolorum agmina, certatim omnes, mortis viciniam, *Quiritium opem*, & *hominum superumque suppetita* invocabant. Paullatim deinde, crescente superantique malo; sicut investes, intestique parte pleraque corporis omnes decubueramus, dissipatis ad auram indamentis: ita podi, de suis quique tentoriolis proreptamus. Mo, quadrupelium in morem, quas modò mater profudis, informes, incertique volutamus, lamentantes, ac vocibus belioam verius, quam hominem sonantibus, tormenti siem aut lenimen indagantes. Quæ cum ex ingenio in nocte nemo reperiret, aut erueret; ad alienum consilium, miserorum more, mentem vertebamus; & ut quisque notissimum amissionemve sibi finisset e locis, cum sibi morbi præsentis medicum sperabat; eam votis ultimis, inelamabat. cum interim, revera, domesticum omnes, ac singuli valetudinarius intra viscera, circumferrent. Iacebant, igitur, (dicta fœdum ac miserandum!) quadrageni iuvenes, ætatis prædò flore, corporumque robore valentissimi; tunc vero lymphæis fœrentibusque nihil admodum distantes; nisi, quos insaniam cruciatus, quam depellere non erat, integeris tamen mentibus intelligebant; & acriore propter hoc ipsum sensu deplorabant. Tandem, ubi colligi vis, lovis intra præcordia, vulgæque cepit; doloris atrocitate patientiam omnem excutien-

te, tantum non ad salutis desperationem est ventum. Sine modo modestiâque, plerique ventres pronos per terram, per carecta virgultâque, per & lapidum aspera trahere, raptarêque serpentium in ritum: ut vel sic pestem, quam deglutierant, violentis compressionibus eliderent. Alii verò siliquis illis perniciosis, & impotenti suæ voracitati, maledicere; non sine stomachoso creatu; tanquam vel sic, & per indignationem, extrusuri, quod per ingluviem intromisissent. Nonnulli quoque cupere, si via præterea nulla pateret egerendæ pesti, miseriam hanc intolerabilem, etiam alvi suæ profusione, viscerumque diffluxibus, subterfugere.

III. Vix serò denique, post multam agitationem, vomitu succedente; teterrimæ fordis & scoloris proluvium eiectionimus: singulta creberrimo pulmonēs, ac totam animam, succutiente. Quo factum, ut aliquantò commodius ab universis serè sit haberi ceptum: quos inter ego, virium ætatisque processu cæteris nullo modo par, meritò præ cæteris omnibus *Salutiferum* adoravi *Numen*: ut, quod mihi, jam in vitalibus mortem gestanti, densissimâ suscitata reiectione, succurrisset. Debit. que mihi tantò *gratius*, in tempore latum, *auxilium* accidisse: quanto minùs istud ipsum è sociis non nemini cernebam usui fuisse: quippe, quem post assiduam vomitionem, dirè laceratò divulsoque ventre, fœdum exitium, omnium in oculis, exinxisset.

Postea compertum fuit, fructus illos, quos nos vulgares *SILIQUAS* aut Ceratia credideramus; Mexicani cujusdam veneni fuisse genus. Hoc indigenæ (salubrium noxiarumque non incallidi) mirâ coctionis subtilitate, redigunt in panaces: morborum omnium præsentissimum, & quasi dictatorium remedium: detractis dontaxat iis, quæ siliquarum umbilicum & verticem ambiunt.

tuniculis nigricantibus. Eas, unà cum excremento fungi, fructum coronantis, abjiciant. Istud ergo tam salutare germen nobis, corticem unà cum pulpa vorantibus, inscitia verterat in perniciem; vulgari stulta mortalitatu calamitate: qua sepe profutura fugit; & contra, suum interitum prosiquitur.

EA res in tempore, nec (ut ego reor) absurdam animo subingerit admirationem; Undenam, & quibus tandem artibus, aut praeustibus, ille nutrimentorum, qui nunc inter homines viget, usus, pro recepto proboque sic invaluerit; ut cum jam nemo formidet, detrectet nemo? Cum praesertim, vescorum quaedam prima sui specie, subhorrida tetricaque; nec in ulla gula delicias nata videantur: & ea tamen avidae, nec minus utiliter, expetantur? Eduliorum autem alia, vel illecebrosa cum primis gustu vel aspectu speciosa, certum libantibus exitium ingerant: & idcirco eam re proscribantur? Quaedam denique, propter similitudinem, qua cum ciborum noxiis collidunt, minima mortis & vitae vicinia, figuram extrinsecam ostentent? & tamen, subtilitate mirifica distinguente, seligantur & usurpentur: rejectis obfuturis? Quis inter ea, quae nullam salutaris alimenti formam praeseferunt; quin etiam subinde sola conspectus aut attactus absurditate, dentem humanum abstertere debent; quis, inquam, degustandi principium fecit? Quis in plantis primus est ausus intra ventrem recondere sinapi, vel pipere? quis lupulum? aut cepas? aut allium? aut absinthium? aut, hodierna demerita; condimentum potabile, tabacum transmarinum? In iis, quibus inest animae cum mori, quis ingluvie primus invadere sustinuit? gellum Numidicum, cum iracundia tam inflata; cum collo, tam monstrosi palearibus invenusto? quis aggredi, nullo praeustante dapifero, marinos asellos salpae, capitis adeo torvi suspectique? quis castores aut fibros? quis lutras, aut cochleas, aut testudines terrestres aquatiles? quae scelopacum & gallinaginum excrementa? porcinum.

sanguinem, intestinaque trnore tam luxulenta quadrupedis inserti. Quin immo, si placet ulterius ire, quis, nullo prænse, pomorum quorumlibet grana seminare demisit in stomachum sine motu succreturque quandoque virgula, vel per guttur pullulaturæ stirpis. Corarbuscula? cum ferre possit in humano tamen, venio sobolescere consuisse verminum, ranarum ac serpentum eludem? quippe granorum etiam, & sementis vitracem animam prodituram. Non igitur, hac tam parva vulgo, parvo, digna consilio, sed, priusquam atentes, deliberationis indiga. Kerio illa quodam alia, longe maiora, & paneg. Saxatam requirentia, quis nisi præmeditatus aggredietur? Distinguere, scilicet, inter nutrimenta, facie simillima; dissimillima salute, vel pesternis disformenaria penetres, & ab utilibus nocitura diiungas. Quis ille, quis (per fidem) tam cana prudentia pro cæteris sufficit mortalibus, qui, mallet, in mensas anguillam, quam augere, cancerum, quam scorpionum, murem, Alpium, quam glisem, ranam, quam hortensem, rubetam, aut, bufonem, & fuyram, quam muscelam, ardeam, quam ciperiam, alaudam, quam, Herculeæ valetudinis passerem, cerebrum vis, quam felis? Aut, cui prius, cibum est humanior, visus, carduus, albius, quam barba, joris? Cujus genio placuit, sepia piscis, cruor, & contraxit, displicens, atramentum, aluminis, humax. Quis laxit, sacchar Carnarium, & detestata, est, saluginem, Plinii, solidam, aut crystalli bolum? Quis autem habuit, visco, succinum, resina mastichen, odorato, minia consusum, crocum, pruinæ fatuum, salem, frictu lapidis, cretico, tenuissimum polinem, aut farina, stercem, non minus, ambobus, inspidum? Quis præterea primus, sanctico, morbo, jactatis, humanum sanguinem, adhuc, a vulnere, bullientem, tanquam profuturum propinavit? & diversa, errorem, taurinum, (utiq; longe parabilior) vultu irritamentum, insania damnavit, & interdixit. In hac, & alia sexcenta discrimina, quodnam est, datum oraculum, quodnam consilium? Dicemus, Principem & generis, & mentis, hominem.

num, ADAMUM, suo instituisse filios, atque posteror-  
 quorumnam eduliorum & medicaminum, aut defectum  
 facerent, aut repudium? Post hunc, Moysen ac Salom-  
 onem, mortalium intelligentissimos: longe vero post hoc  
 Democritum, Theophrastum, Dioscoridem (medicorum  
 Græcia rhinoceros) alimenterum usum, ac venenarum  
 illustrasse, relectisque denovo natura mysteriis, & expro-  
 rumpientiam fluxu temporum interlapsum interpolasse.  
 Quæ si non ita sunt, non proprius verum est, ipsum  
 quotidiani gustus usum, utilitati ac saluti existisse  
 magistrum? ac, sicut Republicæ quadam Medicos per-  
 ciliantur, ipsi porro Medici plantas & succos incemperios  
 ab ipsa funerum raritate densitateque, probant impro-  
 bantque sic credimus. Hominum scilicet sollicitiam? ut ex  
 præstantium succisibus & eventis (tangam ex Diale-  
 ctorum multis inductionibus) sapara denique conclusionem  
 quandam efficerent, ac sic degenerent. Hæ Vapes vitam  
 seruant, ista minuit. Iste cibis nutrit, hic interficit. In  
 hunc æneque modum fieret omnium Publica disci-  
 plina: quæ diu prius fuisset plurimorum periculum  
 ac Libitina. Verum, uti hæc se res habet. In hoc ipso nos  
 plurimum a brutis animalibus antecellimur; quas Na-  
 tura solius instinctus, nullo periculis præiudicio, docet.  
 Quæ fugiant alimenta, quæ æve carpanit. Vnde fit, ut nulla  
 præcedentium funerum invidia, estium ac dictaminum  
 capere circumque, abelidentiam hircinæ, ataneum porci,  
 gallinæ, multiæque cæterarum avium, deglutiant: non  
 in pabulum minus, quam in medicinam. Sed nem-  
 pe, quod his animalibus appetitus præstat, & in-  
 mens impetus, ob hoc ipsum, quia bruta sunt: id Ho-  
 mini, tanquam face prælata, commonstrare Ratio debet.  
 OMNIUM utrumque noxiorumque Modus ac Regula.  
 Cuius nos, quoniam neque quondam in pomis nemoralibus,  
 neque nunc in siliquis deglutendi, consuevit  
 exquisivimus: idcirco nimirum, iustissima Numinis in-  
 dicatione, potestati de capite sumus. Tentare gustu  
 præudente periculum, sufficeret: poteramusque (per-  
 functorio diuina præmorsu delibatis fructibus) adhu-



*intra damnum omne confidere si, quantum nobis gula, tantum gula nos, imperassemus.* Verum hæc hætenus : & , tanquam digerendis noxiæ ecnæ reliquiis , per problema dipnosophisticum , ventilata sunt : priscæ Sapientiæ ritu. Nunc ad narrationis semitam revertamur.

IV. DIES interim ille quoque , complures adhuc similes habiturus , labeatur : & , in occasum revolato sole , crepusculum jam nocturnum , cum aliquantillis lucis reliquiis , procedebat. Nobis, rerum pariter & itinerum incertissimis : perplexisque , quid agere , quid omittere , foret ex usu : repente spes , inter medias desperationis nebulas , affulget. Ecce namque ! Navis nostra , per complures jam dudum dies nulli visa , subito non notari tantum ac conspici , verum etiam applicari , sonorô remigio , cœpit. Vnde lætitia plerorumque non vulgaris ; ac , velut è naufragio redivivæ puppis , hilarior aspectus. Confestim igitur , ne salutis tam præclaram occasionem morâ corrumperemus ; ad Signum , ex composito nautis edendum , convertimur. Id quod fieret expeditius ; peropportunè (*si igna tamen, ex malis alienis enata, dici debet opportunitas*) procella maritima navim aliam ingentem , fregerat : & ( quantum vestigia loquebantur cladis ) haud ita multos ante dies. Eam fluctus turbinisque , firmam licet recénsque compactam , tamen expugnaverant : ac , prævalente tempestatum violentiâ , particulatim ad scopulos litoris illius impeerant , in quo tunc nos diversabamur. Sparsæ navigii reliquiæ , partim circum oras promontorii vadosas fluitabant ; haud ægrè tamen eruendæ : partim , æquoris reciprocaione longius in terram ejectæ , sabulosis & uligine tenacibus locis hærebant. alibi transstra , tabulæ , laterum compages : alibi diffracti cemi , lacera cum armamentis vasa , subrutus malos , discissæ cum velis antennæ Quosque præcipuè de-  
mirabamur ; adhuc rudentes in alga litorali nata-  
bant.



bant, è cannabi spartòq; penitus rudi; nec abf-  
miles iis, quos, à manu recentes, nautis restio  
divendit. Erant autem hæc, quæ retuli, cuncta  
non modò, per crepusculi fulgorem, notabilia; sed  
insuper collectu facillima. materies præterea flui-  
tantium asserum (quippe continuis uita solibus) al-  
trinssecus arida; quæque, madore desiccato, promp-  
tissimè facem conciperet. Nemo ferè nostrum erat,  
quin secum formitem, & flammæ suscitabulum, cir-  
cumferret; in usus ignium quotidianos. Hujus igitur  
ministeriò, post modicum chalybis ac silicis allitum,  
flamam rapimus; eàq; sulphuratam applicitum in-  
duimus. deinde repertæ corrasæque materiæ, quam  
diversis in littore struibus disposueramus, certatim &  
undequaque faces injicimus. Et ardebat quidem ini-  
tiò pyra non plus unâ; sed igne perquam luculentò,  
neque facile nautarum oculis sese subducturo: si mo-  
dò vigiles illos apertosque tenere vellent; per umbras  
præsertim jam ingruentes, & noctis, quæ procede-  
bat, incrementa. Sanèque tesseram istam, in occur-  
sus nocturnos, nec aliam convenientiorem; navis ma-  
gister pactus erat: quâ semel, etiam remotissimo,  
conspectâ: vel ipse suam actuariam collucensibus  
terris adverteret: vel, si prohiberet hoc cursus ope-  
rosior, phaselum aliquem, transportandis nobis,  
submitteret.

SED illi viri boni, rogamus hunc primum, tan-  
quam ad se nihil pertinentem, dissimulatione trans-  
miserunt: incertum, alienasne, vel etiam piraticas  
flamas, suspicati? quas quidem certe marium il-  
lorum littora non raras habent: an potius, indicii  
crebrioris iteratione, nostras cupiditates, & suum  
occurrendi studium, accensuri? Quâ tergiver-  
satione nos animadversâ: nostram spissâmas  
industriam: ac, quò minus in nobis erraret nau-  
clerus, aliam ex alia pyram, post illam primam,  
concupiamus; idque multam in noctem, & quoad  
con-

convulsa navis aliqua fragmina superesset. Quin-  
ut fidem irrefutabilem ingenerent ignes conspicui,  
sed tamen muti: linguam sermonemque luminio-  
bus addimus: multaque, nec obruta, vociferati-  
one nunc vitium jactis compellationibus nunc  
pnam in chaos densatis clamoribus, protestamur:  
Nos esse, nec alios: NOBIS, nobis, aut navem aut  
cambam darent: IESUM & MARIAM, & IACO-  
BUM. (*Hispanica: sive pamina memnissent*)

In hunc molim, nihil non improba pertum-  
pente contentione, tandem ad aures, admittimur:  
quibus inexorabiles oculi fuerant: & invicem sol-  
licitatis, & navigio, supparum incendis (quas, ut  
ego reor, inlempi flamma per mare spargant)  
significatio nautica redditur, nec hoc non sumis  
remigum hortamentis: sed eorum articulatam  
lampam assequi, distantium longinquitas prohibe-  
bat. Hoc utroque signo nihil nos, omni per AME-  
RICAM, iungere, terra pariter, lacuque haurimus.  
Confestim igitur nova, quæ mone fieri potuit, mag-  
na) face: nec non vocibus, cantu, libulis, ma-  
nuumque comploione, respondemus, lamque pro-  
pmodum, fortune prioris oblivione, delere place-  
bat e memoria: quidquid famis, sitis, defatigatio-  
nis, quidquid fastidii superumque tota continentii  
nos exceperat. inscribere contra menti, vorilque  
præcipere, iuvabat, quidquid intra gemina navis  
laterat securitatis ac bonorum, succare, posset. Id  
enimvero totum nobis in linteis adventu positum  
ducebamus. Lintrem igitur aut lembum, aut ip-  
sammet adeo navim, in singula præcæta tempo-  
rum, & ad omnem fluctuum fragorem, præsto-  
labamur. Itaque jam nihil illa nobi nocte tardius,  
nihil adventu lucis annosius videbatur: ut, quibus  
præ desiderio, præque dulcitudine spei, nec sopor  
ullas, ullave quies obreperet: sessis quantumlibet,  
& indigentibus. Omnem enim corporis necessitudi-  
nem, animi præconcepta voluptas obscuraverat.

SED (quæ fides esset, tales opin. humane, cuius  
*expectatione: nihil fallacius*) postquam nossem, quàm  
 longa fuit, omnem inter spem & gratulationes ab-  
 sumpsimus, aurora tandem exoritur: & frustra  
 præstantibus, non phaselus, non avaria præ-  
 stò sunt: Nimirum utraque, com tenebris de-  
 cendentibus, papiter: & ipsa, maris in alta revolvatur.  
 Nos autem, uno tunc eodémque momento, so-  
 pore, scapha, vous, ac salute desisti (mirum,  
 quàm affectis meptibus?) ad tristitia nostra solle-  
 mnia redimus: alius quidem iracundiâ, propter  
 nacleri perfidiam, atrox; alius suspitionibus turbu-  
 dus; & supervacaneis religionibus, ob incerta ca-  
 sum; quæ nobis, fatorum invidia, tam eentem  
 opem, jamque portari ceptam, intervertissent.  
 Plerique verò, communis mali miseratione molles,  
 non fletum, non lamenta, cohibebant: cum tamen  
*perfecto solis nudisque lacrimis nulli calamitatis dilutus;*  
*immo per di versum patrum;* inuili maris potius effun-  
 datur. Itaque ferè vulnere, anigni remedium illud  
 unicum est: conclamatis primis, ad novæ ac perstera-  
 nes spes accingi. Quod, certè, præsentis rerum status,  
 multis nostrum (nec enim mihi) THALASSÆ  
 desiderium præstitit; urbeculæ, toties frustra quæ-  
 sitæ. Nam in hujus nomen ac memoriam relapsi,  
 lyram veterem occinebant; Enimvero, litoris illius  
 tractum, cui superincumberet oppidulam, imminu-  
 re debere; nec quâ propul. jacere, propterâque (nec  
 aliâ causâ) nauclerum resumpsisse suos solitos cursus:  
 eò quod nos ab itineris destinata metâ nôset, prope  
 propius abesse. Cur enim, velis minime necessariis,  
 in volaturum navim lissus illud, cui sciret, labo-  
 rum omnium terminum, Thalassiam, confestim impos-  
 tam? *namque si, in hunc scopum, non de, in hunc*  
 Tam speciosis persuasionibus incitati nos, viam  
 malè fortunatam resumimus; ut quibus, post  
 toties delusa vota, jam ultrò dulce fieret, de-  
 cipi.

V. JAMQUE, plerisque sociorum præcedentibus, ego quoque, sarcinulis compositis, iter repte-  
 bam propemodum meimet irrisor, ac plane gaa-  
 rus: quàm fabuloso proposito, non magis Thalassiam,  
 quàm fictam Utopiam, & Lunæ concava, quærere-  
 mus. cùm, ecce, nihil tale suspicantis manicam PEDIO-  
 SA, necessarius meus,prehendit; qui tergum me-  
 um proximè consecretabatur. Hic voce, lamentis ple-  
 na, sistere gradum jubet. Ad quem conversus ego,  
 propemodum indignanter: *Et quid est?* inquam.  
*num parum impedimentorum nobis aduersi, quibidia-  
 nique casus, obijciunt, nisi tu quoque remoram pergen-  
 ti facias?* Tum PEDIOSA, vultu sanè multum in fu-  
 nus & mortem flexò, nec absque lacrymis: *Vides,*  
*ait, misfrater, eo mihi ventum esse calamitatum; ut*  
*aut pèrgere non possim, aut perire debeam?* Omitto, qua  
 pariter omnes in commune lamentamur: quod Perua-  
 na regna sequimur, semper nos fugientia: quod Empe-  
 rium Americanum semper in desideriu, & nunquam in  
 oculis, habemus: quod fame, quod siti, quod fluminum  
 obicibus, quod vorticosis funestisque natatibus, quod  
 naucleri simul & navis nostræ fraudibus, conflictamur.  
 Horum omnium, nihil accuso, nihil astimo: quon-  
 iam apud hunc loquor, qui tolerat hæc eadem: & ta-  
 men eorum nihil conqueritur. SED unum est meum,  
 ac singulare, malum; Defessus sum, mi PETRE:  
 delassatus, & elumbus, & fractus sum; ad mortis us-  
 que viciniam, ac necessitatem. Neque pedum est hoc vi-  
 tium: quos equidem vel invitos cogerem in obsequium  
 quanquam (medius fidius) etiam pedum est hoc pecca-  
 tum: ut qui, superiore succidente mole, jam agerrimè co-  
 lumellarum officium ac partes tueantur. Verum, sicut  
 dixi: minus hoc est: & idco minoris æstimandum. Ani-  
 mus, animus, & mens, ac vita, deficiunt; torpenteque  
 per omnes venas, & intermoriente, sanguine non membra  
 nervos inveniunt, quibus robur suum expediant: non  
 spiritus auraque viam: qua se reciprocantis anima  
 meatus ac remeatus expandant & laxent. Indicijs tibi

fit hic ipse meus (inquit) solito tardior, huiusiorque sermo; quem alias fluminis more, citatimque devolve. quod tamen ut ut est; adhuc lingua, Numinis magno beneficio procedit. Et hoc solum possum, at in via progredi (dicam ingenuè) nec possum, nec volo. Quare constitutus, necessitatis adactus lege, consistere: quoque nunc loco sto, stationem sessionemve perennare; quoad aut farum mihi lucem finiat; aut ipsa dies & mora valetudinem instauret.

Cum in hæc PEDIOSAE verba, non Argonautis, non illo juvene, non animo veteri digna, cohorterem; & jamdudum displicentis docere frontem cœpisssem, tum ille multo lugubrius (ut garulus, & egregie simulator est, omnis valentium morbus) O, mi (subjicit) o, VICTORIA! noli terreri statim exiguo postulate, nam ego majus aliquid abste confestim potiturus sum. Parum istud est, quod his manere decrevi, sic enim vestrum nulli gravis forem. Sed ego, malis potentia superatus, cogor proprium onus, etiam alienos in humeros dividere: nec, in loco tam deserto, possum omni sine comite miser esse. Magnum erit morientis (moriar enim) magnum, inquam, & extremum solatium; socii (non dicam, opera ministeriumque) sed vel solum alloquium atque conspectus. Et præter hoc, Humanum, at quanto magis Christianum, erit; bono sub teste, bene mortalitatem implese? quid dicam; etiam convalescere? nam istud quidem gemine gratia foret, atque meriti, relevari, tum ex præsentia simpliciter assistentis sedalis; tum multò magis ex alloquio fementisque, languenti suffectis. QUOD te proinde per Numen, perque fidem; per siquid usquam est amicitia fœderisque, mi VICTORIA, rogo supplex & obtestor; ne, quaso, frustra me sperare, sub extremis deprehensum, sine: neu' permittito, sub tot sacramentorum titulis, obsecrare me, sine successu. Si profecto peregrinis & externis auribus, hæc tam calidas preces infunderem; si quem libet obvium, nulloque notitia vinculo connexum, appellarem: obtinere tam-

men.



men debebam, in hoc rerum arcesculo, vati mei pondus  
 ac momentum. Nunc ex omnibus, tu, solus, & unus es;  
 non modo gente, natione, patriaque ceteris, quæ non  
 vulgaria tamen lætamina sunt: sed plane, super his om-  
 nia, propinquitatem mihi, consabrinæque iuxta, constrictus,  
 nec passus, intex, sese PEDIOSA, VICTORIAQUE,  
 divellis, nisi vel morte, vel, quæ morte gravior, est,  
 perfidia. nam, quæ demum, alio vocabulo, nisi ruptæ fi-  
 dei, prosequar desertam amicitiam, destitutam cogni-  
 tionem, & sanguinem? quid enim, utique custodiam, reve-  
 rentiamque, vel inter ipsas, feras belluas, esse, solas sapro-  
 sanctas. Nam, ne bestia quidem sylvestres, sui generis  
 quadrupedes, & hypos, & leones, temere concedunt in præ-  
 dam: & Alpium, colunt, volucres, sui coloris ac pen-  
 narum, aves adversum accipitres, & aquilas, tuentur.  
 Solum hominem homo, sobrinum consabrinus, VICTO-  
 RIA, Pediosam, desertum, ibi? & inter vastas, hæc  
 solitudines, istis ipsis, quas loquor, animantibus, victi-  
 mam reliquet, sive ritibus discerpendam, sive rostris  
 & unguibus dilaniandum? Siccine, per summam se-  
 vitateam inconstantiamque projiciet, socium sodalis, paulo  
 prius amicissimum, & sapientem, tuam dilectum? Quid quod  
 incerta, valde mortalium vices sunt, & omnia ca-  
 sus pro libitu, vertat in gyrum? ut, quæ modò  
 supra sunt, paullo post, infra, rotentur? & quæ  
 depressa videras, assurgant? Ecce, quæ me premit  
 today, cras, tuum, urgere caput, adversa fors, poterit: &  
 qui nunc miserum repellis, fortasse, longe, miserior, re-  
 pulsam in vicem, facies: ut qui jam, rogaris, postea, roges: &  
 illius, per fugam supplexque fias, cuius, nunc, asyllum, ara,  
 Deus es, Quinquam, quid cum Dis, aris, asyulis, (pris-  
 corum fabulis), mihi, CHRISTI cultori! Lapidem, etiam  
 illa Numina, & marioreque ducta simulacra, myta iux-  
 ta furdæque. Sed ego, morsalem, mortales, intelligentem  
 intelligens, imploro: quem, tamen, post tot obsecratio-  
 nes, nondum, (ut apparet) emulio: cujus roganti, & lachry-  
 ma, perpetuis, (sicuti, vides) fluente guttis, etiam in a-  
 nima saxa, petraque, misericordiam imbibissent. Sed sint  
 sane

Sanè prograves tibi preces hæc meæ! si flagitanti mihi, sicut esse videris, inexorabili: ac, semel ut omnia complectar; pergas, PETRE, quo te cunque, sine me, via feret: si modo sine me potes. Namque mei (satis scio), memoria, uelligatione conscientia tua continua, tuas omnes passus comitabitur. Inuitum te subsequetur, & laus importune stipabit, verentimamque, prodita fides, exposita bellis consanguinitas, contempta laetitia: postque spiritum expulsum, umbra manesque mei, scelerata fugienti flagellum intendant. Super hæc autem omnia succedat gravior, ætior, certissimus à tergo vindex, Deus, qui sexias à te, panas exposces: ut, cui nunquam non, miserum sprete preces, bilam moveris.

VI. SIG. mecum PEDIOSA, prolixior ideo disertio que; quod me, tum à principio confestim orationis, tum postea declamatione sua tota, deprehenderat, oculis, vultu, manibus, & interdum interlocutione brevi, dissentientem. Immo non semel (& sub extremum cum primis) palam atque clarè repudiantis præ me, totum affectum, pedibus ad iter minime, dissimulante promotis. Hinc hominis illæ, mendicantium ritu, longa secum tumaceque preces, hinc undique, sursum, deorsumque devocata, per obsecrationem argumenta, quæ, ne gestu quoque tuo destituerentur, postquam omnia precandi strategemata consumsit, ultimum lacrymarum uberrimo proluvio dicta cumulavit, ad motum excitandum: neque contentus manuum, ut sit, osculi (quæ sæpe, per inutilem, ceremoniam, etiam amicitia, simulatio, condensat) collo præterea, cervicibusque meis infunditur, diu pendens, &, ut agere, seriò videretur, inharrens, argensque. Dixisses, cum jam non rogare, sed penitus compellere me, violentà complexum stricturâ, velle, donec ad extremum (ne quid ad compositam magis decedat) moribundo simillimus, in terram defluxit. In hoc denique se ratus est, canisse

suæ firmamentum , ac totum *Achillem* collocasse :  
tali corporis ac squaloris situ perorando. Nee  
inficias eo : commolisset utique quemvis , non  
inhumanissimum animum , ille status afflicti. quan-  
tò potius , propinquum , & comitum intimum ?  
Etenim , ut , quod res est , proponam : ab usque  
Panamæo portu , semper fidum indivulsūque :  
semper de me præclare sentientem , ac promeri-  
tum , expertus : intelligebam , quàm inexcusabili  
scelere projicerem : si tamen erigere prostratum valerem.  
Ac succurrebant profectò memoriæ , mea quo-  
que difficiliora tempora : morbus , & solitudo Pa-  
namea : destitutus item cum pervicacia *Rox* avun-  
culus meus : & ex hoc , animi remorsi moeror , aliā-  
que non pauca doloris proprii. quæ proinde cala-  
mitatis etiam alienæ mihi sensum auderent inducere.

Verùm , adversum hæc , alia non pauciora pec-  
tus , jam prorum in molliitudinem , indurabant ,  
Ac primum omnium : quòd PEDIOSA jam an-  
tè , quàm me sollicitaret , eandem hanc depreca-  
tionem , ad alterius cujusdam pedes deposuisset. Id  
quod me ( dissimulantem licèt , ac tacentem ) mi-  
nimè tamen fefellerat. Ab illo reiectus , nihilo-  
minus haud instrenuè viam produxerat : donec ad me  
demum , fallaciter suppressà repulsa , tanquam recenter  
afflictus , decurrit. Nihil igitur in PEDIOSA no-  
vum videbam , si claudicaret ; quippe , quem sci-  
rem , posse rectum ac promptum etiam incedere ;  
quotiescunque distinasset. Deinde : si vel maxime  
deploratus , & casu non e mentitò prostratus , ja-  
ceret : animadvertēbam , me relevando , nihil admo-  
dum ei collaturum. nam , quæ spes in me , quæve res ,  
aut facultas major , quàm in ipso ? quæ vires ? opes ? co-  
piæ ? cum utrumque simul , & ex æquo , pressum te-  
nerent rerum omnium egestas , dolor , ægritudo men-  
tis : præterea fatigatio , mortalisque cujuslibet subsidii  
desperatio. Quin potius , siquid amici cordis , siquid hu-  
mani sensus reliquum haberet ; perspiciturum ipsummet

PEDIOSAM, suâ sponte: non tantum gratis, sed insuper plane perniciose, sibi, consortium impensum iri: quippe, quod utrumque nostrum, fructu nullo, tamen interim pari mortis & interitus necessitate, damnares. Imo probum (ut ne dicerem, barbarum & impium) esse: postulare quenquam, ut spiritum ac vitam impendas alieno voto, cum neutrius salute: tanquam rem nullius astis, tanquam capræ lanam, vilissimo pretio stantem, aut proxima quavis rapina reparabilem. Illius potius fuisse vel sapientia vel officii (ceu natu grandioris) atatus parcere: si vel maxime VICTORIA seipsum prior ac volens, in discriminis societatem obtulisset, debuissetque potius pestilente contactuum imitari pietatem; quos videmus, vitam & incolumitatem domesticorum suorum ante suum solatium habere; propiusque forte tantes, demeritione providenti procul arcere: ne, dum incaute ministrant, & nihil agro profint in longum; & seipso, parvi lue contaminent.

QUIBUS ita mecum per silentium disputatis; laena sanguinis & amicitia venia, constitui; mollescenti jam animo meo callum obducere; cumque PEDIOSA (quocunque demum rerum exitu) nequaquam remanere. Malui, semianimem Unum suis satis relinquere; quam Duos vivos in mortem certissimam, exprobabili temeritate, demittere. Quid autem, in Mortem? Videbam, PEDIOSAM posse vivere: sciebam, revaliturum. Nam quorundam hominum ea vis imaginationis est; ut, indulgentia suis, morbum aut arumnam incendant: irrisi vero repulsique, robore ab ipsa necessitate ducant: &, quam opem ab extranea miseratione cum contumelia mendicant; ab semetipsis tandem, induta fortitudine, poseant, & obtineant. Et hoc praestat illis, persuasionis propriæ domitor animus: si vel paulillo generosius insurgat. Id totum, quod dico nunc, fit ex infantium ac puerorum mora: quibus quoad plorantibus matres condolent, illi gravissimo omnia sentiunt, aspernantibus autem iis, aut dissimulatione dolorem transmittentibus: etiam ipsi sensim mole-

stiant

sciam spernunt; ac sibi firmitatem inducunt.

In hunc ergo, nec ullum modum, ego, post diturnum silentium, ad Petrosam paucis conver-  
sus; Bonam habere mentem, & viriliorem spem jubeo.  
Quorundam malorum sensum, sicut repentinitum & a-  
tridem, & po- bre vissimum, & deirco-rotabilem ef-  
feci. Magnanimam patientiam; diu casum fugari; mol-  
liuero fugam fore. Non esse respicienda, si qua pre-  
mura, in praesentia, sed in futura porrigendum ani-  
mura, exspectatione, meliorum. Cura bona Dro-ceptam  
profectionem, & opusque divina, per multa salebrosa tra-  
ctam: & solum Ter-Optima, Maxima, Numina subsidio  
reperire tam tandem exquiram. Verum interim, tot, inter,  
incommodorum, centuriam, inconvulsa, spei haculo semper  
innitendum. Allevaret ergo sese PEDIOSA, bonus, & nec  
una ruina, nullaque fulcro, duos pariter caperet oppres-  
sos. Me, potius Exemplum sibi proponeret, quam, inuti-  
lem funeris consortem: quem praesertim sciret, ad pice-  
retque, lassitudine non dissimili, neque simpliciter,  
enervatum: & adhuc tamen, altissimi, conatu, licet  
invalido pelle, periret. Periret autem me por-  
ro quoque (quod certo sibi persuaderet) tametsi tan-  
gerent ad concederent omnes, & vel nullo secuturo,  
strenue progressurum. Nec enim alterius me mentis ef-  
fo, quam fuerit ille, quem is jam ante me similiti-  
na lamentatione bonatus esset retardare. Quispeni va-  
ro VICTORIAM Pediosa subsequeretur? (Inquam)  
in eo potissimum itinere, cujus caputatis auctor ipse  
fuisse, & in extrema remittentem, solus Pediosa Vi-  
ctorem, & vaugio non tam eliciisset, quam plane  
manibus injectis, praxisset? Quam, nunc ille forti-  
tudinem si per vaecillitatem mutasset: ac me certe  
capitis instaurum, dum pes ad progressum, dum tra-  
mes ad passum, dum halitus ad respiraculum, vale-  
ret.

Hæc ego locutus sum, præciso serioque respon-  
so. Neque dictis animosior, quam factis, gradum irre-  
vocabilem promovi: sequentem me tamen (nec dis-  
fitebor) aliqua deserti Petrosæ recordatione.



Recurfabant tenera mollisque cogitatione,  
 nec sine contractu quodam strictioneque cordis,  
 neque sine tacito pectoris iugio, quo mihi con-  
 scientia, *destitutum propinquum, nec sanguinem*  
*et intimi fœderis contemptum*, exprobrabat. Quod  
 circa mihi pudor simul & metus erat, post arguere  
 respectare, ne conspectus destituti, totalis, et aut  
 confusionem inflammaret, & aut obstinationis con-  
 ceptæ poenitudinem induceret. Sed inter ista in-  
 men omnia, ratione meipsum tuebar, atque causare  
 bonitate, quæ mihi videbatur, non in meo, tan-  
 tum, sed etiam in P. E. D. I. O. S. A. B. iudicio, pincere  
 debere. Sieque prorsus successit. Etenim & P. E.  
 D. I. O. S. A. B. cum controversiam & causam hanc, om-  
 nem secum, *aperit solitudinem, ac silentium*, ex-  
 penderet, denique sic apud se constituit, &  
 rectè conclusit: N. E. C. *utili sibi tunc V. I. C. T. O.*  
*R. E. A. B. confessum esse potuisse; neque nunc sana-*  
*necessarium.* Omnia virtute confici simulacra, ad  
 tolerantiam animus obfirmatus esset. Cui usum solùm  
 id non pessen, quod Omnes de se possit autem: *equum*  
*fratrem esse, quàmque muliebrem ignaviam, molle;*  
*refusareque quod exteris cunctis ferat.* Has inter  
 fuimur cohortationes animò confirmatò, levare  
 corpus humo cepit, & sequi tardius, primo du-  
 bitantiùque: paulatim deinde fortiusculè, sangui-  
 nis (ut ego suspicor) increbescens vigore, nec  
 distiterim, quin & exprobrationis mee stimuli  
 montem illius ingenuam inburserint, ut *pudoret;*  
*non facere grandioris ætate, quod videret, scabi*  
*adolescentulo pœnè tolerari.* Tales inter conatus ex-  
 gò, & comites dudum antegressos, & iam nec præ-  
 stolantes, nec opinantes, tandem assequitur, irre-  
 quieto progressu, cœntque totum incredibili gan-  
 dio P. E. D. I. O. S. A. perfundit. Sed me præ cæteris  
 exhilaravit, tacitè gœstientem non modò, quod  
 nullò duritia me perfecisse cernerem, quidquid vo-  
 lueram: verum eo quoque nomine, quod exin di-  
 sodalis

fodalis (si quis eum fortè calus abstulisset) invideam effugissem. Certe quidem id saltem affectus eram; ut amarum Amicitiae desertæ convictum, ex animo meo penitus jam decederet: quod aliouin æternò tormentò, nullius licet veræ culpæ consciunt, pectus lancinasset. Nec mihi quidquam exprobravit prudens PEDIOSA: sed, quod res erat, secum ponderatò repertòque; *Sapientissimam* (ut ipse postea nominabat) *contumaciam meam*, laudibus est prosecutus. Præter hæc autem, cum experimento didicisset; *AD omnia valere sui virorem animum*; superare se, deinceps etiam, perrexit, & vires illas, quas priùs *exprèsserat ab Necessitate*, postmodum *à virtute mutuatus*, perduxit ad solidum. Nobiscum igitur coeptum decatrit iter, ad metam usque; seipso quotidie valentior. Ut proinde videas; *NIHIL esse tam arduum, ad quod Humana mens se cogere nequeat*: &, *AB animi magnitudine, plerumque corporis quoque robur vigere.*

VII. sic, omni sociorum impleto numero, per littorales primùm crepidines progredi sumus orsi. Quo tempore, cum lassitudinem nostram consueto more fames gravaret: eodem ipso die percommodum in cochleas, temerè reptantes, incidimus: mox & in caneros, recedente maris æstu destitutos. In hæc animalia, quanquam etiamum cruda, certatim irruimus; immani ventris aviditate. nec omis-  
sa coctio tam ignis inopiâ (quem è silice, nullo negotio, rapuissimus) quàm impatientiâ calentis stomachi, saturitatem festinantis. Perfuncti verò prandio tam incuriosò, solitis iterum molestiis nos accingimus; alio quidem itineris flexu, cæterum successu nihilo clementiore. Cum enim appateret, nimio promontiorum in pelagus procursu, viam in immensas ambages extensum iri; placuit, repertò compendiò, longitudinis molestias redimere. Relictis igitur ad dexteram locis maritimis, & æstuario-  
rum uligine; deflectere sinistras in oras, & ad inter-  
tiora

teriora continentis, instituimus, Eundum proinde necessario fuit, per solitudines, Barbaris viciniore; perque devia sylvarum, & opaca saluum: quæ vix unquam solis radiò penetrantur. Eratque vexationis hujus, quam pedes subire cogebantur, mira, cæterum parum deliciofa, varietas: cum, alternante vicissitudine, nunc vallium nos profunda detraherent, nunc montium atque ingorum ardua suspenderent. Passim namque dorfa verticésque sylvestres sese progredientibus interponebant; non, ut aliis in regionibus, aperti viatorum commodis, & industria reaserati: sed planè naturæ neglectui relictæ. Sicut natum erat, primo rerum ortu; sic adhuc horrebat solum; si asperum & hirtum stabat, hinc quidem in immensum surgentibus continuatissimæ clivis; illinc autem abruptissimis, & per omnia vertiginosis, descensibus. Itaque, quantum in annisu moliminis suscipiebamus, ad suprema; tandem in Alpium altero latere formidinis capiebamus, ad inferiora penetrando. *Nec parùm valebat ad molestiam intendendam, omnis propemodum consilii defectus.* Etenim nemine, nec duce, nec viarum aditus explicante; non callus, non trames; ac nec amfractus quidem, aut ungulæ ferinæ vestigium, patebat errantibus. Primi nos, tanquam Hannibales quidam Americani, novas Penninas, aut Grajas Alpes, Cottiasve, rescindere compellebamur. Complures autem dies ille tenuit transitus; quoad, declivi jam autumno, Sol in signa mensium iniquiorum transgredi festinavit. Tunc verò, pro regionum illarum cœlique moribus, aër immani frigore rigere; nubes inhorrescere; tempestates assiduis ac prædensis imbribus fluere; viæ passim invia, lutòque lubricæ, proficiscentibus inhabiles effici. Supererat his tantis incommodis uniusmodi tamen remedium: uti, conquistis undecunque manuum fulcris, gradum quisque su-

um constabiliret ; subsidio , quo posset , optime. Sociorum ergo plerique , sicubi perumpendū in ardua foret , districtis , quibus ad latera cingebantur , gladiolis pugionibusque , nitebantur. his , in solum defixis , gradus ac progressus altitudinem allevare ; nec minus , siquando præcipitia decurrenda , pronos lapsus antevertere committigarēve , studium erat. Quibus autem ensis aut verutum deerat ; scipionibus ( quos cultris præacuerant ) hanc providentiam supplebant. Huic sedulitati non parū favit ipsa telluris illius indoles : quæ tam scopulos , quàm terrestres , ac sine lapide , montes , glebâ candidâ , calci simillima , convestierat. Argillæ porro molities tenacitasque , nec ægrè cuspidum fixuras intromittebat ; nec semel admissas temerè dimittebat. Hoc igitur maximè subsidio , quamvis inter iniquissimas brumæ nimborumque vexationes , pleraque sylvarum evicta juga sunt : & , ferò licet , aliquando tamen , in loca ventum submissiora.

Diei cuiusdam propinqua jam vespera , ferè circa medium hyemis ( qualis iis in locis esse consuevit , pluvis potius , quam nivibus , sæva ) tenui fluentem alveo rivum quendam attigimus. Is secundum eam , quam ipsi nobis explicabamus , viam , placidò susurrò decurrebat. Hujus utramque ripam , densis arduisque stipatam arboribus umbra protegebat ; etiam alienissimo tempore gratiosa : propter foliorum æternum , lateque diffusum , virorem. In istius igitur profluentis crepidine , cum visum esset respirare ; pariter confidemus omnes , ac varia fabulamur. BALBOAM alius , & , siqui post eum , aquis hausti , comites abessent , sermone retrahabat. alius viarum lubricum , scopulorum altitudinem , montium disrupta præcipitia , criminabatur. Thalassiam aliqui , tot jam diebus quaesitam : ceteri Panamam , & Hispalim , & , ut suam cuique patriam nativitas dedisset , eam inutili recordatione , laudibus in cælum ferebant ; non sine gemitu : quòd pro copiis certis , incertissimas opes trans mare quaesitum iissent , per tot evidentis-

sima

*siam pericula. Quidam denique recrudescentis intrâ stoma-*  
*machum famis, tyrannidem incusabant. Ad sum-*  
*mam; ut quisque diversim afficeretur, ita diversa*  
*proferebat in medium. Nec inopportunos, aut parum a-*  
*mœnus, ille locus videbatur quiescentium garrulita-*  
*ti: patentibus ad dexteram utcunque littoribus; &*  
*cum promontorio, maris universam latitudinem per*  
*obliquum explicantibus. Ad sinistram verò saltus in-*  
*gens ac prædensus expandebatur. Eramus in ser-*  
*monum æstu medio: cùm, ecce, colloquium rum-*  
*pit ac proturbat, asper quidam & quasi multa-*  
*rum faucium consensu suscitatus, clamor; an*  
*grunnitus? Attonait omnes nos inexpectatus ille*  
*tumultus. Quare, retrorsum flexis auribus simul*  
*atque cervicibus (etenim à tergo vox insonuerat)*  
*exanimatis similes, auscultamus; Quid novæ tra-*  
*gœdiæ? Dum autem per silentium & inscitiam stu-*  
*pemus: en, alterâ jam, majoréque vociferatione,*  
*saltus proximus inhorrescit: non sine fremitu res-*  
*ponsantis echûs; nec absque novâ mentium no-*  
*strarum consternatione. Nam incerti pendeba-*  
*mus: Barbaròsne, corporum humanorum vorato-*  
*res; an verò belluas, esse crederemus? cùm neu-*  
*trorum sonus ab alterutro multùm abluderet. Diu*  
*stabamus, errantes hærentesque, quid tandem es-*  
*set? &, alternantibus suspicionibus, in varias con-*  
*jecturas scindebamus. Interim nemini nostrum,*  
*vel tantum curiositatis, vel tantum animi fuit;*  
*ut rem ipsam, per experimentum, interrogare-*  
*mus. Solus unus, ex omni numero, quidam His-*  
*panus solò patrêque, sed Maura matre satus; promp-*  
*tus callidûsque gerendorum, nec timidus inexper-*  
*tûsve discriminum, non quievit: sed jam tum, ad*  
*primam externationem, exarsit animò, confurrexit-*  
*que. Mox, correpta, quam secum è navi quon-*  
*dam extulerat, fatisa; proripit in sylvam in-*  
*timam, unde tumultus insonuerat: &, ferox*



oris, audaciæque; *Tigridibus*, inquit, aut *ursis*, bellum intentabo, nisi potius apriorum iste grunnitus est; aut *anthropophagorum furor*. Quem nos, ultro vadentem in media pericula, cælo suæque fiducia commendavimus; solliciti tanisper de negotiis successu.

Sed haud ita multum intercesserat moræ: cum ille, tremantibus etiamnum nobis formidantibusque, supervenit, & cum raucidi clamoris causam pavidè rogaremus: ipse lætus, & alacer, manibus ac bipenni cruentatis, oculos ante nostros constituit; prodigiosæ magnitudinis aprum humeris gestans. Erat quippe Miloniani roboris vir, Hispano-Maurus ille. Caterum aper, quod formidabilior appareret, palpebris oculisque mœstum fulminantibus, & dentium rictu minitabondò, recenti de cæde palpitabat.

Nos, è trepidatione non vulgari, laxissimum in gaudium effusi, gratamur *Herculi novo*, *novi Suis Erymanthii victoriam*: jubemurque, cupientissimis omnes auribus, totius prælii nobis ordinem expromere. Tum ille, projecta nostros ante pedes, in medium bellua, posteaquam etiam in editiore colle consedit; *Audite comites!* inquit. *Me planum vos, aut grassatorem credebatis. En, venatorem habetis! pro transfuga dimiseratis: & hem militem atque victorem recipitis. Si, præter hæc tam grandia, quiddam adhuc aliud a me vultis, aut admittitis: audeo vobis insuper & ducem itineris, aut certè fidum indicem, præstare. Nam, nisi publicus rumor fuit; à portu, quem Divi Francisci nuncupant, haud procul absumus. Audiebam enim jam olim Panamæ: victores illi portui barbaros, qui maritimam orientalem accolerent, apris abundare, canebatque fama: saltus illorum & lucos, non plus caducarum in focos, quam ferinarum dapum in lances, subministrare. Quod equidem hodie verum, ex usu factoque, comperi. Dum enim suscitati grunnitibus semitam & locum persequor, cursu,*  
furo-

furore, lanceâ; dum ictui primo primam quamque  
 belluam devoveo: præter expectationem, in gregem a-  
 prorundensum incurro, vitibus in arbutu pabulanti-  
 um; ac propascuorum regno, juxta suum morem, præ-  
 lia miscentium. Et cæteri quidem porcorum silve-  
 strium, ad meum ac fulgentis lancea conspectum, exter-  
 nati; notos in recessus, cum rancore, refugerant. V-  
 nus solus hic, quem videtis, vagrandus porcus, qui mihi  
 visus est auctor & incentor fuisse belli, loco, quo stetit, re-  
 stitit: fugæ turpitudinem etiam in indole bruta detesta-  
 bilem arbitratus. Quin uliro se ferens obviam, spumis &  
 fremitu professus est hostem: ac provocavit. Cum autem  
 ego nihilo dejectior animo, gesum manu quaterem, & pas-  
 su ferociore contra tendere: ille, rabie densatâ, toto cor-  
 poris impetu ruere, tantumque non ritu fulminis, in meam  
 perniciem effundi. Mihi, tanto rerum discrimine locus, vi-  
 res, solitudo, multaque præterea, lava se dare. cæterum  
 opportunitati duâ modo stirpes esse: quæ, trunco firmo cras-  
 soque, distabant inter sese tam exigua sitû intercapedine:  
 vix uti transitum, etiam macilento corpori, præberent: nisi,  
 quadam arte, tortis lateribus incessum obliquares. Post  
 has igitur arbores confisio: relicta nihilominus mihi vi-  
 brandi librandique ferri libertate, simul autem & vulnere,  
 si qua se bestia propinqua inferret, tempus ac locum speculor.  
 Inter hæc fremere bellua, multumque ringi: dentes & i-  
 ram colligere: ferox in pedes ac setas insurgere: fulgurare  
 scintillantibus oculis: exundare rostro: nec aliud, quam  
 meum interitum, meditari pariter ac premere. Sed  
 fortior fait genius meus, quam apri fortuna. nam inve-  
 ni tandem aditum, ac duelli compendium: & in te-  
 merè ruentis fera caput securim, altius elevatam,  
 universis viribus adegi. Sic furentis cervicem, vulnere,  
 quod videtis, unico, mediam diffidi: collapsumque,  
 cum plangore, stridenteque sanguinis fluxu, totum a-  
 prum ac plenè, confecti. Nunc igitur cum vobis in cœ-  
 nam (inquit) & commensationem, unâ mecum epulan-  
 dum, appono: quoniam omnes nos (sicut ego rectè) jam  
 pridem, esurimus.

Secundùm hanc narrationem ac munificentiam, iterum bipenni belluam invadit; &, complures in partes dissectam, uno convivio simul ac semul donat absumendam. cùm ad hoc, alii quidem farmen-  
ta congererent; alii verò flammam, in vacuo saltus late-  
tere, Pontum versùs, suscitarent: quidam denique, verutis stipitibusque confixam aprugnam, igne tor-  
rerent. Neque tardiùs nos prædam aggredi-  
mur, quàm ille mactaverat: utique postea-  
quam omne periculum, & feræ rabiem, jam flam-  
ma domuisset: & gulæ collecta cupiditas, omnis præteritæ famis solatium, in tam delicata dape, quæ-  
reret & inveniret.

VIII. ADHUC in his epulis eramus, mutuâque gratulatione tam inexpectatæ saturitatis: cùm subitò, geminatâ lætitia, de loco littoris editiore, quem in cœnam occupaveramus, Navim illam (aut veriùs, ut ludere libet, ARG O nostram) conspicimus. Eam, ex alto mox propinquius se ferentem, constitit; esse sine dubitatione nostram; aplu-  
strum colore signisque; contabulationis & con-  
strati formâ; nec non ordine numeròque remo-  
rum. Hæc, cum promontorii (quod nos infede-  
ramus) oram scrupulosâ pene diligentiam legeret;  
& nec palmulâ tenus ad ulteriora maris exerraret:  
visa tandem est, colligere paullatim vela; mox &  
demissis antennis, sub illius ipsius oræ recessibus,  
anchors & noctem meditari. Nec aliter, ac nos  
suspiciabamur, fecit: contractis supparis, & ad  
uncum religato rudente, stationem exorta. Sustu-  
limus nos voces pariter atque manus; &, ab nos-  
tris vicissim agniti, salutatur, ac salutem reddi-  
mus: fortasse non sine tacito naucleri stomacho,  
vel execrationibus; ut, quem vel inscium, certè-  
que nolentem, casus solus aliquando votis nostris  
impegisset. Id utcumque demum haberet se; nos  
littrem clara significatione flagitabamus. & illi,  
nul-

nullis jam ad dissimulandum relictis effugiis, scapham expeditum ibant. Sed repente *desideria*, jam in portu stantia, mala fortuna convellit; quæ nos pertinaciter insectabatur, spemque totam nova calamitas demersit.

Ex portu namque, quem postea compertam fait, Divi Francisci fuisse, digressus myoparo quidam hosticus; cum Austris secundissimis propelleretur, æternam nostram, in Septentrionali littore quiescentem, remis cœpit velisque passis insequi. Nec fallebat nos, eminus hæc omnia speculantes. Quare, clamore pariter sublatò, nostros, in quanto discrimine desiderent, docemus & hortamur; nihildum eorum suspicantes. Et hi quidem principiò cunctabantur, *indolis humana stultitiâ*; quæ, quidquid fieri nollit, fieri posse, tardè credit. Quare nec vocibus nostris aurem, nec hortamentis fidem tribuebant: donec, utriusque partis in oculis, oneraria præterea grandis, ex eodem, quem retuli, portu solvit; sic manifesta, nullius ut conspectum fallere, propter machinæ molem, posset. Ea, celerissimis promota remorum velorumque conatibus, piraticæ navis vestigia, cursu nihil intermisso, pressit & instiit. Apparebat, nullâ dissimulatione; prægressam esse prædatoriam illam primam; ad diripiendam ætuariam Hispanam, & nempe, nostram illam: subsequi verò navim frumentariam, posterius digressam, ad spolia prædæque recondendam. Quæ menspiratarum, cum vel serò tandem nauciero nostro vectoribusque pernotuisset: tum enimverò, discusso languore, ruptaque mora, revellunt anchoras; retinacula præcidunt; antennas & vela restituant. mox, per transra confidentes, contentissimo brachiorum nisu, navim in alta rursus maria rapiunt; & simul effugiunt. Ità, non nostram minus, quàm hostium,

expectationem eludunt. Neque tamen abstitit prædatoria Liburnica (quippe, cui propter levitatem, agilior & cursus esset, & circumactus) nostram fugitivam, assiduo remorum tractu, confectari; demùmque tantùm non prora sua puppim in lias urgere. De successu verò neque tunc, ob longinquitatem, neque postea, nisi perquam sero, constitit. De piratis autem, earùmque gente, plenius, & jam tum, liquebat:

Eà namque tempestate, prædones Angli, majorum suorum Argonauticam æmulati, plerumque pelagus Americanum infestabant. Ii, Britannicæ digressi portibus, quâ vergit ad occidentem insula; posteaquam Cantabriæ littora, Callaicòsque sinus, & oras Lusitaniæ, circumrassent: postmodum in aperta maris Atlantici provecti, suprâ Tropicum usque Cancrî vela promovebant. quin & Aquatorem mediò Brasiliam inter & Ethiopiam limite, secabant. Hinc, audacissimo flexu terram, quàm vulgò dicimus *Australem Incognitam*: delibantes; meridiani maris angustias irrumpebant: &, perstrictò latrociniiis *Erelo* quoque *Magellanico*, Philippina Propugnacula, faucibus iis imposita, vel ridebant, vel eludebant, impune præterlapse. Denique prosperrime penetratis illius Euripi flexibus, ex arcto tandem, in æquoris Zuxii vastissimam libertatem proruperunt. Ibi, nota jam conductaque, sinuum maritimarum receptacula, suggesti: totius Pelagi (quàm latè Zephyro Notòque perflatur, & Aquilone) tyrannidem ac possessionem affectabant. Et hinc quidem celocibus speculatoriis: aliunde verò paronibus & onerariis emissis, litus Americanum omne, sed præcipue Peruanum, infestabant. Quin & in alto persequi displicarèque soliti, quidquid vecturæ conspexissent: naves tamen Hispanienses, præ cæteris omnibus, hostilius adisultabant. Non primus quidem, potissimus tamen



tamen recentis hujus audaciæ vexillum extulit *Franciscus* quidam *Dracus* (a) *Thalassiarachus* Anglicus. Is, consilii (non item constantiæ) sociis, *Gulielmô Winterô*: quique non ultra, quàm *Æquatorem* attingit, *Humfredo Gilberto*, post natum Christum anno *MD. LXXIIX* *Britanniâ* majore solvit: & , nondum exstructâ , quæ nunc *Magellanicas* custodit angustias, *Arce*: per illius freti periculosas ambages, evasit. Hinc autem universo percursô mari *Pacificô*: se celeberrimorum quorumvis *Argonautarum* numero vel inseruit, vel etiam æquavit; ad *Quiviram* usque, desinentis *Americæ* regnum, progressus. Ibi *Tatarrazum* quoque regem (cujus aliàs meminimus) ac rusticana prætoria lustravit. Cæterùm non multo pòst, frigoris sævitiâ depulsus, in *Britanniâ* suam, & *Londinium* refugit; clementioris cœli plagam. Illic *Elisabethæ* se regiønæ, suamque navim, non nisi tribus ex omni numero vectoribus amissis, stitit: *equesribus donatus* insignibus, ob industriam, quâ *domitorem aquorum Neptunum*, domuisset.

Ex ejusmodi proinde piraticarum censu, duæ, quas supra retulimus, naves, exemplô successioneque *Draci*, nostram insectabantur: veluti postea *Limæ* comperimus. Sed intentius in spoliū est incumbere visa dromas illa: quæ fugientibus nostris pertinaciter inhæsit. Eam, sine controversia, navis nostræ magister, non fugâ, post notatum periculum; sed præmatura declinatione, priusquam in arctum veniret, evitasset: siquid usquam universo cursû recursuque, de *Britannis* auditum esset: posteaquam è *Panamæ* navalibus solveramus.

IX. SED hæc quidem, in hunc modum, hactenus gesta sunt: & nimirum uno temporis eodemque puncto, res et spes nostræ destructæ. Nos igitur, non jam navis tantum, sed in posterum omni planè

nè navigationis exspectatione dejecti, regredimur ad tristitiæ consuetæ seriem. Neque dubitabamus actuariam nostram, utpote debilem, ac strenuo rectore destitutam, imparem futuram Anglo-  
rum exercitatissimo myoparoni: qui, *si nihil aliud esset in audaci pertinacia*, classiaris saltem, bellicisque præfidiis, instructissimus navigaret: *magnâ-que, tam procul à domo, spes & animos portaret. Illa navi victrice; quid tum nostris, quid Hispanica gloria, futurum? quem prædonum spiritum ac triumphum, tot successibus tumentium?* Urebat ergo nos, ac me præ cæteris, non tam jactura supellectilis, in actuaria relictæ (quanquam esset ea non parùm luculenta) quàm Orthodoxi décoris dispendium; inter indignissima sectariorum atrocinia. Plurimum quoque conferebat ad mœroris incrementum, nostrorum, si caperentur à piratis, aut trucidarentur, loctuosus interitus: cùm plerique tamen eorum essent innoxii. Nam magistri quidem navis, ac remigum ejus, crudos perfidôsque mores, intelligebam, omni malo dignos, & exempla novissima promeritos. Deplorabam nihilominus eorum, utcuque detestabilium, infelissimam sortem; cùm non sine causâ timerem ab eis, aut certissimam à religione defectionem (in vita tam corrupta) vel alioquin contaminatos mores: & ab eorum impietate, penès exteros infamiam. Ad extremum verò. *scdum eis exitum, qui plerumque scelestos assequitur, & cæli jacturam, metuebam.* Quæ cùm ob oculos semper versarentur: misericordis cujusdam sensûs teneritudine, non gemitus, non suspiria; subinde verò neque lacrymas, tenebam. Sensim tamen, in his lamentis, aliquantillô solatii videbar aspergi; quod erat ejusmodi, Si victoriam omnino Britannis fata destinassent; nos inter hæc, mirifica Numinis clementia, qualicunque securitati fuisse sepositos: ut, *quos extra navim periculûmque mature, Providentia potius*  
oculus

*oculus quàm naucleri malitia, conspiciisset.* Gratulabar igitur, & in sinu gaudebam; nos (quotidianis licèt æumnis exercitatos) tamen hæreticæ captivitatis antevertisse necessitatem, & opprobria. Lætabar, periculosis conscientiae naufragiis exemptos: in sinceræ Religionis possè libertate vitam exigere. Quæ cum mecum, silentiò non incuriosò, perpenderem, & examinarem ad solidum; non poteram, quin, medios inter luctus, pro levamine versarem ac reversarem illud magni viri celeberrimum paradoxum; *PERIERAMUS, socii, NISI PERISSEMUS.*

X. SED inter hæc, comitum alii, parùm jam de Navis eventu solliciti, spes novas è sua Thalassia, totiesque repetita crambe, lacebabant; at profectò non minùs etiam tunc, quàm semper antehac, fallaces & irritas. Poteratque meritò (vel serò tandem) alienatæ mentis suspicionem incutere, quisquis Oppidulum illud commentitium, aut sibi polliceretur, aut aliis prædicaret. Cum enim littoris oram quandam certam designasset gubernator Navis; à qua leucis Hispanicis non amplius tricenis senis, abesse Thalassiam asseverasset: nos, stolidè creduli, regionis illius universæ situm non tam obieramus, quàm velut hippodromo quodam circumtriveramus: & in uno quodam amfractu, diem jam plusquam vicesimum, oberrabamus: eadem (quod vulgò dicunt) *in chorda circuloque: semper in semet redeunte.* Quare spe sub extremum ad incitas redacta, jam non modò nauclero nemo, sed nec ipsi sibi, de Thalassia, credere debebat: cum præsertim nec simulacrum usquam mœnium, ac nec umbram, quisquam aspiceret. Labebatur interim annus, vires, vita: cum Sociorum aliam partem amnes haurirent: aliam æterna fames premeret: ac perfrequenter etiam sitis, inhabilibus jam pridem ad potandum undis. Dulcibus enim absumptis, aliæ non

non suppetebant: nisi; quas maritimi Sinus propinabant, aut æstuaria: pestem utique magis, quam aquas: utpote malè grata noxiaque fastigine vitiatas. Accedebat his malis, corporum ultima fatigatio, mentiumque tædium: quæ duo non paucos prostraverant, ad profectiois residuum jam depositos, & si duraret in longum labor, conclamaros. Quidam & pro funeratis ac sepultis, à tergo, sine teste, sinèque siticine, relinquebantur. Etenim: ut quisque supremè se, planèque mortaliter, habere, testaretur verbo, vel ipso languore loqueretur: in eum, de communi consilio, Sacerdos immittebatur, Romani ritû: ac Sacrorum (nam & sacerdotem nobiscum, totius itineris comitem ac solatium, trahebamus) Hic, auditis vitæ delictis, extremis (quoad liceret) sacris expiatum, & communitum: de reliquo, Superiorum ac summiuspius caræ commendabat: Immortalitati transmittendum. At moribundus quisque, vel arboris proximæ trunco reclinis, vel, propter progressûs impotentiam, rupi cuilibet applicitus: lentè fugitivam, inter suspiria, trahebat animam: donec exhalaret. Sic is ad plures (ac scilicet suorum facinorum forum & tribunal) ibat: nos autem, eo relicto, via, qua cœperamus, ne, trahendo moras opis incertæ, nec illius vitam proferremus, & iter nostrum, funeribus assidendo, per stultitiam heberemus.

Hunc in modum, imminuto variis casibus nostrarum numero, non perinde res adversæ breviantur. Potius, acriore siderum indignatione, produci sunt visæ: cum locorum multiplex asperitas progressum interseinderet. Alias enim, amniam stagnante vadô, palustria carecta gradam aut mergabant, aut distinebant: interdum æquoris restagnationes, cogeant ad sicciora per ambages deflectere, quod ipsum tamen sine salebris,

& pari ferè locorum iniquitate , non fiebat , ac , præter hæc , citato sæpe cursu , non tam peragendum iter , quàm vorandum erat : quòd metus esset , ne cunctantiùs incedentes , æstus Ponti , Luna concitatus , intercluderet : aut ( quod funestius futurum erat ) necessario sopori vacantes , eluvione superobrueret. Tempestatis quoque , cœlique mirabilis inæqualitas , cum terrarum squalore certabat , intolerando nunc quidem frigore [ quanquam citra nives ] sæviente ; nunc autem ardentiore Sole littorum arenas incendente. quo ritu ferè , plagis in Europæis , Februario mense , diebus aliquot sub meridiem calor feryet : manè verò , propinquoque noctis , rigor aeris , & Aquilonum horror , recrudefcunt.

XI. VENTUM , hæc inter , multa viarum remota , quendam in continentis tractum , Libycis vastitatibus , & Ammonii Jovis solitudinibus , æmulum. Iacebant enim pariter , & assurgebant , arenaosa tesqua : nunc quidem perplanum , destitutis abscedente freto glareis : alias , montibus in immentum editis : quos iuinere toto , vento cumulus pulvis , conglomeraverat. Plusquam undeviginti miliarium spatium , hic talis regionum habitus occupaverat , viatorum pedibus [ interdum cumprimis , & æstuante meridie ] multum insensus. Etenim , præterquam quòd lactantes cum soli lubrico plantas , torridum æstu sabulum exurebat , etiam oculos , assiduo candore præstrictos , Sol repercussus occæcabat. & hoc circà diei ferè medium , ac pomeridianis fervoribus , eveniebat. Accedente vero vespèrarum & noctium frigore : pro calore gelu succedebat , non ablato , sed duntaxat commutato , malorum sensu , Magnum insuper , ad molestiæ serupulum , addebat auctariam , illius arenæ peculiaris asperitas : à cæteris ejuscemodi sabulosis sitibus plurimum abludens. ea namque coticu-



lis passim acutissimis, ac lapillorum tessellis, novacularum aciem imitantibus, intersternebatur: quarum (barbarâ sanè) subtilitate plantæ pedum nostrorum proscissæ, continenti sanguine rorabant, atque campum, per se cæteroquin nitidum, crnore fædo commaculabant.

Cæterum, post labores imensos, evictis his littorum Syrtibus; cum, *expectatione mediorum*, suam quisque *patientiam falleremus*: in viâ mala, longè deteriora, tandem induimur, Stabant innumera- biles inter ipsa maris æstuaria, scopuli; sic, ut dextra quidem Oceanus, sinistra verò montes in- tangerent Alpésque: propter immanem altitu- dinem prorsus imperviæ. Solum igitur, & unicum restabat iter, per cautes quasdam, in medio constitutas. Sed hæc quidem & ipsæ mul- tum arduæ, disruptæ, concissæque: sic, ut naturæ quendam lusum crederes; nisi seriæ tragicæque molestiæ tandem enascerentur, apparebâtque, grandem quampiam, & unam, infinitæ latitudinis rupem, in quam plurimas scissam columnas abire; rudes & infectas, ac spatiis inter se perquam inæ qualibus disjunctas. Præbebant istæ, (procul intuentibus) speciem quandam editissimarum tur- rium; aut, cujusmodi Cairus Ægyptia pyrami- das atque cippos erigit, latissimo campo surgen- tes: immò qualis, Penæum ad amnem, in Thes- salicis Tempe, dextram quidem ad oram Olympus mons, & jovis Ara; sinistra verò, su- pra Bœbeidem paludem, Ossa mons alter porrigit- tur: innumerabilibus concisus scopulis, & tan- quam naturæ serra fissus; quorum joga verticèsque, disparibus intervallis inter sese dissident. Tales e- rant, nec aliæ, cautes illæ; per quas solas tunc via: cæteris circumquaque marî (sicut dixi) vel Alpi- um naturâ, clausis. Accedebat ad hanc diffi- cultatem; quòd saxorum ea, de quibus memoravi- mus,

mus, spatia, nihil ad terrestrem profectionem sicci tramitis, nihil nudi vestigii, reliquum fecerant; quippe maris interfusi stagno, vel interluentis finis excursu, totas voragines inferius occupante. Vel nusquam ergo; vel per cacumina scopulorum, iter suscipiendum erat. Verum & hinc rursus, ex horrore præcipitiorum, crescebat asperitas: cum, nisi per transsultus, & *sepe destinata fallentem, audaciam*, superari capita rupium nequirent. Compluribus autem nostrorum hominum vertigo cerebri (tam periculosoque transitu) tenebras offundebat: & vel *solus vadendi timor, certa ruina; formidæque tam atrox, mors ante mortem*, erat.

Sed, quid in hoc tanto rerum articulo, tentes? omitas? quid prius aut posterius capestas? Perrectarios, ex omni parte, pelagus & saxa, conclusos tenebant: retrogressuros autem, formidabilior descensus, & pronior lapsus, excepturus erat. Conclamatur igitur, omnium concordia sententiâ; *Pervadendum; in utramque fortunam! &* Quod bene feliciterque verteret, *incertis saltibus certissimum interitum declinandum!*

Ita laboris ac periculi factum initium; fortunatum plerisque nostrum, quoad dies fuit ac lux; quæ scopulorum intervalla nitore distingueret. Verum haud multò post, vespere nebulosa, collectæque nubes, omnia proturbârunt; in copiosum & continuum effusæ nimbum. Horrorem hunc geminavit scæda nox, tenebris procellæque terribilis; ac, super hæc omnia, Ponti stagnantis repentinus affluxus. Iamque circumquaque nos frigus, tremor, pluviae, ventorum assultus, & lapsum assiduus metus, constrictos tenebant: in tam densa præsertim caligine, pelagique fremitu; tam eminens, quàm ex propinquo, reboantis. His tamen omnibus incommodis, cæterorum comitum

For-

Fortuna superior fuit. me solum, ex omni numero, fors deterior, ad insectationem sibi solemnem, seposuit: tanquam *victimam*, ut reor, *albam*, ac suis jam pridem notis designatam. Id in hunc, quem describam, modum, evenit.

Nox erat adulta; nollumque jam, extinctis sideribus, tuti periculosique discrimen. Erant autem etiam tum scopuli non pauci, neque prioribus mitiores, superandi. Dum itaque, sociis antegressis, postremus ego, rupem, nescio quam, ex illa, quam tunc insitebam, petrâ, caute prævestigo: dum eam gladioli cuspide per obscurum prætento, distantis intercapedinem exploraturus: generose tandem (an vero temerario potius impetu) saltus audaciam concipio: nondum ad solidum examinato (quis enim in tenebris possit?) discrimine. Sed fallente, per caliginis insidam, meta, deceptoque fallentis passu: præceps in horrendam, ac scopulis circumquaque clausam voraginem, devolvor.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER VI.  
CAPITUM BREVIARIUM.

I. V. *Voraginis & periculi, in quod deciderat, hypotyposin Victoria proponit. Com. pag. 163*

II. *Apprehenso scopuli ramo, Petrus vitam inter & necem pendet; formidine frigoribusque, propter vestitium penuriam, circumfessus. Interim, relabente maris aestu, voraginis unda incrementum, Petro propiores sunt. Comment. pag. 164.*

III. *Ergo sortem ille suam miserrimam, inter mille timores ac discrimina, deplorat suis eam peccatis acceptam ferens. 166*

IV. *Matutinò crepusculo in rupis verticem evadit, quieturus aliquantiſper. Sed exciunt somnum, vulnorum multitudo, & acrimonia; quam in super aestuarii salsus liquor incendit. Comment pag 168*

V. *De Scopulo Victoria descendit: turdeque repertis comitibus, casum suum nocturnum stupentibus exponit. Comment. pag. 169*

VI. *Progreſſentibus, poſt incommoda alia, campus offeritur*

offertur sabulosus &, per eum decurrens, pluvialis torrens passerum frequentia celebris. Dum pyram adversus gelus adornant; sub arente materia ovorum pullorumque, copiam reperiunt. Comment. pag. 171.

VII. Victoria & Sociorum, ex inventis prater spem obsoniis, insolens latitia, atque cæna. Comment. pag. 173.

VIII. De nocte castra movent: &, post complurium horarum continuatum iter, exigua capta quiete, in montem arduum labore magno enituntur. Cateri sparsim se prosternunt: Victoria, noctis nimbofa metu, altiora securioraque latibula meditatur. Comment. pag. 175.

IX. Companerosa, Sodalis & cognati sui, egregiam indolem ac mores Petrus describit. Cum eo, in Alpium celsissimum verticem enisus; tectum nocturnum sub frondibus accipit, admirabilis natura providentia preparatis. Ibi somnum ipse orditur. Comment. pag. 177.

X. Companerosa, etiam ipse ad quiescendum compositus, morbo repentino gravique obruitur: cujus tardam tamen fidem, apud excitatum & stomachantem Victoriam invenit. Eum, vix tandem, ad accersendum Sacerdotem, permovet. Comment. pag. 179. & 180.

XI. Petrus, ad vestigandum in tenebris Sacerdotem, excurret. Eum, agre repertum, adducit. Is decumbentem Companerosam solatur: & post hæc, universa prioris vita noxas explicantem, officiose audit: Victoria, inter hæc, alibi somnum resumente. Comment. pag. 182.

XII. Exomologesi Sacra peracta; Victoria ad Companerosam, jam solum, solus revertitur. Ille Petrum complexu & oratione meditata diffusaque aggreditur (nam à Commentarioli fide, auctorisque primo stylo Hispanico, recedi, nec in hoc, nec in X. capite, præcedente, consultum visum est: ubi sermo rhetoricus &



& supra moribundi consuetudinem prolixus, aliquot implet paginas) In eo suum contestatur amorem: suprema mandata dat, pro se & ad suos. Petit ab eo ut ad vicinam mortis lucem se juvet, & confirmet. Comment. pag. 184. fin. pag. 185. & 186.

XIII. Victoria petenti morem gerit; moribundumque ad supremum usque vita punctum animat: proposita maxime Divina misericordia fiducia, Deiparaque potentissimo Patrocinio. Symbolo Apostolico his pronuntiato; Companerosa expirat. Comment. pag. 189. & 190.

XIV. Petri, extincto Companerosâ, multiplex mæror, formidines, perplexitas. Ejusdem in somnum ipsa mæstitia relabi cupientis, monstruosum cervical. Comment. pag. 193. & 194.

XV. Recursantibus, cum insomnia, sollicitudinibus & angoribus, locum Victoria mutat. De Insomnia causâ. Companerosa tandem sepulturam, & omne supremum officium, pro virili sua, præstat. Comment. pag. 196. & 197.



ROMINENTES passim è scopulis  
cuspidēs atque gastræ, me delabentem,  
undequaque perstrinxerant. Corpus i-  
gitor, vulneribus hinc indè proficis-  
sum, undis subterlabantibus infero:

quibus miser, non immergor solum, sed, co-  
ërantibus supra caput fluctibus, intumulor. Quid  
tunc mentis mihi, quid sensûs fuerit; nemo tra-  
gædus exsequatur. Vincit calamitas sermonem,  
miseriæ gravitas calamum, recordatio narratioque  
fidem: utique, cum me traherent in profundum  
undæ, cum raperent in gyrum suum vortices;  
cum me corporis ipsa moles nunc deprimeret, nunc  
allideret; cum modò spes & conatus alleva-  
rent, mox imbecillitas & desperatio subtraherent;  
cum me circumfremere aquis pulsata rupes:

cum

cum nox exterreret, atque tenebrarum horribile chaos; cum super hæc omnia, natandi rudem, ( & in medio tamen gurgite fluctuantem ) mors manifesta circumfisteret. Jactabam nihilominus brachia, quantumvis indocta; *proque tutela vite, cujus tenacissimum esse desiderium solet*, vires omnes & copias advocabam. Cumque luctarer cum insanientis æstuarii fluxibus ac refluxibus; quantum aquarum, nisi pedum marumque, repellebam: tantundem propomodum hiatu faucium invitus forbebam. Tali modo, cælum inter & Tartarum, inter sacra laxumque votorum & desperationis medius, pendebam: nec spes erat ulla socialis auxilii. nam è tanto barathro succlamantem, quis ( quæso ) fluctibus obstrepentibus, exaudiret? aut, quis etiam, post multos clamores, exaudito, suppetias latum iret?

II. Plurimo nihilominus *labore*, quo pleraque *pretiosa comparantur*, denique Salus constitit. Omni namque membrorum connisu, natando, scandendo, reptandoque; vix sero tandem in petrarum quendam velut ramum prominentem, sum eluctatus. Illic elumbis, semianimis, & vix animæ reciprocandæ validus; præter hæc autem novorum discriminum pavidus, memet defixi. Sed quoniam principio, quieris aut commodæ stationis spatium, negaverat arctitudo loci: de saxo pendere compulsus sum: dispasis in laxum brachiis, & universo corpore scopulum illum amplexatus. Huic ego quàm arctissime connexus: & jam non digitis tantum pectinatim complicitis, sed etiam genibus ac tibiis strictim appressis: expectabam, quid in posterum circa me fata disponderent? Iste totius fere noctis status ac situs fuit. Quo tempore ( cæteroquin per se satis omnium formidicium feraci ) non uniusmodi trepidatione, nec simplici lamento, præcordia concussi: vultu frigidis interim saxis applicito, tergo verò turpiter, adversus

versus insectantem me casum, obverso. Verum i-  
nitio quidem, tacitis questibus, & intus tantum  
sonorus; silenti tibia mihi funus meum duce-  
bam: non ausus, præ pavoris vi, ne pedem qui-  
dem, ac nequelabia, morare; nedum altis plorati-  
ous indulgere. Verebar enim, ne quam, ex Fortu-  
næ choro, Sortem iniquam, immemorem hucusque  
nei, vocali nimis luctu suscitarem; & in caput  
meum etiam ipsam provocarem, ad novam infligen-  
dam calamitatem. Contentus itaque, silenti for-  
midine palpitare, deflebam, propemodum muliebri-  
ter (confitendum est enim) noctis horrorem, pro-  
pinqui maris fragorem, fluctuum allisorum mugitum,  
ventorum inter confraga luctantem tumultum,  
miseræ stationis infidam possessionem, & sexcen-  
torum agmina malorum. Sed præcipuo tunc erat  
tensui brunosus aer; asperrimo frigore, pene-  
trabilique flatu, sævus, utpote nocturno tunc  
gelû. Cujus contra rigorem, jam *neque patientia*  
*quidem satis armatus eram*, velut antehac. nam ad  
indumenta corporis cætera quod attinet; profectò  
plusquam seminudus agebam; intima duntaxat tu-  
nicula, tibialibusque, præter femoralia, conte-  
ctus. Femoralium porro materies erat, tela car-  
basina tenuissima; verecundiæ potius, quam mu-  
nimento medii corporis, excogitata. Quan-  
quam enim, adversi maris & auræ peregrinæ  
providus, vestibus quoque laneis corpus involve-  
ram; Idque jam tum ab exordio navigationis A-  
mericanæ: tamen id genus tegumentorum assidui  
per eos dies imbres adco madefecerant; ut, hy-  
eme præsertim nocturnâ, denè congelascerent.  
Quare, ne somnos meos in media glacie (velut  
miles cataphractus in ferreo thorace) capere  
compellerer; pridiano vespere, quidquid laneum  
gestaveram, membris detractum, ex quadam arbo-  
re suspenderam: si fortè tantisper aurâ quapiam  
clementiore desiccarentur. Idem ipsum autem co-  
mites

mites quoque mei fecerant; præter unicum mystam nostrum, cujus suprà mentionem intuli. nam hic, futurorum omnium callidus, Sagam suam gossypinum, prudenti constantia, sibi retinendum duxerat.

Sic igitur nudatus, frigore plusquam Hyperboreo moriebar; ob stolidum subsidiorum rejectum, quæ sola tunc protegere potuissent. Ibi casus adversos, & tempestatis iniquitatem *incusabam*; qui peccatum potius & incuriam meam debueram. Sed incusabam planè sine successu: *quivitabargue* (quod vulgo dicunt) APUD NOVERCAM; id est, Fortunam. Hæc etenim, nulla, ne minima quidem, mei misericordia; non modò de duritia sua remittebat nihil: sed etiam asperius semper surgebat. Iam enim, incrudescente maris æstu, tumidiùs undæ se tollere; jam gurgites, Luna concitati, volvere sursum spumas, ac sarmenta trahere; jam primò pedes atque talos tingere, mox suras ac genua vincere: tum exsuperare femora, paullatimque lumbos circumluere; nec dubium esse mihi, quin illicò, caput quoque vitamque meam petiturus, veniret Oceanus: & idcirco prævium hunc maris æstum, in me velut percussorem, immitteret.

III. TUM enimverò, circumfidentibus undequaque me Diris; non ulterius in potestate, non in silentio, gemitum habui: sed, elidente vocem doloris sensu, prorupi clarissimos in ploratus, & Hoc nimirum, inquam, hoc restiterat unum, miserrime VICTORIA; post peragrarum terrarum ac maris ambitum, ubi perire millies peteras: ut inter ignotissima solitudinis scopulos, inter turpissima Pontis sputa, pelagique se purgantis foricas, ingenuum spiritum profunderes? Et hoc (per malum) nullo teste, nullo testamento, nullo propinquo-  
nullo

nullo percuntis suprema mandata, vel voluntates, excepturo? Morieris ergo? quodque male preparatis amariſſimum eſſe ſolet, morieris, interitus tam prope-  
 rante, ſpatioque vivendi tam acciſo? Troh legem ul-  
 tima neceſſitatis ferream! prob fatorum inexorabilem  
 decuſum! Ecce, jam ultimum pendentis anima ſilum  
 hora ſuprema ſuccidet! Ecce, jam conſeſtim aut hac pe-  
 tra, cui cohareo, fluctibus ſubſeſa diſſultabit; milleque  
 fragmentorum ruinis, avuſum me ſuperobruet: aut,  
 occulta vi citatus, aſtuarii gurges, caput inſuſum to-  
 to mari ſepeliet; aut certe, ſi clementiore fluxu ſiagnum  
 conſiſterit, nec praſentis alvei menſuram egredietur; ta-  
 men deſaſſatum me, jamque feſſa brachia dedentem,  
 proximo quoque maris reſuſu ſecum abripiet: abre-  
 ptumque devebet in ultimas Oceani ſurentis oras. Tunc  
 illic (ſi forſitan adhuc ſpiravero) conſeſtim aut unda  
 vincet, involutum aliqua Charybdi, vel Syrtis (ſicut  
 multos) aut maritima certè monſtra, ceteque vaſta, de-  
 glutient: aut tandem (ſi vel invitum prorogare ſpiritum,  
 in aliquo deſertorum littorum compellar) incurſabunt  
 in me ſexcentorum ſpectra manium; è tot inſepultis  
 naufragiis oberrantium: inſeſtabunt damnata barba-  
 rorum umbra, velut ad littus Arabici Sinus, ac  
 Cimmerii maris oram aſſolent. Hi me ſcelerati lemures  
 (jam ante ſemianimem & praconſumptum) mille ter-  
 roribus, etiam ſine vulnere, maſſabunt. Heu me! quis  
 huius tam acerba ſortis neceſſitudinem? quis tot malo-  
 rum ſarcinas, tot mortes, humeris meis, proruſ impa-  
 ribus, iniecit? Nempe; quod millies conqueror, &  
 nunquam tamen adhuc emendo: nempe, Peregrini-  
 tatis puerile deſiderium, oculorum damnabilis curioſi-  
 tas, patrii ſoli vilis charitas, clauſa maternis obteſta-  
 tionibus aures, contemptus ſupplex avunculus, deſertus  
 nuper in ſolitudine Pedieſa, ſexcentaque cætera vita  
 ſolutioris errata, quorum nunc omnium, ſeras quidem,  
 ac meritiſſimas & inextricabiles pœnas expendo, reus  
 VICTORIA.



IV. TALES inter querelas , paulatim undæ stagnum suum , & Nox tenebras , sine-  
rant. jamque sensim & Aurora nitorem , & di-  
luculi propinquitas aliquam salutis aperire fiduciam,  
cœperunt. Ego , quantulacunque crepusculi lu-  
cem , velut opportunissimum beneficium , non gra-  
tis amissurus , manu quidem læva , rapem ( sicut  
eam comprehenderam ) retineo : dextra verò , su-  
periora petræ digitis prætento ; sollertissimèque sa-  
xi conditionem exploro. Reperio tandem scopuli ca-  
put , non modò sessionis capax , sed , si cui libuisset ,  
etiam incubitûs atque strati : sic exposita saxi per  
planum mensura quæ , grabati quoddam simulacrum  
exprimeret. Quo compertò : minùsque casu-  
um pavidus , componi per silentium ad quietem  
instituo , tumque primum , valere jussis complora-  
tionibus , nihil utique correcturis , totam cau-  
tem inscendo. deinde [ si fortè fortuna succede-  
ret ] somnum molior , ac mox ordior. Er erat dor-  
mituro locus non planè tetricus , ut in hoc rerum  
statu , corporisque fatigatione. Sed scilicet , nec  
tum quidem ullam indulgente cessationem adversa  
forte , vel [ nescio quo ] nigro fidere ; post mini-  
mum soporis gustum , strato miser excutior. Ab-  
rumpebat nempe quietem , doloris immodicus sensus ;  
quem corporis , in latera reclinati , pondus exaspera-  
rat. Cujus ego dum causas & origines , ad pleniorē  
lucem , exploro ; video femoris dextri , cui superincu-  
bueram , tractum omnem , decem immanibus plagis  
consauciaturum , vulnorumque pleraque palmari , non  
minùs , longitudine spaciofa. Plagas eas , nocturno  
casu per prærupta scopuli collectas , primus [ ut sit ]  
doloris ardor obstupescerat ; & tanquam in sensûs  
quandam oblivionem adduxerat : utpote sanguine , re-  
centis adhuc , præcalido bullienteque fluxu. quare sen-  
suum tantisper sopor aliquis , & velut dissimulatio , pri-  
mum mali furorem repressit. At , postea quàm , super-  
indu-

inducto gelo, cruoris æstus ille confedit; durante nihilominus & fluitante vulnere hiato; tum enim-  
verò dolor atrocitus sævire, totaque vi cœpit in-  
staurari. Sensus actimoniam inflammavit insu-  
per maris æstus: qui, receptis licet, multumque  
deminutis fluxibus; tamen undæ salissimæ reliqui-  
as, in tot plagarum fissuris & rimis destitnerat,  
sæva salsugine mordaces. nam, venarum & fibra-  
rum intima pervadentes, exsugebant pedem im-  
placabili laniena. Non erat tamen hoc ipsum in-  
*salubre planè malum; nec vexatio porcus sine fruge.*  
nam ex fervida salis liquoris penetratione; sanguini,  
post longum dolorem, tandem stupor, vulneribus-  
que coitus, provenire: nec multos post dies, uni-  
verso corpori sanitas. Ut adeò videas (mirificò nu-  
minis consilio.) *Nihil esse tam expertum ma-  
lum; quod non olim aliquo boni fructu commigere-  
tur.*

V. ORTO clariùs aliquantò die; postquam &  
maris abscessu retegì siccum, & aperiri viarum  
libertas est cœpta: de rupe pedetentim ad planiora me  
demitto. Paullisper deinde, deficientibus scopulis,  
rupiumque connexibus: ecqua tandem circà me loca  
sint, dispicio: cœtus simul humanos, ac Sociorum  
turbam indago.

Sed nusquam mortalia consortia, nusquam so-  
cialis globus; ac ne vestigium quidem humani pe-  
dis. Solitaria cuncta, mœstissimique silentii squa-  
lore muta. Siqua fides est igitur miseris, & om-  
ni subsidio mortali destitutis, inter inhumanos lo-  
cos; intremui non mitius, quàm inter ipsas præte-  
ritæ noctis tragœdias. Immo, tanquam fulminatus &  
ceritus, horridius emarcui; Tandemque, Tandem  
(exclamavi) *totum me, funesta calamitas, & ad  
Tartari fundum usque, demersisti! Toto malorum Océ-  
ano me perfudisti; ne tabula quidem, ad enatandum,  
navisfrago VICTORIAE relicta!*

Neque diu tamen ploratibus indulsì, sed, argen-

te deteriorum formidine (qua plerumque succedere malis primis assolent) in pedes me conieci : concitoque prorsum cursu , volitavi veriùs , quàm properavi : nulla femoris afflicti cura : PEDIOSAM interim , & , quidquid nominum cognominumque veniret in buccam , inclamitans. Neque despexere clementia sidera lacrymas meas , quæ PEDIOSAM mihi , sociosque , paullò post reddiderant : nondum (o factorum in me lusum ! ) ultra spatium , quod æquaret sagittæ jactum , antegressos. Horum infusus amplexibus , ( lætationum plorimum , & invicem me lætitia respergentium ) dupliciter oblector : & quòd humanis aliquando vultibus , & , quòd tam inexpectatis , incurrissem. Mox & alloquium exorsus ; *Vos vero , quid ? (inquam) aut , ubinam præteritum noctis egistis ? nam me quidem fallax & sinister transsulius , intra mortem & vitam jecit ; cum paludibus , ut reor , inferis luctantem.* Cæpi deinde compendiò totam eis cladem meam adumbrare. Sed posteaquam (ut DULCIS est omnis , aliena præsertim , calamitatis historia ) rogare sunt orsi : ne tantum adumbrare , verum penitus depingere , vivis coloribus , casum meum , aude-rem : indidem & ego sum aggressus totam , ab alto , ruinæ meæ narrationem. Notavique : stupere plurimum , & horrore comas arrigere , quotquot ab ore pendebant meo. pendebant autem ad unum omnes : & ii præ cæteris , quibus absentis VICTORIAE desiderium atque cura , ne quidem per quietem ( ut dicebant ) decesserat. *Tametsi ; Quantulum quietis hoc ipsum fuit ? (inquit PEDIOSA) quam etiam vos , continuis nimbis , gelu , tempestate , terroribus exagitati , transgimus ; pendente semper inter formidines anima ? Tamen interim uno gradu minor nostra fuit , quàm tua , mi PETRE , calamitas : quòd nos adversus dira casuum agmine pugnavimus ; tu virilim , & duelle , congressus es.*

VI. IN hunc itaque modum, omni recolledō  
cœtu; moras cunctas abrumpimus: & colloquen-  
tes simul pergentesque, littorum mitiora persequi-  
mur: id unicum alter alterum hortati; *Nequis no-  
strum deinceps Thalassia meminisset: caterum alia po-  
tius omnia speraremus. Thalassia recordationem ac  
mentionem ex animis, oblivione sempiterna, tanquam  
hæresin, exsculperemus.* Quod cum inter omnes  
pariter convenisset: & jam nemo non Thalassiam  
exsecraretur, tot errorum nobis causam: reliquis  
omnibus difficultatibus, spes erat, nos pares futu-  
ros. Igitur, inter aspera quamvis & enormia vi-  
arum: duravit tamen incedentium labor: qui,  
cum prima luce cœptus, antè cadentem diem fini-  
tus non est. Interim, præter incredibilem fati-  
gationem, nimborum quoque molestia, famēsque  
graviter viatores cruciabat: sed intolerabilius multò  
sitis, incedendi contentione (sicuti fit) incensa. Ve-  
tustissimum hoc incommodorum nostrorum, ac jam  
toties memoratum, id est, aquarum dulcium pe-  
nuria, non senescebat; sed toties pænè, quoties  
meridies & profectio, novabatur. Verum tunc qui-  
dem, quò tardius inexpectatusque; tantò gratius  
& cumulatius est remedium, divino munere, re-  
pertum.

Ecce namque, luce jam inclinata, planitiem in-  
gredimur spatiosam, & longè latèque sese por-  
rigentem: caterum graminis, & cunctorum gi-  
gnehtium undequaque nudam; ac sterili tantum  
sabulo nitentem. Campum universum non filices,  
non ulla lapidum pondera; sed arenæ tenuissimus  
pulvis, intraverat. Super glaream porrò, ligno-  
rum arentium, & assularum, ingens copia temere ja-  
cebat. Quisquiliæ purgamentaque torrentis hæcerant,  
qui, sinistra solitudinis illius extremitate, devolutus  
celsis è rupibus; impetu rapaci secum devehit,  
quidquid circumcirca sylvarum virgultorumque  
corripuit: nec arboribus quidem, & grandio-

ris trunci stirpibus impunè prætermiſſis. nam & has, ſubſeſis radicibus, in communem ruinam trahit. Quoties autem, ſolitas egreſſus ripas, per arenosum illud, quod deſcripſimus, æquor reſtagnat: ſimul ſeſe receperit, id genus retinimenta, glareis hærentia, relinquit. Ea poſtmodum ſol nactus meridianus, potenti radio, durabilique ſiccitate, torret, & in incendia præparat.

Hanc nihilominus, tam incultam locorum faciem; obſervaviſimus, etiam Avium nonnullarum patriam eſſe, certève coloniam. Namque paſſim ſuper ſarmenta tignaque diſperſa, paſſerum exercitus, naturali volupſtate, confederant: & ſiquando pedum noſtrorum ſtrepitu, vocumque ſibilis, inquietarentur; aërem omnem agminibus implebant, nunc citimam, nunc ultetioſiorem torrentis ripam, oberrantes. Siquid igitur etiam hoc ad Argonautica noſtra pertinet: *hic Amnis*, noſter *Phaſis* erat; non *Colchicus*, ſed *Americanus*: hi *Paſſeres*, noſtri [ ſi ſuperis placet ] erant, aut eſſe debebant, *Phaſiani*. Sed iſtos quidem Paſſeres oculo votisque ſequi, facilius erat; quàm manibus. & aucupio conſequi: cum tamen, inter hæc, edendi cupiditas ſtomachos omnium diriffime lancinaret. Cujus autem alimentum ſpes eſſe poterat, in loco tam inculto? vel, *quis, cum volantibus, curſu per auras certaret?* Proximum igitur fuit: cum cibi deſiderium nequires, ſaltem atque cupidinem mitigare. Simul omnes itaque torrentem, obliquo ſtrepentem alveo, meridiem inter & orientem, petimus. Ibi pileis nonnulli, quidam inhiantibus labris, profluentem excipimus. Ità, ſui quiſque ventris jejunium, ebrietate frigida conſolamur. Venit poſt hæc in mentem otioſis, rigentes artus & corpora, multorum jam dierum nocturnumque gela conſtricta, calore laxare: ne, receptum inteſtiniſ frigus, & nullo reſolutam fomento, vitalia tabefaceret. Huic proximum erat, eandem



eadem opportunitate vestimenta quoque, continuis imbribus & hyeme fluitantia, perficcare. Rapitur ergo, mora nulla, flamma de fomite: samentisque temere super ripam obviis, injectur. Iamque calor & ignium aliquantum erat: tamen, ut id ipsum perennaret; lignatum plerique longius progredimur. In eo labore dum totissimas; dum falces & materiem, in spem universæ noctis, corradimus: miro Numinis ductu, trabes, vetustate corruptas, & ramorum congeriem quandam, eluvionis abcessu destitutam, invadimus. Ibi, quoniam lignationis longæ compendium videbatur oblatum; in una simul strue, cumulum omnem ramalium, & virgultorum, subjecta manu stipitibusque demolimur. Rem credat, fide majorem, & exemplo carituram, afferre, tamen afferam; quia sic vere gestam, & nobis omnibus experimento gratissimo compertam. Sub proturbatis quippe truncis ac stirpibus, primum flammæ fomenta reperimus, quæ sola conquirebamus. deinde nutrimenta victumque deprehendimus; quem nemo nostrum, ne voto quidem, præconceperrat. Sub purgamentis enim illis sylvarum, Ovorum infanda copia latebat, ac præter hæc pallo- rum non una centuria; sed ut plurimum adhuc pluma carentium.

VII. Quod igitur in successibus, expectatione superbioribus, vulgò solet, ut nec animus sese, neque vox capiat: statim clamor, & impatiens moræ lætitia, tum complosio manuum, & lætiorum omnium accitus, atque concursatio, celebratur. Totis campis hi clamores vigent, & crebrescant, *hæ!* *volucres, & ova! gaudium & felicitas!* Quod porro juveniliter exultantium mos tenet, in medio gestientis lætitiæ, non tam frui capto, quàm circa supervacuam fruendi curam occupari: plurima pars nostrorum, cœpit anxie nomen avicularum, numerum ovorum, partitionis æqua jura, requirere. quidam eti-

am

iam; *Quanam silva tot ilignis verubus, ad assandam ferinam, esset suffictura?* pueriliter sciscitari. Prorsus, in o be gaudium non reperires; quod tunc ad *Hilaria* nostra componeres. Non tam exultanter, dia circumfessæ munitionis aut urbis opulentiam, legiones invadunt, post expugnationem; non liquidiore voluptate, qui thesauris insidiantur & montium divitiis, auti venas, & naturæ sinum aperiant; quantò nos gaudio, post longam famem, inopinas illasepulas involavimus. Quid multis? Dividere prædam in capita placuit. Sic, æqualitate servatâ, denæ repertæ sunt in singulos aviculæ. cæterùm ovorum numerus, sicut iniri propter copiam nequirit; sic partitio non ad Themidis rigorem, sed ad cujusque vota lubentiâque, processit. Nam, *quantum concupiscere quisque potuit; tantum & habuit.* Nec est dilatum convivium. illicò, comessaturis similes, in contubernia colligimur. Et, quoniam in medio focus erat; recens contractis sarmentis luculentus; eum nos confessa circumvenimus. Clamosi pariter & negotiosi: pars pullos pugiunculis transixos, aut cultris, ad flammam circumagere; pars furcillis, aut virgultis bicornibus, ova sublevare; lentæque fixura torrere. quidam, acubus perforato putamine, sustentare; secundum ignis viciniam. Nonnulli (sicut *diuturnitatis impatiens est omnis fames*) volucres, nulla verum cura, digitis extremis corripere; rogòque, quâ vivaciùs exæstuabat, obvertere: nec adustionis nidorem habere pensi. Reperti quoque; qui, sive per oblivionem, sive properandi studiò, strangulationem prætermitterent: misellòsque pullos, spirantes adhuc & pipientes, incendiò truculento cruciarent. Eos porrò sic semineces, vel in palpitantia frustra divellebant: vel totos simul & indiscerptos, uno bolo conficiebant; pane Scythica quadam aut Brasila vorandi barbarie: nisi, quòd  
eos

eos inclementior longè *fames*, crudelitatis absol-  
veret: *cujus impatientia moras omnes exsecratur*.  
Vtut est tamen: fœdum hoc erat, & spectaculi  
pariū Europæi negotium: cū tepidus de mento,  
deque dentibus & gingivâ, cruor deflueret. Ità  
(ne multis excurram) ad summam omnes intenti;  
discursare, fatigari, coquere, frigere; maximapars  
ovorū percussione strepere; cæteri concerpere,  
manderèque, nullo tumultuantis lætitiæ tempe-  
ramento. denique planè *se rerum dominos*, &  
*nunc tandem in Fortuna sinu sitos*, arbitrari. Sic, in  
unum coniectus compendium, dies ille; prandio  
pariter atque cœna, saturos absolvit.

VIII. PLACATO ventre; posteaquam & fluvio  
rursus, iteratione frigidæ, sumus refecti; cibique  
præteriti reliquias diluimus: amicula quitque sua,  
secundū flammæ deficcata, resumimus. Dein-  
de, persolutis Numini gratiis; *quod neque dignis*  
*nobis, nec opinantibus, epulum apparasset*: iter pri-  
die cœptum, instauratis animis, repetimus. Vt  
antem pridianæ moræ damna celeritate pedum cor-  
rigeremus; tametsi profundum jam noctis ibat,  
viam alacritate tanta premimus; ut tenebrarum om-  
ne, magnūque prætera subsecuti diei spatium,  
ambulatione perpetua connecteremus. Duodecim  
ipsas horas, nulla requiete, nullius stationis inter-  
junctione, labori suffecimus. adeo nampe *proxima*  
*saturitas ad firmitudinem contulit*.

Excepit (regione sabulosa tandem decursa)  
pedes, jam sensim fractos & flaccidos, pro-  
montorii maritimi procurfus novus. Hic, saxis &  
sylvis asperimus; viarum trāmitem, adhuc ut-  
cunque tolerabilem & explicarum, intercudit, ac  
propemodum impervium effecit; impenetrabi-  
li locorū vastitate. Salebris & confragoso squa-  
lore, saltus omnis horrebat; anteriora potissi-  
mū, quæque dextrum ad latus recesserant. neo  
quidquam iniquius illa rupium sylvarūque, nunc  
in

in montes tumensium, nunc in voragine recidentium, inæqualitate. Cæterum ad lævam surgebat montium continuum jugum; arduum in summo, superatque pertinax: non tamen ultra vires & spem; quippe clivis interdum supinoque situ mite. Vertices autem, quamvis multum in nubes porrecti, non tamen ad usque desperationem eminebant; si cui modò pes & mens ad constantiam superesset. Ascensus porrò, solum erat unicumque deterioris viæ remedium. Ventum ad hunc locum erat; quo tempore, jam in altissimis stante sole, spatiis paribus vespër & ortus distabant. Nobis, quanquam properandi mille causas habentibus; tamen ibidem aliquanti per interjungere, visum est. Terrebat, fatigatione languidos, montis aspectus, in immensum se surrigentis: neque dubium, quin, si mox profectio premeretur; etiam robustissimum quemque, vires deficerent. Quare, provido decretò, secundum ipsas jugi radices, confidemus. Et alius quidem, racturno decubitu, membra marcentia dispandebat; *sermonis* (opinor) ut in magna fatigatione solet, *fastidio*. Fabulis alius, & alternis alloquiis futura vel fingebat, vel contemnebat; donec denique, quieti finem, & novo labori principium dandum, robustiorum nescio quis, proclamavit. Igitur, nemine communem miseriam auso delectare; sine mora cuncti consurgimus: ac, resumptis pedibus animisque, contra montium ardua reptamus. nec enim itineris præsentis alia conditio, vel modus, afferebatur. Plerique, defixis retrorsum gladiis, ventisve, terga fulcientes; connitebamus, summa relapsus cautione. Sic ægrè tandem, & inter anhelius vix revocabiles; post horam ferè quartam, quàm laborem coëptaveramus, in Alpem evadimus. Sed sociorum quidem plerique, defectis viribus; non expectato cacumine, quo cuique loco visum est, in subiectis vertici colliculis frutetisque confedere. Pigrorum hic numerus fuit; & intere-

os etiam PEDIOSA meus: non alias (post nuperam defectionem) torpidior confusiorque. Sed nunc veritus erat, imbecillitatem mihi suam deplorare: credo, ne denuò satyram audire; meumque, si-bi molitiem exprobrantis, os excipere compelleretur. Ergò, nullo neque dato, neque reddito verbò; sine cuiusquam interpellatione, sub arbuta proxima defugit. At ego, non contentus latibulis obviis; spe commodioris occasionis, diverticulum aliud investigo. Iam enim, præcepis in noctem vesper; & cælum omne, lunæque nitor, se nubibus, & opaco tenebrarum, induerant. super hæc, ventorum etiam, e mari proximo frementium, impotentia nos proturbabat: & impendens capiti sævus imber, securissima quæque consilia, præ facillimis, mihi dictabat: metuenti, ne (jam antè plus satis exanimatum) negligentia salutis, nova perniciæ subrueret. Sed, *humanitatis indole (quæ socialis est, & consortiorum amans) sine comite nolēbam esse felix*. Eum apposite mihi fors, & ipse rerum eventus, assignavit.

IX. ERAT in comitatu nostro, juvenis quidam, virtutis eximiae, disertusque comprimis & facundiae diffusæ: præter hæc, mihi, (cæteroquin amicitiarum æstimatori rigido) dilectus in paucis. Hic oriundus ab Hispania, sed natus Pænamæ, gente patritia, parentibus ac majoribus ordinis tenatorii; familia, tum Americanis in terris, tum & apud nostros, clara præminebat. Nomini parco; ne propinquitati sanguinique tantijjuvenis, crebriore factorum illius memoria, dolorem refricem: & utconque sepultam jam, inductamque recordationem, significantiùs hoc stylò, quam consultiùs, exulcerem. Moderatiore temperamento, neque tamen penitus conficto; propter arctissimum *sodalitii nexum, Companerosam* eum nuncupabo. Vocabulum hoc, & historię fugabit obscuritatem; & nominis gentilitii supplebit dignitatem. Is ergò talis,



me secutus erat, nulla sua luculenta spe, sed potius mei charitate; cujus usu capi cœperat. Digressus paterna domo, siccis genis; vectusque per omne Pacificum, & Archipelagi profundum, ultrò citròque; non cursu tamen, non recurso, non tot discriminum conflictu, depulsus à cæptis est; ob id unicum, à latere meo ne divelleretur. Ad extremum (quod stupeas) cum e navi me PEDIOSA, suis violentis obtestationibus, extraxisset: COMPANEROSA, solo mei studio, non ulla melioris fortunæ spe, consecutus est; in omnia fortis utriusque, prava secundæque firmus & obstinatus. In me (fatebor ingenue!) non reperiēbam; quibusnam meis promeritis aut orramentis illectus ille, plus uni mihi, quàm cæteris omnibus, tribueret? At tribuebat certe quidem; & plus soli, quàm universis. id, quod ego gratæ potius amici memoriæ; quàm ostentationis vanæ sterili gloriolæ, relictum ad posteros velim. Sociorum porrò nulli molestus aut asper: sed interim nulli quoque mancipatus, aut juratis affectibus illigatus, colebat omnes; adamabat unum. Hujus autem discriminis specimen, in ipso (quem toties pono) PEDIOSA nuper ediderat; manifestum & indissimulatum: cum homini languoris jam ultimi (sicut suprâ retuli) suppetias imploranti, COMPANEROSA nec manum porrexit, nec aures adeò vel animum inflexit; quanquam nominatim accersitus & inclamatus. Id non inhumanitate reor, sed prudentia quadam gestum; ne scilicet comitatu nostro moram & nodum innecteret. nam & me viderat instantem itineri; proximèque sublequentem.

Hic igitur tunc etiam à me sejungi, piaculum habuit: quem cernebat anxia sollicitudine discursare, munitiori secessui pervestigando. Restabat Alpium illarum editissimus vertex; multis adhuc passibus, & animæ lucta, superandus. In hanc  
(vix

(vix adhuc tenni luce superstite) perreptavimus : premebàtque mea praeuntis vestigia COMPANEROSA ; virili dissimulatione. Nec me poenituit suscepti laboris ; operæ repertò pretiò. Quanquam entm ( ut praealta tum bruma ) creberrimis imbuta nimbis humas ; ne summis quidem a jògis uliginem, & palastre cœnum excluderet : quanquam , præter hæc , uterque nostrum ( telæ spissioris penuria ) lineis dontaxat amiculis operiti , cunctas hyemis injurias exciperemus : tamen misericordis naturæ providentia , nobis in ipso montium apice genus quoddam arborum exoricum præparavit ; in tabernaculi formam. Erant hæc , stirpiti truncòque præquam alto ; ramorum densitate foliosa : nec adhuc frondiam virorem æstivum brumæ vis destrinxerat ; quippe stirpium aterni veris. Commoditatis porrò tutelæque caput erant ; termitum ac pendentium furculorum flagella , betularum in ritum , ad terram demissa ; totaque stirpis extremitate quaquaversum , velut per circulum , defluentia. Diceret ; artificio frondatorum , aut aliquo sylvæ Geniò , stirpcta tentoria : vel certè , civili Naturæ manu , frondium aula suspensa ; nobisque thalamum in somnos adoratum. Nec tamen , nisi duorum , capax erat intra ramos , spatium : ut hoc ipsum crederes , contubernio VICTORIAE , COMPANEROSAEQVE , nec aliorum , præparatum. ubi ( quò securiores ageremus ) velut sepes quædam prætensa virgultorum , arcebat extraneos : superiora verò , prædens foliis frondibusque connexa , cœli minas , ac tempestatum injurias , excludabant.

Sub ejusmodi nos arborum unam aliquam , quæ cæteris adversum imbres impenetrabilior apparebat , concedimus : silentiò tamen mirifico compositi , veluti præsentì rerum sorte contenti magis , quam hilares & læti. Tum , conceptis ad Deum Deiparæque , pro more nostro , precibus : mox & consentiæ rationibus strictim excussis ; soporem captamus. Et

ramus. Et somnus quidem capiti meo, tet malis fesso, statim illapsus est; successu profundo. Non hunc pluviarum assidua ruina; non nocturni frigoris acrimonia; non insomnia, vel dormientium imagines, dissecere. Porius placidè pinguis, ac molli-ter (ut sic dicam) obefatus; in posteram usque lucem, nisi fallor, duraturus fuit: si per contubernalem licuisset.

X. SED nempe COMPANEROSA noster, *quietu appenitor, quàm constantior*; jam tum ab initio decubitus, concussam gelù fatigationeque corpus, à latere cœpit in latus vertare. Non multò post (adhuc me semivigili) gemitibus concisilisque questibus ululare: suspiriisque subinde vocalibus, subinde malè constanti silentiò suspensis; suam juxta, vicinique noctem, infestare. donec ad extremum, importuna vociferatione, VICTORIAM, VICTORIAM! inclamando; meum quoque soporem destruxit. Ut *impatiens est omni inopinatò fractus somnus*; cùm præsertim ex alto proturbatus est; ego (fateor) expergesfactus, non solum amicitiam insuper, sed nec meipsum in arbitrio satis habui. Certè quidem, non sine stomachi notis, clare sordalem increpitans; Et quid hoc (inquam) tam sero noctis nugarum est, COMPANEROSA? Scilicet, hoc erat, quid utrique nostrum convenerat; ut, à turba sepositum, & quieti factum natumque penetrabile scrutaremur: ne tu nos quiescere, néve respirare sineres, tuis delirij? Jocari namque suspicabat hominem; tam opportuni diverticuli commoditate gestientem: cum præsertim in vocabulo VICTORIAE, perplexus inter serium ac lufum sermo delitesceret; & nominis geminatio, tam in latitiam posset, quàm in compellationem, trahi.

Verùm ille, nihil immutatis vocibus; iterum accerlere VICTORIAM, iterumque, perseveravit. Quam in operam? (inquam ego) Tum ille; *Supremam (ait) ad operam; & ad animam jam utique fugientem, abscessum.*

*sum. nam, ne nescias, PETRE; morior! ac, primoribus in labris, paulò post egressurus, spiritus sedet. Accede proinde, per, quidquid sanctum est; Et, siquando eunque sincera fide diligentem te dilexisti nunc, in tanto postrema necessitudinis articulo, palam hoc fac obsequio; quo pretiosius nec ab Amico possum, nec ab ullo mortaliū, apisci. Sta, sta, (quasi) saltem ad latus meum; ne prorsus solitarius expirem. Qui te conscio quoad licuit, vixi; te quoque teste, cum necessitas exegerit, moriar.*

Hæc tam horrida, quanquam ille, verbis in omnem gravitatem compositis, ingereret: adhuc tamen mihi per mimum & facetias fari videbatur; cunctanter credenti. Nec enim erat vero simile, tam propetè, nullòque novorum casuum insultu, defecisse juvenem: præterito die totò pestrenuum, & itineris generosum. Nisi forte (sed cui succurreret, omnia tunc suspicari?) soli, de toto sociorum numero, venenum in ovo pullòve priliano, per sortis malevolentiam, obtigisset? Quod tamen, cur tam tarda peste, vel quomodo, lævirèt? Rursus igitur (& mutux familiaritatis fiducia, rigidius) COMPANEROSAM aggressus; *Per fidem, inquam! si potes, quiesce! si non potes; at alienam saltem quietem ne verka! Silentio sopor; non fabulis, neque Saturnalium apinis, ducitur. Cui COMPANEROSA, sermone simplicissimam in mœstitiā deflexo; Vellem, vellem (inquit) mi VICTORIA, Saturnalia nunc potiùs, quam Februa, Lemuriæque, vel Funebria, luderem! Habermus nos crastini saltem usuram & fructum; ad mutuum animorum solatium, consuetique sermonis refrigerium. Quanto redimerem, etiam unius diecula voluptatem; quam in amici fidelis sinu deponerem? Nunc vero procul, procul illa veterat longe, firmum sales, animique per lusus diffusio. Quæ, cum dixisset ille: mox [velut ambages longiores perosus] Se loqui, discessit, in summam constricto sermone: quod solum tunc & unicò loquendum*

*dum esset quodque res ipsa cogeret. In foribus mortem esse, cumque morte, facinorum omnium recollectionem quotquot unquam ausus foret, in omni retrorsum vita. Subiecit: Ab his citari se, dicturumque causam: Ita si caderet, pœnas, incendiæque sempiterna, depensurum. Si quid igitur in me sensûs amici, siquid Christiani cordis ac viscerum esset, irem cursitaremque protinus: ac votorum suorum epilogum implerem. Sacerdotem, qui per omnia maria terræque nobis inhaesisset; etiam nunc ad animæ suæ lucram ultimam pertraherem, illius in aures se conscientiam suam effusurum. Et (per superos) siquid in me subsidii, siquid spei resideret; omiſſis aliis omnibus, propterarem! Nunc enim Anima negotium agi.*

XI. FECIT ferri doloris fidem COMPANEROS<sup>A</sup>; quod non solum ultimis moribundorum votis, verum etiam vocum imitamentis, uteretur. Igitur ego (nihil præterea cunctandum arbitratus) confurgo strato; digressusque loco, graves imbre frondes, ad aperiendum exitum, manu divello; sed non absque larga meiipsius tinctura. Perruptis arbutis: ad inferiora montis, panidò cautoque gressu, me demitto (nam & spissa nox erat; & nullum à sideribus, aut face, subsidium) Dextra deinde sinistraque, prorsum ac retrorsum, omnia virgulta, frutices omnes, excutio; latebras obvias, & petrarum prominentium recessus, digitis prætrectatos, exploro. cùmque per viarum labrica sæpius cespitare; capite frequenter totaque mole corporis, allidebar. Sacerdotem, *Myſtam*, Reverendum, suctis infuerisque vocibus, evoco: qui nusquam tamen erat. Etenim is in remotiora se, prudens & callidus pacatæ noctis, abstruserat. Errassem igitur ego, conatibus clamoribusque supervacaneis, ad ipsam usque (sicut reor) Aprioram: nisi sociorum nonnemo pervigil, sub arbutis in id usque temporis (incertum qua causâ?) perstisset. In hunc ipse



ipse me casus & error impegerunt; nihi tale suspicantem. Et hic, intellectô, quem & cui vellem; subtiliter repertô laribulo, me perduxit ad virum illum ipsum, quem indagabam. Confestim Sacerdos, quanquam placidum stertens: meas pro Sodali preces, & supremam decumbentis voluntatem, ut decuit, admisit. Ergo cebitu se proripere, moras omnes abrupere, comitem se mihi jungere: non viâ tantum, sed & doloris, pro dilectissimo multis COMPANEROSA: denique propere prorsus, & omnia promovere viribusque suis, cœpit expedire. Posteaquam autem & ad arborem, à me monstratam, penetravit: statim jacentem quem videre non poterat, tenebris prohibentibus: ex gemitu, deque familiari vocis sono, recognovit. Ibi, salute data receptaque, solari languentem, est orsus: &, quoniam eum credebat, supra morbi magnitudinem ac periculum consternatum: fategit animos addere juveni. mox, arteriæ temporumque contactu, salutis arbitria colligere: dejectæ menti, spem incolunitatis certam addere: demum cuncta facere, diceréque: prologiô rei seriæ dexterrimo, comitatéque penitus ad illud tempus accommodata. Progressu deinde sermonum ac solatii, stimulare morbidum instituit (tamen si spontè talium cupientem) currentique calcar addere: talibus ferè monitis: *NE tamen inter hæc sibi metipsum, neve salutis suæ rationibus deesset: utcumque tandem agitudinis fata caderent. Non utique fore quidem hunc morbum internecinum: sed tantisper tamen, neque Mentis & animæ curam, obfuturam: immo, plurimum potius ad utrumque proficere. Valetudines, etiam prostratas, allevari frequenter & resurgere: conscientis expiatis. quanto certius igitur, hac præviâ mentis lustratione, mediocri sanitatis tentamentum dispulsum in:* Talia memorabat; quæque cetera, trahendis egrorum animis, valida sunt, ad immortalitatis curam: quæ sanè, Sacris præfecti, debent in illo tanto

to rerum articulo, non solum cogitatione; sed & usu linguaque trita circumferre.

SED nempe nullius omnino molis fuit, COM-  
PANEROSAM oratione proœmiove præparare;  
quippe spontè jam sua cupidum divinorum; & idip-  
sum, nec aliud, festinantem. Ei sermo quicun-  
que (quantumcunque pius) redundans tunc, & lon-  
gior iustò, videbatur. Igitur interfatus tandem  
Sacerdotis orationem; *Quæso, Domine! potius ad rem*  
(inquit) *& nucleum rei pergamus; omissis cortici-*  
*bus præfationum. Dum per mortis adhuc moram licet;*  
*mortui præparemur, & Deo: tua quidem pietas,*  
*noxis meis auscultandis. ego vero, fideliter enarrandis.*  
*Fiat* (inquit mysta.)

Secundum hæc COMPANEROSA negotium or-  
ditur, omnium ponderosissimum; totius (ut mihi qui-  
dem ex mora temporis videbatur) præterita juven-  
tutis & ætatis accusationem. In eo iudicio dum  
uterque toti sunt: Ego, qui tantisper satisfactum  
amico crederem, ad Aras usque deducto; præsentiam  
meam illis sarrapio. neque corpus duntaxat, sed et-  
iam aurium minimum quemque sentum ratus subtra-  
hendum: propemodum irascebar COMPANEROSÆ;  
nonnihilò clarius, & pæne cum clamore, suam  
causam tractanti. Ne reus igitur, etiam unici  
percepti criminis, apud me perageret: longius se-  
cedo: repertòque, quod commodissimum apparebat,  
quietis alio diverticulo, somnum intercisum cupide  
resumo, connectoque.

XII. SOPORIS, quantus sufficere poterat, re-  
libato fractu: sub noctis medium expergiscor: &  
ad COMPANEROSAM, valetudinis illius anxius,  
reviso. Ducebant me languentis ad locum (e-  
tiam sine facibus & sideribus) ipsæ jacentis lacry-  
mæ: claro cum singultu dentatæ: necnon, inti-  
mis e sensibus proruptæ, lamentantis voces; Socia-  
bat, prolixo sermonum tractu, cum DEO cælico-  
lisque colloquia. jamque gloriosissimam TRIADEM,  
&

& , cum MARIA IESUM , ingeminabat : alias *Misericordiam* , & *mala voluntatis veniam* exposcebat. interdum , late resonante manus ictu ; pectus & prae cordia , tanquam per vindictam , afflictabat , & , quid multis ? Totus erat in poenitudine delictorum ; tanta , quantam egomet fatis meis exoptarem ; quodocunque , decursis vitae spatiis , illa mihi superventura sunt. Accedo proinde : dimoveoque , sicut antehac , pluvia fluentes ramos : qui ( velut dixi ) virgis ad solum usque floccescentibus , dependebant. Nequid autem formidinis ille , vel errois , adventu meo , conciperet : voce mihi familiari facillimèque recognoscenda , prae loquor : PETRUM adesse VICTORIAM ! simul placidissimis me passibus intro fero ; proximusque secundum decumbentem consisto. Solus erat , & sibi plane , suisque caris relictus : digressus jam , ad suum cubile repetendum , Sacerdote. COMPANEROSA , simul me sensit : gaudiis , quantum spiritus semiextinctus caperet exultans , *Caelstes* ( exclamat ) *tibi gratiam* , mi PETRE , referant : quando mortales parem referre non poterunt. Nam solus tu fugientem jam animam , extrema , quoad potes , lacinia retentas , & inhibes. In hac dextram tuam dexteram meam , nexibus intimis insertans ; laeva medium me circumplectitur. Multum inter hac [ ne me quidem sicco ] collacrymatus , morbi sui sedem ac violentiam orditur describere . sed multo tamen effusius amoris in me sui magnitudinem ingressus exprimere . simplicibus obviisque verbis : in hunc fere modum disseruit , & ; Debet [ inquit ] hoc ipsum esse tibi pro tessera sinceritatis meae : quod per multa membra potius & intercisae sermonum , non phaleratis periodis , & in sese cum artificio resluentibus circulis , ad te verba facio. Diserta satis haec erunt : si satis ex affectu. Quod manum implico manui : quod amplexa corpus amicum instringo : quod , sicut animi dictat sensus , inornatam orationem texo , cum neglecta facundia : velim mi VICTORIA , candari magis meae quam morbo ,

tribuas. Quanquam, exire controversiam! potes tu morbo quoque tribuere: qui profecto verba non quaerit, sed ex raptu somit. Amor autem (quo magis etiam langueo, quàm valetudine) potius, quid dicat, quam, quemadmodum dicat, intentus est. Quod si vel maxime nunc eloquentia locus esset, & tempus (quod tamen jam totum Anima debetur) quid, obsecro, tali rerum mearum articulo, sermonibus expressius tibi depingerem, ad Amorem contestandum; quam, quod jam olim factis representavi? Sunt enim Facta, non Verba, Fidelis amicitiae viva signa. Conatus autem semper sum, familiaritatis nostrae certitudinem, quotidianis experimentis tibi sub oculos ponere. Testis animi constantiaque mea tuamet conscientia, mei sermonis huius approbatrix verissima. Testis, omnis maior exceptione fideique DEUS; secretissimorum quorumque sensuum discussor & arbiter incorruptus: quem utique nunc irritare mendacio formidarem, ad illius tribunal mortuus; ubi totius praeterita mortalitatis mea iudicium ac censura perageretur. Testes denique veritatis, quam proloquor, tot, quot viarum omnium comites: non PEDIOSAM non alium quemquam, pectoris meo tam firmis infixum fuisse radicibus; ac VICTORIAM meum. Caput hic Amor ex eo statim puncto; quo primum notitia tui gustum delibavi. Crevit deinde familiaritate quotidianâ; donec in sanctissimum Amicitiae fœdus, sacrosancto nexu glutineque, coaluit. Et huius magni compendium fructumque tui, nec unquam penitendum opera pretium. Possum enim dejerare tibi, PETRE, magnâ iurijurandi religione; Tot itinerum inter fastidia, tot inter adversa tristitiaque, nihil unquam, praesente te, molestum mihi: nihil asperum toleratu visum. Usque adeo nubem nebulamque mentis omnem, spiritus ille tuus dissipabat; quem intuebar adversum quævis pericula subrectum & arduum. Animi mei (si quando subreperet) mœsitudinem, dissilabat alloquiorum tuorum aura; turbatumque cordis statum, obtusis tuis sevens lux componebat. Hac mihi commoda conferebat

pra-

praesentia tua. qua verba mea, velim non in adulationem, hoc praesertim tempore; sed in testimonium veritatis, bonamque partem, accipias. At è diverso, tam dilecti mihi capitis absentiam, (etiam brevissimam) accipiebam dolenter: &, (siqua fides est, impatienter amantibus) propemodum ad procorum, sed honestam tamen, intemperantiam: cui quævis mora, longum tempus est, Ut totum semel expediam: Esse sine te: mihi quoddam exilium, & extrema Thule: vel siquid aliud est remotiorum Insularum in orbe vestro, videbatur. Et sanè nunc etiam, dum loquor, dum horam mihi summa devolvitur: non tam amara mihi mors est eo nomine, quod à corpore spiritum divellit. quid enim priuam, & solus lugeam illud, quod universis lex indixit? Efflictim autem, eo potius titulo, torqueor; quod hac ipsa suprema necessitas à sodali sodalem avocat: & violenter abscindit. Non est igitur, cur te cruciet magnitudo langueris mei: qui, quantumvis vehemens atque gravis, tui tamen desiderio remissior est, & multum infra cupidinem tuum. Quod si tamen hac ipsa morbi vis & acerbitas cresceret, altero tanto, quin & decuplo: si [quod vulgo jaçant] etiam in Perilli Phalaridisque tauro gemerem: sine dubitatione tibi persuaferis, id ipsum mihi toleratu prouum, quin & latuissimum fore: si morbis meis incolumitatem tuam: si morte vitam salutemque, redimere contingeret. Unius etiam diecula lucem tibi prorogare, vel interitus meo, gestirem: tamen si Nestoris, aut Mathusala cujuscumque anno, haberem in arbitrio meo. Sed scilicet: aliter visum est Superis, aliter horis meis: ad vitæ præcipitium festinantibus. Harum inuidia, non tantum iuuentus & ætatis, omnis flos: sed etiam paulatim sermo, succiditur: immò [quod utroque mihi dulcius erat] tui fructus. Et jam dudum ad arboris hujus, qua tegimur, radicem, mors adstat, cum ascia, truncatura vitæ meæ, parum frugi, sicut neam. Jam manum violentiam, jam pendentem & libratum ætatem, intentat, non alio magis nomine crudelis & inhumana: quam, quod, hoc ipsa tempo-



re, sub unam eandemque plagam, duo funera simul destinat; & ferrum in Tuam non minus, quam meam cervicem, torquet. Te namque, comitum omnium (absis verbis invidia, jactantiaque!) fidelissimè spoliatum it; dum me perimit. Te, te, pæne deinceps ad solitudinem redactum; inter anticipata casuum destituit; incertam, ac pendentem animi; patrione sepulcro potius, an peregrino, sis inferendus? Tametsi, quantula tumuli vel felicitas esse potest, & gloria? vel damnum & infamia? Vita, vite tue (PETRE) magis in futurum, quam occubitûs, miseret. Hanc inter alienos, ignotos, barbaros, deges: & (quod vel unicum satis esse potest ad miseriam) extra matrem, & Hispalim; extra florentem numerum omnibus domûs tua fortunam: quibus in locu, neque VICTORIA suis virtutibus deesset: neque, viriuti suum pretium & aestimatio: quippe conspicuo cumprimis Europaorum hominum in theatro. Sed hîc, in America (nescio quibus) latebris, in quibus, vix ultra tres litterulas, omnis eruditio se tollit, quis te celebrabit? In hac morum & gentium incivilitate (quæ recti bonique studia, raro supra vulgus aestimat) quid adolescenti, politico patrii institutus? quid pietatis cultori, dignitatu pollicear? Quod igitur sapius jam dixi, dicamque porro, quousque spiritus proferetur: De meipso, quod laborem, nihil est: ut pote, cujus jam pridem peracta meta sit. At in te, PETRE, tuæque pericula, ceu capitis mihi multo pretiosioris: meus dolor omnis, mea cura, sollicitudoque, consumitur. Hinc etiam sit, ut, hac ipsa stimulante tui cura, te magnopere rogem: Ne (quod in amicissimorum funeribus assolet) interitum meum tam præseferas: ut vitam quietemve tuammet disturbes. Divellimur quidem & manifestum hoc est: ac divellimur spatio, quo distantiis reperiri nullum potest: Mortis ac vite, spirantium & Extinctorum, Lucis atque tenebrarum. Sed istud corporum duntaxat est, oculorumque divortium: quorum utrumque, fluxis in rebus, & ipsum fluxum est. Animorum autem & sanctorum offlammum, æternus erit inter nos, & indirepressus nexus. nam & ego tui memoriam,

quan.

quantam indulgebit futura mihi vita, sollemner tuebor,  
 & Tu sepulti COMPANEROSAE mentionem, ad om-  
 nes aras, crebra deprecatione, renovabis, Illic spiritum,  
 subterranea supplicia promeritum, misericordiae lacryma  
 refrigerabis, hoc ego te, per quidquid divinum ac sacro-  
 sanctum est; efflictim, & obnixè rogo; memento quaso,  
 memento mei saepe, VICTORIA! mecumque ceterorum  
 omnium, quibus adhuc apud manes debitum & nomen re-  
 stat expungendum.

ILLUD insuper (quoniam agrius sensim agriusque  
 verba submolior) extremum abs te peto, mi PETRE;  
 quod, obsecro, ne detrectaveris. PANAMAM reversus  
 (reverteris autem sine controversia, non ita multo post hac)  
 propinquos necessariosque meos, excessum meum edocere,  
 ne cuncteris. Et quoniam quorundam in Panamen-  
 sare nominibusque sum; nomina, creditoribus conventis,  
 dissolvas. Poteris autem è patrimonio meo; quod pe-  
 nes curatores & consanguineos meos desidet, consulari (si-  
 cut scis) senatoriaque dignatione conspicuos, & cetero-  
 quin ab opibus luculenter instructos. Ad horum nihil,  
 difficiles eos aut pugnaces reperies; quippe, juris omnis  
 non modo consultos, sed etiam tenaces & accuratos. Quæ  
 cum rogaret COMPANEROSA; simul, mirificam  
 memoriæ fide, singulorum, quibus obstrictus esset,  
 nomina cognominaque recitabat. Crederes; ex  
 accepti tabulis eum lectitare. Cujus industriae proinde  
 tam religiosæ, nec ego quidem deesse volui: sed con-  
 tinuo palimpsestis meis chartis, per stylum, intuli:  
 ne cujus mihi creditoris nomen & jus intercideret.  
 At ille pergere sustinuit: & lacrymis interfluentibus:  
 In eadem (inquit) urbe Matrem quoque reliqui,  
 patre jam vivis exempto; miseram, quantum quidem  
 ad hoc pertinet, & supersitem satis itinerique meo.  
 Quam equidem, molliora de me promeritam, durus  
 filius reliqui, peregrinitatis aliquo, sed tui majore,  
 studio plecttus [ & hæc cum diceret, ex similis admis-  
 si recognitione, mentem etiam meam, quamvis non id  
 querens, transiebat, teneriore quodam desertæ  
 paren,

parentis sensu suspirantem) Huic (pergit ille) verbis meis supremum vale dices. quod equidem calamum maluissimam, quam ore transmittere: sitam manus adhuc ad officium epistola; quam vox ad mandata, sufficeret. Futurum fuit hoc scriptum, genitrici pars magna solatii; quantumcunque post se relinquere possunt extincti. Fuisset aliquamdiu dulcium materia lacrymarum, manus filii; matris, etiam in morte, memor & reverens. Nunc illa tamen flebit nihilossecius (sed amarioris luctu) domus sua duplicem ruinam: ut, qua sub unum fere tempus & viduitate jaceat, & orbi-tate, prostrata. Tu tamen illius afflictum caput allevabis, PETRE, fulcresque: si matri, pro COMPANEROSA, quem amisit, te ipsum, filium longe navio-rem (neque dubium, quin etiam probatorem) substitueris; adoptione mea (siquid ea tamen in jure civili valet in omnia Filiis familias solemnia transductus. Te mihi subrogatum volo; declaroque. Denique tantum (ait) quod suprema tibi lingua mandarem; nec plus, habui. Nunc, quoniam ad lineam ultimam meus halitus decurrit: & augustissima voluntas, cui parendum est utique, me suum in forum evocat; vel omnino deinceps, mi VICTORIA, fileamus; solis cogitationibus DEO loquaces; vel, si quis sermo placuerit, de Numine, divinis-imaque TRIADE, de IESU, Deiparaque, Superisque, commercium sit universum, ac solum. Sed tum precipue, cum artius meante jam spiritu, suprema lucta, vitam inter & interitum, ingruerit (Ingrui autem proorsus, inquit, deficitque lingua ministerium!) Tunc voces atque nomina; tunc apophihegmata pia sententiâsque, religiosis clamoribus ingere; quas expiranti Christiano, sius, esse necessarias. Ita, securior pariter & animosior, excedam.

XIII. HAEC fatus est æger; eloquentia, supra morem ac fidem, prolixa: sic, ut complures adhuc in horas, aut etiam dies, duraturum spiritum suspicarer. Jamque mecum tacitus ita constitueram; in languente COMPANEROSA plus imaginationis esse, quam discriminis; utpote tam  
præter

præter promissa sua, facundo; cùm, repentiè juvenem linquere vitalis calor cœpit. Tunc percommodum, perfractis aliquantisper tenebris, atque frondibus; lunæ nitor redierat: ad cujus splendorem licuit universum morientis habitum contemplari: qui tam funebris jam erat; ut planè tandem mihi, discedentis è vita, fidem faceret. Tremere manus; palpitare præcordia; pallore sudorèque gelidò totam subluui corpus, oculorum acies hebetari; labia, subeunte cæruleo lurore, suam purpuram dimittere: dentes ad horrorem rigere nudarique; contentius laboriosiusque meatus animæ trahi. Lacrymis ergo teneritudine nativa sublabentibus; fugientem sodalis spiritum, quibus poteram, verbis aggredior, atque prolequor, *Meminisset in primis, ejus manupotentiaque productus; ejus sanguine recuperatus, ejus lavacro regeneratus, in spem ac jus Filiorum Dei venisset! Ad illam eternitatis beatæ possessionem, hanc unicam esse viam, hanc portam & vestibulum; In CHRISTO IESU vitam, in eodem obire mortem. Si fortè, diffidentia pusillanimi, suæ vite rationibus diffideret, allevaret animum, & suos mores præteritos innecteret inculpatis CHRISTI moribus: pauceosque suos annos, triginta tribusque nostri Servatoris annis, innocentissimè transactis, illigaret. Quod si præterea factorum & interitus horrenda fugeret, pro comperio teneret; Excessum è vivis; terrarum omnium formidabilissimum esse, viderique, sed profanis duntaxat & impiis. Piorum autem, & qui toti Deo niterentur, abitu, funere CHRISTI regis, & illius CRUCE doloribus, consecratos ac demitigatos esse. Si vero, super hæc omnia, scelerum illum multitudo circumstaret, si præcipiti adolescentiæ lubricum & errores mentem concuterent, adesse promptissimum adversus pavores omnes robur, CHRISTUM eundem, flagitiorum victimam, & scilicet FILIUM DEI, propter nos afflictum & excruciatum. Esse præsto, conscientiae delictis æstuantis, refrigerium, è*  
*QUINÆ*

QUINQUE vulneribus; cetera totidem Fontibus perenne salientibus. An vero frustra, nostros ob oculos, pendere DEI Misericordiam: dispersu brachiis, ad reos omnes amplexandos, qui modo complexum ambiant? Hanc enim vero promptam semper & alacrem respicientibus; interdum in ipsa morte vivaciorem elucere visam. Et vero magnis & efficacibus exemplis. nam, cur aliquin sub CRUCIS trabe meretrix MAGDALENA, suspensi pedes stringeret; & fluentem cruorem lamberet? cur hostes, qui Gloria Regem in crucem sustulerant, eum ipsum culpa deprecatores sensissint; quænam habere debuerant accusatorem & vindicem? cur, nocens tot homicidiorum, Latro, sub Paradisi promissis ac pacis, absolveretur? cur, Inferis debitum ac devotum caput, repente pro pœnis sempiternis, æterna Cæli præmia reportaret? Non posse, neque delictis nostris spem; neque spei delinquentium, CHRISTI clementiam, claudi. nam eorum alterum esse sine legibus, & limitibus: alterum omnino sine fundo. certeque, vel unica Misericordia guttula, sincereque dolentis lacryma; cupidinum omnium & Tartarorum incendia potenter extinctum iri. Respiceret etiam (siquid orthodoxa pietatis imbibisset) respiceret MARIAM, Dei parentem: semper illam quidem respicientium patronam, sed tamen supremam potissimum horam, præsentem & facundissimam advocatam. Misericordes illius oculos vix efficacius ad nos ulla re trahi, quam indimota spe virginæ subsidii: quotiescunque mortalium expectatio, ceteris omnibus opibus se destitutam reperisset; & sub optima Matris pallium convassasset.

Dicentem hæc, interpallare sustinuit COMPANEROSA; morituris jam & hiulcis vocibus. nam; In CHRISTO semper (inquit) Virgineque Matre, fiducia mea summam defixi, vivens, defixam & ratam habeo, moriens. Eâ sine, nemo religiosè spiravit unquam, nemo feliciter exspiravit. Hoc ego sicuti verbo profiteor, ita pectore semper conceptissimum retineo. Sed tu, Victoria, tamen interim [adjicit] mihi testis assiste, qui



qui religionem meam, & hominis Catholici notas, ad posteros omnes, clara significatione cupio vulgatas. Vides, in plura verba non vixere vocem meam. Ergo tu mihi Symbolum Apostolicum lentè vocaliterque præst. Sequar equidem, quoad potero. Libenter ultimo COMPANEROSÆ voto morem gessi. nève pietati tam seriæ deesset; Duodecim Articulos (mysteriorum nostrorum compendium) semel clara recitatione, mox iterum, & clariore, sum præfatus. Ille verò, præloquentis verbis ad syllabam inhærens, duravit hætenus: quoad secundæ symboli recitationi meta fuit. Tum enim & illi respondendi finis institit; concidente lingua. Quod ego, simulac sensi propiùs applicitus, majore vi, vocisque sono, IESU nomen, ac MARIAE, morientis auribus ingero. Deprehendebam interim totius hallitus internecinum silentium. sed, ut eum de manifestiore vitæ fuga convincerem, oppono labiis manum: & animæ nullis deprehensis reliquiis, statim Mortuum proclamo; quia mortuum (nec aliter) sentiebam.

In hunc igitur modum, diem supremum explevit, amicorum intimus, COMPANEROSA, natus ac factus in omnia corporis animique decora: quamquam nondum ad plenum æcto septimo decimo vitæ suæ natali.

XIV. VISUM est; oculos extincti, priusquam penitus obrigescerent, ex amicitiae recepta lege, supremum claudere. Dum in eo pietatis officio totus sum, enimvero tunc primum me (prius animosum firmumque) cœpit sævus quidam horror circumspicere, nec mirum, quippe funerum funebriumque nullo nec usu magnopere, nec adeo conspectu, præparatum. Spissabant eam formidinem (humanæ trepidationis ingenio) præter inane cada-veris terribilamentum, simul multa cætera: verum-

*ad timorem grandia.* Talia fuêre: Lunæ splendor, Paulo priùs redditus, & mox iterum fugitivus; tenebrarum insolens densitas; noctis residuæ deforme silentium. præter hæc verò, recrudescens stillicidiô nimbus; & ventorum sonantium procella, sylvis implexa: tum ramorum inter se pugna collisio: foliorumque seditiosus fremitus; & frondium ramenta, non sine strepitu, divolitantia. Super hæc autem, omnibus gravior malis, *Solitudo*; *formidinum omnium genitrix.* In hac enim: ne fortè COMPANEROSAE spiritus, suo tribunali digressus, me spectrô circumageret: metus ineptus opprimebat.

Quod in terroribus igitur (*æquè vanis verisque*) solet esse proximum: id mihi tum uso venit: nam sudore frigido, per omnes prorupto venarum meatus; *artubus omnibus, totoque corpore, succutiebar.* Immò: Quid priùs tunc, quid posterius adgrederer, aut quorsum omnino meversarem: penitùs exactam cum animo non reperibam. Nam, & deferere Sodalem extinctum, genus videbatur impietatis: & eidem assidère, vel adversùm inrui, mortis nova quæpiam species. Quamquam igitur, supervacaneò mentis scrupulo, non raro mihi veniret in mentem, dubitare; num omnino jam animam egisset Sodalis? an quædam adhuc spiritûs particula scintillaret? *credere tamen multò malebam, quàm, explorante contactu, scire.* Quod unicuique ergo supererat, quòdque tam amicitie, quàm timoris legibus, satisfaceret; indulgebam effusè fletibus: & Amicissimi juvenis rapti desideria, cum mentis incredibili dolore, retractabam. Sed iterum in animam, iterumque redibat dubitatio; Prosumne vitam complèssset ille, cujus animam, tanquam meammet, amabam? Hòc perplexæ cogitationis æstu raptus; post horæ propemodum intervallum, adjacentem revertor. Mox, *vincente metum*

*amoris magnitudine*; manum meam nudam nudo cadaveris pectori (neque negliger) apprimo. Dictu, credituque mirum! Sive prodigium istud fuit, tam cunctanter recedentis vitæ; sive (quod propius verum est) mixtâ formidine, nonnulla tactus delusio: sensi planè caloris tenuissimi, quasi favillam aliquam; sub emortua cute gliscentem ac palpitantem. *An potius, (quod sapius usu venire cernimus) digitorum tangentium nervi subsultant? & affluantibus ipsa trepitatione venis; motus proprii corporis, visus est motus esse cadaveris?*

Sed, quidquid illud fuit: id non multò pòst in reporem, mox etiam in frigus ac rigorem migravit; qualis fûneratis genuinus & perpetuus esse solet. Itaque tunc primum bonâ fide credere somnatus; COMPANEROSAM plane vixissè. Quid facerem? non poteram è fati hominem, nec artibus ullis, neque votis, revocare. Proximum erat igitur; ut perditum, ducerem perditum: & extinctum, inter depositos relinquerem. Ac sanè crescebat, ex ipsa mentis inductione, mens & audacia; tractandi jam, & ultrò citròque versandi funeris, tanquam per indemnem assuetudinem, usu collectam. Ergò mœsticiam atque curas in quietem; & fatiscentes oculos ab excubiis in soporem, inflecto. Sed capiti, multis imaginibus lassato, pulvinus in somnum deerat: nec præstò tamen erat congruus lapis, aut cespes; quem cervici subjicerem. *Necessitatis igitur usus ingenio, quæ nec absurda quidem repudiât; COMPANEROSAE jacens corpus (memorata quidem lugubre, sed tamen verum!) transversim, cervicali more, dispono; dispositoque, militanter, occipite tenas, superincumbo.*

XV. VERUM, talibus fultum plumis torum, non quies ulla; non ipsa naturæ fatigatio dignabatur. Nox quoque (quantula fuit reliqua) tanquam exsecrata sub scapulis Christiani tam barbaries

*ritus stratum*; diurnas inquietudines. & pervigiles æstus,ingerebat. Eratque tanta curarum importunita; ut pro somno vigiliam, apertis ac pertinaciter diductis oculis, frequentarem; haud aliter, ac Thesalio quopiam veneficio contactus. Duas plus minus horas ea tenuit insomnia: cujus tandem indignatus pervicaciæ, locum illum & arborem, quam occuparam, relinquo; tanquam magicis carminibus prædevotum. Hospitium autem novum indago: repertoque, quod mihi commodissimum erat visum, ad repetendam quietem me compono. Verùm; etiam illic inimica me fors invenit, & inviduum somni solum. Ferreos, ac vigilare pertinaces oculos, ad usque principium lucis, tenebam; contumacissimò rigore suspensos surrectosque. Dictum mihi: ne concludi quidem dignabantur quod tamen, etiam simulantibus somnum, facillimum esse solet. Id quo lrum (& antehac sæpius) venit in mentem, admirari; quibus de causis homini quies, etiam in summa dormiendi necessitudine, non succederet? An, quod per curas, & formidinum æstus: humor, quem soporando cerebro physici necessarium perhibent, absumptus & exsuctus est? An potius legitima requietis tempus, natura suis horis ac terminis circumscribit? quod ipsa nec anticipari patitur, intempestivo, vel affectato, torpore: neque, si sponte venerit, superbo neglectu præteriri. quod tempus tunc, quoniam jam dudum avolarat; simul etiam cupidinem quiescendi, somnumque totum, una secum avexit. Quidquid erat illud; ad pervigilium, tanquam devotionibus, damnatus eram. Accedebant autem ad hanc impotentiam (præterito metu non minùs importuni) motas cogitationum; & , super extincto sodali, cum inquietudine recarantes affectus: qui mentem identidem vellicabant, mœror, miseration, tenebræ desilertia, suspiria gemitusque, de præcordiis intimis prorumpentes. his, spiritum

COMPANEROSÆ, quā hūcūque tunc. & ubiubi regionum esset, inter cœlestes an subterraneos? cupiebam ad nos remeare. Simul, quod stultissimum quidem erat: sed, imaginibus agitatae menti, penitus insculptum) tricabar adhuc. & cum credulitate mea priore litigabam; Verene jam, ac totus COMPANEROSA, de vivis abiisset? Cūm revera, de juvenis interitu, dudum omnis ratura conclamasset. Inter hæc itaque, similiaque deliria, consultantimecum; An surgerem, & experimenta funeris certiora caperem? an verò penderem, sopori sumendo? nox, horæ, somnus, & cuncta quietis irritamenta, de manibus in solidum effluxere. Sic desperantem; ipsum tandem disuolūm, (quantum esse, continenter plūente cœlo, poruit) excitavit ad labores, diurnasque sollicitudines. Curarum prima potissimæ fuit, extincto supremum officium, & funeris religionem, impendere. Sed hoc equidem per compendium, ac pæne per Saturam (quod ajunt) præstare cogor: æquæ manibus auxiliantium destitutus, & exloquiarum instrumentis. Extraho corpus arbutō, jam sanè plusquam exanimatum. &, quoniam meligo, sarculumve, quæque cætera fossionis sunt adminicula, defecerant; ad gladium, quo latus accingere solebam, verto manum: sed malè memorem, & irritam. Nam ferrum, inter turbam & vestimenta, reliqueram; proximo cuivis commendatum. Tellurem igitur (quā tractabiliorem illam deprehenderam, ac sequaciorē) digitis emolior: unguisumque laboriosis conatibus, argillosam glebam in tumulem aperio; legitimumque corpori conditorium. Hic infero cadaver: illatumque, repositis, quos effoderam, cespitibus, tollere induco. *Deficientibus etiam undis lustricis, & aspergillo, funeribus solemnibus; subito calidum lachrymarum imbrem, ex oculis meis.* Sic universum socialis humanatio-



nis obsequium claudo: flexis, ad extremum, super monumentum poplitibus: unà cum precatione. Talibus autem raptam animam vocis & affabar & prosequabar: gemitu potius ac mente, quàm sonoris vocibus, prolocutus: & : *Prosciscere* (dicebam) *anima Christiana, de mundo! De corpore digredienti, splendidus Angelorum cætus occurrat! Ignosce omne, quod horret in tenebris: quod stridet in flammis: quod cruciat in tormentis. In Paradisum te deducant Angeli! suscipiant Martyres: & in civitatem sanctam Ierosolymorum te perducant! Hæc, è funeralibus Hispalensium libris, decantari sæpius audieram: ex opusculo quoque precatorio, quod *Hortulum Animæ* vulgò nuncupant, familiariter edidiceram. Quæ tunc commodum, & in tempore, Commendando Sodalis quoque Spiritui, subierunt animum: inestum licet, ac tot unius noctis calamitatibus multipliciter oppressum.*

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER VII.  
CAPITUM BREVIARIUM.

I. *Victoria, regressus ad Socios, Companerosa narrat excessum. Aqua dulcis penuriam insueto cibo sup-  
plent, & consolantur. Commentar. pag. 201.*

II. *Montano descensu prolapsus Petrus, spinis Americani rubi pedem induit. Comment. pag. 201. fin.  
& pag 202. princip.*

III. *Præter corporis reliqui lacerationem; tres pali-  
ri aculeos in planta deprehendit: quorum duos, mox e-  
vellit: tertio non sequente. Petri multiplex atroxque do-  
loris sensus: quo tamen saviente, interim ad Socios ut-  
cunque regreditur. Comment. pag. 202.*

IV. *Ioannes Pedrosa, ad languentem Petrum adduc-  
tus, alioquo humanissimo despirabundum allevat. Spi-  
nam tertiam, superstitem, illius è planta evellit: cujus  
grandiæ, & doloris sensus, de, cribuntur. Com-  
ment. pag. 205.*

V. *Vulneris intolerabilem sensum, Victoria consulto,  
sed medicaminis spe; incendit; intincto marinis aquis  
fauci-*

sanctiato pede: neque sine fructu. Mox, re-  
versus contentione irritatam plagam, obligat: secundum litus  
corrumpit, & obdormit. Comment. pag. 270 &c.

VI. Expetrectus, Pediosam excitat: cum eo Socios  
cateros antecedit, & crudis vescitur cancri. Fumen  
quoddam ingens introgressi, regrediuntur, amplitudine  
alvei periculoque deterriti. Subinde cateri quoque super-  
veniunt; numero tamen admodum imminuti. Quibus  
placet, ratem in amnis trajectum concinnare. Comment.  
pag. 210, 211, & 212.

VII. Cancris, temerè inventis; neque multò post,  
fructibus peregrinis (ad fluvium, & in nemore, qua  
describuntur) Socii percuntur: è quorum, per formi-  
ces exesis corticibus, etiam sitim restringunt. Ratem ope-  
rose, tardeque admodum struunt. Petrus a cateris, de-  
liciarum causa, in nemus secedit. Comment. pag. 213,  
214, 215, & 216.

VIII. Inter hac illi, rate expedita, flumen transmit-  
tunt; & in maris altum abreptantur. Victoria posthac,  
è nemore suo redux, suos nusquam inventos, frustra vo-  
cat & inclamat. jamque solus in ripa destitutus, cala-  
mitatem suam seris serisque lamentis prosequitur. Com-  
ment. pag. 217.

IX. Victoria, ab Sociis tandem, eminus conspectis,  
tranare fluvium jubetur, adolescens nandi penitus in-  
scient. Pediose, & vexilliferi quondam sui, colorta-  
tionibus animatus, tandem preces ac vota Despara Vir-  
gini nuncupat, felici trajectus impetrando. Comment.  
pag. 129.

X. Numinis clementia, Mariæque patrocínio inni-  
xus Petrus fluvium, discriminis alioqui plenum, om-  
ni sine periculo, atque etiam labore, superat, sociis-  
que gratulantibus restituitur. Comment. pag. 222.  
& 223.

**P**ERACTIS in hunc modum inferiis, monte degredior; & ad plana sociosque me recipio. Quibus, posteaquam COMPANEROSAE supremum inopinatumque morbum; mox etiam excessum & exsequias, ex ordine renlissent: affectio tenera plerisque lacrymas prolicuit quibusdam etiam, similis fortunæ metus est subortus, *repentina fata parentibus, in tanta rerum humanarum incertitudine.* Placuit nihilominus profectionis instaurandæ labor: & (si fortè se fors nostra corrigeret) expectatio successuum meliorum. Sed nempe tardiorum laborisque non minùs illo die, posteroque, quam præteritis, exhausienduta veniebat. Per virgulta primùm & fruticosa loca (plerumque multum intricata) penetrandum erat: cùm interim, collapsas inedia vires, non panis, non ferina, non aliud mortalibus fuerum nutrimentum, erigeret. Necessitatis itaque subigente lege, tandem arborum plantarumque sylvestrium radices, cultris excultas, in cibum vertebamus; insuper habita stomachi naslea: quæ tam insolens pabulum refagebat. Cæterùm his radicibus: quantumvis crudis & insipidis, tamen istud inerat commodi, quod, pluviarum per omnes illos dies notésque defluxu continuo, germina fibræque subterraneæ cunctæ permaduerant: profundissimè demissis in solum imbribus, & ad intumum perfrigata terra. Quo fiebat, ut, nimbis jam exactis, liquoris tamen & succi copia, nobis fontanæ penuriam efficeret tolerabiliorem: sitisque remedia suppeditaret.

II. VENTUM inter hæc est ad montis cujusdam immane dorsum; præceps, abruptum, & abruptis atque fruticetis horridum: cujus extrema, sictore maritimo stringebantur. ad dextram enim, crepidinis iugenti tractu, Pontus procurrebat. II.

his igitur iugis Alpestribus descendendum erat: deruptis ut plurimum præcisisque contagis: sæpe lubrico, sæpe lapsibus, ac prona ruina, subversis vestigiis? gressu prorsus ancipiti molestissimòque: neque simplici tantum incommodo. Namque, nec providere satis concessum erat, adversus casum: obstantibus in descensu virgultis: &, quoties corporum moles prægravarat labantes; irrevocabili, longoque ruinæ tractu, per præceps auferbamur. In fine, vel ad extantes arborum frondiumque stipites proturbati; vel non provisus obviorum veprium aculeis impacti, periclitabamur.

*Me quidem, ad omnia mala sortis punctanatum, calamitas nec ad mare quidem & littus; nedum ad Cælum & Paradisum, ire sine SPINIS, permisit. Ecce namque! novum supplicium tormentumque, pedibus inflictam! tanquam pœnarum nihil in vulneratione proxima, lacerato femore, contigisset. Dum enim (haud ità procul littore) reliquum declivis dorsi, properatione malè consultâ, decurrere, breviaréque conor: ipso festinationis studio, velut impetu propulsus, detrudor; ac præceps devolvor. Inter decursum porro, cuius cohibendi jam nullo modo potens eram: plantarum unam, excalceatam, ad paliores obstantes peratrociter affigo. Genus est hoc Indicæ spinæ sylvestris; trunco pariter ramisque spissis; aculeis autem, non qualibus Europææ, brevibus, macris & semidigitalibus: sed in præcrassam longitudinem, & veruti figuram, exeuntibus. Sentires; cum solo barbarico, germinis etiam hujus mores & formam, concordare.*

III. TAM sæva tunc igitur peste, vi moléque tota devolutam pedem, indueram. Sed (quod in atrocibus plagis usus fert) ad primum recentis vulneris calorem, aut nihil, aut vix notabilibus punctanculis, indolui: quippe stupente sentu, sanguiné-



gmineque fluxum dissimulante suspendente; propter ipsam penetrationis immanitatem, & altitudinem. At, simulac de lapsu gradum recollegi; plantis, & ut opinabar, incelsus officio pristino, restitutus: tum enimverò, tum primùm diris intusque cruciatibus mactari sum cœptus. Statim itaque, proxima quaque capta sessionis occasione; pedem saucium exporrectum, oculis atque tactu sollemter exploro. Tres reperio truculentos è ligno mucrones, clavorum instar: qui cruore largo, non jam rorabant, sed ad rivuli propè morem scaturiebant. Nam, ambulandi standique pertinacia, pressum inhiò sanguinem, protervè prolicueram. Eripio statim, reluctanti licèt plantæ [spinæ dicam, an planè radios duos?] & eos ipsos scilicet, qui manûs extrahentis imperium promptius secuturi videbantur: quique præcipui doloris incendium suscitarent. Eos cruoris, non tam profluvium, quàm impetus quidam, velut e siphonibus propulsus, consequi cœpit.

Sed parva visa sanguinis jactura; dummodo plagæ se furor remitteret. Ea, tertia sui parte, refederat adhuc intrà nervos. Præter plurimam enim reliqui corporis lacerationem; unum insuper in calce telum sæviebat: quantò latentius profundiusque, tantò confidentius, & implacabiliore cruciatu. Nitebar equidem & tertiam istam spinam eruere: cæterum, linquentibus animi membrorumque viribus, irritò successu. Quid; quod vepris præfracta radix, non permittebat se prehendi? manumque correptoram, intractabili latebris fugiens, eludebat? Quare desperata tandem evulsione, cesso; paliorumque retineo. deinde, quod unicum supererat; adlitus atque socios, claudicantem gradum adargeo. Quo posteaquam testudineis passibus perveni: reperi comitum plerosque, sed alium alibi: super æquoris marginem sparsos, ap-

pulisse. Quærebant suam singuli quietem atque situm; suis quisque rationibus accommodum. ego verò, remedium, atque medicum. Nam tanta fuit infixi doloris rabies & crudelitas; ut nullo me loco conquiescere, nullo recreari solatio, pateretur. Vix spiritus, & vitalis aura mihi meare: linqui mens atque præcordia: vultus crebris pallo-ribus albari; fugere vigor & acies oculorum. Ad summam! semianimis, ac pro deposito, jacebam. Nec erat hæc muliebris & evirata quædam imbecillitas. Causæ, casusque sanè graves; non valetudinem tantum, sed & animam, obsidebant. Inprimis; reliquæ terrorum atque consternationis, ex recenti COMPANEROSAE funere. dein, moles ac languor itinerum: tum, corpus universum thamnibus & stipitibus concisum: ac (super hæc omnia) desossa, sub ima solea, nequam & barbari furoris spina: quæ fluentem ex aliis undique vulneribus cruorem, alio novo, dolosioréque tormento, cumulabat. Ad hæc; biduana jam inedia, sudor ex ambulatione peramarus, ac perpetuus tridui præcedentis nimbus. Hujus, tamen si denique finiti; tamen assiduus mador, nullis unquam solibus, nullius pyræ fomentis, ab amictu pellé-que depulsus fuerat: cujus proinde gelido rigore, tamen si roboris aliquid habuissém, tamen amississém; propter continuam illuviem & squalorem. Ac neque tunc quidem horum, quæ dixi, malorum finis. Noxenim quarta jam adrepebat; non minus atroci pluvia minax & inhospita, quàm antecedentes se se præbuerant.

IV, TOT igitur simul incommoda, meam adolelcentiam, veluti conjuratione, prostraverant; nec, quid prius posteriusque facerem, succurrit: donec PEDIOSAE mei demum in mentem venit. Illum tunc, per devia perviaque littoris me queritantiem; immodica sollicitudo longius abstulerat: a  
(quod in cuncta nimia plerumque fit) viarum erro-

intiscap.

*intricarat.* Et hoc ipsum ignorabam ego; sed (uti reor) inscitia; non impropera. quoniam aliquin & hoc PEDIOIAE malum, ad augmentum fuerat mei doloris valiturum. Sed ego, velut dictum est, errorum hominis ignarus; eam, tanquam unum de comitatu, turbæque mixtum, inclamo. Cum non responderet: suspicatus idipsam, quod erat: è proximè stantibus unum quempiam precibus adgredior; qui mihi, pedibus capto, PEDIOSAM accersat. Et ille nec tardus, nec infelix indaginum, socium, paullo post repertum, adducit; multis quiritantem, lamentantemque, quod neque casui meo (nam exposueram homini) neque levamini, præsto fuisset. Quin etiam, tanquam vagum (inquit) & circulatorum te quasi vi; cum litus omne circum, ac promontorii prærupta, cursitarem. ac fortasse palarer adhuc, & VICTORIAM, VICTORIAM! inclamarem; nisi noster hic, injecta manu repressum, in viam reduxisset. Plura fuerat, in exultationem allatus absentiae suæ. Sed ego, colloquii protractioris hoc tempore fugitans, & moræ cuiusvis impatiens: Non hæc hora, neque locus (inquam) apologiarum, PEDIOSA; sed ultima necessitatis est. Ut totum simul scias; Itineris contentione, pluviis, madore, fame, præterea mentis deliquio, cunctaque calamitatis mole, pressus jaceo: tanquam aliqua de cælo strage, vel omnium in me fatorum ruina, pressusdatus. Non halitus, non vires, ac ne sanguis quidem. sapere est: quem ego, plurima corporis laceratione, copiosum profudi. Siquid autem hujusmodi reliquum est; illud, intra planta vulnera concretum, deterrimo pure taboque me torquet. nam, ne scias: tribus prælongis, trucidisque spinis, pedem hunc, ecce, per præceptum affluxi! (simul, sicut principio statim, ita nunc iterum iterumque, plagas ei commonstrabam.) Harum alteram, ac rursus alteram; quia manifestius prominuerant, evelli concessim ipse, incopte Marte. Tertia, qua pedis fixa restat;

stas; tuam, frater, opem, tuas manus expectares; si vel prehendi, cecè defossus aculeus, se permitteres; vel ego tantum roboris, ad pedem distendendum, reuerentem. Horum neutrum cum fieri posse confidam; quod his proximum est, PEDIOSA; Moriar, sicut & nudius tertius COMPANEROSA noster: & ad beatae mortis leges, per anima suprema, preparabor; quem admodum preparatus & COMPANEROSA fuit. Tu proinde Sacerdotem accerses; ego vitam meam anteactam expiabo: qua planè jam vergit, & extrema spectat. De corpore, post excessum; ut voles, statues. Facilis erit in litoribus & arenis: sepulcri gratia: quam tu propinquo tuo (tamei si de te quandoque sequiora merito) nullo paratu, nullu impendii, exstrues. Explebunt omnia pietas, & manus tua: quam cadaveri tuo non gravare commodabis; veteru immemor offensa, tuumque secutus morem: quo semper in Bono Malum vincere consuevisti.

Talia prolatus, effundo lacrymas; & ad parem fletum jam pridem etiam PEDIOSAM impello. Ceterum ille multis & rogabat, & contestabatur; Non id videri sibi rerum momentum: nec eum esse Fatorum articulum, defungendum ut foret. Omitterem modo fractum & effeminatum animum (nam reddidit ille mihi, quanquam mansuetissimè, vetera mea verba; quibus usus quondam in languorem ejus fueram) Potius, adversum tam desperata mentis decreta, novâ firmitudine pectus erigerem. Tentanda prius omnia; quàm ad vitæ neglectum, & mortis obstinationem, devolaretur. Ac profecto nec paucos, nec incelebres, liquisse vitam, non ob aliud, quàm, quod prius animum destituiscent: obitus nullâ neque vi, neque causa; sed imaginationis solius vigore, rabièque.

CUM in hæc ego negarem ac pernegarem; ulterius aut passum unum, aut adeò pedem me promoturum (nec enim posse) milliesque potius demoriturum, quàm unquam etiam decempedam progressu-

rum:

tum: Pediosa primum stupens corrigit. Mox, ubi se collegit; *Atqui, non id (infit) disputatur, Ambules? an subsideas? sed id solum, Moriavis? an supervivas? Hoc ipsum enimvero volo, mi PETRE, manere te, loco, quo manes. & jacere situ, quo jaces, immotum & imperturbatum.* At ego, chirurgi susceptis interea partibus; *vepre, totius malicapi, & pede prosciam: & hoc ipsum, tractu quam fieri poterit, indulgentissimè. Matris, dices, non medici; multo minus, carnificis, hanc fuisse manum.*

In hæc verba, quanquam & antehac pronus ad id consilii; tanto promptius acquievi suadenti: quoniam in PEDIOSA cernebam, *non linguam magis, quam affectum, loqui.* tanta morum erat in eo juvene scavitas; tantus ad opitulandum sensus ac pietas. Ergo; *Fiat, inquam, fiat sanè; quod primum omnium opus factu censes; etiam me subscribente.* Cumque dicto, plantam homini plagamque præbeo: *simul os & patientiam; ad quemcunque cruciatum, animosè silentio, devorandum.* In quo fortius profecto locutus sum, *quam præstare cogitarem:* eo metu, neme rursus, ut foeminam, sodalis argueret. At ille, tarde quidem, nec sine doloris acerrimo sensu; tamen soleam fauciatam aggreditur. Mihi, cum ejulare prorsus jam esset in mente; tamen vox & Animus, præter spem, constiterunt: illæque serò, sed tandem tamen, ex intimo pectore sentem extraxit. Horridus is erat, medius fidius, ac prolixus: & siqua fides est experto dimensoque: Calamis scriptoriis habitior spissiorque.

V. POSTQUAM autem, adgratulante plurimum PEDIOSA, doloris sævitiam concoxi; *colore magis, quam animo, mutatus:* primò cruorem, large fluentem, non sine sensus stupore quodam excepi. Mox injeci manum ipse sedi vulneris: & utraq; palma compressis plantæ lateribus: sanguinem ex intimis, & quam profundissime, prorumpere coegi. Sed sensim, subintrante didactam pla-

gam



g<sup>22</sup> nocturno frigore; pes ulceroso quoque horro-  
re coepit obrigescere. simul cæterorum quoque vul-  
nera membrorum recruduere; non simplici, neque  
contemnendo; cruciatu. Sed me perinde nihil, ac  
languor & lassitudo, contuderant; planè viribus  
fractum ac defectum. Itaque, totus in quietem in-  
tentus; PEDIOSAM jubeo (quoniam jam nox  
ingruerat) in proximo somnum capere: nec  
enim, quod amico porro præstare posset, deberet-  
ve; reliquum videri. Cæterum ego, sicuti stratus  
eram, ita decumbo: *per solitudinis silentium indul-*  
*turus dolorum secretis.* Simul, si quis fortè sopor  
plagarum sensum, inexpectato superventu, faille-  
re dignaretur; in incertum intentos, jacebam. Sed  
me tunc quoque, vetus illa mearum noctium in-  
festatrix, insomnia circumfedit: cujus contuma-  
cia factum, ut mihi nec à dolore mentem sevo-  
care, nec adèd saltem oculos submittere liceret: quod-  
minimè tamen, etiam quietem simulantibus, laboris  
est.

Subiit denique, sic pervigilem, nuperi casus u-  
tilis recordatio: quando, nocturno per scopulos de-  
lapsu, sordè femur & corpus omne proticeram;  
& mox tamen compendiosam, ex subterlabente sa-  
lo, medicinam excogitaram. Cùm igitur de pati  
successu ne nunc quidem diffiderem, in tanta  
præsertim pelagi vicinitate; connitus utroque cubi-  
to, stratum allevare corpus adgredior: sensim-  
que tota mole membrorum in pedes erecta, gra-  
dum suburgo; proximi litoris alluvionem persecu-  
turus. Sed neque pes imperio parebat, vulnere  
tardatus: nec, ad æquoris tutos accessus, ulla fax,  
aut Lunæ nitor, subsidio veniebant: per nubes in-  
terim & redivivas pluvias extincto cælo. Ne gra-  
lis quidem fulcire gressum, datum erat, ob pe-  
nuriam. Quod unicum ergò poteram, gladio,  
proximè recepto, tanquam fulcro, subnitor. *pro*  
*Lampade vero, viam ducit, Spem bonam, & Genium*  
*tutela.*

tutelarem, assumo. Cominus hisce, prætentando manibus simul pedibusque salebras occurrentes: tandem ad repem quandam pertingo, littoralem; &, quantum ex alluentium sonitu fluctuum conjectabam, pelago superimpendentem & immersam. Ad hujus extantem quempiam procursum, per tenebras, ac temerè delatas; scopulum, brachio toto fortiter circumplexum, astringo; semisessantis situ, quoniam aliter non licebat. Afflictam autem pedem undis subterlabentibus intingo. Confestim, salis acrimonia plagas subeunte; concreta sanguinis liquefieri, solvique coæpta: simul, inflammatione nervorum, doloris vigor incendi, cruciatu grandi; cujusmodi, nescio, Spartanusne quisquam, Calanus Indus inter ignes, sine gemitu dissimulasset? Pervici tamen ego, (siquid solitario, testibusque destituto, creditur) nihil quiritans; ad horæ quartam, plus minus, partem indimoro retentocrure, perpetuos inter morsus saliti gurgitis: donec satisfactum patientiæ pariter curationique visum. Tunc etenim, damnato tam atroci lavacro, derepere scopulo, veterisque requiritis coloniam reperere, som exorsus. Neque nihil remitti dolor; paulatimque, dilata facie, venarum recolligi vires, & robur nervorum pedestrium instaurari. Quod lenimentum (opinor) sibi constitisset in longum, nisi mea temeritas ac festinatio, nullo remediis indulto spatio, continuo profectionem resumpsisset. Sic ambulationis contentio, lacerata planta, doloris sensum, jam utcumque compositum sopitumque, reficuit & irritavit. Quare progressu, quem instruxeram, antiquato, statim in proxima maris crepidine, secundum rupem, subsidere compellor: temporisque potius, quàm meis legibus, obsecundare. Quid autem porro, demittigando vulneri, per opaca noctis aggredere? Venit in mentem, intimam

corporis tunicam, lino textam, concerpere. Quod equidem nulla mora [ne mox forte perniteret] facio; laciniamque molliculam faucio pedi circumvolvo. Sic sanguinem, modo largitus stimulari coeptum, supprimo: statimque doloris aliquod, nec mediocre, temperamentum successit.

Cæterum non eodem vel temporis vel remedii compendio corrigi valuit reliqui corporis imbecillitas: utique, corde potissimum, post tantum undique dilapsam cruorem, vehementer imminuto. Cuius proinde debilitatione; cum, obligata planta, rursus in viam me darem: pauculos post passus exactos, relabor; exanimi similis. Ibi tum, quoniam mari proximus, ita serente casu, jacebam; sicuti concideram, immoto situ noctem eam, quam longa fuit, universam perduro; ne quo corporis ulteriore promota vel agitatione, subiectam in pelagus devolverer. Illic, non ut antehac, inclementi sum usus somni fortuna: nam haud ita multum ante crepusculi principia, quasi perlusum consopitus; stertere præter morem, sum exorsus,

VI. POST temporis aliquantum; nondum etiam plena luce, suscitior ipse mecum, & consorgo. MOX PEDIOSAM, adhuc in propinquo pridiano quiescentem, expergefacio: vocibus amicissimis, sed consusinodi vulgò tamen alacres convalescentisque tollere clamorem solent, increpitum; *Quousque, frater? [inquebam.] Quin potius effricamus tandem oculos? & grabato tam molli proripimur? Age vero! sedes: &, quia perlesus caterorum aquare cursum non valet; ambulemus, quoad vires permittunt, in antecessum. Ità, quanquam egressus multum priores; tamen nihilominus non sine mole, sub extremum comitibus subsecuturis, in contubernium conjungemur.* Non repugnavit postulatis bonus PEDIOSA; sed [ut erat ad assensum facillimus] *Crucis figura frontem consignans, & strato corpus allevans,*

statim

statim est iter ingressus. Cæterorum autem compellavimus neminem; ne forte per turbam consurgentes illi, me debilem suo more præcederent, atque destituerent. Et jam ambulationis aliquam nactus eram assuetudinem; redditaque membris & poplitibus firmitate, paulatim solidius incedebam. Planta quoque, cum suo vulnere, satis me clementer habebat: nec jam quidquam omnium tam atrociter nos, quàm fames, infestabat. Cum, ecce! præter spem & solitum, singulari Numinis beneficio, littoris quoddam in vadum incidimus; quod cancerorum copia, velut de composito, perque lufum, exundabat. In eos ego confestim, nulla sauciati pedis habita ratione, per aquas saluginosas, irroo. Puncto temporis, obsonium nactus idoneum atque copiosum; prædæ *partem unam in posteras necessitates, recondo.* partem autem alteram, nulla coctionis cura facultatève: sicut aquis extraxeram, sic crudam, in stomachum demitto. PEDIOSA verò meus, quanquam & ipse famelicus, nec oblatam sortem repudians; tamen non tam vescobatur, quàm epalantem me respectabat & ridebat; *utpote, non ita multò prius emori certum; & nunc tam strenue somnassantem.*

Porro tales inter lauticias, alacrius aliquantulum promoti passu: sub ipsum ferè meridiem, ad fluvium appellimur, ignotæ [ sicut in plerisque cæteris ] appellationis. Is, Septentrionis e plagis ac montibus, longo devolutus tractu: posteaquam, in progressu, complarium rivorum fontiumque bibit accessiones: ad extremum, propter amplitudinem, æstuarii more diffunditur; vastus ac spatiosus alveo: Marèque, quod Zorium seu Pacificum nuncupant, quovis ostio sinque validior, irumpit. Ponti vestibulum quoddam, atriumve, nominares. Sed nobis quidem [ qua parte se passus annis est adiri ] spem ficerat, ex ipsa sonora latitudine, posse totus rado superari. Nec enim, quæ  
spatio

spatio valent ac strepitu, flumina; perhibentur vulgò cum insidiis profunda. Nos igitur, (*quod bene feliciterque cederet!*) annis alveo nosmet committimus, & hoc quidem pedestres; quoniam & navigiorum inopes, & uterque nandi rudes, eramus. Facilis principio, pacatusque transitus, molestia cariturnus erat; nisi, quam falsus torrens, ex æquoris propinquitate mordax, læso pedi creabat. Ac nec unda quidem immodica, lumbis aliùs corpora tinxerat; etiam illic, ubi summa fuit: donec ad fluminis ferè medium ventum est. Nam tunc & altitudine crescente, non sine vorticibus; & aquarum impetu violenter obvia raptante: labor progrediendi deprehensus est, manifestè temerarius & irritus; præsertim, omni transitus instrumento subsidioque nudatis.

Celeriter igitur (dum adhuc res & pericula finirent) retrogredimur, in ripa citiore, quam reliqueramus, locios, & consilium, præstolaturi. Neutroque frustrati sumus. Nam & comitum aliquot interim eodem jam accesserant: ac cæteri, super alium alius, adventabant. Qui verò conveniant: comperta, relatu nostro, discriminis magnitudine, decernebant in medium; ratem in trajectorym instruere. Nec defuerunt salutaris consulto multæ manus: quantumvis ad paucitatem redactò nostrorum comitatu. De numero quippe juvenum quinquagenario ferè, quos navarchi mendax promissum navi quondam extruserat, ad viginti quatuorque capitum nomen, omnis turba reciderat. Cæteros omnes, ad hunc usque diem, alium itineris labor; alium fumes, ac dulcium aquarum penuria; quosdam etiam fluctus & incerta gargitum, in fluviis æstuariisque, deleverant: si *Novem* solos excipias, ex universo coetu. Jüvenes hos, natandi peritia præsidentes; spes compendii, redimendique circuitus desiderium, ab nostro corpore divulserat. Id adeò, diebus proximè lapsis, evenerat: oblata

finis,



sinus, nescio cujus, maritimi commoditate, tanquam viarum breviarior; cum tamen revera potius ambages essent. Nec id odio fastidiove nostri fecerant; sed iorempestiva sane properatione, profectionis aliquando tandem. (velut dixi) claudenda. Quorum ego casus, & exitum, in tempore percentebo. Tantisper, suis erroribus eos & arumnis relictos, stylo differam, & operis ferè decursui seponam.

NOS interim (ut ad narrationis semitam revertar) in unum collectos cœtum, fabrica sollicitudineque ratis, distentos habebat. Curam iniecerat assiduus amnis aspectus, & periculi provisio; ne forte compages parum firma solidave; néve futilibus vietisque vineulis, aut fragili sparto, composita; néve cæteris ad trajectum armamentis destituta, vectores mergeret citius, quàm transportaret. Cumprimis ergo trabium circumspectus, & ramalium cum delectu congeries, diem illum residuum, ac posterum universum, insumpsit.

VII. SED, priusquam materiem contraheremus, primùm omnium colligendæ pastu vires, & instaurandum robur erat; ut pote, triduana jam inedia plerisque nostrum fatiscentibus. Statim autem, ac citra negotiosam indaginem, succurrit famentibus, illa, toties jam antehac opportuna, cancerorum piscatio: quos tunc, per ripam vagantibus, fors & fluvii vadum obtruserunt. Adeo verò redundabat, inter tot licet captantium manus, edulium, plurimùm ut me pœniteret, quod in alimenta postridiana die toto cancos circumtulissem; jam pœne situ putres, & insuper portatu graves: cum tamen eandem nunc prædam, nulla mea molestia, nactus essem & recentissimam, & perquam copiosam. Adeo nempe verum est, quod prudentes ac pii vulgò ferunt; *Qui nimis in posterum diem solliciti degerint: eos & præsentem perdere.*

Post hæc, è chalybe raptam flammam, foliis arefactis

factis excipimus; &, tostis perfunctorie, moté-  
que nostro, cancris vefcitur; cum prius in orbem  
temere confedissemus. Hæc nobis erat cœna;  
quoniam alioquin necdum plane vespéra verge-  
ret: & ad noctis viciniam multum horæ superes-  
set. Sed placebat nempe, jentaculum, prandium,  
ac vespertinam mensam, conjunctis in unum fer-  
culis, connectere: nec præstolari *tempora convivân-  
di*, sed facere. nam horum utique *leges non curat  
India*.

Pastis satutisque, restabat; etiam sitim placare.  
cujus tamen importunitatem flavius, qui sedare de-  
buerat, incendisset. Nam à maris affinitate salzedinem  
etiam ipse, non disparem, imbiberat; a crem pror-  
sus, & mortalium potibus inhabilem.

Sed, miro modo, casus, & enimverò Numen,  
etiam huic malo remedium ostenderunt; cum per  
amnis crepidinem, ratis causa, lignatum vagare-  
mur. Id ejusmodi fuit. Paulo suprà locum, ad  
quem accesseramus; amœnissimo naturæ prodigio,  
Flavius, quem dixi, tanquam arcu quodam ingen-  
ti sinuatur. Is, quotiescunque soles (ut tunc, nim-  
bis desinentibus) inciderent; vivam exprimebat ac  
fluentem iridem: fulgorantibus ex alteriore ripa, qua-  
si per picturam, aquis. At pars amnis citerior (& sci-  
licet ea, quam tunc infistebamus, ripa) semicirculi  
figura, fluminis secuta flexum: sylva prætendeba-  
tur densa viridantéque: cæterum incompertæ stir-  
pis arborum. Earum fœtus, Europæis minime  
gnarus, clypeos imitatur; umbonis, ac reliquo formæ  
simulacro: nisi, quod omnis longi procursus expert,  
exacta rotunditate, scutum aut parmam antiqui mo-  
ris effigiat. Cortex illius prætenus gracillimusque:  
tenaci nihilominus duritie malogranatum Indicum  
æmulatur. Grana ventre gerit nivei candoris; pul-  
pam autem ambit, omni saporis dulcedine  
commendandam. Hujus ut plenius experimen-  
tum sumeremus; ramos hinc inde, sane prægravidos,  
quati-

quatinus, & excutimus. Ea cœnæ fluviatilis erant supplementa: rarâque (cen desertis in locis) mensæ secundæ bellaria nobis exhibebant. En autem! iterum nos, ac tanto molestius, suis incessit; arefactis, ut reor, mellito gustu faucibus. Ergo fontanam ibamus, per nemus, indagatum.

Id dum facimus: dictu mirum! quodque prima vestigantium cupiditas non adverterat; universam illius sylvæ superficiem, ejuscemodi, quæ descripsi, pomis constratam, deprehendimus. Ventri (ni fallor) & ætas, atque dierum antecedentium nimbi, dejecerant. Ea mox formicæ, velut non omnium temporum annosam, subodoratæ nactæque: rostris catervatim invaserant. Erant enim hæ bestiolæ, non Europæarum in morem, graciles, ac pusillæ: sed vægrandes, & obesæ: præterquam, quod populosæ quoque, non viritim aut singillatim; Sed per ordines & exercitus, incedebant. Non erant autem contentæ delibationibus, fructuumve semeforum demorsibus: verum, ingluvie memorabili, depopulabantur interiora quoque medullitus: fibris etiam atque granis, ad nudum usque putamen erosis. Supererant igitur volvæ tantummodo fructuum, atque cortices: quos ipsos tamen ambedere per esuriem, & quasi denticulis quibusdam circumscribere, sunt ausæ. Perterebrare vero, vel penitus absumere: propter tegumenti duritiem, non sustinuerunt. Quidquid igitur intestini spatii vacuum in pomis his fuit; id, toto passim nemore sparsam stratumque, continentes tot dierum ac noctium imbres impleverant. Concharum diceres testas, aut cucurbitulas, aqua refertas. eratque Lympha [quod stuperes] tam lucida claraque: minimas ut in ea glareolas, ac promodum atomos & pulvisculos, numerares. NOBIS [ut, quos eo maxime die pluviz defecerant] apta res visa. Palmis enim ac volis; interdum etiam pileis, exoipere sucti pluviales undas, in hunc usque diem: tunc  
nativos

naivos hos cratêras, atque phialas, veluti divino manere substituta pocula, sustulimus. Sublatis, sinè mora pariter omnes inhiamus: & aquam verè dulcem, tanquam nectâr, certatim exsugimus exhaurimûsque; non absque formicarum præconiis, ut, quarum aviditas non modò suæ fami, sed & siti nostræ, prælaborasset. Paullò post, ali-quanta jam contacta sylvula, conquieturi digredimur; & in amnis vicina, sub arbutis, decambimus.

Postero die, cum primodiluculo, manus & operam fabricæ ratis accingimus, partitîsque, quæ quisque sustineret, operibus, ac distributa materie, laborem cœptamus. Tardè procedebat opus, propter ipsam, in tam ingens periculum (ut sit) districtam curam: ne fortè fluminis amplitudini, vastitæque, structuræ parvitas parum responderet. Simûl etiam defectus artistardabat, quippe manibus, fabrilium insolentibus, & inexpertis. Namque, dum *alius alium*, rudem rudior, *docere conmittitur, quod nunquam ipse didicerat*, multitudine, malè coherente, dissonisq; clamoribus, *perturbantur*.

Inter talia, dies etiam alter sensim absumptus, nec tamen opus ad coronidem perductum; donec aurora denique tertia colluxit. Ea finem fabricæ, remòsque rati, dedit. In eam, dum sarcinas socii comportant, ac stantes, quod fecerant, contuentur: diversis animi sensibus, alium insectando, commendandove, distrahebantur. Ego verò, quoad trajectionis legitimum signum ederetur; tantisper in sylvam proximam, corporis cassa, digredior. Mox autem peregrini nemoris miraculo, necnon ipsa solitudinis amœnitate, longius longiusque protractus, ad saltus interiora, per otium, penetrao. Quo loco *me*, non sociorum tantum, sed & *meimetysius oblivio* (*speculantiura vulgato*) *vittio* circumvenit, & obruit.

VIII. UT.

VIII. AT, posteaquam ad me, velut è somni profundo, reversus sum: celeriter reprenso pede, stultitiam ipse meam ac stuporem incusare cœpi; quòd longius comitatu secessissem. Ergo, relicta sylva, regrediebar. Iamque ripam & locum, in quo ratis & socii steterant, recuperaram. Et ripam quidem stationemque, quales reliqueram, tales adhuc invēni. Ratem autem sociosque meos (pro malum!) non invēni. nam abscefferant, & certe nusquam id locorum comparebant. Miser iraque pariter atque miserandus, non temperavi lacrymis; sed cum clamore, *Pediosam & Hispanos*, citabam. Nemine verò respondente; suspicari, quod res erat cœpi; Quoniam, nullò priùs monitò, digressus fuisset, & taciturno passu cunctos sefellissem: videlicet immemores obliotosque mei; quin etiam, nec advertentes quidem, transitum amnis indixisse. Mox, commoditate non ferente moram, abnavigasse. Cæterùm in eo fallebar; quòd, obliquo trajecisse flumine suspicatus, comites in ulteriore ripâ requirebam; oculis, voce, manibus, ac pilei jactatione signis editis; cujusmodi solent relictì, vel remotiùs distiti. Tandem (quanquam omnino seriùs) ipsa mora, vagusque circumspectus, monstravere ratem mihi, sociosque desertores; jam pridem in æquoris alto volitantes. Etenim (velut postea didici) transverso cursu sursum principiò, sicut ars navigandi dictabat, ratem impulerant; magnæque manuum & remorum contentione, laborarent; ut ripam amnis, & regione positam, contingerent. Sed quamvis placide primum domitis aquis, ad votum conatus floeret: posteaquam tamen ad alvei medium perveneri cœptum est; rapidi fluminis ablatis violentia, nec propositum tenere, neque ratem. Hæc enim, secundo delapsu, ripæ tractum omnem citatissime prætervecta; mox & ostium amnis, cœcè abrepta cursu, subiit & insedit: donec, contra destinatum, & clamorem vectorum, in



alta pelagi raptaretur. Videbam id ego tandem: magnisque vocibus eos revocabam. neque latebam clamans. Adverterant enim aures animosque plerique sociorum: & me destitutum miserabantur. Iam cæteris autem PEDIOSA, pro suo VICTORIA receptando, totus erat in obestationibus & labore. SED, quis adversus torrentem conatus va eret? aut, quamnam tam fluxanima facundia maris impetum reflecteret?

Dum ergo condolent illi: dum per confasum responsant, & obtusis vocibus advocant; dum in regressum palmulas & remos flectant: momento citius in Oceano ratis constitit. Vidique, mortaliæ desertissimus (nulla sane sodaliam, sed meamet culpa neglectuque) calviam factam omnem opis occasionem. In lacrymas ergo, quod unicum tunc relictam erat, plena jam flendi libertate (quia nemo videbat) resolutus; Et quid igitur? exclamo. Tot Ponti casibus superior, tot morbis, navali conflictui, Philippinarum erroribus, scopulorum & spinarum salebris, viarum vulnorumque languoribus, & ipsi morti, superstes; in hoc tandem, iracundis mihi sideribus, sum reservatus; ut in severissimi fluminis inhospita ripa, destitueretur me nemoris unius blanditiæ circumscriberent, & post oblectamentum brevissimum, America simul atque comitatu; quin & salute vitæque, deicerent. Hanc mihi vitam certo certius, vel avida nutrimentorum fera montibus decursura; vel, inter horrida vallium solitudinūque, marorū elidet, ac tristitia tabes: aut ipsa denique dies, rerum omnium inopia confluentem finiet: si modo loco tam barbaro persistendum sit. Est autem omnino persistendum, miserrime VICTORIA? Nam regredienti, quenam, obsecro, spes? quæve subsidia? Progredienti contra, superandus immanissimus fluvius; vincendi gurgites, primo statim vortice, natationis inscium, in præceps contorturi: post hæc autem, in exitium manifestissimum raptaturi. Nempe; Tantum malorum creat, deser-

deserta commonitate, privatum genium sectari! *Cuius herculè secessionis nunc pœnas, nec immeritas, dependo.*

IX. FLEBAM equidem his, & horum similibus, quæstibus; moriendi non dubius: cum focii tan-  
visper, extra fluminis ostiique rapacitatem jam con-  
stituti, retrorsum vertere ratem cœperunt: quip-  
pe, segnioribus paulatim aquis, qua pacatior mari-  
timus fluxus incedebar. Sensim ultimæ fluminis  
oræ, quantis fas erat, conatibus adnavigabant.  
Iamque tanta propinquitate, cis, & ultrâ, consi-  
stebamus; ut alternas hinc & illinc voces mitte-  
re liceret, ac remittere: nisi, quòd adhuc sermo-  
nibus, insania gurgitum, & latè tumultuantis am-  
nis sonitus, obstreperet. Clamabat ergò PE-  
DIOSA meus, non securitate sua lætior, quàm  
discrimine meo contrarior: *Sequerer, sequerem!*  
*Et, quoniam unica pateret per alveum & undas viâ;*  
*per alveum & undas audaciter penetrarem, quo loco man-*  
*suetior adhuc fluvius incederet, ei me committerem;*  
*priusquam ille mari confinio misceretur. Temeritatis*  
*quidem esse genus: cum vectura possis corpore solitario*  
*gurgites & Euripos invadere. Sed, adminiculis ne-*  
*cessariis subtractis: id profectò proximum esse. Ne-*  
*cessitatis stare legibus: suumque consilium ad illius in-*  
*genium componere. Si non possem quod vellem: at vel-*  
*lem, quod solum nunc possem: ac me scilicet profluentè*  
*crederem, natationis audacia concepta. Successurum*  
*haud dubie: dum modò conarer. At sitimere, cum-*  
*Marique, perseverarem: defluxurum interim (una*  
*cum amne) tempus, occasiorem, ratemque suam. Si*  
*confestim hoc, & in calore decreti, tentarem: utcun-*  
*que conatus succederet, me tamen hunc, ratione distante,*  
*prudenterque suscepturum. Certeque, periclitari cum am-*  
*bigo, satius esse, quàm, cum ignavia manifesta, perire.*

Dicebat hæc, & acclamabat, PEDIOSA. Pedio-  
sam vero cuncti, qui tunc ratem infederant, se-  
cuti: me consensu summo, magnisque vocibus, ad

nandi confidentiam incitabant. In his primas facile tenebat Hispanus quidam, excelsi vir animi, cuiusque sub vexillo, certamine navali quondam, quod gestum ad Margaritam insulam memorari, steteram. Is me, tanquam olim in ferrum, & piratas Scoticos; ita nunc in audaciam & aquas, stimulare; brachia iactandi modum, & artem, eminus commonstrare; fluminis opportuna, qua parte mansuetius vadofusque decurreret, digitis & baculo designare; trepidum adhuc & diffidentem, tanquam suæ militiæ degenerem, increpare; prorsus denique, verbis & argumentis omnium locorum, animum hesitantem versare. Docere præterea (*persuasibilius, quàm veracius*) fluvium spatio profundoque sui, longe; quàm appareret, minorem ferri. Nec timendum esse quidquam: præter ipsum Timorem. Eo, simul ac semel, per animi magnitudinem, dispulso; rem omnem in expedito futuram. Tunc levius plumæque nataturum; si generosè semel nandi diffidentiam abiecißem. Illa sola, nec alia facile sarcina, corpora degravari: qua dempta, fluminum & sinuum victorias, jam vix artem fore, sed promptitudinem magnitudinemque mentium, paulatim autem, & ad extremum, perductis in consuetudinem brachiis, merissimum ac purum putum lufum. Quod si verba sua probari vellem; enimverò se testem, se vivum ac certum exemplar, inspicerem Bati quondam (aut, nescio quo præterea violento flumine) subversum si; cum de cæteris subsidiiis omnibus desperasset, salutem tandem ab istis (quæ monstrabat) brachiis & ab animi robore, sumpsisse. Sibi tunc nec opitulatum quenquam, nec instructum, ac nec ad solatium quidem adstissi: cum extremè tamen periclitaretur. At mihi sociorum hortatus in ripa; mihi distamina, torquere manus, præsto stare. Scipsum insuper (ne dubitarem) siquid adversi contingeret, adfuturum in loco temporæque. Se, corpore fluctibus immisso, contraveniurum periculis meis; etiam cum sui capitis discrimine.

Quod Vexillifer meus; idipsum & omnes affirma-

niabant: ut adeò jam pudor esset, & irreverentia cuiusdam incivilis specimen; *Adversum tot amicissimè monentes, gerebat clausas aures.* Non me tamen interim fallebat; ab illis nonnulla magis ad plausum, acpersuasivum; quàm ad sentum animi, verùmque, jactarii. Memineram etiam; non paucos, & ex hoc ipso quidem sodalicio, nuper ad plures abiisse: vorticibus & alveis haustos. Illis, in simillimo casu (quod in infelici BALBOA videramus) principio jocum & lusum fuisse, tentamen fluviorum: pòst autem in periculum interitumque vertisse: *cum in oculus meum mergerentur, ut Icarus; qui se prius auribus nostris cecit Dadalos, venditarent.* Hæc ego, quanquam probe callerem, sic se, nec aliter habere; nihilominus erubescbam, tot fortibus viris ostendere toties pallorem meum. Cumque reputarem ipse mecum; *inter multos Naufragos, non deesse, qui vel sine tabulis inarent, ac suapte (quod ajunt) Neptuno: constanti denique cum animo meo;* Non tam illorum adhortationibus, quàm DEO T. O. M. me credere: quippe, *cujus in manu sita, cujus è digitis pendula, ferretur omnis mortalium incolumitas.* Quòd si tamen mea salus huic ipsi Namini cordi non esset: si forte decrevissent æternæ leges; PETRUM VICTORIAM ab innominati fluminis aquis præfocari sepeliriq; *Prestare profecto; perire SEMEL, quam periclitari SEMPER.* Quæ cum mecum per silentium, atque breviter, expendissem: Sociis (tanquam Senatusconsulto clauso) respondeo: *Futurum me libenter eorum in arbitrio: confestimque; quæ juberent, sicuturum.* In hæc mea verba, cum plausam omnes manu, voce, remisque tollerent: nequid ego tamen, impropitatis cœlitibus adorirer; positis in ripa genibus, ad augustissimam DEI Genitricem, hunc in modum, vota concipo; tacitèque lacrymis infusa; *O, Mater, inquam, o Virgo: rerum omnium (ex Filio tuo) potens, & universalis hujus Imperatrix? Tuum, ab incunabulis meis, magnam semper apud me nomen, ingens auctoritas, & plena venerationis majestas, fuit; esseque debuit. Adhuc afficiens pia fiducia; quod à*

meis absterrentibus delictis, non ausim: Abs Te supplex contendo nunc, & efflictum exposco. Succurre misero: fer opem destituto: fove firmâque debi em. Sentiat presentissimam tuam, in aquis, dexteram hic PETRUS: sentiat opitulatricem Reginam illam: cæjus Natimann, in stagno Galilæo, quondam est expertus Apostolus, mei nominis, & sui collegii, princeps. Ecce, profundam fluminis alveum! ecce, vita mea certam voraginem! Sed te, MARIA, Te presente, te suppetias portatura: nihil eorum expavescio. PROFUNDIOR omni gurgite, tuæ Misericordiæ sinus est: potentius omni naufragio tuum Sidus, ô STELLAMARIS! Affulge mihi, clementissimo tui favoris jubare. Tuos, Illos tuos, gratiis exundantes Oculos, ad periculi mea deflece. Nec immemori, Domina, nec ingrato, beneficium impenderis. Nam, me curante, mei assibus: ut primum in Templo Christiani ritus figere pedem licuerit: sacrificiis illic aliquam multis, Filius tuus incruenta PATRI suo-victima litamenque fiet. Hoc votum isto! Sic tu, gloriosa Regina, periclitantem adjutes; sicut ego tibi, servata salute, promissam hostiam exsolvam: Tuoque nomini gratus semper & addictus persistam. Quod si verò de mea salute secius cæleste decretum statuerit: & VICTORIAM, placuerit, undis succumbere: Tu tamen hanc, Patrona Mater, animam contaminatam, tuis satage precibus emaculare. Defende favoribus, ac facundia: demumque, fluctibus his elutam, in divina clementiæ portum transporta; perpetua REQUIELuceque fruituram. Satis incolumi enataro: si spiritum meum extremum, ad æternæ severitatis, ac Iudicii, scopulum non afflixero.

X. Sic precatus ego: jamque pridem aliam versus in hominem, vix ut eundem agnosceres: toto corde corporeque robur indueram. Dicam iterum, dictu licet mirum & insuetum! Novos spiritus, nervos alios, & inusitatum pectoris rigorem, assumpseram. Iamque, Numinus ac

Maria



*Maria beneficio*, tantum animorum erat collectum; ut, si vel nemo stimulet, ultro periculum auderem, & flumen illud [quanquam latissimum] non ultrà, quàm rivum, ducerem; unico saltu superabilem. Haud ergo longius cunctandum ratus; ne fortè [more suo] tepesceret recens impetus; DEO *Ter Maximo* me committo; quem profecto, sentiebam, in me spirantem, & animos suggerentem. Post hunc, Magnæ Matri, cujus dūctricem agnoscebam manum; & ad extremum anni, me credo. Sic periculosi moliminis opus, Quod bene fortunatèque verteret! aggredior: signo tamen salutiferæ CRUCIS, ex veterissima Christianorum caremonia, præmunitus. Rideant licet, & explodant, orthodoxæ pietatis patres & Hispani nominis ofores; quibus omnis de MARIA, deque Divorum interpellationibus & auxiliis sermo, nugæ sunt, & Phrygiæ fabulæ. Majoris equidem, historia veritatem nudam; quàm illos omnes, suis cum libris, facio. Stylus hic, tam mei juris est: quàm illorum arbitrii, natus eorum atque fanna. Siqua fides igitur, cælum atque Deum testanti: si qua calami vel sermonis auctoritas, homini nullum habituro mendacii pretium, nisi supplicium sempiternum; non tranavi [lector] transiive flumen; sed placidissime fluxi. Quod verum esse; tot spectantium in ulteriore ripa, tot obstupescantium, religiosum testimonium firmare potest. Quid igitur erat? aut in quo facilitatis hujus compendium vertebatur? Etiam hoc non dissimulabo; nequa parte beneficio cœlesti minus gratus reperiar. Ecce namque! Tametsi [contrà, quàm PÆDIOSA: contrà, quàm Signifer meus cæteri que, promiserant] nec anni sua profunditas, nec profunditati sua pericula manifestissima deessent: mihi tamen tunc, ad hæc omnia despectanda, tantopere mens divinitus obfirmabatur: ut vortices etiam, & latentibus petris illisos fluctus, nec pili

facerem. Quin & à fociis animorum accessio non mediocris, felicitatem transfluxus adjuvabat. Succlamare namque cuncti; velutque nautico quodam classico proritare, manibus, ore, compassionibus. Præter hæc, laudibus, & omni blandimentorum arte, tanquam adhuc trepidantem, incitare. Denique prorsus omnia facere, quò discriminis sensum & contemplationem obtuerent; &, si fieri posset, ex omni cogitatione mentis evellerent. Cæterum, revera nihil opus his omnibus fuit, apud animum meum: quippe pavor, per ingens periculus; & natationis incidia, per cœlestem alacritatem, correctis, & suppletis. Ad summam! Sensu mentis in DEUM evibrato; cæteram cogitationum ac timorum turbam, in citina ripa reliqueram. Simul oculis inconnivis, in aspectu Sodalium defixis; COR meum (quod solum & unice prius palpitaverat) in Divinæ VIRGINIS manus deposueram; utrique sorti paratissimus. Et depositum illa, cum fide, fovit: fluentemque me, subjectis quasi palmis suis (itâ prorsus sensi) molliissime sustentavit. Sic in fluminis ripam alteram sum transpositus: transitu non modò securo salvòque; sed per omnia facillimo, voluptatisque pleno. Quæ dum fiunt, etiam id magnopere demirabar; quòd, pede tam atrociter laucio, non tamen *ulla nervorum convulsione* contractave (*natantium vulgari malo*) neque vulneris sensu, tentarer. Mirati sunt & focii: quorum etiam rudissimus quisque, quam cæteroqui divinorum incurius; tamen divinam in hoc negotio manum, & MARIAM *Thaumaturgam*, eminus cominusque clamabat. Posteaquam autem & in ripam, præsentiamque comitum, evasi; certatim omnes in gratulationem & gaudium erumpere: me, pro se quisque (sed præcipue PEDIOSA, Vexi liferque) dexteris atque complexibus, instringere: meum factum laudibus in cœlum ferre; non tam, quod sibi suisque monitis,

nitis, quàm, quod DEO Deiparæque per votum (quod eis strictim retuleram) constanter inhæsissem. Iostis & ego confestim in ripa genibus; Numinis opem, in AUXILIATRICE manu Matris ejus, adoravi: notaturus, si licuisset, annem tam prodigiose transmissum, æternæ memoriæ columna; vel Aræ monumento. Sit saltem ille mihi (qui nomine caruit ab omni retrorsum ævo) deinceps annis nominatissimus: dicaturque posteris, DIVÆ MARIÆ *Fluvius*. Qui, dum fluet; dum pronocursu pelagus intrabit, sit cultus mei, sit religionis erga COELI Reginam, perenne signum & ostentum. Attigissent utinam hujus obsequii veneratonisque punctam, etiam veteres illi, Jæsonis cœmites, ARGONAUTÆ! qui (si Cedreno fides est, & idoneis auctoribus aliis) Æde magnificentissima suis manibus & impendiis, ad culmen perducta: suo more, nescio quod, Oraculum interrogarunt; *Eccui Tutela nominique suum opus consecrarent?* His (Deo, velut Sibyllas, sic & illius oraculi Sacerdotem implente) responsum: DEIPARE *dedicarent*; quod Græci per vocem THEOTOKON exprimunt. At Jæson, ac Socii; *fabularum* (ut idololatræ) *quam veritatis* & futurorum, *intelligentiores*: Templum illud Cybeli, turrigeræ Deorum Matti, jussere sacrum. Sed emendavit errorem, multis post sæculis, Christiana posteritas: veramque THEOTÓKON fabulosæ Deûm genetrici substituens: delubrum illud, Zenonèrerum potente, vertit in splendidam famosamque DIVÆ MARIÆ, Christi Matris, Basilicam.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER VIII.  
CAPITUM BREVIARIUM.

I. **R**ecepto Victoria, religataque rate; progressi  
Hispani, altum in amnem incidunt rapidis-  
simum, longeque superioribus feruidabiliorum: &  
procul renidentibus glebis ad Insularum morem, sparsum.  
Comment. pag. 228.

II. Ex virgultis viminibusque, qua de scopulis flumini  
præteritis dependebant, oblata armenis transcendendi ratio:  
à Pediosa impugnatur; à cæteris approbatur, &  
recipitur. Comment. pag. 230.

III. De virgultis ac fruticibus penduli, ponè rupem,  
sursum versùs, ingenti spatio, & incredibili audacia la-  
boreque, per fluviam enituntur. Submersis duobus: in  
diversas denique insulas diversi, post improbos conatus,  
& intolerabili sub gelu, evadunt. Comment. pag.  
232

IV. Qui primam in Insulam exscenderant; Sacer-  
dotis facitissimi optimique suasu, vestes, flumine cor-  
ruptas, ad nocturnos ventos ex arbusco suspendunt: &  
e cursu membrorumque agitatione multa, calorem cor-  
poribus quarunt. Comment. pag. 234.

V. In Sylvulam insula refugientes Hispanos, publicum enormis magnitudinis agmen adgreditur. hi morsuum importunitate, nemore Socios, quanquam contra bellantes, exturbant, ac mutare denique locum compellunt, frigore propemodum enectos, ob nuditatem. Comment. pag. 236.

VI. Frigoris acrimoniam Sacerdos temperat, partim festiviis jociis; partim, recepta sub pallium suum expasum parte Sociorum. Verum, quietis consilium interrumpit fornicarum rabies, exotica granditatis. De pericula Pharaonis. Comment. pag. 238.

VII. Prioribus evitatis, calamitas tertia gravior, miseros involvit; maris exsurgentis eluvio. Desperantes de salute Socios, Sacerdos adducit, ad vestimenta repetenda: qua illi, Bacchanalitio ritu, sibi circumponunt, necessitate adacti. Mortem opperientes, eventus rerum melior consolatur; astu pelagi sensim in littus retrofluente. Comment. pag. 240.

VIII. Orto die, vulnera inflicta recognoscunt: mox, universo superato flumine, Socii etiam ceteris aggregantur. Sed dum, continenti tota stagnante, procedere porro nulla ope possunt; retrogredi, veterem ad locum, constituunt: Pediosa maxime consilio, & nonnullorum pollicitationibus inducti; qui humana in vicinis subsidia spontebant. Regressi, magna cum difficultate, locum nemusque pristinum, sed non & ratem suam, reperiunt. Comment. pag. 244.

IX. In nemore illo, quatuor Americanos, eosque Christicolos, deprehendunt; quos, post eorum nonnullam trepidationem, Hispani mutua salutatione complectuntur, deque vita conditione interrogant. Comment. pag. 248.



**P**LACUIT sub hæc ; ratem , quæ socios transposuerat , non dissolvi [quippe nulla tunc ignium necessitate] sed potius , deligatam ad palum littoralem , in usus calisq[ue] lecuturos relinqui *Quid enim ? si quis forte rerum deterior eventus , ut esse multi possent , ad eadem loca nos redigere ? In quam tunc subsidium , nisi rate veteri , futurum ?* Fuera[que] futurum consilium hoc non penitus imprudens : velut in loco memorabitur.

Sed interim nos iter , triduo propemodam interruptum , resumimus , more suo sane miserum , invium , & multorum occurso palæstrium locorum , quin & rivis , intercilum . Ergo progressu tardissimo , spatium viæ perexiguum emensi : sub tertiam denique pomeridianam , ad novas appellimur difficultates , præcedentibus omnibus intricatiores . Amnis hic erat ; amni superiore nec angustior , nec impetu vorticibusque mansuetior . Descendebat autem medio , Septentriones inter & Occidentem Solem , limite : locorum tali posito qualem nunc exsequar . Dextra , litus erat Zuriis maris , arduum , præceps , inaccessum omnibus [credo] sæculis . Ad levam , ipse , quem dixi , fluvius , rupe perpetua , plurimum edita : quodque caput incommodorum : utrimque derupta , nec ullis ascensibus descensibusque superabili , prætensas . Et ibat in immentum , scopulorum longitudo , nec erat , eorum finem & exitum oculis assequi : quanquam in amplissimum spatium conspicuo delabentis amnis tractu . Tanto porro furore cursus , & aquarum impetu , fluvius ad cantes frangebatur : ut non modo prætermantis fremitus fieret auribus horrore ; sed etiam incurrentis resu'tas esset oculis miraculo . Nam relidebantur , & in passuum facile vicenorum altitudinem emicabant undæ ; quotiescunque petra paulò vastior & asperior prominere . Tunc enim spuma-

rabant, personabantque late crepidines : ac vel aspectu tantum, tumultuque, locorum ignaros consternabant. Et tamen, inter hæc tam plena formidinum, transeundus amnis erat : nisi regressum mallet : quem tunc utique detestabamur. Hærebant itaque cunctis, ad undas has, aqua : cum hinc quidem impervium Oceani litus, illinc autem horridæ triculentæque rupes obstarent ; vix damis ibicibusque perreptandæ. Quod etsi cuiquam tanta foisset ad natandum fiducia ; quam nos, præconsumptis jam viribus, utique perdidideramus : nulli tamen lacerti, nulla robora, tam vastam aquarum intervallum evicissent : tanta præsertim gurgitum profunditate, quantam omnes cernebamur : torque gyris, & turbinibus cæcarum voraginum, per amnem sparsis.

Inter tot arcta deprehensis, unicum occurrebat, & id quidem ipsum præquam anceps : sed, ut intalli rerum articulo, plane necessarium. Id eiusmodi fuit. Apparebant eminns, in amnis superiore parte [quæ Boream spectabat] complures per omnem alveum insulæ dispersæ : vagæ, nullo situs ordine, legæve : tanquam minores quædam, in Ægæo novo, Cyclades. Hæ, procùl æstimantibus, videbantur nec loci spatio contemnendæ : nec adeo situs intervallis inter sese disjectæ ; quo minus in aliam ab alia promptus transgressus aperirerur. Ità, spes erat : posse, de citeriore quaque, non difficulter in remotiorem persultari, sine luculento discrimine : dummodo primam ex his insulam assequeremur. Verùm hæc sanè quàm procùl, & Hispanam ut minimum lencam, aberat : natatu laboriosissimo superandam. Præter hæc autem, tametsi reliqua cuncta prona forent, & in expedito : consistendum erat adverso cum flumine : quod, etiam dempta celeritate, tamen solo secundo defluxu suo, contra se natantes tendentesve, lassaret ac frangeret.

## II. HAEC,

II. HÆC, quanquam in hunc, quem retuli, modum, essent constituta; tamen ipsa natura, clemens quoddam, adversum tot aspera, temperamentum obrulisse videbatur. Dum enim anxii stamus, & in consilia varia mentem dividimus; quod prima trepidatio, more virioque suo, cæcutientibus absconderat; diligentior subinde contemplatio monstravit auxilium. Vidimus enim tandem, rupem illam, flumini prætentam, quàm longè fluctibus allueretur, virgultis ac fruticibus prævestitam. Et virgarum quidem viminumque nonnulla, jam ævo squalida, vitalique succo destituta: cætera verò viridantia pleraque, vegetis etiamnum medullis. Ea, promiscuis inter sese flexibus implicita, conserataque: perpetuâ quasi sepe sic colligabatur; ut unum prorsus, & unius stirpis radicisque germen, apparerent. Dependebant porro, magnam sui partem, isthæc fruteta, fastigiis in flumen pronis: sic, ut vitilia profluentem (ut sic dicam) aut biberent, aut certe delibarent.

Exclamat, his conspectis, unus aliquis de coetu nostro, gratulabundus, &: *Bonam, inquit, fortunam! Quin, omissa deliberatione, moram omnem abruptimus? & immittere torrenti corpora gestimus? Ecce, natura matris ingenio, funes! ecce, natatus retinacula remuscosque! quibus, tanquam in helicaria navi, contra torrentis imperium enitamus in tutum. Corripiamus, socii, corripiamus utraque manus virgas: deinde pedum motu, subremigemus. Primus ego viam vobis, & modum, aperiam: vos autem, sua quisque serie subsequimini. Non absurdum (inquit REDIOSA) consilium; nisi, sicut ipsi cernitis, nihil his virgultis fragile; nihil viminum istiusmodi fide, fluxius existeret; si quis præsertim in frondes incidere, jam aridas aut marcentes. Adhuc, corpora nostra, tot incommodis exhausta, tot itineribus, & innumera lassitudine prostrata; quomodo durabunt ad tanti spatii continuos ac pendentes conatus? quo robore sustinebunt inusitatum, inhu-*

manum, & plenissimum exitii suspendium? *basuris* è surculo tenuissimo molibus corporum, ad leuca longitudinem; quæ tamen præ gravitate vix jam ad via terrestri unicum stadiolum sufficiunt? Præter hæc; illud miror, non tibi, non cateris, in mentem venire; quod tamen præpalam in oculis est: Annem hunc, immensa, nullique (saltem nostrum) comperta profunditatis; ad rupis præcipue radicem omni fundo destituit. Simul igitur illapsus sis (illaberis autem, in tanta virgultorum inconstantiâ, facillime) nulla mora, nullaque tergiversatione, rapiaris in alveum: descendes ut lapis, & interibis ut naufragus. Quin itaque potius, quantulum adhuc diei reliquum est, illud hic sis sistando conterimus? & in crastini lucem aliquid melius exspectamus?

NEGARUNT omnes; in PEDIOSÆ tam desperatam sententiam, se concessuros. Immo; quare non potius (succlamat alius, ac, ni fallor, ego) statim nunc, & ab hoc puncto, difficultatem omnem vel perrumpimus, vel finimus? Qui nihil sperat, nihil & desperet. Quod si vero moriendum est; in aquis profecto præstabilius est, luctando cum fluctibus, ac fato celeri, defungi; quam in continenti littoreve, siccos, famelicos, omnium egentes, cum lento pendenteque cruciatu, contabescere. Valeat vita, longumque valeat: si, tot inter mortes prolatanda, duret. Sin autem quarenda salus est: per saxa, per undas quaratur: ut res magna magnò nobis constet.

III. IN hanc posteriorem sententiam cumissent omnes; ne PEDIOSA quidem ad extremum secus auso: tanquam in arena capto consilio, de ripa defiliamus in fluvium. & primus in periculo, qui primus in periculi suadela fuerat; undis, lumborum tenus, immersus, ambabus manibus frutices comprehendit. Atque nunc quidem altior, nunc depressior; modò corporis dimidiò superior, interdum supra scapulas, & ad colli confinia, demersus; utroque pede, strenuè natatum adjuvante, tam præ-

ceps

ceps promovebat negotium. Tum relictis, quæ primo prehenderat, viminibus; ex aliis ad alia sursum versum se transjiciebat, irrequieto corporis subultu. Quod autem auctor operis & consilii, sub omnium oculis; idem omnes, ad illius exemplum compositi, naviter agebamus: urinatoria pæne temeritate viam, cæcos inter fluctus, nobis aperturi. Par omnium labor, par clamor & alacritas, invicem hortantium increpitantiumque; nunc voce, nunc screatu, subinde plausibus atque sibilis: & si quibus aliis signorum stimulis ardor incitaretur. Omnes in idem intenti negotium; sed non iidem, sicut ego reor, affectibus: cum alii quidem vero magnanimitatis sensu gestirent, complures autem (& inter hos ego quoque, meusque PEDIOSA, si bene suspicor) pectora, formidine trepidantia, joco diffingerent atque verbis, coacta fortitudine simulatis. Non est (mihi credite) non est omnino calamus, qui cum arte possit, neque sermo, qui cum facundiæ dignitate se speret expressurum: quantum tunc molis, quantum luctæ, sit exhaustum, mediis in undis, cum, supra continuam defatigationem, nos etiam sarcinæ nostræ vestimenta que, scapulis innexa, degravarent: cum mador fluvii, cum temporis hybernus rigor, intolerando gelu corpora stupefaceret: cum spinæ, cum alga, cum lutum & profluentis squalor, oculos atque capita cooperirent: cum, deceptis frequenter lippitudine prospectibus, destinata semel vimina prehensuras manus eluderent, atque præterirent: cum creberrime sicæ, vel arentes virgulæ, pro firmis ac viridibus arreptæ, defringerentur; fractæque, simul molem corporum in gurgites abriperent. In quo sane tanta salutis erat & interitus vicinia; nihil ut ad perniciem promptius esset ac certius, quàm parvula modo cunctatio. remedium contrà vix quidquam aliud; quàm incredibilis celeritas, in sarmentis recentissimis comprehendis.



dendis. Id porro contingere nulli poterat, absque corporum agilitate dexterrima; subsilientium ac resultantium, semperque de frondibus pristinis ad frondes, & spes, novas transfugientium. Inter quæ tamen, singuligurgites nos admonebant inevitabilis fati; quod nos maneret: tam utique spatiofo fluminis æquore, sexcentorum jam funerum sepulcrò. Quod enim aliis ante nos exitio fuisset; idem & nobis esse posse: quotiescunque natantem aliquis petrae radices, & virgarum fascem, de manibus omisisset. Id tandem è nostro numero duobus evenit; quos virgultorum, æquo longius distantium, tactu frustratos, sub ocalis nostris repentinus hausit interitus; hand absque gemitu nostro. nec enim facultas erat, neque consilium, succurrendi periclitantibus: quippe nemine nostrum non fuisset malis occupato. Snam unusquisque Scyllam, suas Symplegadas vitare, totisque nisibus excutere; magnum opus habebat.

His tot incommodis, tandem etiam vesper supervenit: nebulosus, & in noctem caligine devergens. Cujus proinde rigore solito (nam adhuc brumæ tempus ibat) horror aëris intendi cœptus; amnem, suo pte genio prægelidum, hyeme plusquam Scythica paulatim adstrinxit. Ità manus æquè pedesque, non minus acrimonia discruciatos, quàm stupore frigoris illigatos: ad laboris constantiam plurimum languefecit, ipsa tempestatis intemperies.

SED nempe, *Nihil est necessitate potentius: nec aliquid, Desperatione meliorem, contumacius.* Harum utraque factum est, ut, inter incredibiles, & prisca Heroitus non erubescendas, difficultates, assidua contentione nataremus, ac, post tertiam tandem exactam horam, quam orsi laborem fueramus, ad Insularum primam (uti destinaramus) appellermur. In hanc, qui cæteros labore præcesseramus,

ranus, undecim evasimus. reliqui, quoniam loci spatium non eadem commoditate turbam omnem erat excepturum; Insulas proximas insedere: prout cuique visum, bini, terni; raro singuli. Sed tunc quidem locorum, quem quisque ceperat, faciem ac situm; & quorumnam feraces essent, dignoscere, temporis vitio, non licuit. Nox enim, quæ plenis statim tenebris superincubuit, prospectum omnem extinxerat.

IV. QUOD optimum Natura providit: ut, ubicunque calamitas, illic etiam mixtura levaminis reperiretur; id neque nobis tunc ex toto defuit. ERAT enim in contubernio nostro SACERDOS; & is ipse scilicet, qui COMPANEROSAM, amicū meum, in supremis nuper expiarat. Vir imprimis facilis, comis, morumque civilium; & in utrumque forum insigniter facundus. Nam, quantum sermone valebat in divinis, quorum ex officio suo dignitatēque satagebat; tantūdem eloquio pollebat in humanis, &, quæ nostræ tunc curiæ. Rigidus ipse quidem, sed sibi duntaxat: minime gentium autem censoriæ rusticitatis in alios. Non (ut quidam interdum) indulgens sibi suisque vitiis; torvus autem aliis, luridus, tetricusve. Multo minus acerbus atque lividus; aut morum omnium, quos in seipso forte non reperiret, exagitator. quod e quidem genus hominum, irato creatum cælo, jam pridem (opinor) exegisset e mundo mortaliū consensus: nisi malis intermixti boni, communi securitatis umbra secum etiam noxios tegerent. Quidam enim, ex hac severiorum tribu, Catonumque familia: simplicitatem induerunt indocilem: & innocentiam suam manifestam, sed ad mixtiora flecti nesciam, etiam læsis probant. Alii verò, simplicium imitamento; sub scelesto supercilio, sanctimonix figmento se circumponunt: ut impuniū sæviant, latiusque decipiant. Nihil ingenii talis, in Mystra nostro: sed pius, familiaris, sincere

rus : jocosum suorum innocuis salibus , tum antehac universum iter nostrum condierat : tum illius maxime diei miseras attemperarat. Læta prorsus indole , facetaque suaviloquentia ; tristitiæ nubem , quæ plerorumque mentes circumvolabat , suæ frontis & oris serenô dissipaverat. Hic igitur talis , in eandem nobiscum insulam ascenderrat. & tunc magnopere nobis auctor erat ; ut , primo quoque tempore , suas quisque vestes , ad intimam usque tuniculam , poneremus : utpote madore trium horarum continenti fluxas ; & idcirco venti , qui tum siccior spirabat ab Aquilonibus , indigentes. *Esse singulorum amictus , ad ultimam usque simbriam atque licium , non modo fluviio graves ; sed insuper eluvie , face , lutulentæque torrentis alga , perlitos : & a dependentibus fruticum sordibus inquinatos. Periculum esse manifestum ; ne sæva noctis bruma celeriter eos congelaret. Itâ liquorem simul , lutumque ; simulac Borea flatibus adstringerentur , corporibus non cohasura tantum : sed etiam penitus impatiunt iri. Penetrato vero violatoque caloris intestini viscere ; siquid adhuc apud unumquemque virum , siquid animæ vitalis superesset , emotum & extinctum fore. Quin potius igitur ex hoc ( inquit ) loco , tanquam balneas inituri , facimus apodyterium , seu spoliarium ? ac nempe , quoad honestas id permittit , renu- damur ? Et quoniam nulla neque foci , neque rogi copia nunc suppetit ; cur non , brachiorum & universi corporis jactatione , calorem provocamus nativum ? Id , quod in frigore stupefactis , & pene semimortuis , naviculatoribus ac remigibus , videmus frequenter , & videmus. Multum ( mihi credite ) comites , multum in omni re valet membrorum exercitatio. Sed tamen agitatio crebrior congelatis præcipue cerebris atque cordibus medetur : o frigida , mihiq; dilectissima , capita !*

Secundum hanc philosophiam ; SACERDOS , quod suaserat , princeps ipse fecit : restrictoque sibi , quidquid vestimentorum attulerat ; ea don-  
taxat

taxat membra cum cura velavit, quæ regi verecundiæ sacrosanctæ leges prohibent. Sequimur nos; ad omnem illius sensum semper flexiles & obsequentes, tunc autem, in tam intricato casuum nostrorum labyrintho, (tantum non, ad usque sacramenti religionem) homini jurati devotique. Tactu prehenderamus, & confuso quodam conspectu, sylvarum nonnihil eam insulam habere. Suspensis igitur, ab obvia quavis arbuscula, regumtis: de cætero, nulla cœnandi cura memoriave, Lupercis atque Saliis simillimi discursamus. Et nunc quidem capita rotantes, Baccharum & Mænadum in ritum, nunc autem lacertos & humeros agitantes. alias, in altum sublatis plantis, irrequieta succussione, subultimque collisis talis: calorem arte molimur, quem nox invida nobis negaverat. Deinde, quia cum tenebrarum progressu Septentriones horridius spirare cœperant, sub nemoris interiora, quæ pax aeris major videbatur, refugimus.

V. SED, nequod etiam hoc loco commodum Afflictis, *sine morsu molestia*, procederet; in media sylva nos, familiare domibus malum, excepit Pulicum exercitus. Hi nempe tellure, semper illic humenti, semperque putida squalentive, progeniti, simul, ritu suo, connubiis in immensum excreverant. Ibi congruam, & natalibus suis, & alimentis, humum adepti; glebas uliginosas persultare: non viritum (ut sic dicam) sed ingentia per agmina, scandere plantulas, & in stirpos ac ramos eniti, foliaque depascere. Tunc autem, humana subodorati corpora, turmatim excursionibus se dare, nuda, caloremque spirantia, membra latenter & palam iocursare: latera, luras, femora, totumque corpus vellicare, præmordere, terebrique more perfodicare. Denticulorum autem, tanta non modò barbaries erat; sed etiam cupiditas ac tomolus: ut ipse multitudinis in pastu consensus (sicut in bombycum convictu fit) aures nostras clarissimo sonitu stridoreque morsum

suum pervelleret. Vermiculos Serum dixisses, mori folia derodentes. In quo sane mendacii me non facilè quisquam arguerit, cui persuasum erit. & omnem esse Pulicem impudentem: & hos Psyllos, Europæis fuisse multò grandiores, innumerabilique copiarum colluvie centuriatas. Nos igitur dolor simul, obscenùsque strepitus, & potissimum indignitas, impune grassantis pestis huius, exstimulabat. Cùmque nec manibus, neque membrorum volutatione, sordidam luem profigaremus, frondes ac ramalia certatim arbusto diripimus, & in multipèdes illas Harpyias classico cantato, per tenebras pèrque furias, truces & implacabiles inimici grassamur, vulneribus, cædibus, cruore, strage. Nec erat animus, conquiescere, nisi priùs, detestandæ gentis internecione, contumeliæ nostræ litatum esset, satisque datum. Dixisses; *Pygmaorum esse contra grues bellum, aut Egypti Pharaonis adversum cyniphas ac ranas conflictum.* Sed (vel Manichæis assentientibus) **INFIRMA** contra *Pulices est omnis mortalium potentia, minimique census Insecta, maximarum virium superbiam provocant, & irri-* dent. *ut manifeste videat Homo, Quousque Numinis contemptu provolutus sit? nspote, qui jam infra Pulicem jaceat, cùm pantheris aliouin, atque Leonibus, in Paradiso jugum injecisset.* Quid multis? Fortiores nobis, torpes bestiolæ fuerunt, inundante (sic fit) inter ipsa verbera, multitudine, quam nos tamen principio, sicuti pulverem atomosque, spreveramus. Apparuitque tandem, verum esse vetus illud, & Atticum, **CONTEMPTUM Hostem nocere.** Demum etenim, æque victoriam, ac nocturnam quietem desperantes, abjectis ut plurimum armis, recepti canimus, vasque colligimus. Mox, illius Insulæ digressi nemore, sedes in eadem alias, & alia castra, quarimus; postque multum inter tenebras errorem, locum palustrem, aliquanto remotiorem, capimus, & insidemus. Neque ta-

men



men ulli nostrum venerat in mentem, suspicari; *Nes ovum* (quod ajunt) *cum ovo*; *Seriphumque cum Gyris*, commutasse. Nam & illic malum, nequaquam immitius, advenas; sed adhuc in latibulis, expectabat. Tantisper nos, ignorati damni nulla formidine; quieti somnoque pariter omnes inhiamus, & componimur. Sed nulla tergo culcitra, nullum collo cervical, præter uliginosum terræ solum: non corpori tegendo lodix, non stomacho refovendo stragulum. Tantummodo frondes adhuc quibusdam nostrum erant in manibus, atque rami; quos, ab recenti Pulicum prælio eruentatos, & jam foliis decussis imminutos, attuleramus. Tenuissimum id scilicet noctis solatium restabat; ac sopori potius profigando, quam conciliandæ quieti, factum: maxime, cum à vestibis nulli fere nostrum quidquam subsidii tegminisve superesset. nam eas, fluctu graves, & adhuc (velut retulimus) ab arboribus suspensas, aura desiccabat.

VI. SOLI Mystæ nostro, peregrini gossypii penula (ventorum pariter, & imbrum, fluminumque, contemptrix) in scapulis hæserat: elementorum etiam, & quæcunque nascuntur ex eis injuriarum, victoriis, itinere toto spectatissima. Biberat ea quidem & ipsa, proximi fluminis plurimum. Sed, citò sibi restitutam, & assidua ventilatione defæcatam, Sacerdos humeris circumpotuerat; ramalibus abjectis. Hic, postquam humi corpus, tanquam grabato quodam, stravit & extendit: homo, sibi semper simillimus, jocosa liberalitate potestatem omnibus fecerat; idem sub operimentum, si quis vellet, veniendi. Conditionem duntaxat unicam, sibi seponebat; ut, *Quoniam PALLIUM breve cunctos, & totos, operire non posset;* Sibi, velut legitimo possessori, Locum OPTIMUM, & utique MEDIUM, nec invideremus, nec præripere-mus. Etenim, AB SE IPSA Charitatem, bene compo-

tam,

*tam, incipere debere: quanto magis igitur æquitate* atque Iustitiam? *Æqua lex erat: & ideo,* nulla mora, gratiam oblatam, & exceptionem annexam, acceptamus. Certatim omnes, quotquot Sacerdotem tunc circumstabamus, Lacernam ejus (utunque spatiosam) subimus. Illum autem, velut inter nos modò convenerat, medium recipimus. Mihi satis erat: caput, omni frigoris injuriâ vexatum, intra vestem recondere; tanquam adversum ventos Atylum. Reliqui vero corporis tutelam casui permitto. Non dispar erat PE-DIOSAE, cæterorumque, pro sui tegumento, cura. Nam, quâ sibi quisque laciniam, injecta fortiter manu, corripuerat; eam tenacissime retinebat. Cæterum, male cohæsam quietem, in tam arcto plerum strato; Flamen noster connectere sermonum suorum lepore satagebat. Id erat unicum morosæ noctis levamen. Nam de somno quidem, magis magisque conclamatum: in singulas horas, videbamus. Ejus omnem denique spem ultra projecimus; orique, posteaquam (deterius pulcibus malum) Formicæ suis proreptare latibulis cœperunt: compressione, sicut reor, nostra proritatæ. Nam ut primùm corporum decumbentium motum, & quantulumcunque cohærentium calorem illæ persensere, tanquam familiaris & æterna locorum palustris colonia, suas inquietari sedes dolenter tulere. moxque, velut de castello suo periclitantes; portis suis omnibus, & cavernis subterraneis egressæ: per centurias ac legiones adversum nos tendunt: & prælium non tantum indicunt, sed statim, vix datò signo, committunt. Nec erant eæ vulgaris, Hispanæve magnitudinis bestiolæ: sed vastæ, gibbosæ, ventriosæ; dentibus præterea morsuque præferoces: &, si quando quem illuvie contaminassent, penetrabili tabo contagiosæ. Prorsus, memotiam mihi refricuerant illorum ingentium, in ARABIA PETRAEA, cimicum: quos PHA-

RAONIS

RAONIS vulgò PEDICULOS dictos, (a) ferunt esse vulneribus & pustulis infligendis effrontes, saevos, & implacabiles. Hos ajunt, corporis mole nuces avellanas æquare, proptereaquæ difficilimè domari, nec deleri, nisi, siquos nactus manu sis, malleolis ferreis ( sit stylo reverentia! ) contuderis, aut, saxi violentis ictibus, ad suppositum saxum eliseris, non sine claro sonitus fragore. Simili ferè granditate corpusculorum, nec dispari peste, nos exercebant tunc FORMICAE barbaricæ. Quarum proinde tyrannidem, ut effugeremus; etiam hoc altero damnato diversorio, mœsti demigramus, & verissimè miserabiles, atque compuncti. Postea, quoniam noctis plus quàm dimidiam supererat, ad spes alias, & hospitia nova, convertimur.

VII. SED, ut ubique PAUPER Domi, sic nos, è diverso, Pauperrimis ærumnosiores, omnium extorres oberrabamus, ingruente statimertia; super pulices formicasque, calamitate, per fluctuum elationem. Ea neque pedis nullum vestigium in siccitate reliquerat. Cum enim fortè sub illud ipsum noctis punctum, statis Lunæ conversionibus, concitaretur Oceanus: æstuarium amnis, pelagique vicinia, cursu solito refluebant; & exundabant. Ergò, fluminis impetu retrogrado, non modo maritimum litus, & amnis ostium, restagnabant; sed omnis circumquaque continentis campus, insulæ, colles, atque ripæ, natabant. Ecquis igitur, mediis in aquis, lectus? quis sopor, aut quæ requies esset? cum in momenta singula salus in discrimen adduceretur? cum ad omnem halitum, interclusus formidine mortis spiritus, tanquam in naufragio, fluctuaretur? Restabat igitur, ut moreremur. Et in hoc ipsum, quo pacto quàm mollissime contingeret, jam curam intenderamus, omnium obliti cæterorum, & ipsius vitæ sollicitudine proculcata; cujus utique nulla jam subsidia reliqua cernebamus. Iam in mentibus,

tibus, jam in oculis obvertabantur, omnia perennitium mala; gemitus ultimi, dolor cedentis animæ, pallor extincti vultus, postrema lucta, conclamatio, funus, sepulchrum, & tandapila. Tantummodo; quibus modis tumulum honestè subiremus, non minùs anxie quærebat: quàm olim Iulius, in curia Romana cæsus; ut quam decentissime caderet: sine vestis ad ima crurum deducto. Nobis autem, quò minùs eadem verecundia vitam poneremus, nuditas obsistebat; quippe nullo penitus, nisi subligaris indumento, velatis. Reliquum enim corporis habitem, ex ar busto primæ stationis (velut retulimus) suspensum; nullius humanæ spei vel opis videbatur, postliminiò recuperare. Nam omnes jam amni Insulas, & exstantes glebas, atque locos, exæstuans Oceanus operuerat. Unica sola, quam tunc occupamus, formicarum incursum pulsi, sedes (exigua cæteroquin terræ congeries) in collem ac tumulum evecta, caput subrigebat; subluentibus undis indemersum.

Ex hoc loco (quoad ipse quoque fluctu superingruente vinceretur) supremam horam opperiebamur: ad unum omnes non tam interitùs avidi, quàm certi. Sed negavit Mystes noster, toties mihi memoratus, sapientique postea memorandus; Occubiturum se nuditate profana. nec enim id addecere Sacerdoti majestatem, nec adeo Christiani cadaveris ornare reverentiam. Si profecto se Numinis imperium è vivis evocaret: cum indumento se compariturum; & quidem candido byssinoque, de præscripto voluminis Apocalyplici: Ne sua Confusio nuditatis appareret, coram illo tribunali. Quod itaque bene prospereque succederet! se nemus illud, in quo sindonem suam stolamque reliquisset; etiam invitis, & repugnantibus aquis, revisurum.

Hæc dicentem, & dicta factis exsequentem, omnes subsequimur; nullo recusare periculum illud auso, quod sacrum Deo caput ante cunctos adiret. Ac

certe, nos quoque commorat operimentorum dispendium, jacturaque palliolorum & thoracum; gratiſ utique, nec alius commodo, cæteroqui peritorum, inter undas. *Neque defuit animoſis conatibus, eventus boni proſperitas.* Nam, evictis vado fluctibus; ſuas quiſque lacinias interulaſque, deripimus ramis illis, ex quibus eas pridie ſuspendamus. Non erat autem operoſam admodum: ſuas ab unoquoque veſtes recognoſci, diſtinguere: quippe, ſublucſtri paulatim nocte: redditiſque, cum mediocri ſplendore, ſideribus. Cæterum: quia, ſiccatione vixdam inchoata, cunctorum amacula foris adhuc ſqualido madore rorabant, intus autem penitus, tanquam fluvio, natabant: ea, tanquam per hiſtrioniam, aut ſuperſtitionem, invertimus. deinde corporibus inducimus, ea cautione; pars ut exterior, quam aliquantillum jam venti deſiccant, fieret interior, atque cuti ſcilicet applicaretur. è diverſo vero ſubſutem tegumentorum, quod auræ ſiccanti minus hucusque patuerat: quia totum aquis fluebat, foras verſum, flabris Aquilonum exponebamus: ſiccitati promovendæ. Sic, quiſquis nos tunc notorum ignotorumque deprehendiſſet, in tam mimico veſtium habitu: vel magos nos credidiſſet: vel Cingaros *Ægyptios*, aut fatuos, & inſanos: aut hæc omnia denique ſimul, unam in collaviem concurrentia. *Tanta nempe Neceſſitatis vis eſt, & abſurditas; quoties ad ſummum venerit!*

Sed, ut ad nos redeamus: in hunc larvati modum, bacchantibus ſimiles, per æqua, per & ini, qua reſtagnantis fluminis regredimur, ſveteres ad locos. ibi, quem aggerem prius teneramus eundem nunc, ceu Tumulum, ac veluti mox ſepeliendi, reſumimus: In ſingula temporis puncta memores, atque prompti; Diluvii quamcunque fortem, cum exitio corporum, excipere. Nec id abeſſe procul poterat; utique, poſteaquam omnibus jam  
cir-



circumcirca superfusus; Insula nostra communem calamitatem nec reculare deberet, nec effugere valeret. Noachæum omnes cataclysmum, aut Deucalionis Thessalicam illuviem, animo proponebamus; & lamentabamur. In exundationibus enim, gradatim incrementa surgere tumentium aquarum: & post longam dissimulationem, tandem (ac repente) parem unamque fieri vallium, camporum, & montium conditionem; etiamsi vel Atlanticis jugu, aut Armenicarum Alpium verticibus, aquarentur. A furente Pelago cuncta vinci, contegique solere. Nostrum autem illum, in quo tunc consisteremus, clivum cœlemve; quantulum esse? quam non difficulter Oceano superabilem? ut, qui Catoniana verius terræ VERRUCA; quam humulus & agger, dici deberet.

Verum certe, Quod nemo subinde sperat, id ex obliquo fit: ac frequenter ibi SERVAT Deus; ubi semetipsum Homo dudum abjicit. Nam, ecce! dum stamus; dum diffidimus, dum & vitæ nos tædet, & mortis metus angit: conversis siderum affectibus, Lunæ malignitas emendatur. Statimque melior nos Hora cœpit respicere. Gurgites enim, pedetentim deminuti retroque lapsi; suum Pelago stagnum, nobis autem spem salutis aliquam & animum, reddiderunt.

VIII. INTER hæc, diluculo quoque redeunte; dies omnia singulaque, fide clariore, cœperat aperire: bona juxta malaque; laboresque residuos, & ærumnas præteritas, ostendendo, Non ultima præcedentium molestiarum, in corporibus omnium (spectaculo nimis manifesto) patebat; pellibus nostris membrisque, pulicum ac fornicatum morsu, fœdum in modum, proscissis ambesisque, Purulentis quoque tumoribus sensim, in speciem urium, inflata corpora; pustulas & verrucas contrahebant. Idcirco concedenda dolori mora, dum is desæviret, erat: interimque nihilo secius professionis labor (etiam invictissimis) resumendus.

Eum nos dum urgemus ; insulam , sicut pridiano vespere , perque gradus , glebam de gleba transul-  
tantes , tandem in dexteram amnis ripam , quā  
portuosiorē eam quodammodo deprehende-  
ramus , exponimar. Hic comitum nostrorum re-  
liquias , à nobis pridie divulsas ( velut memoravi )  
multum alacres atque gratulantes , recipimus. Iis ,  
sicut ipsi narrabant , circuitus quidem longior ; &  
ambages navigationis , plus aliquanto molis attule-  
rant , quàm timuissent. Sed vadum interim ( ad-  
verso licet flumine ) non paullo clementius ip-  
se casus aperuerat. Nobis contrà , transgressu  
fluminis obliquo , compendium quidem viæ quod-  
dam : sed iniqua paludibus æstuaria , sed ci-  
mices , sed barbaricæ noctis plena cubilia , pro-  
venerant. Ità mutuas inter miseriarum narratio-  
nes , respirabamus : recollecto quidem cœtu so-  
ciorum læti : sed gaudio ( quod in fortuna pen-  
dente solet ) neque solido , neque diuturnitatis ca-  
paci. Nam hilaritudinem nostram interluebat ,  
turbabatque , tot aquarum luridus aspectus ; totis  
autrorsam , circaque campis , & omni littore , re-  
stagnantium. Earum & abscessum opperiri , lon-  
gum erat jejunumque futurum : & , viarum pro-  
gressu vincere , supra vires fuerat , ac salutem no-  
stram. Quæ porro retro jacebant : sicciora quidem  
pleraque periculorumque parciore , semet offere-  
bant : sed regressu , quasi per cujusdam labyrinthi  
lulum , reterenda. Nihilominus , *quareo tutiora :*  
*quam fortiora , malle ; necessitatis dictamen est visum :*  
*& , si vivere decrevissemus , error perniciosus e-*  
*mmendandus erat ; nullo decori fœdique , nulla lau-*  
*dis , aut turpitudinis , habita ratione. Quem enim*  
*nos visurum , irvisurumve , tanta viventium soli-*  
*tudine ? Sed & si conspiceremur ; prastare profe-*  
*cto , subsannantibus os præbere : quam periculis vi-*  
*ram , inutili progressu. Communi proinde consilio*  
*decernimus , relegendum pridianum iter univer-*  
*sam.*

sum : labore quidem multo , sed haud dubie profuturo ; si modo pristinos animos , & vires utcumque retineremus .

Quid enim ? retro quidem gradiendum fore , per eadem virgulta riparum , & amnis discrimina ; qua duos pridie socios misissent . Sed relegendum tamen iter ; non ( ut tunc ) omnium pavidis & ignavis , verum , ingenti difficultatum compendio , natatoribus jam expertis & exercitatis . Præterea cælo , non [ ut nuper ] turbido tenebrosoque , sed plane solaribus radiis illustri . Tum denique quod caput esset facilitari : non ( veluti tunc ) adversis , atque cum impetu repugnaturis undis . Earum violentia magis , quàm hercule fructuum fragilitate , duo Sodalium funera contigisse . Nunc autem securisissimè , sponteque nos promoturo , summe regressum patere : non tam labore manuum expediendum , quam suoapte successu decursurum . Contra vero , si propositum hoc omitteremus : Quid tandem in hac sterili torrentis crepidine , quid in illure fluctibus absorpta , praesidii ? quid alimentorum reperturos ? homines famelicos , semineces , depositos : & quibus ( ad summam ) anima penderet , ex ultimo Parcarum statmine ? Sed e diverso , locum , pridiana festinatione decessuque destitutum ; annonâ simpliciter , ac natura gratis , effluere : Pomis utputa sylvestribus , quæ nemini , morituro fame , nisi forte superbissime delicato , deberent in odium venire , sive fastidium . Ut autem alia deessent omnia , Nonne Canceris saltem ( exclamat PEDIOSA ) saepe stomachi rabiem in pacem redegitur ; alimentis utique tolerabilibus ? crudis autem & incoctis , an igne preparatis , quid refert ? Quis enim in summa fame subtiliter distinguit ? Et tamen profecto tam parabili nutrimento , nec ille locus deficitur ; quem nos tamen male grati priores contempsimus . Ac super hæc , si satis oculati fuissetis , fructibus abundat arboreis : dulcissimis ( uti nostis ) ac sui copia complures in dies suffecturis .

HAEC Pediosa , dicebat . non tantum , veritate rerum

rerum eliciente vocem; verum, ut ego reor, etiam nonnullo dolore stimulan- te, spreti nuper consilii sui. Nam is restitandum in ripa citima, nobis anctor extiterat: irritus quidem tunc, & explosus: sed, ut exitus postea monstravit, nemini pœnitendus: si prudens consultor, ante pertinaciam fuisset.

Fuere secundum hanc PEDIOSAE commonitionem, etiam nonnulli, qui memorarent, quod hucusque semper suppresserant, ignavo damnoque silentio, tunc autem, sero sapiente facondia, prædicabant; sive, quod revera sic essent experti, sive probabiles tantum conjecturas secuti. Referebant autem, Sibi, cum secessu forte nemorali, solitudinis interiora rimarentur; ab obviis quibusdam agrestibus cibos villaticos suppeditatos; ac, super hæc, itineris remetiendi vestigia commonstrata; siquâ casuum necessitate reverti compelleremur. Proinde, sine controversia (nec ita procul) videri; pagos & incolas Americanos, per vallium camporumque cultiora, spargi. Neque magnopere dubitandum: quin *Novem illos Hispanos*, ab nostro cœtu diebus superioribus avulsos, situs regionis aliquis amœnior, & indigenarum humanitas, pellexerit: comperta deinde liberalitate, tanquam per hospitii fœdus ac jus; irretierit & alligavit. Illos enimvero; lautitiis jam captos, paulatim non solum calamitatum veterum, sed nostri quoque penitus oblitos: illecebris coloniz melioris inhærescere. telluris Americanæ bonis, ac fortunis, adglutinatos, mendicitatem sociorum per ludibrium inter sese traducere.

Talia, sive cum fide referentes, sive (quod in medio malim relinquere) per jactantiam, & ex composito, blaterantes socios: multitudo cætera non implacidis auribus admittebat. Dissimulato societatis inofficiosæ vitio; quod rem tantam

tam tamdiu pressissent, conclamamus pariter : *Pariter omnes, unde veneramus, remeanturos !* Simul sarcinulas in humeros ac super capita tollimus. Mox, uno pæne jactu saltuque, corpora flumini demittimus. Deinde, periculo quantumvis minore (quoniam cum flumine, secundum amnis cursum, defluebamus) connitu tamen laboreque vix explicabili, ripæ spatium omne remetunt ; virgis ac sarmentis priscis inhærentes. Post aliquot demum horas, aquis æquè sudoreque madidi, maritimum illud ostium totum eviacimus : & itinere pedum compendiosiore, quàm pridie, deferimur ad primum illum torrentem : quem à me prodigioso natatu, cæteris autem à sociis rate tumultuaria, docui superatum. Hunc, cum rapidis prius incitatum undis reperissemus ; secundum ripam sollerter obimus : vadum, siquod se nobis offerret, inquirentes. Id, Numinis insigni beneficio, qua parte diffusior amnis incedebar, negotio nullo reperimus : statimque, sine trabiam ulla compage, pedestres, & alveo non invito, trajicimus. In hoc *Providentia Divina favor oculis*, & prona commodis nostris sollicitudo ; nec inop. fortuna nobis fuit, nec in obscuro. quippe vadoso tunc fando, præter spem omnem, feliciter, & in ipso tempore, commonstrato. Namque jam pridiana ratis illa, quam, in ulteriore continentis ora religatam, destitueramus : aut abducta superventu vectorum recentium, disfluxerat : aut (quod propius fidem reor) violentis aquarum incurfibus, præterita nocte dissoluta raptaque, perierat. Quidquid id erat tamen : nos præsentitrajectus successu contenti lætique, *Quo d' amissam erat, amissam ducimus* : ac, secundum amnis marginem pedententim descendere, concordēs ; postremum illi, quem præterita luce deserueramus, luo gratulantes orantesque, rursus impingimur. Enim, ex arborum vitore, fructuumque com-



comperta fertilitate; statim, & facillè, regnosci-  
mus.

IX. SED, ecce; nemoris in ipso penetrali,  
cujus amœnitas me pridie, de comitatu pellectum,  
avocarat: *Viri Quattuor* jam stabant. Priores hi-  
tunc in occupanda destinata sede: cæterum non  
alias nobis antehac conspecti. vultu vero, forma-  
que ( quantum apparebat ) Americana, naribus di-  
ductis; obtusòque, vel introrsum presso naso,  
more gentium illarum. Hi; simul nos, tòrque  
juvenam advenarum globum, ex adverso tenden-  
tem, derepente conspexêre: paucitatis suæ diffi-  
dencia, peregrinique roboris ( ut fit ) formidine,  
confestim attonanter. Protinùsque, velut fulminis  
contactu stricti; priusquam omsino congregeren-  
tur, aliis aliò diffugiunt. Qua trepidatione  
de nemeſo nostrorum, nescio quis, externa-  
tus; sicut in re multum insolenti solemus,  
per admirationem exclamat: & ; *IESU Bone!*  
*quid hoc* ( inquit ) *terroris est? Isti mortales, nos*  
*Hostes esse suspicantur; cum Hospites tamen & Ami-*  
*ei simus!* In quæ verba, barbari, jam olim fugi-  
tivi, simul pedem referunt, simul errorem suum  
corrigunt: utroque se nobis sistunt. Inter hæc,  
dum exactius nos considerant, & ( ni fallor ) *Cru-*  
*ces* etiam *Carayicæas*, de plerorumque renudatis  
collis, contemplantur: continuò metum vertunt in  
*fiduciam*; & rusticitatem, in reverentiam  
quandam civiliorẽ. Mox & alloqui nos salutare-  
que perhumaniter instituunt, dialectò Pernana:  
quam etiam nostrum haud pauci, cum olim Pana-  
mæ versarentur, nec per transennam attigerant.  
Igitur: *O* ( conclamant ) *o Juvenes optimi! Sic in*  
*CHRISTO nobis, sic in Christi MATRE, semper*  
*salvi sitis & incolumes; uti vos, inimica gentis stir-*  
*pem, eminus suspicati sumus: & piratas esse Britan-*  
*nos credidimus, cum vos interim Europæ religionis*  
*fios, & haud dubiè gens Hispana, sitis. Illos alteros*  
de-

detestari formidareque, juris gentium est: sicut, & diverso, nationem orthodoxam diligere complectique. Rationis hoc, & Evangelica legis, praescriptum est: Amare fratres & hic animorum nexus, CHRISTI discipulorum publicum est, ac receptum, signum: sicut Catholici nota nominis, Hæretico perfido nos AVE quidem dicere. Gratia caelesti regi! cujus divino munere, cuius innocuo cruore, Nos etiam, Americana Barbaries, nos populorum & rerum ultimi, qui sedebamus quondam in Tenebris, umbraque mortis, respersi sumus: qui, divinorum pariter humanorumque rudes olim, nuper admodum per Castellanos Lusitanosque Doctores, Lumen, Religionem, fas & æquum, adspeximus. Ea nunc cuncta simul, Angli prados (si vota perinde fluent, ut naves eorum) creptum & extinctum sunt. Quæ, cum illi dixissent; nos invicem salute gratulationeque reddita, sciscitati pergimus: Ecquod hominum genus? unde domus? quibus vita rationibus & institutis? quid denique, tam procul Insulis Britannicis semoti, stomachi vel bilis adversum Anglos, conceptum ferrent? quæve tam acutum quarælarum origo simplices mentes insedisset? Nam læsi, damnisve laceßiti frenderent? An ex fama potius, & amulorum obtritione navibus indignarentur Paritanis?

Adhanc interrogationem, is, qui de quatuor Americanis videbatur animosus, ac fervidiotis ingenii; Quid multa? [inquit] Nos indignamur, & ex damnis, quibus per Britannos mactati sumus; & ex fama, quæ pessima laborant, hac quidem tempestate. Simulque: postquam nos audiendi percupidos se nactum videt; ad narrationem plenam, se labilis, vultu, statumque corporis, componit. Nos autem, umbra simulacri: morali, quietisque studio provocati; confidemus in circulum. At is, medio receptus confessu; sic apud intentos, exorditur.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER IX.  
CAPITUM BREVIARIUM.

I. **S**enior ē quatuor Americanis narrare orditur, suam & consortum suorum vita conditionem, captivitatemque, Anglicanis sub piratis aditam. Eos, unāque Franciscum Dracum, exsecratur. Comment. pag. 251.

II. Subnectit deinde; Suggestum sibi ab Hispano quodam nauclero concaptivo consilium, ad libertatem, per praefecti absentiam, comoda fraude reperendam. Eius Oratio hic ponitur. Comment. pag. 253.

III. Addit; Quibusnam rationibus, de fuga modo dubitantes captivos, idem nauclerus animavit, & impulerit; refutatis eorum timoribus. quem item latibulo receptuique locum suaserit? Comment. pag. 255.

IV. Recenset insuper; Se, gubernatoris illius monitis obsecutos, lignandi aquandique specie, navi Britannica digressos: & captivitate rupta, in illud ipsum nemus feliciter delatos esse. Præbent iidem quatuor viri occasionem Hispanis, sciscitandi super nauclero illo Panamao, qui Victoriā atque socios ejus, perfide navi sua emoverat. Commentar. pag. 257.

V. Nar-

V. Narratur à piscatore Americano: quid nuper inter nauclerum illum Panamaum, ac Britannos piratas, quoque successu, sit gestum. Comment. pag. 260.

VI. Nova ratis molitio; novique & exotici remi. Tellus stagno passim infusa; post, tumuli collesque sabulosi, sociorum iter plurimum turbant. Comment. pag. 261.

VII. Pediosam, siti confectum, refocillaturus Victoria, cum aliis duobus abit, remotam ad sylvam. In via deprehendunt (sed inscii) fererum hominum impressa sabulo vestigia. Victoria nudipes, spinis ac fruticibus, denuò graviter plantas affligat. Commentariol. pag. 263.

VIII. Egerrimè jam progredientem Victoriam, miserati duo comites, ad Socios remittunt. Redeunt, rertius quidam utrem extorquet: & præcedentibus duobus se comitem jungit. Quos omnes, quo casu interceptos, vero simile sit? Victoria, reversus ad ceteros, cum illi puteum effodit: verum, aquis ad usum inhabilibus. Comment. pag. 266.

IX. Ulteriùs progressus cum sociis Victoria, post tri-duum incidit in signa luculenta, ex quibus colligunt, Tres illos aquatores ab Anthropophago devoratos. Eorum igitur exitio illacrymati, ipsi ad loca devia, & tutiora, defleunt. Comment. pag. 269.



ARIS hujus, quod vulgus ZURIUM, vos autem PACIFICUM appellatis; in cujus nunc litoris vicina sedemus: pacem disturbat nemo, præter inquietum Anglorum discursum.

Hi procùl, alium in orbem, alio penitus ex orbe, veniunt ad nos in myopatonibus: nulla salutis nostræ, sed sola prædationum cura; pestiferò cum primis thalassiarchi cujusdam exemplò: quem à suis DRACUM intelligo nominari. Ferunt; hunc equidem alterâ sua, quam ad nostras plagas ador-

adornavit, navigatione, Panamam incurfasse Nombrediosam veterem ejusque templum, in cineres magnam partem vertisse; Castellam Auriferam, & omne Peruanum imperium, affectasse; si vota processissent. Verum; ante decennium plus minus (a) ad Portam, quam vocant BELLAM, conversis velis, medio tandem maris cursu restitare coactum: ac, quamvis ingentibus rei perficiendæ spebus inflatum; obsceno repenè fluxu viscerum, & ventrem & animam exegisse. Visum est in præsens pacatis aliquantò pelagus; intercepto morte, qui fluctas & arma moverat. Sed nunc latronis illius maritimi conatus vestigiaque præmunt (per aliquot jam annos, ab Regina gentis illius funere) novi Latrunculi: minorum quidem illi nominum; sed scelerum successfuliumque vix inferiorum. Hi namque, non contenti spoliis grandibus, aut onerariam opulenti direptionibus; etiam tenuissimas opes, ac paupertatem capite censorum, incurfant: corripiendis lembis; ac trahendis in miserimum servitium iis, quibus omnis ex arundine lineaque sper pendet. Ecce namque! *Quattuor* nos, quos videtis, maritimæ regionis hujus indigenæ: cæterum jam olim CHRISTI cultores, & religionis Romanæ, PORTUM æquoris Zurii, quem ARIAE vulgò nuncupant, piscatu frequentabimus. & hoc quidem ex instituti nostri vitæque conditione. Forte sic nescis: ut ad littoralem oram (nec ità procul colonia nostra) phaselum exerceremus, & retia lagenamque spargeremus: cum ex transverso, non prius observatus, pirata Britannicus, in nos ab alto decurrit.

Quid expectatis deinde? Nempe *quattuor* senes, inermes, & repugnare prorsus invalidos, unà cum celoce, sine mora longiore, capit; mortalium vilissimos, & navis Anglicæ, non nisi pon-



pondera, nullos in usus valitura. Sed scilicet, id genus prædonibus; quidquid ad numerum accedit, ad commodum etiam accedere videtur: ac, præter hoc, plerisque mortalibus, (orbem & Solem exterum affestantibus) pro vera gloria sæpe Vanitas placet, quæ sit: ut, ad suos reversi; quando victorias & opulentiam nequeunt, peregrina captivitatis hominulos, tanquam per circum & triumphum, ostendant. Id ipsum, animo Piratæ decretum insederat, in Angliam ut nos suam deportaret. Iamque permultum temporis, oberrante per Oceanum oneraria, defluerat; sine præda, spoliisque novis. Præfectus autem paronis, intermissis in præsens insidiis; pro furto raptisque, litus; pro recentibus periculis, quietem respectabat ac patriam. Nec id absurdo prætextu: quippe, subigente feroces animos, tum vel maxime, rerum necessarium inopia; qua singulos in dies gravius consistabamur. Ecce verò! secundissimis coortis statibus, in hujus ipsius litoris, in quo nunc stamus, viciniam, subducimus navim Anglicam: atque religamus. Inde; quia nondum etiam omnis cælo decesserat hyems: pars vectorum classiariorumque lignatum & frondatum; pars (dulcibus absumptis jam nodis) etiam aquatona exscedunt. Ac nec archipirata quidem sibi temperavit; quo minus, explorandæ viridioris continentis illecebra, phaselo prætoria litorum semota peteret.

Inter hæc igitur; cum prædonum detestabilem præsentiam, & oculos, felix casus nobis submovisset: ad salutis consilia mentem convertimus; in hunc, quem dicam, modum atque fraudem.

II. ERAT in eadem tunc holcade nobiscum, naucerus quidam præsignis; Hispanus gente, moribus ac religione bonis omnibus probatissimus: cæterum captivus etiam ipse, velut nos; & indignæ sortis. Hunc, jam olim per mare PACI-

FICUM

FICUM annonam ac mercimonia vectantem ; Britannus noster, injecto per vim unco, victor attinuerat : & , quanquam armis reluctantem ; una cum oneraria, cumque vectoribus, in potestatem atque servitium, pertraxerat. Processu deinde temporis, tametsi compede religatum, magisterio navis & clavo, propter spectatissimam gubernandi petitionem, applicuerat. Is talis ergo, posteaquam, abcessu Præfecti cæterorumque, nos pæne solos tecum relictos conspicit ; gnatus etiam ipse [ quantum satis est ] Americani sermonis, nos mœstos ac desides, ultrò priorque perhumaniter affatur : ac, *Tristes [ inquit ] & invitos, jam pridem vos video, neque miror : quippe captivos, & in hostica navi servitutem tolerantés. Vultus vester, animum vestrum loquitur : conceptamque mentem nubem, proficitur frons, rugis sulcata ; morosoque silentio restrictus, & parvus, sermo. Nec aliud impræsentiarum ipsa ratio vobis, & avida libertatis natura, distare debet. Quin itaque, si vere servitium istud execramini [ sub tam perfido præsertim capite ] si vita prioris amœnitatem ex animo suspiratis, si viri denique, si fortes, si conjugum liberumque memores estis : rem pulcherrimam tentatis ? & ergastulo fædo, per honestissimam fugam, vosmet eripitis ? Patet, ecce ! patet janua felicitis supra votum occasionis : absentia, nempe, detestabilis archipirata, prædonum & epibatarum digressio ; remigum, Anglo juratorum, mira raritas : paucissimus denique, per transstra navium sedens, Coryceus ac speculator, & hic ipso [ ne forte fugere dubitetis ] somno marcidus, & oculis auribusque clausis. Ad me quod attinet, videtis ipsi ferreos hosce tibiærum nexus, qui me stringunt & inhibent, inextinguibiles : promptum cateroquin visibus, & animo paratissimum, ad idem ipsum Numinis beneficium acceptandum, & vobiscum unâ jamjamque dilabendum. At vos, & sine catenis estis, ac præter hoc paucissimi numero, proptereaque conjurare tanto fidiores, simul & fallere, discedereque, securiores. Quid ? quod nec opus qui-*  
dens

dem est aperto profugio? Prætentui capite, maritimas necessitates, quæ multa sunt: ac, palam omnibus, dicite; Nondum etiam plene depulsa bruma, Verni temporis inconstantiam instare, rigidas auras, immite perfidumque cælum, & tempestatum Aquilonarium turbamenta, vestris aquoribus anniverſaria: vobisque, tanquam indigenis, ante ceteros omnes, notissima. Talibus frigorum incommodis, non simplici, neque collectitia frondatione; sed, cum industria copiaque dejectis sylvis, obviam eundum esse: caduâsque plena lignatione subruendas, in focorum & camini nutrimenta. Perro vobis [nec alius magis] in tota navi, compertissimos esse littorum saltus, in materiem habiles ac feraces. Vobis potissimum, omnia dumetorum ac nemorum excussa tritâque penetrantia: velut larvæ domestici non minus, quam piscationum, studiosis; utpote, quibus, gelu confectis, ex aquarum usu continuo; culina, tempestivusque calor, multum cordi sint. Hac si jactaveritis; velut boni communis perstudiosi, nemini non exscensionis causas probaveritis: dimittesque vos, etiam si quis ceteroquin adversatus esset, rigidus observator.

III. ISTHAEC nobis Hispanus (inquit Piscator) At nos adversum illa (pergit) Haud absurde captivis [inquimus] nec invitis, consilium ministrares. Sed, quo tandem eventu! quibus itidem vitæ subsidiis [si, semel relicta frumentaria navi, solo sterili nos commiserimus] famelicam & exesam animam trahemus? Finge super hac, immo, sine dubitatione crede; Praefectum inoparonis [ut sane furiosus, & in conjecturas pronus est] posteaquam in navim redierit, comperto quattuor captivorum digressu quod res est, suspicaturum. Propono tibi, graviter animo, velut assoler, exarsurum. Puta: dubio procul, emissurum adversus nos scapham, quæ fugite vos vestiget: mandaturum in nostra capita sicarios, ferrum, mortem! aut [si quàm clementissime nobiscum agetur] imperata daturum armatis, qui persequantur, qui deprehendant, qui de fuga reprensos. in flagra, fustes, ac vincula retrahant aeterno-

ram nexum. Cedo, quid tum nobis? quid tergo, car-  
vicibusque nostris, & pedibus, fiet?

Atille; Nihil [inquit] & nuga! Nam secessum qui-  
dem vestrum ego, communis necessitatis colore palliatum,  
purgabo: Defensoria quàm facundissima. Caterùm  
absentia vestra moraque longitudinem in lignando;  
Præfectus ipse (siquid adhuc humani sapit) aut casibus  
assignabit, qui multi varique negotiis intercedunt:  
aut tribuet errori viarum, atque nemorum ambagi-  
bus. Immo fortassis ultro, tanquam deceptus &  
avilis; misericordiam, ac mollem animum, impendet.  
Interim ego, gubernatoris jure, caussas aut inveniam,  
aut faciam; ob quas, velut ex Oceano ventorumque  
lege, naves in altum ab littore detrudam. Nec Archipi-  
rata, propter quatuor Senecionum corpuscula [que for-  
sitàn ipsa mox ætas dissolvat] cuncta maris & cæli  
commoda, sub ictum dabit; longa vestri vel indagine,  
velexspectatione. Cum præsertim prædonibus, servorum  
aquè facilis sit, & jactura, per casum; & reparatio,  
per novum plagium. Tantisper, vos (citius, quàm,  
dum hac eloquimur) recuperatæ libertatis amor, ac  
pedes, domestici larvis cupidine vivaces; longius pri-  
dem abstulerint: quàm quo piratarum spes & conjec-  
tura sequi possit. Verum, demus hoc tamen vestro scrip-  
tula: concedamusque; Cuncta, quæ vos metuitis, even-  
tura: quam facile patet, quam propinquum & com-  
pendiosum, in saltus vicinos, & in montes, iter? Hos  
simul ac, tramitibus vobis notissimæ, penetraveritis:  
quos (quæso) vastis illis in recessibus, amfioctus? quor-  
tesqua, salebra, latibula, subtrêque terram montani  
specus? In iis, quoad servitantium primus ardor defet-  
bescat; nullo penitus discrimine metuque desidebitis.  
Quod si verò requiritis; quid post hæc omnia sper sit?  
ecquod asylum, aut munitus locus, qui vos profugos re-  
ceptet? etiam istud ex me discite. Prægressus vobis ad lito-  
ra, Peruvio propinquiora; quæ Solem orientem maritima  
regio contuetur: longa quidem, ac deserta continens; æcer,  
ereberrimis præterea paludibus, & æstuaris, interfus-  
sa:

sa; fabuloque difficilis: interdum autem etiam sylvis implexa. Labor hic viarum, supra fidem quidem; sed non supra vires est: & tamen omnino devorandus, praesertim viris, salutem ac libertatem quarentibus, quorum utique commodorum cupidine, mortales etiam ferrum, & invia, perrumpunt. Post hac vero superata, paucissimorum impendio dierum; MANTA iacebit in conspectu, ZURII maris Portus, omnium opportunissimus. Secundum hunc autem, emporium, omnium rerum copia dives ac felix; civibus insuper, ad omnem humanitatem factus atque natus. Ille scilicet malorum omnium terminus; iste servitutis finis erit, ac vindicta, Qua vos utique, vel cum sexcentis periculis, malle debetis; quam, sub profanis ritus navarcho, corporis atque conscientiae tyrannidem. Ad me vero quod pertinet: equidem salutaris consilii gratiam à vobis nullam aliam posulo; quam mei, meorumque vinculorum, in meliore fortuna visiva, qualemcunque memoriam.

IV. SUASIT hæc Hispanus, prædatoriæ navis gubernator, nobis, omnium consiliorum nudis: &, in tot argumenta, jam sine controversia credulis, tandem planè persuasit. Statim ergo, nec CUNCTATIO, solito suo vitio, bene consulto destrueret; nâri Britannica, cum atciis cunctisque (tanquam postremi lignatorum aquatorumque) digredimur: paucis tamen prius, & inter lacrymas, Hispanum complexi. Cæterorum, non modò ricas nemo; sed neque sermonis rémoram, aut interrogationem minimam, ausus interponere: dimisere nos, de mente vel professione negotii nihil ambientes, quia nos cum tam manifestis operum instrumentis, & simplicissimo digressu, contemplabamur. In hunc igitur modum, tanquam lignicidæ simul & aquarum ministri, densa sylvarum petimas: quæque maximè visus locus impenetrabilis, cordi silentiò nos recondimus. Dum latepos autem (nec multò sub fugam nostram.) stimulan-

te,



te, sicut opinor, gubernatore : vela prædones faciunt, sine nobis. Idque, siue, quod non sentirent absentiam nostram; siue, quoniam (quod propius fidei est) non magni penderent. Id ipsam tunc nos fecisse piratas, suspicati; præsertim humanæ vocis nullo repercussu deprehensio : tandem de nocte, tenebrisque latebrarum in lucem & aëris apertum prorumpimus. Deinde, cursu per semitas notas ignotasque continuo; demum hanc, in quo nunc à vobis inventissimus, locum ac sedem tenemus; lætiores equidem ac læti, quod hostem evasimus; lætiores autem, quòd ad amicos. Hispano verò nautero (primo libertatis nostræ suasori, magistroque) quid postea factum sit, aut futurum? quanquam illi, pro meritis in nos eximiis, evenisse quàm optima volumus, ac volumus : tamen, ex quo digressi sumus; in ignoratione pariter ac metu, pro viro sumus. Nam illius nationis homines, & quidquid Philippis parer, Britanni pejor reliquis omnibus oderunt, & accipiunt. Et hæc nobis senex denarrabat.

REFRICUIT autem, ultimis historiæ suæ verbis, memoriam nobis antiquæ navis nostræ : quam jam pridem ex omnium animis desperatio deleverat. Tunc verò subire mentes ea cœpit cogitatio : Ne fortè, piratarum etiam ipsa spoliū facta : jugum & arbitriū Anglicanum subisset? Quid tum igitur (popularibus maximè nostris, quibus adhuc refectum navigium erat) quid sarcinarum nostrarum reliquiis accidisset, in suspenso tenebamus. Itaque, cum interrogare, visum esset operæ pretium, primus (ni fallor) ego, pilcatores aggressus : *Et quàm dudum, ajo, myoparonem vos, ac servitutem, intrastis?*

Hic illi : Si menstruum (ajant) aut paulillo productius spatium, diuturnum est (ut sanè) CAPTIVITAS omnis, etiam brevissima, cervicibus ingenuis annus & ævum est] dudum in illud ergastulum incidimus.

*Idip-*

Id ipsum tamen, si vobis modicum & arctum tempus est (quippe patria, parentibus, ac propinquitate jam forsitam atatem carentibus) fatemur; nos exiguo die-rum noctiumque numero, sine liberis atque conjugibus nostris degere. Tam modico nihilominus intervallo, multa magnaeque mala vidimus: nec ea sicis oculis. Inter cetera, religionum contemptum; captas, expilatas, demersasque dromadas, & liburnicas; raptas virgines ac matronas: abstractos, contra fas, in nefas, ingenuos. Experti furta sumus; sacrilegia latrocinia: nec non errorem, ac cades; si quis forte, jure gentium & natura, defendere suas opes ausus esset. Quanquam pauca tamen (subdit è quattuor viris is, qui narrationem primam pertexuerat) immo vix ulla navis, insolentia Bri-tannorum obviam ire sit ausa; frater unicam (quam quidem sciamus) æstuariam, Hispaniensibus, ut fe-rebant, veleribus onusiam: viris, ut ad resisten-dum alacerrimis, sic ad victoriam omnium felicissimis. Erat autem illa navis, ut ex eius rectore ceterisque sig-nis, & aplustribus, collectum est, *Papamæa*. Quæ cum ille diceret: nemo sociorum ambigebat; quin nostram is loqueretur *Navim*, & eam ipsam: quam è Phi-lippinis recurstantem, perfidia fraudeque guberna-toris (sicut sæpe dictum est) nos per extensum reliqueramus. Hunc ergo sermonem interfatus PE-DIOSA noster, in piscatorem verto vultu; *Narra, narra, quæ te; sed simpliciter (inquit) ac fide tua. quid naucero, bipedum sceleratissimo, deterrimumque ma-lorum commerito boni casus successerit? Simul raptim, ac velot per tumultum, omnes nos, alius aliter, mixtis questibus; facinus Panamæi gubernatoris aperimus: cum quo compositus gubernator Hispa-nus, ipsorum conservator; tanquam DEUS ad LU-PUM, conferri posset. Conclamamus simul, Indig-num esse, vitam ei (necum victoriam) prorogari: quem nos, pro nequâ factis, jam dudum condigna supplicia, novissimis exemplis, expendisse speravimus: & certe saltem naufragio, scopulis, marinis belluis, aut, aliter indignante celo, deletum.*

Hi,

V. His auditis, senex; Si, quod narratis, verum est (ait) ut esse, non dubito; scilicet, etiam in illum contaminatum hominem congruere, manifeste video, quod adagio populus frequentat; IN Deterrima quæque capita, fortunam optimam delabi. Nam ecce! legentem ZURII mars littora Panamaam biremem, speculata piratica Britannorum, haud multo post, quam nos in servitium incidimus: validis capiti remis, & omni gubernaculi conatu, persequi. Porro, consecrantibus his celeriter; & illis majore celeritate fugientibus: ad extremum Anglus quontam onerariam suam animadvertiebat, ad sperata spolia tardioris esse molimini; celocem emisit, propulsu circumactaque prapicitem atque volubilem. Hanc, ut tanto validius navim Panamaam incesset; ab uncis ferreisque corvis, & harpaginibus, provide cumprimis instruxerant, ceterum fiducia successus, quam successu, meliore. Cùm enim in congressum amba naves cominus venissent, prior quidem certamen est ausa celox. Nec tamen ideo vestrorum animos fregit. Dum enim hinc fistularum glandes, ferrata tela, superbi clamores: illinc autem, pro salute dimicantium, serius ardor, major virum copia, grandis & Hispanus animus, prompta manus, & creberrima missilia, volitant; post diu pendentem Martem, Angli tandem vestratum saxis. & imbre lapideo, depelluntur. Namque, futurorum cati; petrarum & scopulorum fragmentis, ingentique congerie silicum, Hispani carinam & tabulata sua, passim instraverant: eaque, consumptis armorum ceteris auxiliis, in hostiles vultus & pectora feliciter effuderunt. At Britannici, cum dedecore retusi: terga victoribus & gloriam concessere; longius refugi, quam, ut Iberici funditores porro sequi possent, aut saxis suis attingere.

Sueclamamus in hæc omnes; O, nequam hominem, nauticæ Panamaam! o fortunam, auspice candidiore dignam? o fidos, & suo gubernatore sanctiores, socior ac vectores! Mox loco (quem in circulum interim occupaveramus) consargimus; & ad curas

tas antiquas , à brevi quiete , convertimur ; *ecquam deinceps usam ? & quibus adminiculis ac praesidiis , insisteremus ?*

VI. POST singulorum dictas auditasque sententias ; aliud malorum levamen non apparuit : quàm , ut iterum navigaremus. Ergo , cæsa materie , picatores quattuor , ratem ingentibus compactam truncis , instituunt , & absolvunt. Eam , ne gurgitum incerto , vel intorto vorticum , fluctuaret ; geminis in loco proræ rudentibus ; totidem etiam in cauda ratis , revinciunt , ad angulorum extremitates deligatis : & , hoc vinculorum tractu , totam fabricam inter aquas librant reguntque. Nec tamen , inter hæc , clavi qualisqualis curam omittunt : eo tractante gubernaculum , qui de quattuor senibus peritior videbatur. Nobis porro , ne quis prorsus in molimine navigationis tam operoso , cessator esset ; singulis in manum dant vexillum. quo nomine ( velut supra retulimus ) arundinis quoddam genus Americanæ designant ; valido crassoque stipite solidum. Hi pro remis atque contis nobis erant ; ratis progressui stimulando. Jovit tam audaces & laboriosos conatus , tandem aliquando faventior fortuna , prospero successu : transvectosque per amnis latitudinem , prius incompertam , & tunc novis undarum accessibus adauctam ; exposuit in eam regionem , quæ debuerat esse ripa : quanquam ( ut fatear ) haud omnino discriminum immunes. Quod enim de cataclysmo vates ille cecinit , id ipsum & hic reperimus. Adhuc *Omnia Pontus erant , atque flumina , Pontoque sua littora decrant , & fluminibus suis agger atque terra.* Nam qua parte , diebus superioribus , continentis planities , latè prata virentesque campos explicuerat : ibi nunc , exæstnante maris eluvione : circumquaque refusus Oceanus incedebat , non minus domum millium spatio passum. Nullo telluris tumulo , nullo colliculo residente : plane vetus illud , & *madidum ,*

*Noahâ*

Noachi *seculum* representari videbatur. Igitur, dimissa rate (quippe, quæ per soli stagnantis iniquum vadum, ac brevia, promoveri nullo modo potuisset) pedes navigio substituimus: ac, plurimum densato labore; nunc quidem latentibus impactos truncis atque saxis, nunc cæcis foveis haustos, per horas aliquot æstuario toto traximus. Ventumque foret ad desperationis necessitudinem, nisi simul nox ingruens simul mare sese resorbens, miro Numinis beneficio, repente nos, nec cogitantes, adjuvissent. Cum enim paullo prius [tanquam in Oceani gurgite, cum Polyphemo Siculo] liquidum iter carpissemus; plerumque lumbos atque latera tingentibus aquis: de nec proviso decedens, & in se refluus maris æstus, nobis in decubitum qualequale stratum; & exiguum saltem temporis intercapedinem, ad quietem, indulsit. Sic acta nox est.

Neque tamen dies inloquens, ærumnarum ultimum hunc *Actum* esse passus est; sed recentium *curarum theatrum* nobis aperuit. Stabant enim, seu primævo naturæ genio: seu [quod potius reor] ereberrimis Ponti refusionibus, aggesti conglomeratique colles & tumuli; littorali glareæ sabuloque surgentes. Hi, sparsis circumquaque clivis, montium nonnullam valliumque speciem representabant. Hi perrecturis nobis [velles, nolles] sese scandendos offerebant. Mihi, virium ægerrimo, nova pestis, nova mors: sociorum cæteris, quanquam paulillo fortioribus, tamen multa fatigatione confectis: quibus, in molli fluidoque pulvere, calamitosus ascensus; & morosior sæpe molestiorque delapsus, obtingebat: reciproca cliworum, decliviumque, vicissitudine. Summa tandem miserimi laboris fuit, iugorum quidem arenæque finis; sed corpora languore fracta, spiritus longo ieiunio macer, vixque jam pendens: ac fauces, undæ dulcis inopia, jam biduum tridum-



ve solidum fatiscantes : Et hic igitur , *Necessitatis dura lex* interjungere nos subegit : longioris itineris impotentes.

VII SED præ cæteris omnibus [ ac certè plus quàm me ] PEDIOSAM meum sitis impatientia prostrarat. Apparebatque ; sine celerrimo refrigerio , juvenum optimum haud de via magis , quàm ipsa de vita , periculum aditurum. Illius ergo pia miseratione , mecum tacitus ac solus in consilium descendendo ; de laticis alicujus potabilis indagine. Neque tam longæ deliberationis hanc rem arbitratus , quàm pedum potiùs ac laboris : ad spes repentinas confurgo ; vixdum pauxillo quietis delibato. Nam eminus , ante meos oculos , saltus ingens jacebat ; ac perquàm frondosus : & ob hoc ipsum [ more nemorum remotiorum ] cærulea revidens amœnitate , nigrorem inter viroremque certante ; propter foliorum densitatem. Et hæc sylva quin irrigua fontanis aquis esset , hinc inde scaturientibus ; nulli dubium esse poterat , qui saltum Americanorum , ad *mare Pacificum* jacentium , vel tenuem notitiam haberet. Sed , quanquam sitirent omnes , tamen omnes torpebant ; & idcirco de toto comitam numero , vix unum tandem & alterum , in aquisitionis societatem , infelicissima facundia , pertraxi.

TRES ad manum erant utres coriacei ; quos , navi Britannica profugi , piscatores ad nos attulerant. His igitur ipsis , pro numero , tres instructi juvenes , consensu vadimus ; cæteris nostris , excursionem nobis prosperam , magis optantibus ; quàm sperantibus. Erat viæ principium aliquotusque , terræ clementia , placidam atque molle. quod tamen , quantumvis æquum ; focii mei , tanquam asperrimum ; calceati peregerunt : consilio salutaris quosvis in casus intenti. Mihi vero contigit ; nudis ire , ram tibiis , quam pedum plantis. Quanquam enim , quotiescunque per scabra , salebratque per-

pergeremus; pedes totos etiam ipse consueſſem op-  
 rire, vulneribus declinandis: ſiquando tamen (ut  
 ſæpius) paluſtria nobis, aut arenæ littorales, ac  
 ſabulum, occurrerent; moleſtiæ redimendæ gra-  
 tia, pedeſtria tegumenta ponebam. Tunc ti-  
 bialia pariter, & ſoccos, de cingulo potiùs, quàm  
 de crure ſoleaque, geſſabam: ne glareis (ut ſit)  
 lapilliſve, neu ſaluſſigine putidoque luto, reſertis  
 hic amiſſus, plus eunti gravaminis, quàm opis,  
 afferret. Tantummodo, ſub hoc ipſum tempus,  
 calceos ne de zona quidem, veteri more meo, ſuſ-  
 penderam: ſed, quòd itineris initia tam oculis, quàm  
 pedibus perplacerent, ad PEDIOSAE ſarcinas con-  
 temptim penitus eos abjeceram. Hoc nudipedum  
 ritu, per campos primum æquabiles incedebam;  
 tantum non delicate: certeque ſine notabili pro-  
 greſſus mole. *Charitatis* enim, adverſum ſuientem  
 PEDIOSAM, *affectus*, *moleſtiæ omnem demit-  
 tigarat*. Non multò vero, poſt iter inchoatum; a-  
 renofos iterum in locos eſt ventum. Illic humano-  
 rum veſtigia pedum obſervavimus; ingens regionum  
 ignaris ſolatum; & accolarum (ut rebamur) haud  
 ita procul diſtantium, argumenta non obſcura.  
 Saſtulimus ergo pariter cum voce manus: ac TER  
 OPT. Namini gratias habuimus: quod in loca cul-  
 ta paulatim deducere nos cœpiſſet: ſed (proh do-  
 lor!) ignari rerum, & immemores humanorum e-  
 ventuum Labyrinthi. Quippe, qui poſſemus iſdem  
 veſtigiis, tam ad Caci latronis antrum: quàm ad  
 Herculis Servatoris Aram, deduci. Poſtea quidem  
 ſane compertum eſt; nec Hiſpanorum pedes ea viæ  
 ſigna, nec omnino Chriſtianorum, impreſſiſſe: ſed  
 illac vagatos barbaros, Americæ cultores, &  
 quod omni terrore triſtius eſſe debuerat, veriſ-  
 ſimos Anthropophagos inceſſiſſe. Quanquam e-  
 nim procul locis iis (& ad hybernum ſcilicet So-  
 lis ortum) Braſili degant, humanæ carnis vorat-  
 ores, procul quoque Caribes, Canibaleſve, paris  
 fari-

farinae mortales, ad Orientem æstivum abisti; Tamen Occidentior etiam America: nec non, qua parte Boream, Hispaniolam, *Hispaniamque Novam* respicit: eorundem gulorum imitatoribus non carer. Et hi, nec audacia Brasilis, nec robore virum: multoque minus, morum atque dentium feritate, cedunt.

Nos interim, futurorum ignaros, & ideo *Terribulum, tanquam magnam felicitatem, adorantes*: nihil isthæc consternabant. Immo, præcipiti passo, tuebamur ignotum in discrimen, destinatumque menti sylvam: tanquam veriti, tam præclaram occasionem damni facere. Sed Sylva quidem illa, quæ jam dudum ante nostros oculos, ac longo tractu, steterat: subduci repente nobis est cœpta; posteaquam ipse vestigiorum ductus, nos ad arbuſtum quoddam deduxit, quod itineris fere circa medium surgebat. Id, spatio loci diffusum, & amplum: atque præter hoc virgultis, præcelſisque thyrsis subtectum ac dentem: omnem nobis ulterius positorum nemorum prospectam intercloſerat. Ad ea tesqua nos, humanorum (de quibus memoravi) pedum notæ, semper adhuc arenis immanentes, pertraxerant: a quibus, ad scrupulum usque gradum conſectante, nusquam exorbitaveramus. Erant autem tesqua verius quam arbuſta dumetaque: difficilia profecto perplexaque: sed tamen perreſturis vincenda necessario, perumpendaque. Quæ progrediendi difficultas simpliciter comites meos: at me gravius, & duplici malo, mactabat. Nam, quod virgultis internatæ spinæ, dumique, rhamnorum in morem horrerent: non poterat nudato corpori, per medium eorum tendenti, contingere progressus indemnis: cum præsertim, ævo longo brumivæ derupta, passim acuta ramalia, spinosaque fragmina, semitam omnem operirent. Et hoc tantum incommodum, Socii quidem mei manibus duntaxat: utcunque veste rectis; excipiebant:

digitisque modicæ cruentatis, dum vepreta perfringunt, viam aperiebant; inviolatis membrorum reliquiis. At mihi dextra simul sinistraque dimovendi tentes, simul pedibus undequaque recudatis proterendi; corpus universum, vulneribus procißum, largo sanguine pingebant.

TUNC ergo demum reputare cum animo meo cœpi; quam absurde, quamque negligenter & improvide fecissem: qui, *tam prolixum in iter, tam breve consilium attulissem; & adversum tot vulnera, non saltem corio [quod minimi tamen negotii fuisset] soleas obarmassem.* Et ego quidem, aut incuriam meam, aut stultitiam, aut etiam [quod *IRATIS tristissimum esse solet*] infelicem navivagationem STELLAM *incurabam.* cum inter hæc tamen, de me Stellarum opifex optima quæque Sidera Fatæque disponderet; &, ex ipsa calamitate mea, suo more, Salutem [sed retrogrado tramite] provocaret.

VIII. PRINCIPIUM incolumitatis meæ, tanquam inassequentium bonorum semen, ipsi socii jecere. Quibus tamen ego, mirabili divinæ Providentiæ circulo; periculorum ac mortis initium, inscius invitusque struxi: dum & ego meum illis consilium approbavi: nec minus illi mihi suum. Sic est autem acta res, & priores illi, tragœdiæ suæ straverent scenam: *Quid tu, miser [inquant] VICTORIA? Tu tanto sanguine [nam cruentatos pedes videbant] tantillam emis aquam? & omnium laceratione membrorum exiguum aliens gutturi refrigerium investigas? Scimus enim, & negare non potes: te non tam pro te ipso, quàm præcipue pro PEDIOSA tuo, sitire. Misere! autem nos [medius fictus!] & multum tui misere! adolescentis, in omni contubernio nostro tæmeris, minime tamen omnium, atavula tua parcentis. Quin tu potius, PETRE: quin aliquando remetipsum respicis? Revertere, per quidquid divinum est! siquid nunc, siquid tuus, & matrem, atque adeo PEDIOSAM ipsum*  
amas.

amam. Nata hunc tu, siquid humani patereris, tot  
 ipsius causa plagis confectus; tecum unâ confecturus  
 esses. Hoc ergo potius, cuius nos auctores tibi sumus,  
 fac; & redi, si sapias. En, vires [ut vides] nostri,  
 capacissimi sunt, tuoque, propemodum in duplum, am-  
 pliores. Ex istis ergo tu, tuisque PEDIOSA; quantum  
 voletis, tantum bibitis: simulac nos, fontium potiti, recur-  
 verimus. Tantum nunc, amabo, revertere!

NON fuit difficile, PERSVADERE reditum homi-  
 ni: quoniam hinc quidem tot difficultates; illinc autem  
 tot promissa circumstarent, ac preces. Statim ita-  
 que vale dicto, gradum simul utrumque refero.  
 Sed, ecce, medio regressu comitum alius quidam,  
 ex iis, qui subsederant, contrâ graditur. Eum e-  
 xemplum utique nostrum, ac sitis improbitas, de-  
 quieris desidia, tanquam veterno quodam, excita-  
 rat; ad aquarum dulcium indaginem. Is ad me  
 prior: Quid est [inquit] piger? & tu reverteris? quan-  
 tumque video, casso, tam ventre, quam utre? Cui,  
 cum ego raptim, & per compendium, causas meâ  
 redius detexissem; At mihi (clamat ille) longe mens  
 alia, major animus est. Contra tesqua, contraque spina-  
 rum morsus [sicut ipse cernis] pedum arma robusta sunt;  
 calceique sumissimi: sed uter nullus. Tuum igitur culleum  
 mihi cede. Tu verò, quo capisti tramite rimear, recede.  
 Simul, utre de manibus extorto meis; ipse quidem  
 præcessores duos cursu persequitur; & ad sylvam  
 designatam contendit. Ego contrâ, pæne mæstus,  
 eo titulo, quod inotilis ad omnia viderer aliis: sicut  
 institueram, retro pergo.

SED, o luctum eventum admirandum! Nam ego,  
 quem sensim jam, etiam ipsum, aquæ penurior-  
 quebat, & enecabat; inter ipsos vitæ supremæ  
 tractus, in tutam vitam reposui. Socii contrâ,  
 qui mortem fatique necessitu lines, utroque pede  
 fugiebant; ii mortem invenerunt. Nam, quæ  
 potest alia, de tribus illis aquatoribus, in cuius-



quam animo, conjectura vel suspicio, residere; quam, eos explevisse diem suum; & id quidem per violentiam, alienamque barbariem? Interitus quidem certè satis clarum visum indicium est: quod nec illo, nec adeo postero die, quisquam illorum ad nos revénit. Ad summam! ne tertia quidem luce [quam nemo facile, jejunos, desertis in locis, trahit] recurrere; quanquam ad meridiem usque Sociis præstolantibus; & oculos cominus eminusque, tanquam in redeuntibus, inuili circumspectu vibrantibus. Omnes igitur, socialis opis desperatione tandem subacti, de trium aquatione pariter actum conclamamus; & eodem ipso, quem occupamus, loci tractu, terram egerere solertes; refosis cespitibus moliri puteum institimus.

Neque defuit aut operi suus fructus; aut suis successibus instrumenta laboris. utique posteaquam, infatigata contentione, gladiolis pariter nostris, & piscatorum ascis [tanquam sarculis ac ligonibus] terræ duram indolem expugnavimus. Tandem enim, ad pedes circiter septenos demisso fossionis labore; scatebra cœpit affluere.

Verum, nequando nobis ullum, naturæ cœlive beneficium, sine facibus affunderetur; eam fatorum invidiam, quam itinere reliquo toto sensimus, etiam in hoc fonte gustavimus. Erat enim, quantuscunque scatebat humor; turbidus, crassus, luctulentus: ac, præter hæc, marcido putore luridus, & insuavis. Ad summam! insipidus latex; ac [si verum confiteri volumus] cloaca verius, aut Stygia salugo; quam fons, aut Arethusa Sicula. cadaver denique potiùs, & tabum undarum; quàm scaturigo venaque viventium Aquarum. Sed scilicet; *Ante cupiditatem Necessitas fuit!* Qua proinde nos perpellente, consultius est visum, etiam deterrimis potiùs refici: quam, per superbum fastidium, cum extremis incommotis conflictari. Stuli.

mus igitur verius, quàm haustum, frustra palustria: quodque spes esset, cum tempore defæcata fontana, limum in fundo decessurum: omnes, actotos, pileos unda replevimus. Ego vero futuræ feræque satietatis impatiens: neque contentus rore, tardissime proventuro: statim immineo cupiditati præsentī: strophioque, quod adversus narium stillicidia circumferebam, immerso: quantum humoris superat, ex limoso latice colligo. Deinde bibulam sindonem labris meis applico: lentissimoque sugendo ducta, potus aliquid prolicio. Sed profecto tarde liquor, & inexorabili quasi mora procedens; propter spissam ac palustrem uliginem, mihi pumicem verius, quàm spongiam aut linteolam, aqua tinctum, referebat. Donec ad extremum, vix ac ne vix quidem, gustulum magis, quàm haustum, extorsi: Pauculi que stillicis volam primum, mox fances utrunque subrigavi; non rigaturus, nisi; præse constrictis digitis, inter utramque manuum palmam sudariolum, madore roscidum, divexassem. Tunc enim tandem expressam lympham ingessi gutturi siticuloso; propter extremam quidem necessitatem nihil respicienti; sed revera tamen sordes illas nauseanti. Fastidii porro, tunc ructantis, gravi sensu mox ventriculus discruciarī cœptus est; stomachi penetralibus eversis, ad vomitus usque revomiturque turpitudinem. Itaque factum est, ut jam atrocius esset, *Bibisse, quàm sitisse, tormentum.*

IX. CAETERUM nos, collectis vasis: quoniam per ferarum metum, & incerta casuum à barbaris, parum tutum erat, iis in locis moram trahi, protectionem omnes uno pede resumimus: sciscitantes interim, & alternis interrogationibus admirantes; *Ecquatre Hispanos illos, a nobis ante tri-duum discessos, aquatio, vel exitus, excepisset? Quo nunc ergo locot quibus indigenarum studiis, aut animis, uterentur? Vivine spirantesque circumirent? an potius,*

*expleta mortalitate, cum pluribus, in seculo diverso, degerent?* HAEC dum inier nos ipsi, vario sermone, nec sine misericordibus curis, agitamus; repente, nihil minus cogitantes, ecce, pedibus in unum aliquem de tribus viribus, impingimus: temerè jacentem ante progredientium oculos; & (quantum apparebat) ab aquis adhuc intactum. Enim corneâ pæne duritie rigeat. Agnovi nihilominus [o lusum & varietatem casuum stupendam!] agnovi meum ipsius hunc, nec alterius, fuisse culleum, aquandicausa; postremo de lociis, concessum: velut supra memoravi. Conspecto, recognitoque testimoniis omnium, aquali [qui nunc tamen tam neglectim projectus jacebat] intremuimus equidem, animo suspensi; Quid tandem aequanti focio calamitatis incidisset? Eamque sollicitudinem auxit, oblata non multò post, eadem via, Panis bis cocti crassa; barbarorum, in maritimis Americæ, solemnis, nec à nobis ad id usque temporis confectus, cibus. Ea, quasi per despectum objecta, voluptatèque melioris epuli fastidita; volucribus nunc dentaxat in pabulam, aut mendicis, jacebat. His accessere, præter cæteras fonesti latrocinii conjecturas & argumenta; passim ad tricena millia passuum, itinere toto dispersa conviviorum signa: relictis suis in cineribus ignes; & adhuc semulhis stipitibus scintillantes, foci: denique, ne sim longior, cunctæ feralis lætitiæ ceremoniz, quibus Americani [quoties humana corpora deartuant, atque glutunt] cum indulgentia nepotanter.

Enimverò plenissima tunc demum omnibus facta fides est; Quòd, tantò post, nemo trium illorum ad nos remearet; eos, citrà dubium, à barbara palantium manu cæsos; & ad flammam, ac lignea verua, lentis, pro more, circumactibus affusos, & absumptos. His ergo, cum *Quietem in solo errâquesua*, fors improspera negasset [quippe tricul-

culento latronum ventu tumultu] nos REQUIEM  
tunc pariter omnes apprecamur; & REQUIEM  
quidem, in patria meliore, SEMPITERNAM.  
Fluunt interim certatim, per mississimi cujusque  
genas, piæ lacrymæ, lugubrèsque ploratus. Si-  
mu', in hæc, crudeles terras, crudeles mores ac  
mortes, exsecrati; celeri fuga, totoque pedum stu-  
dio, demigramus: & (relieto, quem primum in-  
stiteramus, viarum calle) per amfractus obliquos,  
in loca devia deflectimus. Utentius autem fallere-  
mus; sine vocibus, sine vestigiis nullo sonitu,  
per silentium compositissimum digredimur: & af-  
fectatis ultrò semitarum erroribus, insidias An-  
thropophagorum, quæ plerumque regias tritaque  
vias insidere gaudent, impræsentiarum feliciter elu-  
dimus, & irridemus.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA

LIBER X.

CAPITUM BREVIARIUM.

I. *D*ivinam erga se curam, Petrus animo grato recognoscit, & adorat: quæ se ab anthropophagis servasset. Immani fame stimulati Socii, vertuntur tandem ad crudos cibos, & avium cadavera: ad quæ devoranda, Victoria se sacra profanæque Philosophia inducit & confirmat. Comment. pag. 273.

II. *D*urante eadem, & crescente, media; Petrus colubrum conficit; confectumque, clanculum cogitat absumere. De Cubanis serpentibus, mira. Comment. pag. 275.

III. *V*escentem Victoriam, duo sociorum deprehendunt; invidentque. His ipse, de colubri æquali portione litem moventibus, præda partem concedit: reliqua tota ipse fruitur. Comment. pag. 277.

IV. *A*d trifidum, ingentemque fluvium perveniunt. Quæ, dum, extemporali compacta rate, ad corporum alimenta conquirenda, Quattuor è Sociis trajicere conantur: fracta scopul s.m ad Insulam rate, in gurgites excutiuntur. Comment. pag. 278.



V. *Naufragorum territi clade ceteri, ultimam ad desperationem, lamenta, mortisque incertam expectationem, convertuntur. Victoria vero, etiam ulterius progressus tristitia, in solitudine sepulcrum sibi conchylio effodit. Ad illud subeundam, se precatione suprema comparat.* Comment. pag. 279

VI. *Petrus in conditorium, quod sibi fecerat, descendit: ibique compositus, mortem ac tribunal divinum, praestolatur. Cur crediderit, sibi summam horam instare? Sepultum, Sacerdos tandem jocis seriisque resuscitat: & invictissimum licet viribusque destitutum, ad Socios reducit.* Comment. pag. 284

VII. *Reductum, ac frigore prope enectum, Socii, exstructam ad pyram, reficiunt. Is, ex calore concepta siti; poscit aquam ex fonte, quem interea comites in littore proximo aperuerant. Aquator, pro unda Cancros apperiat, & uberis obsonii latum nuntium.* Comment. pag. 188

VIII. *Ad cancrorum capturam, inter tenebras, concursant omnes. Eos ad rogem, maxima copia, referunt; coctisque, ad plenissimam saturitatem vescuntur. Petrus, non ventre tantum, sed & vestimentis impletis, ad ignem nocturnum sedens, consopitur.* Comment. pag. 290.

**T**UNC ego primum, collecta (velat post longum somnium, deliquiumve) sapientia; Numinis agnovi circa me sollicitudinem. Tunc, defixis humi poplitibus, illius aderavi Providentiam: ut, quae me per eadem discrimina, cum iisdem comitibus, in idem videntem exitium; non tamen eodem voluisset interitu maclari. Quibuscum si calceatus ambulassem; in mortem minimè dubiam profectus, & corium perdidissem & vitam. Ita SALUTI multis saepe fuit, Neccessariis caruisse: contra vero damno pestique, Copia. Sed interim Socii (dum ego gratis persolvendis intentus sum) progredi,

M 5

festi-

festinare, pedum omni connisu laborare, prævoitareque, propterea, quod locis tam suspectis moras trahere, stolidum appareret. Eos ego nihilominus celeriter confectatus tandem assequor: ac, necubi divulsus eorum consortio (sicut quondam) in vetera mala reciderim; vestigiis socialibus religiose posthac inhæreo.

TRIDUI fuit iter, per inculta vastaque lapidum fragmentis loca, perque sabulosas terras: nullo victus humani, nullo potus, subsidio, quippe rerum omnium, quas natura f agit, sterilitudaque regione. Tantummodo paucula, quas (ut reor) gravis ær dejecerat, volocres hæc illac jacebant sparæ: jam pridem putore graveolentes, & in tabum, excedente die, semiresolutæ. Sustulimus nihilofecius earum fluentia cadavera; crudaque, sicut erant, invasimus; utique, posteaquam nec ignis tunc ad usum, nec adeo chalybs ad manum, aut fomes fuit. Nam ignium omne suscitabulum, sociorum quidam secum abstulerant; ex eorum numero, qui complures ante dies à nobis perierant. Itaque truculenta, vereque lupina, fuit illa gulæ rabies, quæ nos ad hanc necessitatis obscenæ deduxit ingraviam, cum, in tam absurdo pastu, mista pariter coirent, hinc edendi desiderium, illinc glutendi nausea; cupidoque simul, & horror ciborum, nos torquerent. Sed mihi tunc in tempore profuit: jam olim in teneris APOSTOLICA *Gestæ* Divo Luca scriptore, voluisse: non quidem ad vitam pro CHRISTI legibus impendendam: quod fecisse fertur ex eorundem lectione, DOMNA; Sacerdos quondam superstitionum; postea Martyr. Non (inquam) non ad sanguinem tunc fundendum, illa me lectio stimulat, sed ad vitalem potius spiritum prorogandum. Succurrit enim tunc memoriæ meæ, *Lineam* illam *calo demissum*: omni quadripedum, reptilium, alitumque coluvie refectum; & in mentem venit vocis illius

illius, super PLTRUM in ecstasi tertium devolutæ, SURGE, MACTA, COMEDE! Quid tu? [dicebam egomet mihi; fastidium animi mei, per victoriam meimet, increpitans] Hæcine morticina notissimarum avium, spurcissimis illis peregrinisque monstis, APOSTOLO propinatis, sordidiora terriorave sunt? Aut tu, PETRE, PETRO sacri collegii Principe, melior, major, dignior? Quin SURGIS itaque tu quoque? conviviumque, nullius indigum lationis, ac jam ab ipso Eato preparatum, absumis? Præ-tende tantummodo manus alterius digitos oculis: & eos operis: manu vero secunda dentibus erique tuo frons, qua nunc nausæas,ingere: putaque tanquam certum, Te nequaquam incoctam, aut vitio scatentem, volucrem: sed Aprugnam grate putidulam, sed vitam, salutem, sed multos annos, devorare.

Dicebam ista, dissidenti licet, multamque discordi, stomacho; quin etiam, creberrimâ ructatione, jam in antecessum, reluctanti. NEC enim INVITAM Naturam rationibus ullis cogere; Vt libenter acceptet, quod ab intimis abhorret: utque sordes ac fastidium, vertat in delicias & voluptatem. EGO tamen nihilo segnus intrudebam [etiam recalcitranti gutturi] totas mortis reliquias quæ mihi, partitionis jure, de volucris cesserant. Et, quanquam defluente per gingivas sanie, vermiculisque, de corrupta carne, sub dente crepitantibus: tamen generosè, velut per summum Genium, quidquid inveneram, abligutivi; dictitans tubinde, quodammodo per Intercalarem sententiam, ipsi mihi: NIHIL, mi PETRE, nihil tam INSIPIDUM esse potest. quod IMPROBA fames non stomacho conciliet!

II. EQVDEM hac philosophia tantum profecti; nihil ut esset, quod post eam diem non vescum & uribile ducerem. Irritaviq; potius [si confitendum verum est] quàm consopivi placavique, famem; primæ dapis istius audacia. QUIS enim,

RUENTEM *semel in vetita gulam, siflat; tanto viscerum incendio?* Necdum igitur penitus consumpra volacrum Libitina; dum (velut aliud agens) huc illuc oculos meos circumfero: derepente COLUBRUM obsevo, non contemnendi corporis tractu, se de vicino scopulo gyrantem. Non eram tunc memor NESTORIS illius mei, prisca navigationum comitis: quem sapias narrantem audieram, cum diceret: *In AMERICA, mi PETRE, non tantum in usu sunt cibi, natura dictamine pretiosi, probatique: sed scito; Tam inhumanum hinc nihil esse, quod non humanos ventres intret. Nam & sui generis ortusque mortalibus, indigena pascuntur: ac prater hac etiam SERPENTIBUS, his Brasilorum populi quidem epulantur; sed innoxii: & non paucæ præterea gentes hujus cæli; si non tanquam delicio, certè tamen; velut alimento. CUBANOS autem Insulanos, jam non Anguibz dentat, sed propemodum Draconibus visum exercere, perhibent: vagrandibus quidem illis, ac venatu captique facillimis: molli pelle, mitissima carne; prapinzuis atque crassis: venenorum interim ignavis, ac proin indemnibus. Addebat etiam; Ex illis vastis Serpentibus nonnullos esse carnivoros, suetosque deglutire bestię quoddam quadrupedis genus, magnitudine partim leporum, partim vulpium Europæarum, quod animal Guabiniquinacos vulgus indigitat. Fuisse quoque; qui septenas octonasque meminissent id genus animantes, ex unius Colubri Cubani visceribus, aut coquinam, euras: ac miraculo convivis transmarinis fuisse. [a] Talia complura mihi NESTOREM retulisse, frequenter postea per otium mecum retractavi. tunc autem eorum nihil in memoriam erat, dubitatio cæteroquin, tam periculose fidei tentamentum subire. Maluissẽ, haud dubiẽ, credere: quam experiri. Sed quid facias in fame, reliquorum omnium immemori, tantumque sui sollicita?*

Con-

Confestim ergo, nullâ carminum aut incantationum cura, solus ac silens, in anguem conspectum insilio. Pressum pedibus, & occupatum, præfoco: reluctantemque collo, cauda, sibilis; gladiolô meo, quatum scipionis vicem per ardua nitebar, contru-cido. Deinde, postquam cum cruore simul venenum [ siquod insuit ] lenta compressione destrinxi, totumque tabum non negligenter elisi: persuasi mihi tandem: quidquid in Colubro pestiferum latuisset, id ad innocentiam usque deflaxisse. Quare post eandem ( in qua prædam oppræssem ) rupem, suspenso me gradu refero: tantumque non, clam focis, sufforor. Illic dentibus, adhuc quidem avidissimis, cæterum modeste mandentibus, ac sine vescendi strepitu laborantibus; viperam occisam iuvado, depascorque: delusus ( sicut opinabar ) & famem pariter, tam opimis rarisque dapibus, & sociorum meorum conscientiam, fraudulenta taciturnitate.

III. Sed nempe: *NULLA Felicitas satis, vel adversus Invidiam, vel adversus Inopiam, latet.* Vescientem enim me, de nostris duo, qui proximè radices scopuli confederant, speculati; nidoreque crudæ carnis [ ut præ se ferebant ] excitati, quod res erat, confestim subodorantur, ac me vestigant. Sensim deinde pedum meorum notas, per sabulosum ascensum, inlecuti; clamore PETRUM suum cient: ac denique, post saxum sedentem, deprehendunt, tunc vel maximè colubrinis cupediis illaborantem. Aggrediuntur illi me precibus: ac tantum non vi, tantum non per rixam, expugnant, in partem voluptatis ut admittantur. Animam cæteroquin & spiritum damni facturos se: nisi misericordia mea, communisque calamitatis respectu, sarvarentur. Quid multis? Victus illorum importunitate, non modò manus, sed & fortunæ meæ portionem, flagrantibus dedi. Quo fe-ro Serpentem confeceram, eodem confectum & jam



jam ambesum, partior: capite colloque, cum corporis dimidio, Sociis duobus cedente; mihi vero, (quia sic urna forsque tu'erant) altero corporis serpentini dimidio, cum cauda, retentis. Nec tamen fuit (ne sic quidem, post tam profusam indulgentiam meam) apud iliberales animos, altercandi finis. Litem mihi novam intendunt, more mortalium avarorum; quos nulla nec gratia, neque *Iustitia* satiat. Quoniam enim viscera cernebant, intestinaque colubri, superesse: contentionis funem ex ipsis lactibus extisque viperinis, trahere ceperant, Elagitant, instantque precibus, importunitate, minis, invocatione denique Legum: UT, quoniam hæc Indivisa remanerent: in *Partitionem* ac *Sortem legitimam*, etiam ipsa venire paterer. Putasses, si clamorem rixantium audisses: *Ajacem inter Ulyssesque, super armis Achillis occisi*, non super unius Anguis sordibus, coram *Agamemnone, regum rege, contendi*. Sed nempe, vici tandem ego, nullo litis arbitro sequestro; sed tantum injecta fortiter, in rem controversam, utraque manu: Cum adversum competitores interim magna facundia, totisque faucium viribus, declamitarem; *ÆQUUM* esse, *QUOD suum cuiusque foret, suum fieri manereque*. *PRAEDAM*, venantis esse debere, non, *Interveniunt*; *BONUMQUE Derelictum, Primi* (quod ajunt) *occupant*. Quanto magis igitur, hoc qualequale spoliū, intersectoris ac *Draconicida* periculo, sanguineque, partum? His illi *forensibus* auditis *tonitruis*, conquivere, ratione tamen, quam voluntate, promptiores. Ego contra, *Possessionem, quam asserueram, adii*. quam nequis novus turbaret casus, aut recens interpellator extorqueret, confestim ad fibras ultimas usque deglutivi: ipectantibus, ac nequicquam infrendentibus, æmulis meis.

IV. *QUARTUS* interim Dies illuxerat; ex quo primum tempore campos illos, rupibus arenaque  
qua-

squalidos, ingredi cœperamus: dies ater & nubilus; præcedentibusque, nec Sole niuior, neque successu secundior. Etenim nec ille quidem ulla vitæ subsidia famelicis monstravit: ac, præter hoc, omnium ignaros ad fluvium deduxit quendam, aliis geminis connexum amnibus; sanè profundis, iisdemque rapidis, vastis, ac vorticosis. Eorum, sub unam collecta mensuram, latitudo; sedecim stadiorum spatium, citra controversiam, explebat. Illic aquarum fuit abundè, sed maris salsugine corruptarum: ac, propter hoc, ad leniendam sitim, nihil servientium. In ascopèris porro vidulisque nostris, non coctus cibus, non crudus: non aridi crusta panis, non fragmen aut micula, restabat. Quod gravius est, ac vel pecudibus conciliare misericordiam debuit: ne ripa quidem ulla trium amnium (vel ceterior, vel ulterior) virenti gramine, vel herba, fertilis apparebat. quorum tamen gignentium pabulo radiculisve, penuriam extremam mitigassemus

MANIFESTUM igitur erat; nos omnes in summis, inevitabili necessitate, consistere: quippe, quos mortalium omnium miserrimos, non jam res tantum, sed omnis prorsus expectatio meliorum, ipsumque consilium, defecisset. Cum autem multas in curas animam divideremus, ac, post seriam deliberationem, aliud alii placitum animo sedisset: tandem ad veteres, & hucusque semper eventibus damnatas, spes convertimur: POSSE vndi navigio, vel tumultuaria rate, superari truces undas. posse, parva remorum contentione, magna comparari bona, fortunatioresque denique terras aperiri. Sed, quoniam uni fabrica periculose totum contubernium imponeretur: utpote, quod ipso pondere, motusque tot corporum, degravaturum esset infidum trabium compagem: prudentiam fore, per partes ac singillatim, Quaternos senosve transportari, ne quo lavo casu, simul omnes confirti, mergeremur. Sic uti-

que

*que vecturam Sociorum precedentium, subsequutur aut præludium atque stimulum futuram; aut (quod clementia Superum prohiberet) dehortamentum, & conservanda Salutis exemplum.*

Cùm hæc sententia cunctis denique probaretur; mora nulla materies comportatur. Fieri nectique ratis incipit: ac, junctis per diem illum noctisque partem operis, & improbò studio; manè posterò, priusquam omnino dilucesceret, flumini proximo compacta machina demittitur. EAM Quattuor, ex omni Sociorum numero delecti, viribus audaciæque promptiores, occupant: &, adhuc subnigrante crepusculo (ne nobis successuris in mora sint) propere detrudunt, propelluntque: nullo neque remo, neque palmula: sed tantummodo, quas tum casus obrulerat, vexuris. quod genus arundinis Americanæ (sicuti non semel dictum est) firmum spissumque: soliditate sua fluctibus everberandis valet. His armamentis, adversum fluminis impetum, haud usquequaque satis idoneis; quoniam latitudo, remis sueta, deerat; ornati magis in speciem, quàm ad necessitatem instructi, navigabant. Sed amnis vix medium attingerant; cùm, incitantibus ferociter compagem aquis, teretibus vexuris frustrà contra cursum obnitentibus, tenui sparto coligatae trabes solvuntur: & ad Insulam quandam, rupibus prætextam, affliguntur. Vectores autem, fracta rate, gurgitibus, ante nostros oculos, hauriuntur.

V. TUNC demum clamores, & ultimæ explorationes; qualibus, in charo fundre, ne præficiæ quidem altiores ederent. Tunc mens omnis, sensusque, consternatis excidit: obversante, singulorum obtutibus, tenebrosa quadam caligine; venturæque mortis imagine formidanda. Tunc membrorum tremor; tunc genuum poplitumque dejectio: tunc immo de pectore prorupti gemitus, & voces, ac fletus, &, sua detestantium errata, luctus:  
tunc,

tunc, certatim ad Sacerdotem accurrentium, & flagitia sua fateri præoccupantium, confluxus, studium, ardor. Tunc, ut quisque delictorum veniam prior reportasset à PETRI *Clavibus*: priorem idem, in animo moribusque corrigendis, se præbere: prior odii ponere; delere de mente simulacra; alter alterum amplexu stringere; mistisque castissimo suavio lacrymis, veterum offensarum mutuam gratiam, vel dare; vel rogare simul, & accipere. Tunc (ut in summam omnia conferam) Horæ supremæ sese singuli, per omnia componere.

Quæ nos dum agimus, aliorum omnium, præter Aternitatem, obliti; tempus interim matutinum decedit: & claro Sole meridies accenditur; paullo post secuturo frigore brumosi vespertis extinguendus. At nos, tanquam extremum conspecto Sidere: jamque deinceps non nisi perpetuam in Noctem abituri: *vitis, miseris omnibus solemni, Lucis odium concipimus. Hac enim habet OMNIS Calamitas enormis; ut mortis desiderium, & vita fugam, sentientibus insigat.* IBI tum ergo nos silentes, horridi, pallentes, dejectis oculis atque frontibus, alius ab alio digredimur: & sibi quilibet, quam mente finxerat commodissimam, latebram indagamus. Eam cum pro se quisque reperisset; infidemus, non jam ut Secessum ac Speluncam: sed plane, tanquam Sepulcrum atque conditorium. Usque adeo Mori destinaveramus.

Ad me vero quod attinet; libenter equidem confitebor vitæ desperationem: & *Constanti* viro parum dignam, animi mollitudinem. Huic tamen, æquos apud lectores, spero gratiæ futurum aliquid; tum ex ingenuæ culpæ publicatione: tum ex ætatis, quam tunc agitabam, teneritudine. Cum enim omnes eodem mœrore, parique mutui conspectus fastidio, dilabi cernerem: cum observarem, ne PEDIOSAM quidem in veteri suavitatis

vitatis officio durare (quippe *Timonem jam prorsus, & Misanthropum effici cœptum: &* , quid dicam plura?) cùm viderem, amicissimum quemque, jam, pro Pylade, vel Achate, Lucifogam & alienum sese gerere: non erubui tandem nec ego, de meo more consuetudinēque decedere: *MIHI QVE soli posthac vel spirare, vel exspirare.*

Stabat in vicinia littoris (nec ità procul fluminibus, quibus incumbebamus) saltus sylvestris, aspero scopulosoque solo; nec, nisi raris admodum arboribus; sed tunc (ut hyeme, modo depelli cœpta, vereque vix dum inito) glabris calvisque frondibus, ac ligno nudo. Tantum in terra sparsim arida folia, temerēque jacentes termites, indicium faciebant: Ante bromam hoc nemus viruisse. Vitas itaque solitudine meæ non alius locus commodior; in quo tristibus curis ad satietatem indulgerem. Et erat in medio rupes; prominente sursum ac pendente saxo: tanquam in cuiusdam testimorem. Introrsum autem, recesserat is specus aliquantò reductior, & sumendæ quieti, seu confidēre libēret, seu decumbere, familiarior. Eò posteaquam concessi, reputare mecum ipse sum orsus: *QUAM fluxa presentis vita voluptas; quam indeclinabilis Moriendi necessitas, & lex, esset mortibus præsinata. SALOMONE quoque, IOBŌque (virorum regūque præstantissimis) contestantibus, utibilis esse; VEL NASCI NUNQUAM, in tanta præsertim mala: vel usdem quàm celerrime Denāsci. Felicissimos eos esse, qui nunquam hanc lucem aspexerint: PROXIMOS autem felicitati primæ; quibus extincta cito vita fit; ac vel MATER facta SEPULCRUM.*

Inter id genus cogitationes, non tantum ad funeris usque cupilinem processi, sed etiam (ut quam citissime finirem) ad impetum, atque festinationem. Ea dumtaxat adhuc, neque tamen admodum ponderosa, cura mentem lancinabat: *NE MORERER incompressus: nève putrescerem insepul-*



141. Itaque, qui probe scirem, & Hispali quondam de cathedris audissem. IOANNEM, Servatoris nostri corculam, & inter Evangelistas Prototheologum, divina virom prudentia fuisse: cui nihilominus in curis non ultimis tumulus fuerit, posteaquam ad suprema se venisse cognovisset: Nam, pro corporis sui mensura, foveam egeri iussisse: moribundoque proximum (sed tamen adhuc spirantem ac vivum) in eam descendisse: Rumorem tunc illum, seu certum, seu fide fluctuantem secutus ego, constitui, memetipsum antequam penitus defungerer, praecipere. Sed ad hoc tantum opus, nec in promptu ligo, nec sarcolum: ac nec aliud ullum ferramentum erat. Nam gladiolus quidem, quo praecingebar, in proxima putei fossione subhebetatus, praefractoque mucrone mutilus: in humo petricosa nullis erat usus futurus.

Sed huic quoque difficultati remedium ipse casus obtulit. In æquoris enim ora, meditabunde (sicut fit apud sollicitos) obeiranti; conchylium inter cochleas obtigerat prægrande. Hoc ego, cæteris maris exaviis insuper habitis, solum deligo. Quoniam autem & oblongum erat, & acumine, propemodum in linguæ figuram, excurrente; visum est hoc instrumentum, palæ fossoriæ non tantum formam exprimere, sed etiam vicem & usum præbere posse: si modo dextera, fortiter concham amplexa: manubrii defectum suppleret. Contentus igitur tam opportuno necessitatis ingenio: Testam illam utraque manu corripio, tellurémque, quoad vires suppetere, exsculpere sedulus: fossam tenebrem, ad corporis mei proceritatem, extendo. nam de latitudine (quoniam membrorum omnium succum, & molem, macies exederat) sine cura penitus agebam. Iamque contentionem laboris, ad quartum usque palmum, in terram demiseram, perfunctaria potius, quam legiti-

legitima, Sepulcri profunditate : cum, ecce! pa-  
 riter & nervorum debilitas, & soli durities inex-  
 pugnabilis, finire conatum cogunt; operique,  
 quamvis infecto, manum supremam imponere. Qua-  
 re, projectâ conchâ; primum quidem emortuis  
 sylvæ foliis, in cumulum corrasis, monumentum  
 meum inferno : TANQUAM interesset, *Quâm*  
*molliter, aut durè, cadaver cubitaret?* Postea ve-  
 rò, succidentibus animæ deliquio genibus, pro-  
 stratus: in cœlum palmas, oculos, gemitusque pro-  
 tendo: precatus imo de pectore, neque siccis genis;  
*uti clementia Divina vita præterita plenissimam mihi*  
*gratiam faceret: ut, qui Numen neque puer irritare,*  
*nec adolescens in vindictam provocare veritus essem;*  
*homuncio paucorum annorum, sed plurimorum faci-*  
*norum jam statim interrogandus.*

CREDE mihi, quisquis in hæc incideris pervol-  
 venda: Serius tunc, acque totus eram, in me de-  
 plorando; circumretitus formidinibus, non tam  
*hora suprema (Cujus Dolor aut nullus est aut brevissi-*  
*mus)* quim incorrupti iudicis: Quippe, cujus  
 æquissimus rigor supra Cassios omnes, & Thraseas,  
 ac Reorum SCOPULOS; quidquid erratum fuit,  
 excutit, quidquid excussum est, deplectit; nullâ  
 Minôis, aut trium VRNARUM, fabula; sed ve-  
 rissimis æternæ flammæ tormentis. Et tamen ista  
 nos, secordissimi mortales, æternorum negligentes,  
 præsentiam autem incontinentes, & ebrii:  
 quæ toties audimus, legimus, credimus; quam-  
 diu vita datat, quasi per somnium transmittimus.  
 Ubi verò mortis horror incubuerit; tam denique  
 (quæ totis annis antehac stertuit) conscientia, susci-  
 tatur ac palpitat; totaque vitæ præcedentis accusa-  
 tio reviviscit, intrâ mentis reæ prætorium. *Ibi, se-*  
*rior omnibus Articis, Arcopagus evigilat.*

VI. DEFLEBAM ista talibus ferè, quæ posui,  
 verbis: alquantisper ingeniculatus. Sed, quòd hunc  
 corporis situm, exhausta membrorum firmitas,  
 pro-

produci non fineret; in Tumulum denique, modò præparatum; plusquam semianimis, me demitto. Supinus illic, protensisque pedibus, ac decussatim pectori superimpositis manibus, cubabam: &, ad summam, per omnia sepulchrisimo similis jacebam; nisi quòd adhuc plorabam, & lamentabar. Nam, crescente Christianæ poenitudinis impetu; voces mittebam, prioribus longè clariores: cum questu, cumque planctibus, ad DEUM T. O. M. ad JESUM, ad MARIAM, atque Cælestes reliquos, unicè conversus. Id solum adhuc viventis supererat; ingeminatio precum: &, quod Mori me sentirem; manifestissimis vitam inter mortemque luctis. Ita quidem tunc ego suspicabar. Nam & hiebam frequenter: oréque diu patulo, singultiebam, inflato collo, pectoreque toto succusso. Nec aberant arcti, per intervalla sua, meatus: ac, tanquam violenter intercepti spiritus stranguilationes. Ut proinde, fugientibus oculis, jam non nisi cælum, ac peccata mea, cum amaritudine contemplerer.

PROFECTO tamen, & in ipsa re, nihil erant aliud hæc omnia: quàm picta quædam mortis præludia: mentisque nihil dum expertæ, sed omnia suspicantis, figmenta. *Plurimum enim [si verum confiteri volumus] in juvenili corpore, non magis ad ingenerandam, quàm ad expellendam animam, roboris exigitur. Nec à filo tam tenui, quale Poëta Parcis vulgò dant, spiritus dependet.* Hic tamen ego fatuus: quotiescunquè stomachus arctaretur, inedia vacuus: aut, si quando Serpentis, (adhuc indigesti) reliquiæ, ructum fuscitarent: arbitrabar, animam exire; cum densior tantum halitus erumperet. Sic certè postea (nec aliter) mecum actum; periti medici, maturiorque ratio, me docuerant. Ut proinde videas *Etiam SCIENTIAM, neque Parvam, esse: distinguere, fatum inter, & fati timorem: NEC ULLAM ARTEM, ARTE MORIENDI, DIFFI-*

CILIOREM. Sed quis tunc, ejusmodi didamini-  
num radi; quis, barbaras inter solitudines philo-  
sophiam hanc aut præciperet? aut persuaderet:

ADHUC, & continentiploratu lamentabar; *mi-  
serum* PETRUM, *miserrimum* VICTORIAM, clami-  
tans: cùm, ecce, de repente vox alia virilior, & ut vi-  
debatur, aliquando familiariter mihi trita) cœpit,  
cùm Echonis resultu, meis auribus resonare: PETRE?  
PETRE! VICTORIA! VICTORIA! Nec sciebam,  
cujus hunc clamorem esse censerem; *Hominis, anne  
spectari? Sodalis, ad externi?* Tantummodo consterna-  
tus, velut infernis quibusdam reboatibus; omnésque  
per articulos & fibras tremens, quid responderem,  
non inveniebam; utpote, fugiente ratione, penitus  
extra me positus. Ingeribat nihilominus, aspero re-  
percussu (tanquam & ipsa de profundo rupis prorum-  
pens) eadem illa vox, iterum, iterumque revoluta:  
PETRE! PETRE! Donec ad extremum, at pertar-  
de, suspicari sum orsus; SACERDOTIS nostri parænesin  
hanc esse, neque falsò. Nam, ita DEÒ fortunaque fe-  
rentibus, in eundem etiam ille scopulum; sed prior,  
& abstrutius, sese conjecerat. Me vero, paullo post  
supervenientem, seu minùs observarat aliquotusque  
temporis: seu prudenti silentio dissimularat; quò cœ-  
præpie atque meæ tantò quietius indulgerem. Ad ex-  
tremum tamen, quia PERICULOSAM *desperanti*  
SOLITUDINEM videbat fore; sese pariter mystes,  
ac nomen meum, prodidit; illis, quas dixi, vocibus  
mœrentem acclamando. Liberius deinde prolixiusque  
(sicut erat in affectu mei præcipuus) exhortari cœ-  
pit ad Patientiam, & animi firmitudinem; ad spem  
meliorum, & ad fiduciam, erga Numen, retinendam.  
*Esse perfacile DEO, languentium sospitatori, depopu-  
larum valetudinum erectori, mortuorum animatori: miti-  
gare casus asperos, distoriam fortunam corrigere, secun-  
dare desperata, profigare tristia: vitamque seu fugien-  
tem attinere seu conclamatam reponere, seu sepultam,  
ex ipsis etiam cineribus, instaurare.* Cæteraque non  
pauca, supremæ sapientiæ mysteria documentaque,

saggerēbat, quæ Pietatem ipsius egregie commen-  
dabant; & conditionis professionisque dignitatem  
insigniter addecebant. SED, ut ego reor? *MENTES*  
*lethifera mæstitudine sauciatae, nullum Solatium ex tem-*  
*pore sanat; ibi præsertim, ubi profundius agri-  
tudo descendit in animum; jam antehac incommodis præ-*  
*contumptum. Difficile certe, mentes pertinaciter invi-*  
*tas, verba nuda molliunt.* Itaque pigre respondebam:  
& ore frigidissimo (præter meum cæteroqui mo-  
tem) hominis suavissimi civilitati vix gratias agebam?  
Doloribus [ ut vere dicam ] pæne confectus: ac præ-  
ter hoc, veritus; tam bene jam, tam seriò compositam  
in DEO mentem, rursus humano commerciò disjice-  
re, vel obturbare. Cogitabam enim identidem: me-  
cumque, quantum lingua succederet, mutiebam. QUID  
*Mortuo cum VIVIS? aut, quid DEFOSSO cum super-*  
*stitibus, & viventibus?* AT non etiam ille similis ru-  
gæ vel supercilii: quippe natura moribusque factus ad  
omnem humanitatem; & præter hæc, exercitatione  
longa virtutis excultus. Sed (ut prudentior) in mei  
Solutio perseveravit. Mistic itaque serio facetiis;  
miseram; quem diu ratione non potuit; denique *blan-*  
*dimenis* excitavit; atque *constantia: qua duo plu-*  
*rimum habent virum, in exulceratis, aliorum affecti-*  
*bussanandis.* Ergo, non tam, ut mihi levius fo-  
rer; quàm, ne tam Bono-Viro diutius gravis essem:  
pareo tandem *exstimulanti*; cubitoque connixus,  
de fossa mea me proripio: paulatim in genna, dein-  
de totus, & in pedes, erectus. Sed officium, plantæ  
nullo pacto faciebant: & poplites, in ipso progres-  
sus primi conatu succidui: reliquum etiam corpuscu-  
lum, connexa necessitate secum ad terram trahebant.  
Eodem igitur, unde modo contutrexeram, relabebar.  
jacuissēq; [credo] sine cura Salutis sempennisi meus  
ille fides & sacer exstimulator, alloqui sui beneficium  
etiam opera manus cumulasset. Nam spelunca degre-  
ssus, cui se spe quieti acclinarat; ad me contēdit:  
visaque telluris effossæ superstitione, principio quidem  
in cachinnos, innata jocatione, resolutus: ex me quæ-  
rete cœptavit: *Quibus CONSULIBUS, ante quos Annos,*



*animam egissem? IN PACE potius, an Martyrio, finissem? Quanam VIA? Salarianæ vel Nomentanæ? quonam cœmeterio, Præfæctæ, Callisti, Lucillæve potius Arenariæ, SITUS essem? & aliæ de pijs salibus, Antiquitatis quædam reverentia: quæ nonnullis, per opportunum interdum jocum, memoriam refricant præfæctæ Sanctimonie, longè promptiorem; quàm per importunas inculcationes. Ut verbo dicam: Mystæ noster animam simul meam quærebat; & hilaritatem. Sed mihi tunc conridere, volupe non fuit. Et ille, posteaquam me, deliquis non prorsus fictis, exanimem deprehendit: omisissis lusibus, Salutis meæ curam ope sua, subjectisquæ lateri manibus, adgreditur. Restitutum in pedes, & humeris ipsius, velut scipioni, nixum: me tardè quidem, verùm aliquando tamen, ad Socios perducit.*

VII. Ii, mitigato paulatim malorum sensu, pristinam ad alacritatem sese receperant. Et tunc reditu meo (cùm me jam inter vivos esse vix sperassent) alacriores: gratulatione multa redactum cingunt. Postquam autem ferè semiprecem me deprehendunt; artusque corporis affecti, non tantum inedia, sed horrore quoque frigoris enectos; Et UBI *moratus es* (clamant.) *Ad scopulum* (inquam ego) *nullus inquam ab ævo Solibus accessum; & in scrobe gelidissima.* Confestim ergo, fuscis sermone, regelandum me proximè pyram locant. Illi namque tantisper, dum aut supervacaneum censent, aut noxiam MOESTITIAM, vitæ desideria, quæ projecerunt, resumpserant: & ad siliicem alliso siliice, flammam arentibus foliis sarmentisque susceperant: exiguum ignem primò moliti. Paulatim deinde, contractis ramalibus focum illum in legitimum luculentumque rogam promotebant. Opportunissimus calor (fateor) non tantam sanguinem mihi: sed prorsus animam, revocavit: dudum priùs intrà viscera stupidam, & ut videbatur, irreparabilem. Sed rediit ad sui sensum attoni-

attonita mens ; & ad vires pristinas , torpidum corpus. Itaque tandem ausus sum , exporrectiore fronte circumspectare comites ; ac vividè singulos resalutare. Recensebat interim jam pridem Mystra noster ( neque sine felle verecundiaque mea ) totam busti mei tragœdiam : & , *tanquam in scena publicâ*, PETRUM DE VICTORIA SEPULTUM *trudebat* ; ridiculo planè Mimò , *Dextrisque pariter & sinistris tibiis* ; MODOS facere callidus. Ac socii , plurimum delectati , certatim pro se quisque , nunc aggestu samentorum in pyram ; nunc hortamenti & plausibus , indignatiunculam meam accendunt : ut planè tandem , ac totus , calerem. Itaque SITIM etiam inter hæc concepi ; *magnum, & DULCE VITÆ revalescentis ARGUMENTUM*. Audito verò , nescio quo sodalium , qui diceret , *Ibo , quoniam vesper est , & in cana vicem vobis fontanam apportabo* : sciscitari sum orsus : Quid istud sibi promissum vellet : in solo præsertim omnis laticis experte ? Tum illi , Nescis , ajunt , *nos in vicinia puteum effodisse , tantisper , dum tu Sepulcra conchylis aperis , & tuimetipsum vespillonem agis ?* Quibus ego , *Per fidem* ( inquam ) *itane vos aquam ? & ubi , quaso ?* Non procul , inquiunt , ac scilicet in ipso litoris aditu , *medias inter arenas*. Secundum hæc ego , tarda quidem , sed nihil ablatura fide , credulus ; aquaturum , multis precibus , tanquam *caelestem* quendam *Hydrochoum* , aggredior : ut meum etiam utrem , quem in Anthropophagorum campis nuper receperam , fontana rep'eret. nam , id ni fiat ; unde me penuria non minùs nunc , quàm paullò prius frigore , periturum. Nec recusavit ille : sed , coniectus in pedes , ad maris oram , volare magis , quàm contendere progredive , cœpit. En autem ! vix dum cursum ingressus , alacritate juvenis magna regreditur : ac , non absque gestientis animi significationibus , sublatoque jam eminus clamore , ME

putabatis, inquit, *aquas allatum ire. Mutate, socii spes vestras. nam aquarum vicem, Aquatilia vobis apporto; sicut ipsi videtis.* Simulque, vix credentibus nobis, vix præ lætitia nosmetipsos capientibus (Tanta fames apud omnes invaluerat:) CANCROS offert, quibus sinum impleverat, utrémque meum: & *Horum*, ait, *toto littore (quaquam versum id excurrit) non tam copiam, quam exercitum: immo, vere Pluviam & grandinem, conspicietis.*

VIII. AD hunc nuntium, arrectis omnium æque pedibus ac desideriis, non segnius emicamus & procurrimus: ac NERO quondam, exhaustis vectigalibus, ad ostentatas Africæ gazas: Aut Hebræa gens ad coturnicum nimbos, in Arabiæ solitudinibus. Ac ne me quidem ipsum, quantumvis adhuc virium invalidum, corporis imbecillitas attinuit; quò minus in partem tantæ felicitatis advolarem. Et certè neque narratio nos, neque phrasis narrantis, falsos habuit. Nam in agminis morem reptabant: & *præcipitata pluvia ritu*, natabant in sicco CANCRI; marisque marginem universum inundabant. Forre sic usus tulerat: ut, in graveſcente nebulis vespéra, dies iusto maturius extingueretur: & Nox, ante temporis leges, ingrueretur. Igitur, aperiundæ per caliginem viæ; cum & lampades deessent, & lunæ nitor: raptim [ut in metu felicitis occasionis amittendæ] singuli singulos titiones ardentes è pyra corripimus. Et altera quidem manu sibi quisque prælucebat: altera vero prædam congregabat: eamque tantam, quantam cujusque fames & vota caperent. Me certe, futurorum metuentem, simplex & præſens fortuna, non explevit: sed posteaquam sinum omnem ac thoracem inferſi, femoralia quoque pedibus deripui. Tum extremitates eorum & foramina, periscelide gemina subſtrिंगens; tanquam vidulum quendam, aut peram, effeci: neque sine largo sociorum risu, reptilibus, quasi lagenam, implevi. Tandem in humeros

sublatum pondus ; ad confelsus veterem locum , multo comitantium applausu , reportavi. Neque tamen obliti sumus , & aquam ex puteo descripto petere ; petitamque quibuscunque cuique visum est , vasis aut vestibus auferre. Posteaquam autem ventum est ad rogam nostrum ; celeriter instauratis ignibus , in orbem omnes circumfundimur. Et alius quidem Cancros , ramorum furcillis insertos ; alius tigillis in cuspidem exacutis , stridentem ad flammam frigidus , ac torremus. Ità , concubiam in noctem usque , productus coquendi labor ; & epulum est ; ad omne votum & saturitatem interposito frigidæ symposio. Nequenquam pignit extractæ ( tales inter comessationes ) horæ. Nam atrocem , ac superioribus omnibus violentiorem inediam ; aliqua tandem robusta , compluresque dies duratura satietate , visum est , exturbare. Nec abstinere laudes atque Grates : quas *Hospitali*. Numini , non tantum vocibus ; sed & intrantes ac præcordia , persolvimus ; utpote , cujus manifestissimo beneficio , nobis fame , lassitudine , consternatione consumptis , omni necessitudinis apparatu provisum fuisset. Oblatum enim erat ( quam sæpius ante tempus hoc , tunc tamen opportunissimè ) cibi genus ejusmodi , supra spem omnem , ac numerum ; cujus , illo regionis universo tractu , prius non simulacrum ullum aut umbra , quin neque chelæ vel exuviae , comparuerant.

Iamque Nox erat , intempesta prævectior , & soporis admonitu Socii , quo quemque suos animus invitarat , ad quietem diversi concesserant. Me vero , necdum satis discusso toto frigoris torpore , focus noster , & pyræ propinquitas , suavi tepore detinuit. Ibi proinde , submissis lenem in somnum palpebris ; molliter , & pernox acquievi.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER XI.  
CAPITUM BREVIARIUM.

I. *V*ictoria, poſtridie exſpectato, tres na-  
ves, barbaris reſertæ, offeruntur. In terram exſcendit  
Reguli Americani filius; cujus vultus, habitus, ornatus-  
que deſcribuntur. Hic Victoriæ, ac deinceps Socios  
illius, ſalutatione munuſculiſque colit. Comment.  
pag. 293.

II. Eorum quoque, qui Reguli filium ſtipabant,  
cultus inſeſſusque deſcribitur. Socii, à barbaris circum-  
dati, poſcuntur arma; tanquam laboris pretium. Ea  
barbari priuſquam accipiant, ex pacto navigium omit-  
tunt, in quo naufragos quattuor pridianoſ ex inſula re-  
ducant. Comment. pag. 295

III. Myſta Hiſpanorum, ſaceta dextraque fraude,  
& Summi Sacerdotiſ ſimulatione, à barbaris non tantum  
honorem, ſed gallinas etiam ac lautia cætera, extorquet,  
pro ſe totoque comitatu. De Poenliſ, ex arundine Ame-  
ricana. Comment. pag. 298.

IV. Humanitate paullo poſt in perfidiam converſa,  
Idololatra Hiſpanoſ, captivorum more, in na-  
ves compellunt. Tranſpoſitos, & ipſi, & in ripa conſtituti Latro-  
nes



nes alii, dispoliant; etiam illis, quæ modo donaverant, recipiis. Spoliatos, cum sannis & contumelia, destituunt: &, quo auctore perfidia? Comment. pag. 301.

V. Narratio, de Mauro, patre Iuvenis, Ducis latronum, qui Hispanos dispoliarant. De Novem Hispanis, qui antehac se à Victoria Sociisque abjunxerant: deque eorum tragico exitu. Retegitur denique tora dolosa liberalitatis, erga Socios simulata, prima & utra origo. Comment. pag. 75. suprà. & pag. 75. & infra, pag. 305.

VI. Mæstos in ripa Socios, ob rerum omnium nuditatem, Sacerdos potenti eloquentia erigit, & spe melioris fortune impletos, ad continuandam processionem impellit. Victoriæ, denuo ab Sociis avulsum, & omnium inopem, asservati nuper cancri, sustentant, donec comitatus tandem restitueretur. Comment. pag. 368.

**P**OSTRIDIE, cœpta jam luce; somno sponte mea resolutus, oculos adhuc insuetos circumago: repenteque video, Tres capacissimas per flumen (quod ex adverso decurrebat) actuarias incedere Mihi tamen non actuariæ, phatellivæ: sed totidem onerariæ prægrandes, apparebant: per crepusculi (velut opinor) ludibrium, quod caligine vaporéque scintillantis Horizontis, in majus pleraque parva consuevit intendere. Tam insperato spectaculo vehementer equidem obstupui: juxtaque, spem inter ac metum, anceps; de loco, quem nocturna quiete præsseram, corpus corripio: nullaque parentis animi præbita significatione, seu pacem illæ naves, seu bellum portarent, in fluminis crepidinem obvius progredior. Ibi rerum eventum opperior. Applicatur interrim navigiorum unum, quod cæteris principiari visum: IUVENEMque præcipui roboris, ac proceri corporis, in ripam exponit: post hunc cæteram vecturum turbam.

Is porro , qui primus ac princeps exscenderat , Matre genitus Americana ; sed Mauro patre : genus utriusque colore vultus , & oris ferocia præferebat . Cujus de patre pauca paullo post , sed ex alto , repetenda venient . Hujus Filio , de quo mihi nunc sermo , furor in oculis ; Mars atque latrocinium in manibus , erant : quippe dextera lanceam , altera sagittas , in fascem renodatas , gestanti . Collo verò torquem demiserat , auro solido ductum : cujus ut copiam ostentaret , aures insuper ac labia paris metalli divitiis exornarat , pendentibus hinc & hinc magno numero , catenatimque confectis , annulis . Hi tam erant apposite per medium fissi distentique ; nihil ut corporis mollitudinem læderent , à quo pendebant . nec enim illa membra perforabant , sed tenaci coitu duntaxat mordebant ; nequa succussione defluerent . Apparebat ex his ipsis insignibus ; Barbarum esse juvenem , & DIS ad dictum . Nam , qui de populis illis DEUM unum , & CHRISTI legem , accepere , morem istum , ut plurimum , procul habent . Cæterum , quem auri fulgor nobilitaverat ; colorum obscenitas è diverso maculabat , inquinamento foedissimo . namque vultum , brachia , femora , tibiasque cum toris , succorum varia mixtura ; non tam expinxerat , quàm infecerat . Ità fiebat ; ut , atro , viridi , ruffoque coloribus , inter sese purulento quodam ac lurido tabo sociatis , & discordibus ; horror afficitius nativum hominis squalorem haud parùm efficeret .

Hic porro , simulac me contuitus est ; inflexa correctaque ( quantum potuit ) in familiaritatem fronte , congreditur : ac , velut animaturus ( fortasse , quia pavorem non totum abdideram ) *Age sodes* , inquit , *agedum !* more gentis , hoc verbo salutem impertitus homini , non antehac viso . Neque contentus hoc officio : brachiis insuper effusissimis invasit hæsitantem , ac strinxit . Cui , nequid

ad amicitiam mutuam obicis aut moræ ponerem; pares ego voces, parem amplexum & salutationis officium, redhibui. Sed *non intra sola verba caremoniaſque liberatis* Barbarus: munificentia longius proceſſit: ac POMA DUO (maturos Americanæ Platanī fœtus) in cibum ſimul ac fœdus porrexīt. Poſthæc, raptim ad comites (uti dicebat) meos veſtigandos, decurrit, ut idipſum de condicto compoſitroque geri ſentires. Eos, in vicinia cubantes, alium alio loco continuo ſuſcitāt: & expergeſactos, eadem verborum ſuavitātē, paribuſque ſalutationum lenociniis adoritur: quin & ſtantiuſque iſdem, quibus me primū affecerat, excipit. Et poſt hunc, ad heri ſui leges morēque compoſiti pediſequi, quique cæterorum comitebantur; nihil dominicæ civilitatis prætermittēbant. Erat autem iſtorum, ex utroque ſexu, frequentia non modica, quæ juvenem partim ſervitiū jure, partim clientelæ titulo, ſtipabat. Eorum, operæ pretium eſt, cultum atque corporis habitum, non prorsus ſilentio transmitti.

II. SINGULIS (viris æquē fœminisq̃ue) eolum aureū monili conſpicuum fulgebat. torquēſque, pretioſus ille quidem, verū opere rudi, nulloque flexūſ artificio; nobilitatē ſeu propriam, ſeu magis herilem, commendabat. Et hiſ quidem opibus cervix circumfluebat. Naribus autem atque labiis, oblongæ fibulæ (ſive quibullas nuncupare malit) eadem materia, pretioque, mordicus hærebant: non ingenio quidem meliore, quā ſpinter modō deſcriptum; ſed aliqua tamen artis imitatione, folioli ſimulacrā exprimentes: & in quernæ ferē comæ figuram inferiori parte deſinentes. Superne verò, tintinnabulis (etiā ipſiſ auro ſonantibus) iſſque percrebris, diſtinguebantur. At fœminas, incomperatæ mihi plantæ ſuccus obleverat; aſcito captatōque livore pallidus, nam, quod nos *pallorem ac ſunus* nominamus, in coloribus;

hoc illæ mulieres *Gratiam & Veneres* arbitrantur. Primævus autem congenitusque color [ in viris æquè fœminisque ] candidus, vultu genarumque tenus; & in Germanorum Europæam nitorem castigatus: præter unum alterumve de stipatoribus; genere, Maurum inter & Pernanum, mixto prognatos. Omnes hi gæla frameasque læva manu; dextra verò missilia tela, vel acides, amento deligatas, vibrabant. Amictus autem erat, non, pro barbarorum inverecondia, nullus; aut, pro lascivorum impudentia, passim perspicuus: sed gossypinæ telæ, laborisque transmarini colobiz, cum subuculis. lacernæ præterea, staminisque tenuioris subligaria, renibus circumducta. Perizonia denique, spiræ ritu convoluta, non disparis materiæ; quæ, cum ab humero dextro demitterent; sub ala sinistra rursus, pectore lumborumque tenus, circumducebant: tanquam *Gabino cinctus* retorta. Paludamenti ejusdem exotici formam agnoscere; quali veteres ego Fabritios ac Cincinnatos, &c, ab aratro rapisque devocatos ad Dictaturam triumphumque, circumfluxisse reor: nondum videlicet peregrina reperta luxuria; de Serum arboribus, aut Babyloniorum Phrygumve doctis acubus, aut succo Sidonii muricis, ornari gestiente.

TALES hi, tanto numero, contra longè pauciores nos (& inermes) instructi militaribus minis & opibus, non diu scilicet dubitavere circulo nos includere: continuoque sarissas nostras, & enses, & quicquid ferri portaremus, per imperium poscere: sine controversia, non aliam ob causam, quàm, ut, armis traditis, nos ipsos quoque dedere-mus: aut certè victos oppressosque sciremus, nemine votis eorum ausuro contravenire. Quid, quod ultro per jactantiam *dignos* se dicerent, *quibus non ista tantum sed etiam, siquid charius haberemus, ex animo largiremur?* Se namque, salutis & incolumitatis  
nostra

nostra tam avidos, tam sollicitos & anxios agere; suis ut necessitatibus domesticis insuper habitis, consultam ac suppetias latum irent hominibus peregrinis; ne quid illi graviorum periculorum adirent. & complures jam dies (ac certe solidum novendinum) desertos incultosque circum locos errare: ne nos in errore persisteremus: quos idcirco tanta sollicitudine vestigassent. *¶* Num esse desperatumque, de THALASSIA, quam nobis fingeremus; quam tot per ambages fatuo cursu persequeremur: actum de Manta portu; quem jam pridem caci praterissemus. Quare, se potius sequeremur: siquid adhuc sana mentis retineremus: si viam ac vitam meliorem vehemus, in Peruvii regna navigaturi. Quæ cum dicerent; mirari nos interim, & apud nos præ stupore vix esse. Cumque vocem ac verba nemo reperiret, quibus interrogaremus; Undenam mysteria nostra mortalibus alienissimis innotuissent? modo nos ipso: inter nos, nihilibus vel obtutibus, examinabamus: modo vero planos illos ac circumfessores, taciti contemplantur. At nihilo propterea modestiores illi silentio nostro, tanto contentiosius urgere nostra spolia: quæque poposcerant, instrumenta defendendæ viæ.

Nobis [ ne tamen gratis, ac nullo dispendii pretio, despoliaremur ] visum est cum pactis & conditione, postulatam annuere. Quare, cum necdum omnis animo decessisset quattuor Sociorum recordatio; quos pridianum discimem in scopulum impegerat [ incertum, an cum eorum ultima perniciæ ] spem recuperationis eorum, ex præsentium navigiorum opportunitate conceptam, in pacta fœderis ac deditionis deducendam existimamus. Signis ergo, gestibusque, quibus visum est, apud ignaros sermonis nostri, vehementer instare cœpimus: ut navigium de suis aliquod agerent in fluminis partem illam, quam nos eis digito designabamus. His ex locis erutos extractosque comites longe dilectissimos, nobis restituerent; di-



gnos eo beneficio vel ob hoc solum [ si cætera deessent omnia ] quod soli primique , pro cæterorum omnium salute , capitis essent aggressi periculum. His talibus , tam nobis impensè charis , in libertatem ac vitam assertis : postea pro laboris manupretio , quæcunque vellent , quæcunque peterent , auferrent.

NEC fefellit callidos sensus noster. continuoque , Ducis delectu , de scientissimis stipulatoribus unus quidam , cum actuaria cæteris firmiore , comque remigibus & classariis , expeditur ; & amni , contentis remis , immittitur. Et quia Non *aura magis navem ; quàm PRAEDAE cupiditas mentes , impulerat* ; dictum , factum ! commonstratam Insulam , simul vident , simul adnavigant , tenent , occupant. Ibi *Quattuor viros* illos nostros , in cæcto latitantes , recipiunt ; & , jam pridem à desperatione mutua conclamatos , nunc autem planè redivivis similes , revehunt. Expositos tandem in ripam , lætos lætis nobis ( quis dubitet ? ) incredibili mentium congratulatione restitunt. TUNC denique stipendium suum , excondicto stipulatoque ; nec jam velut precarium , sed , ut legibus debitum , exigunt : ac nos ità , meliorum armorum majore parte multanti ; vilioris subsidii telis , per dissimulationem fictissimam non tam præteritis ; quàm quam revera dilatis.

III. SED , priusquam hæc expedirentur ; absentibus adhuc fociis illis insularis , res non lepida minus , quàm mira ( successuque tunc felix ) intervenerat : in hunc modum. ILLE , mihi toties memoratus , & ab ingeniosa pietate commendatus , SACERDOS noster ; stabat ( ut ipse sibi videbatur ) tanquam unus de numero , certèque saltem Barbaris inglorius , ignorance viri. Papogit isthæc rusticitas animum tam ingenuum ; ac fortasse , suprà fas , supraque causam. Nam AB INSCIEN-

SCIENTE *nemo* DESPECTATUR : nec POTEST  
*contemni negligere* ; nisi DIGNITAS INTELLECTA.  
 RUDES *animos* , ut *Aestimatio* : sic & Reverentia,  
*prætervolat* ; Inurbanitatis nullo planè damno (*Quis*  
*enim Rusticos curat*?) nisi, siquod *Ambitio* sibi fin-  
 git. SED ego *Myrtam* nostrum , non sanè tam ,  
 gloriæ ductum cupidine ; quàm commodorum no-  
 strorum rationibus : censuerim , opinionis sui jactu-  
 ram tenuisse. Providebat enim ( ut erat acutissima-  
 rum suspicionum ) sui veneratione respectuque , præ-  
 cipites sylvestrium hominum impetus refrænatum  
 iri.

TALI proinde consilio , cùm ille nos omnes ocu-  
 lorum nutu , de circulo sevocasset ; Hispano sermo-  
 ne paucis orsus ; *Audite contubernales* , inquit. Si  
*Muphtus* ego *Turcicus* , aut *Fogves* *Malabaricus* , aut  
*Brachmanes* *Indus* , *Bonzius*ve *Iapon* essem ; scelera-  
 torum Deorum consceleratio *Sacrificulus* : *agrestes* isti  
 ( quos videtis ) *Satana* docente *subornante*que , me  
 procul dubio magnificis ritibus , ac prono corpore co-  
 luissem. Nunc *Altissimi* *veris*que *DEI* , nunc cæle-  
 stium sacrorum administrum ; habent alga projectiorem ,  
 & turvillitio contemptiorem. Illorum nemo me supra com-  
 muni sortem aut effert , aut aestimat. Id adeo vestro ,  
 vestro , mei populares , vitio [ si verum audire sustine-  
 tis ] vestro neglectu , contingit. Vobis enim ipsis , buc-  
 usque non succurrit , profano Sanctum distinguere.  
 Quapropter , si mihi , si Sacrorum nostrorum honori ,  
 consultum vultu : cedite , si non mihi , saltem tem-  
 poris tantisper ; ac succiduis genibus , oréque prono , ba-  
 sia manibus meis imprimite : certi , non mihi vos ho-  
 norem istum ; sed , in me , Summo NUMINI , de-  
 ferre. Sequentur exemplum idololatra , meique sus-  
 pectus , mitiores sese vobis dabunt , in quodvis obse-  
 quium. Hoc vos experimento discetis , verum esse ,  
 quod docti vulgo jactant ; HONOREM honorantis mā-  
 gis esse , quàm HONORATI , nam hinc vestri po-  
 tissimum lucris accedes.

VISUS

VISUS est, haud absurda suadere. quare, nemo fuit, qui rem tam æquam, tam confectū pro-  
nam, abnueret. Tantummodo, *Confestim ne vel-*  
*let hæc? an potius in locum ac tempus differri placeret?*  
interrogamus. At ille, *Confestim*, inquit, *ut*, DUM  
*Calet ferrum, cudadur*. NULLA fit igitur per nos  
mora. Digredimur, &, in diversa scissi paria,  
tanquam in studia partium, ac velot ex dissen-  
su; simulamus, super re proposita, deliberationis  
atque consilii sollicitudinem. Ac principio quidem,  
meditabundis similes, nonnihil dispatiamur. Re-  
pente deinde, tanquam in conceptam sententiam  
pedibus euntes; ad Mysten nostrum, ordine com-  
posito, perque seriem, accedimus. Hic au-  
tem, ingenio solito festivus; campi locum editio-  
rem occuparat: quò conspectior oculis ignaro-  
rum ejus auctoritas immicaret. Et is quidem ve-  
nerationi se nostræ propinabat, patrum herculè pro  
persona, proque fastigio. Nam stabat, non nisi  
subucula comectus; prælonga quidem illa, byssina-  
que; sed erubescenda tamen Europæ Pontificatus  
maiestati. quanquam & scapulis superinjecerat  
depexam lacernulam, &, præter hæc, *apicato*  
*capite Sacerdotium* ostentaturus; lato spatioso-  
que pileo verticem & capillos circumdederat, in  
morem fungorum ignobiliter petasatus. Eratque  
tiras ille (sit veritati sua reverentia!) planissimè  
non tantum ventorum, sed & nostrum ludibrium,  
sicut tamen risus tunc cordi fuisset. Usqueadeo flac-  
cus ac fluidus à capite dependebat.

SED, ut ego reor: NON *indumentis Auctori-*  
*tas; potius Animo, paratur, INGENIISQUE vilibus,*  
*non vestis, non splendor,* quantumcunque circumpo-  
situs, *majestatem conciliat;* sed longè magis gene-  
rosus vigor, & in dignitatem lucentes oculi. Certe  
tanta Sacerdotis nostri fuit, in læticia semet efferen-  
tis, gravitas, ut, etiam nihilo præmonitis, tamen  
nos in obsequium ac venerationem, aspectu so-  
lo,

lo, permoturus fuerit. Singillatim igitur omnes, & ad pedes advolvimur; & de genu, manibus pronis osculum impingimus. At ille, nequaquam incallidus Personam coeptam explere: SUPREMI cujusdam PONTIFICIS in morem, adducta primum fronte, deinde paullo post explicatâ, bene precari nobis, & adversum nos CRUCIS figuram in aere ducere. Quo facto tenemus, in admirationem non vulgarem implicitos, *Idololatrias*; stantes eminus, & contemplantes: neque tamen vel Hominem adoratum satis, vel causam adorationis, animo capientes. ET tamen (etiam sic) rudium nonnullos traxit *Exempli potentia*; QUAE plerumque multum in religionibus valet. Nam, neque quid, neque quare: Christianum Sacerdotem etiam ipsi, simplicissimo sensu, coepere venerari. Tunc plane paruit, verum *Asceticos* dicere: quibus HUMILITAS animi, semet demittentis, non protri a contemptaque; sed profecto mascula magnificaque virtus est: & quoties usus fert, etiam ad adorationem usque sui conspicua. Namque sanè, ne Ductor quidem agminis barbarici sine motu tunc adstitit; sed, suspicatus id quod erat; AB HISPANIS non VESTEM coli, sed VERUM; continuo iussit, in ejus sinum, etiam de suo commeatu, xenia congeri. Consectim igitur de corte corbæve portabili, promptæ SEX GALLINAE, præpingues, opiparæ, peregrinique delicii; mystæ nostro provictimis ceciderunt. Immo, Quo magis ei saperet GRATIA FESTINATA; de gallinis unam aliquam repente Dux exenterari voluit, & in cibi præludium, promulsi demve, mandavit exempta viscera præparari. Nulla fuit ergo mora; sed, quo loco pridie rogos ille noster arserat; ibidem, resuscitato foco, coquus barbaricus jecur, & intestina cuncta gallinacea, redegit in extemporale jent-colum.

CAETERUM, Ne vescentem Sacerdotem socii reliqui spectarent duntaxat, & vacuis interim ventri.

ventribus assisterent : liberalitate crescente , profusior antesignanos , omne penos suum nobis impendi , pretium operæ putavit. Igitur , OLLAM etiam , ollam [ inquit ] illam , quam infertam aprugna salita simul adportastis , inferte nobis ; ac , præter hanc , ejusdem ferinæ pernas aliquot ; hybernoque conditas sale succidias : NE PARS tantum istorum hominum epuletur : & *Altera pars esuriat.* Iacebant insuper in actuariis navigiis ARUNDINES , quas Indicas nominant ; alterius tamen , à Vexuris [ quas sæpius memoravi ] generis & magnitudinis. Aderant harum non paucæ , trunco vasto teretique , necnon internodis aliquot , per certa spacia , planè nativis & elegantibus , interstincto. Globos sphaeræve crederes , aut perfectæ rotunditatis cucurbitas : quarum singulæ *congiarum* octonum capaces , dulcis aquæ copiam tantam includebant : ut jam non cannæ , sed canales conchæque dici possent . propter calamarum amplitudinem. Nequid igitur ad absolutam hilaritadinem deesset ; etiam hos Aquales , sic impletos , afferri ductor Americanorum præcepit : interque sitientes convivas diffundi. *Genio putasses , aut thalamo , non soli Necessitati , Sacra fieri.* TANTA scilicet cunctorum animos laxitas , & oblivio curarum , invalerat : jactante , vocibus non obscuris , maternaque lingua , Sacerdote nostro : SE jam non aliquem de grege ; plebere presbyterii , sed plane PAULLUM & Apostolum esse ; quippe , qui cum Summis illis viris ET ABUNDARE SCIRET , & PENURIAM sustinere. *Nec se jam adeo gratias agere nostris genibus , & adorationi ; sed à nobis uliro gratias expectare , sibi debitas : ideoque se nobis imputare.* Nam dignitatem , à sociis in se collatam , se confestim copioso presentarioque donativo , quin & Congiario , remuneratum esse.

IV. LUDEBAMUS in hunc modum , nec immodestè . reor : SED mox & Fortuna nobilicem ; verum



rūm inverecundiore protervia. Proh mortalium fidem! & nullam, in risu felicitatis, constantiam! ADHUC in patinis eramus, & arundineis illis aqualibus; nihil, nisi Pacem, & amicitiam, & Hispani nominis reverentiam, animo concipientes. Nec jam Barbaros hos, tales, quales erant revera: sed fidos, hospites, & omnem ab illis opem tutelamque nobis pollicebamur: cū repente signum à ductore datur, & vox, nautico celestmati similis, intonat; *Consurgeremus! & in lembum grandem, quem hos in usus ad ripam incitassent, nosmet simul omnes conjiceremus?* QUIXIMIORUM (sic enim appellabant) hæc æstuaria sinusque, multis inter sese confertis amnibus, aliter non superari, nisi generis istius celocibus.

Secundū hoc tonitru, contractis metu pectoribus, pariter emicamus: sequimurque tam ductorem, quā imperium Suppressis autem, quæ jactum mentem lancinabant, suspicionibus; spem, lætitiāque vultu præferimus, phaseloque remis agillimis æstuaria cuncta pervolante, tandem in ultimæ ripæ viciniam pervenimus. Vbitruculentos, nescio quos, excubitores consistere globatim cernimus: ac nostræ navis appulsum operiti. Nequetamen adhuc manifestos sese prædones ferebant; sed potius, ultrò, vocibus, nutu, gestibus, ad exscensum nos invitantes; etiam manum nobis, tanquam in operam ac fidei pignus, protendebant: donec ad marginem fluminum postremum allidi prora cœpit. TUNC enimvero, celerrimè converso lentre, protra fluvium, & puppis continentem: nos autem alter alterum, orsi sumus respicere. Continuoque remiges applicant; & clamoribus inconditis, *Primos jubent HISPANOS in terram exponi. Se vero, simulac exscendissent homines sua fidei commissi, gradu postremo, juræque custodia, secuturos.* Nos, non invento, quid contra vim mutiremus; instantibus anorem gerimus. SED ecce, vixdum expositis;

latronum omnis turba, quæ ripas infederat, agmine frequentissimo nobis circumfunditur. Tum deni duodenive singulos Hispanorum adorti: perfidiâ plusquam Punica,prehendunt, trahunt, pulfant: ea, quæ paullo prius donaverant, jam repetunt: suamque liberalitatem & spontanea munera, nunc suum furtum, & violentam rapinam, faciunt. Vestes præterea, satcinas, argentum, &, quod auri signati, cum notis Hispaniensibus, nobis superfuerat; id universum diripiunt. Porro numos aureos, quos nostri Patacos appellant, probatissimi pretii, seligunt ex universis spoliis: &, quoniam eos tam figura, quàm rutilus splendor, delectabat, medios perterebrant. deinde collo quisque suo, monilis in ritum insertos ligamentis, superbe circumponunt.

QUAE posteaquam omnia, nec silentibus omnino nobis, neque tamen palàm expostulantibus, patrascent: tum demum non sine supercilio nobis innuebant: HIS SE CONTENTOS, neque PLURA requirere, posteaquam Omnia nobis ademissent. Mox, tanquam beneficio præterea nos ornassent: propere, quod nullo maleficio majore vitam eripuissent: ostantibus similes, ac valedicentes, in sua navigia simul omnes regrediantur. Ibi, veluti præclare gesta re, partitisque (sicut ex hoste) manubiis, triumphum & Pæana canunt. Nobis autem a tergo luctum, & nœniam, & supremam calamitatem relinquunt.

Hic exitus fuit illius vaferrimæ, quam nobis ostendere sustinuerant, hospitalitatis, atque cultus: ut exigui damnum impendii, quo nos reficere visi sunt, majoris prædæ latrocínio solarentur, non sine luculento scœnore Cujus nequitia totum mimum is, qui cæteros duxit, solus in via composuit, dolo suo, direxit arte, moderatus est consiliis, expeditis imperiis. Hujus de Patre, genere, moribus, cæterisque, quæ connexa sunt, & quæ

& quæ nos sero pòst comperimus: quoniam suprà promisi, nunc, quia tempus, & res admonent, memorabo: narrationémque, quàmverissimè fas erit, ab ovo (quod ajunt) accersam; & ad mala, nullis ambagibus, perducam. Sic autem ea res, quemadmodum subjiciam, habet.

V. Ex reliquiis Maurorum, quos Granatenfi regno quondam, adeòque totis Hispaniis suis, exegere Ferdinandus & Isabella, Castellæ reges, hæserè non pauci: magis charitate soli, quod natalibus infederant; quàm adversùm reges sinceritate, vel in Christum fide: quorum utrumque, *temporis servitio, simulabant.* Sed, DIFFICILE fuit, animo corruptos Mauros, ab integrioribus distinguere, quo ad utrique pariter in obsequio manère. Postea, quàm alius alias ad fugam januas, occasionesque speculati; pars quidem exiguo fretò vicinam Africam, pars piratarum Insulas ac receptacula perierunt: tàm demum est cognitum; QUID apud GENTEM, ab stirpe fallacem, coacta Servitus roboris & fidei teneret. Mancipiorum cèrte pluri. mi dilapsi manipuli, religionem juxtà dominosque fefellerunt, & exuerunt. EORUM in numero Maurus quidam, rupto servitio, patriæque spreta (quorum utrumque multis annis Hispali quondam habuerat) postea myoparonem, ac perfidiæ socios nactus, post longos Oceani cursus errorésque, tandem in AMERICAM venit, Occiduo soli subiectam. Ibi, quem nunquam bona fide tèmperat, CHRISTUM excussit, ac Mahometen resumpsit. Post, in hunc modum semel deposita fronte; paulatim impudentiori superstitione, Deorum multitudinem, Americano ritu, cum Alcorani fabulis conjunxit. Progressu verò temporis, Mexicanæ fœminæ connubium, & ex eo sobolem, adeptus, apud illos civilium insuetos populos, tantùm Europæa facilitate, morùmque callido temperamento, perfecit: ut volentes iubentes, ultrò suam

suam Publicam ei permitterent; cùmque cœsibus agrestium Regulum imponerent.

HOC tali patre genitus is, qui nos cum suis ad æstuarium eo die dispoliaverat, genitoris artes, non degenerinequitia, perseverabat extendere: simulationis cumprimis, & latrociniorum docili successione.

NEC tamen primi nos Mauricum scelus & vim incurramus. Namque jam ante nos, pluribus retro diebus, ab nostro comitatu divulsi NOVEN (quorum secessus supra meminimus) cùm arte natatoria, viarumque brevitatibus, confiderent, omnes se fluvios, & solitudinum ambages, perrupturos sine magno periculo: post longos tandem & noxios errores, in eos ipsos, quibus ille Maurus jura dabat. Barbaros inciderunt: & ab his ad Regulum deducti sunt. Ac principiò quidem Hispanis profuit Hispaniensis hominis ceu *notoris*, favor & humanitas. Illius exemplum (an speciem magis & simulationem?) sectati cæteri, non inciviliter nostros habuere: fovenie præsertim gratiam mimicam Principe; dum eos *Gentiles suos*, & *ejusdem aura patriæ consortes*, tertio quoque verbo perfamiliariter compellat. SED interim Hispani, navigationis nostræ totam Odysseam, ac navarchi Panamæi fraudes, recensere cœperunt. explicare quoque Sociorum, post relictam navim, pericula, quæsitamque tot erroribus Thalassiam, & Mantæ portum. Quibus omnibus Regulo solletter explicatis, adjecere preces: *Ut, emissâ suorum armata manu, Socios, etiamnum errantes, vestigari juberet: & sive forent asylvestribus excepti, per vim in libertatem vendicari: sive via tantummodo per imprudentiam excidissent, in viam imperaret reduci, quoad in Iberici juris oppidum aliquod pervenirent. Pretium humanitatis, fore gladios ac sarissas, quarum copiam haud contemnendam, nec operis inelegan-*

*legantis, illi secum apportarent.* His isti dictis, lucri geminata spe: flagrantem jam antehac avaritia Barbari cupiditatem, acrius incenderunt. Filium itaque confestim accersit, jam adultum, & eum ipsum videlicet, cui nos in prædam postmodum cessimus. Ei mandata dat, quædam propalam, alia, pluraque, clanculum ac sevocato. Servos, clientes, & infra se quocunque titulo positos, adjungit; misto virorum foeminarumque satellitio. Denique cum tribus illis Liburnicis, insidioso comiteatu diligenter instructis: ad hoc delectos dimittit. Eum tantum tamque munificum, qualem supra descripsimus, apparatus excogitat, non officium, neque liberalis animus, a quorum utroque, vel procul semper abfuerat: vel profecto per fugam apostata discesserat: Sed, verè rem æstimando; totum hoc parandarum opum ingenium, distaverat improbissima cupiditas: suspicante Regulo (neque prorsus abs re) *quoniam enses ac lanceae pollicerentur à Sociis Socii; non procul ab eis Aurum esse posse, penes quos FERRO foret, AURICUS-* TODIA. Iam ergo non est, cur quisquam admiretur illum, quem supra descripsi, juvenem, cum suis assecclis, postquam nos reperit, tam multa, tamque novis casibus connexa, garrivisse, cum dierum novem indaginem nobis jactarent: cum Thalassiae nomen, cum Mantæ portum, afferent in medium. Etenim revera, Mauritoparchæ jussu, nos vestigabant & ab Novem illis nostratibus intima quæque perdidicerant. Nec in obscuro jam esse poterat: cur exotici saporis illa Poma, cur gallinas transmarinas, cur jentacula cum artis exquisitæ poculis, in nos congestissent: quoniam, nisi talibus illecebris ac sagina, nunquam ignaros aut inhamassent, aut captos traxissent. Nec illud denique cuiquam (qui modò Barbarorum haberet cognitos mores) præter expectationem cadere videri debuit: quod nos iisdem omnibus, quæ prius liberaliter dona-



donarant: ac fortunis præterea nostris, quas non donaverant, per summum scelus avertissent. Id enim imperium, non tam Iuvenis prædonis, quàm patris, nec tam satellitum, quàm dominorum, fuit. Quanquam cæteroquin & hi, qui nos emunxerunt facultatibus, ab instituto suo nihil recesserant: assueti prædas ac latrocinia, jam ex antiquo, tanquam Artem, exercere; plerumque per fraudes, interdum etiam per cædes & cruorem: in corporibus præsertim Hispânis. Nam hanc gentem odiis innatis atque tralatitiis, ad usque perniciem, infectantur. Ad summam! Ex professò vagi, latrones, & grassatores: *Vitam universam in Idolis ac superstitionibus, animum in pradis & sanguine, mortem in Gehenna, degunt.*

VERUM, ut ad nostros illos *Novem*, stylo regrediar: Expeditis emissariis illis, quædixi, navigiis; & Filio præesse daceréque jussu, quem ad paternam omnem perfidiam nequam Senex instituerat; Hospitibus ille quidem mensam qualemqualem apparavit. Præter hæc autem, & commeatum viaticumque mendicantes; fide publica, quocunque vellent, ire permisit: ac victu profectionibus necessario juvit. Cæterùm hos in itinere (non dubium, quin de composito, collusionéque Reguli) Barbarorum alius aggressus globus: *Quinque de novem* illis oppressit. *Quattuor* reliquis sua manus, ac DEI tutela, viam aperuerunt ad effugium. Hi, longo post tempore, nobis (jam PERUVIUM tenentibus) restituti, rerum gestarum seriem, qualem modò descripsimus, tristes, neque sine mutuis lacrymis, explicarunt. Ibi demum patuit *Danauum*, ac DONA FERENTIUM, DOLUS: ibi scelestum execrabilis hospitalitatis figmentum. SED res hortatur, ad nos ipsos, ac scilicet calamitatum nostrarum ordinem, Mauricis actis interseissum, reverti.

VI. DIGRESSIS, suo cum Duce, latronibus, omnique

omnique simul abducto nautico subsidio: stabamus in æstuarii crepidine mœrentes; sine veste, sine vitæ nutrimentis: & omnium nudi consiliorum. Nulla deinceps spes affulgebat; nulla fortunæ melioris expectatio: cum præsertim, omnia nobis maria, sinusque, prospectu pererrantibus; non cymba, non ratis, ac neque tabula quidem vel remus, offerretur. Ad ultimam itaque perducti desperationem, marcida cum animis corpora solo sternebamus. Solus unicus, in omni sorte semper sibi constans Sacerdos noster; ubi nos animadvertit, serio fractos; neque, nisi fortibus stimulis, excitari faciles: laxare tota spiritus & eloquentiæ suæ fræna cœpit; &, in ignaviam nostram pleno sermonis effusus impetu, detonnare. *Quoties jam mortuos? quoties sitos, ac tumultuos? & tamen revixisse. Semel ab uno nauclero, per fallaciam, navi detrusus; tamen adhuc quotidie Charontis in cymba seditare. Non indignandum sibi, quia fabulis luderet: cum nos, natio tam Orthodoxa, tantopere Divina VERITATIS, ac Fiducia cælestis, oblivisceremur. Adhuc, adhuc enimvero, priscum vivere, regnareque, DEUM; & humanos casus ac negotia disponere: Cui, si cordi fuisset, in nos salvare pro meritis, si gratum, Perire miseras naufragorum reliquias: nihil facilius fuerit; quàm nos modo per latrones perdere. Sperare se, Christianos & Hispanienses [nec ità procul] abesse; quoniam Barbaricis necem, nec ultra præda licentiam, in nos savissent, ultorum hand dubie metu ferociam inhibente. Diffisos utique, propinquam & majorem vim se sustenturos.*

NIHIL est Oratore nervoso, neque potentius ad erigendos animos, neque penetrabilius ad perfringendas dissonas voluntates. Dum loquitur Sacerdos, dum exprobrat; &, more quodam Apis *Attica*, sermonum suorum *belli*, reprehensionum *aculeos* intorquet: nos, discussa torpore, simul omnes pudibundi consurgimus; erectique meliorum expectatio-

tionem, jam hilares, jam pedum alacres, viæ reli-  
quum gestimus exigere. Dixisses, non, ut ante-  
hac, in incerta solitudinum, sed in lacteam PRO-  
MISSIONIS TERRAM, nos festinare. Triduum ta-  
men inter littorales errores exactum; nullo nec homi-  
ne, nec diverticulo, palabundis obviis. Die verò quar-  
to: ne discederem à consuetudine mea, semper in ex-  
sortem aliquam & lævam fortunam, præ ceteris, illa-  
bendi: Sociis rursus omnibus, & via pariter, excido.  
Quo tempore, quantis in curis, fletu, periculis,  
egerim; non equidem oblivione prætereo, sed pla-  
nè fastidio mei, lectorisque reverentia; quem,  
similitudine casuum, toties obtundere; paullatim  
merito religioni debet esse. Tunc, ab omnibus pe-  
nitens destituto viæ levamentis & ab universis deserto  
vitæ ministeriis, apparuit; quid homini conferret  
in tempore, sagax futuri providentia. Nam ex-  
tremam mihi famis necessitudinem depulerunt Ca-  
ligæ, quas nuper cancris, in cullei modum, infer-  
feram, quasque mihi, direptis omnibus aliis, Bar-  
bari (tanquam inutilem saccum) ultrò redditas,  
in faciem miserant; non tam miseratione mei, quam  
irrisu. Quatriduum, in hunc modum, aquatilibus  
in cibum absumptis, extraxi. Post hanc autem,  
anno mihi longiorem, moram; ego Socios, illi  
me, receperunt: incredibili mutuoque gaudio per-  
fusi. Quorum ego ne quando deinceps jacturam  
facerem; vestigiis illorum ad usque scrupulum hæ-  
rebam. interdum & prægrediebar; non ausus vel  
agmen claudere, tardius insequendo; vel antevola-  
re spatiosius, nimis eos passibus antevertendo.

ARGONAUTICON  
AMERICANORUM

SIVE

PERICULORUM

PETRI DE VICTORIA

LIBER XII.

CAPITUM BREVIARIUM.

I. **E**xacto dierum aliquot errore Hispani, tandem  
in Crucis statuam incidunt; quam latitiâ pietatēque multa colunt. Sub hac ad pagum Charapotum, Christianis frequentatum, hilares perveniunt.  
Comment. pag. 312.

II. In templo Charapotæ divinis mysteriis intervenerunt. Ab loci Pharocho, & incolis, dierum aliquot hospitio, rerumque necessariorum subsidio, humanissimè juvantur. Comment. pag. 314.

III. Relicto Charapoto, Victoria Portum Veterem petit. Illic morbo longo detentus: curationis ergò Mantam postea deportatur: quo loco cognoscit, de navi illa suâ Panamam. Panamam deinde profectus, Compagneros defuncti suprema mandata deservit, & exsequitur. Narratio de Petro Aria: deque via, Panamam inter & Nombrediosam, aperta. Comment. pag. 317. & 318.

IV. Pa-

IV. Panama Petrus *Victoria* navigat in *Peruvium*. Quæ regna, quæque insula, in eo cursu se ostenderint. *Liam* denique, *Peruvii* metropolin, appellitur, quam describit. Comment. pag. 319.

V. Lima, post semestrem, se confert *Potosium*, ad auri argentique fodinas. Depingitur primum situs ipse plagæque *Potosiana*, cum lacubus *Tiquacaca*, & *Auloga*. Deinde mons *Potosinus*, metallifer. De *Auri* generibus, deque obrizo, *Argentariarum* cuniculi, venæque. Fossorum multitudo. Scala, descensusque altitudo; & eruendi metalli modus. Comment. pag. 322.

VI. Post *Potosium* aditum, *Victoria* non paucâ *ta America* loca, metallifera, nominatioaque lustrat; trienniali mora. Comment. pag. 307.

VII. De *Novo Orbe*, ejus primis appellationibus, & Inventoribus. Quo præmonstrante, *Christophorus Columbus*, insulas *Atlanticas*, & continentem *Orbis* novi, retexerit? Quem scitatus *Americus Vesputius*, *America* nomen dedit.

VIII. *America* generatim describitur. Ejus spatium: & in *Meridionalem* ac *Septentrionalem*, partitio. *Opes* ejusdem, fruges, fructus, gemma, & *Smiragdi* fodina, jumenta feræque, tam indigenæ, quàm importatæ. *Oves*, *Indica* vulgo dicta.

**D**ie nono, postquam à Barbaris expediti sumus; cum jamjam Sol vérgeret: in semitæ quoddam bivium incidimus, luculentum ac tritum. Hujus altera vestigia montium pandebant aditum; qui, connexo dorso, sinistrum ad latus, ab Occasu porriguntur in Orientem. alter autem callis, maritimum litus, quàm late procurrit, secans, *Oceani Pacifici* præstrangebatur oram. Ipsam porro *Bivii* principium, collis erat modicus, æquorî proximus; & venerandæ *CRUCIS*, ex incocto latere, *Columna* spectabilis.

Dici non potest, quanto Spectaculum, hoc,  
(cbo-



(obeliscis omnibus & Colofis Rhodiis magnificentius) Oculo præsertim *sincere* CHRISTIANO, voluptatis infuderit? natantibus gaudio cunctorum præcordiis; nec abstinentibus dulcem lacrymam genis. Ergo primus hic, sicut ad viæ stimulos, sic ad exemplum & gratulationem, *Sacerdos*; O CRUX, exclamat, AVE, SPES UNICA! Certè videtis, inquit! VEXILLA REGIS PRODEUNT! FULGET CRUCIS MYSTERIUM! Omnibus autem pari pietate læticiam illius subsequenter: subjecit ille, gaudio profusiore gestiens; *Hoc nempe* (comites) *hoc illud est*; quod ante Septimum abhinc diem vobis, ego neque vates, neque vatum filius, sed tamen præsagivi i divinis (ut puto) veriloquisque mentis instinctibus; Necessum esse, Christianos, nec ita procùl) abesse. Quæ cum ille diceret: idem omnes nos vaticinium confestim recognoscimus; gratoque præconio comprobamus. Subinde, certatim concinentes; alii quidem cum ANDREA beatissimo, SALVERE *Crucem Pretiosam*, jubemus; cum Ecclesiæ choris & hymnis alii, *Dulce Lignum, dulces Clavos, Dulcia pondera*, modulamur; elati religiosa læticia, quod post tot mensium spatia, nostratium Sacrorum indubitatas notas, sub ignotissimo cœlo, reviseremus. Inter hæc, omni mentibus decedente formidine; spe nova novis animis ac robore, complemur: &, jamdudum stratis solo genibus, vultuque prono; CRUCEM iterum, iterumque, lacrymantes, & orthodoxis sensibus, adoramus.

Cum deinde, propinqui litoris ejectamentis viris cœnati, conquiessimus (namque nox fatigatos oppresserat) quidnam dies posterus, &, quid *Cru- cis omen* allaturum esset; præcupidis mentibus operiebamur. Iamque discusso crepusculo, Sol admirabat: cum repente tintinnabulo pensili, de nescio qua turricula, personare signum cœpit; tanquam æditum manibus, ad *Liturgiam* divinam *Catholico* ritu plebem convocantis. Ad eum sonitum (jam pridem auri- bus animisque nostris defuierum) arrecti pariter, &

O

horro-

horrore sacro perterriti, nulla mora cuncti confur-  
gimus. Inde, felicitati tam insperatæ contentis  
pedibus occursuri, locum eum, ex quo *Campana*  
*nola* tinniebat, prosequimur: fugientibus, quam  
festinantibus, similiores, præ novæ rei desiderio.  
Non ita ultra passus centum processeramus: cum ad  
lævam, ecce, post arbuscula littori prætenta, pagus  
sive municipium occurrit, CHARAPOTUS nomine:  
locus sane, post quadraginta plurimumque dierum  
intervalla, post quadringenta passuum millia pera-  
grata, primus, cui tandem imponere nomen aude-  
remus, ab incolis illius auditum. Nam antehac  
inter innominata simul infandaque, semper ober-  
raveramus. TUNC primum reddi nobis Terrarum  
Orbis visus, & rerum Natura, veluti dempto lon-  
gissimo sui theatri sipario, retegì. Tunc demum  
creditum est, humanum nobis reddi genus. mor-  
taliumque societas, hucusque clausa vagantibus,  
aperiri. Fumigabant enim eminus tecta, reside-  
bantque [modicis lixet culminibus] sed Christiano  
tamen ordine modestiæque connexa, mapalia, quæ  
nobis proinde fortunæ mitioris aliquid, ipso solo sui  
contuitu spirare promittereque viderentur.

II. Nihil itaque cunctati, cursum institutum  
premius, &, ad coloniam celeriter perlati, Sa-  
cram ædem recta simul omnes petimus. Ingressi  
verò, confestim Aram, ad quam illius pagi sacer  
antistes faciebat, accedimus, eamque, nec sine ro-  
stris, nec sine spectantium lacrymis, gratantes ac de  
genibus circumvenimus, divina beneficia deprædi-  
cantes, quorum novissimum, nec tamen *minimum*  
erat, *Errare tandem desisse*. Decenter hæc ageba-  
bamus, collectique speciosum in circulum; qui com-  
precantes & ornaret, & commendaret. at horridi  
cætera, seminudi, capillis hirtis, ac sparsis, &, ad  
summam, naufragis ejectisque, quàm viatoribus,  
affiniores. Tanto magis erga nos incolarum meta  
miseratio, qui templum complebant. Christi quippe

pe colui, tenerisque mentibus, imbuti; miseriam nostram putabant suam: & quoties nos ingeniculantes, quoties manus cum oculis in cœlum tendentes, aspicerent; cùm IESUM, cum MARIAM, claris suspiriis audirent compellari, totis ipsi visceribus concitabantur. Itaque, vixdum perlitato; Nequis dubitaret, AMORIS conciliatricem esse Religionum similitudinem: Christiani pro Christianis solliciti, per cœtus ac virtutem, Sacrorum adeunt Curionem. Is erat ipse, qui modò publico sacrificio supplicaverat. Apud eum memorant, quidquid de rebus nostris per interpretem didicerant: Hispani generis adesse viros, Iuvenesque tempestatibus & viarum erroribus agitados, in his etiam adolescentulos, prima (sicut de vultibus appareret) apud suos originis, nunc (ut in orbe peregrino) non lingua, non indumentis, non hospitibus aut opibus ullis humanis iustratos; latrocinantium scelere Barbarorum, expectare cogi misericordiam alinam. A quibusnam autem iustius, quam ab his, qui, cultus illis consortio colligati, CHRISTUM agnunt, huic, & non alii nationi, deberent? Divideret igitur in Charapotensium casulas per contubernia peregrinos, nullo suo, nisi tantummodo sollicitudinis, onere, dispiiceretque, quod cuique congrueret, pro diversitate natalium, diversorium. Nam penes se quidem (velut exterarum nobilitatum incallidos) delectum esse dispectumve non posse, sed hanc auctoritatem illi reservari debere, cuius civilitas ac prudentia nosset, inter Grandes, ac minores, distinguere. Nec vero multitudine se terreri, qua novem parva juvenum excipiundorum hospitio, non excederet. Potius optaturos (si sic Numinis placita tulissent) totum adhuc agmen, quod quinquaginta circiter capitum fuisset, huic beneficio super vivere, cum interim eum numerum varia mortes diversissimis casibus succidissent.

HAEC, & his congrua complura: cùm ad Sacrorum Praefectum incolæ Charapotenses dicerent, ille, sua jam sponte currans, & animo, ferendam ad opem, incitatus, promptitudinis novum calcar

accepit. Quare, mirificè tum suorum humanitate, tum *nostrorum* captus *indole* (sicuti memorabat) continuo partiri locios cœpit: ac, spectatis cuiusque suorum facultatibus & re familiari: tollerter, alium alibi, distinctis hospitibus induxit. Ipse verò (*ne consilio liberalior esset, quàm ope*) sibi, quos visum est, reservavit: ac, nisi me fallit memoria, præcæteris Sacerdotem nostrum; & conditionis similitudine sibi conciliatum, & nostrò creberrima prædicatione commendatum. In hos omnem suum animum atque genium (qualis apud eas gentes esse potest) effudit; non *Unius* duntaxat (*quod facillimum, etiam AVARIS est*) sed *complurium dierum indulgentia*. *Curionis* exemplum secuti municipes, in nos corporum omnia fomenta, contra nuditatem pariter & inediam, officiosè productèque congefferunt.

III. DIERUM igitur aliquot moram Charæpoti traxi: donec, magalium atque ruris nonnullo fastidio (fortassis etiam, elegantiarum urbicarum desiderio) placuit, & reliquam Christiani littoris oram peragrarè. Quare, fama præsertim invitante, *Quæ plerumque PRAESENTIA criminatur, & in majus extollit longius posita*, collegi sarcinas: & antiquæ cuiusdam gentis nostræ coloniae, cui PORTUI VETERI nomen, immigravi, rutæ cæteroquin stationi: quippe, mœnibus atque propugnaculis circumcinctæ. Quinque menses illic, haud sanè peregrinis animi laxamentis, quæ vulgè quærimus Europæi; sed adversæ valetudini dati: desidia proluxa molestaque. Namque tum reliquum corpus omne, tum præcipuè pedes tibiasque, periculosa sanie turgentes pustulæ, densis confertæ tuberibus, inflammarant. Neque mirum, in membris utpote, frequenti quondam vulnere, viarumque frigore, proscissis. Erat autem hoc tormenti genus, non illud infantile puerilèque, cæteroquin in varios plerumque desinere solitum, sed cruciatus plane masculos ac virilis quique, doloris & acrimoniæ diuturnitate, Spartiatam aliquem requireret.

Non

Non herbæ, non cataplasmata, non consilia proficiebant. & intrâ paucos (opinor) dies, virus æque sepuitusque computruissem, nisi veteris remedii memoria perplexum animum subiisset. Quod enim feliciter antehac semel iterumque tentaveram: ut falsis aquis, tanquam thermis & Bais, uterer: idem & tertium nunc experturus, MANTAE Portum, effedo deportatus, petivi. Cingitur & hic mœnibus; & ab nostræ gentis colonia frequentat. Nomen autem ex *Palli* similitudine, quam utcumque situs illius exprimit, invenit. Hic igitur undis maritimis, salsetine saluberrimis, ulcerotum quotidie corpus mersavi: quoties cœlum id sineret, in litore, quoties autem adversum esset, in folio balneoque gestatorio. Sic tricesimo fere die, me pristinam in incolumitatem reposui: de levis (quod meritis mireris) etiam reliquiis & cicatricibus bullientium plagarum. Hic multorum ex sermonibus intellexi, navim illam nostram, quæ Mantæ debuerat, *Spartam* tandem, Hispaniæ Novæ portum, post innumeros pelagi casus, influxisse.

SECUNDUM hæc, resumpto veterrimo meo proposito, cujus gratia matrem & Europam reliqueram; iterumque factis velis, PANAMAM, unde pridem ventis improsperis solveram, secundissimis repeto. COMPANEROSAE mei, quem in solitudine sepelieram, postremis postulatis ex fide satisfacio. matrem illius omni lactu, necessitudines & affinitates, tristitia compleo: posteaquam universum illis ægritudinis ac decessus ordinem, ex vero, recensui. Nomnibus quoque, quæ Companerosa mihi professus erat, satisdari fierique præcipio; si jus, si vocem morientis extremam, magni facerent. Nec illi segniter mandata curant. Me vero, jam non tantum ut amicum, verum etiam, ut tunc esset amoris Companerosæ sui, laute prorsus habebant: in hospitii longioris spem concessio



mihi conclavi, quod ille quondam frequentaverat. Id erat in suprema parte splendidarum adium; ex qua prospiciendi libera copia, deducebat oculos à Panamæ litoribus ad usque Nombrediosæ tractum, ex adverso situm. Illic, pomeridiano quondam otio tabellas pictas, quæ parietem ornabant, lustranti; de domesticis quidam intervénit, cano vir capite, sentuque; sicut apparebat. Is hærentem in una potissimum pictura, prior adortus; Hæc (inquit) effigies est PETRI quondam, ARRIÆ, cognomento *Crudelis*: qui Panamæis finibus, Antiquæ Dariæ, Novæque Castiliæ, summa cum potestate præfectus; provinciam fortius, quam clementius, administravit. Nam, supra cætera parum humanè facta, quorumque postmodum à tribunalibus Hispanicis interrogatus est; etiam generum suum, Vascum Nunnum VALBOAM, virum (nisi rebellasset aliquando) summum, securi publicè percussit. Ea culpa, non tantum in regis, sed propemodum in humani generis odium incurrit: detractus idcirco prætura, rapinisque statim in jus, & fortunis omnibus, regio decreto, dejectus. Et quid est igitur (inquies) quòd viri talis imaginem inter Heroas ponitis? Id ipsum [inquam ego] mirari mihi, dum loqueris, in mentem venit. At ille; Causam [ait] &, ut opinor, idoneam, audies. Vides hunc universum terræ tractum, quo distenditur Isthmus hic; qui Panamam inter & Nombrediosam procumbit? Longitudinis immensum est spatium: latitudo verò leucas, ut mirimùm, sex & triginta [quæ vel arctissimè maria coeunt] explet, totidem solidis horis percursanda. Spatium igitur istud universum, sylvis prædensis & horridis; ac præter hoc scopulis, passimque sparsis rupium fragmentis, infestum: ab omni retro memoria semper mortalibus impervium permansit. Etiam Barbarorum ferocissimi, vastitati locorum se credere me-

tue-

tuebant : tantummodoque saltus illos ferarum atrocissimæ pererrabant , Leones , tigrides , ursi , cæteræque generis carnivori belluæ . Totam hanc , tantamque locorum asperitatem , & vitæ discrimina , PETRUS hic ARIAS in præura suscolit : & , consulturus ultrò citroque comœaturorum tam incolumitati , quàm compendio , salebrosa repurgavit , scopulos excidit , emovitque , monstrabelluorum profligavit , & [ in summa ] sylvis radicitus extectis , *viam publicam aperuit , ascus illis , quibus postea VALBOAE cervices incidit* [ a ] Propter hoc ARIAE meritum ingens in Rempublicam , hæc illius picta facies , non modò prostat , sed etiam præfulget , ut vides : luce , post manes etiam , dignissima , propter Solem , his tenebrosis terrarum plagis infusum . Hæc ille mihi tunc , nec inattento , narrabat ; ARIARUM gloriæ , propter generis claritudinem , alioquin impensè fautori .

IV. CAETERUM ego dies pauculos Panamæ demoratus , patris auræ successu , quo prius eram usus , navim rursus conscendo . Deinde Tabogam inter [ insulam Occiduam ] & eas , quas a margaritarum copia *Perlas* nostri dicunt , medius , PERUVIUM peto . Cursus erat a Septentrionibus ad Meridem , recto passim , & propemodum ad perpendiculum exacto littorum tractu , quæ legebamus . Tunc multo , neque parùm amœno , maris theatro , littorum sinistro marginè Sinus *Divi Michaelis* , Promontoriumque Carehinum ; & aliud , quod à *Beato Francisco* nuncupatur , semet offerebant . Præter hæc autem Regnum Darienum , ac remoriùs inde Castilia [ quam dicunt ] Aurifera , Regnumque Bogotæum renidebat : quod , unà cum Castilia , flumine spatiosissimo dirimitur à Darienis campis ; Amni , Rio Grandi nomen est , apud nostrates ab ipsa sui magnitudine . Prætervectis autem insulas Malpellum , Palmas , Gorgonam , & Gallum , ingenti maris flexu Divi Francisci Sinus occurrit ,

ac promontorium Passaam, retrograda velificatione nobis superatum. Id quod nemini videri mirum debet. Pontus namque *Zurius*, qua parte Ieruvam amnem, & ejusdem nominis portum, accipit; quasi pertectus ulterioris in Orientem procursum, restringit sese: multisque Sinubus, & laborioso reflexu, Solem ad occiduum recurvatus: vix sero tandem ad priscam sui cursûs lineam redit. Ità spatium ingens, abscessu sui, relinquit proximæ cuidam continenti, quàm Saramanam appellant: immani montium dorso præcinctam ab occatu, circuloque subjectam Æquinoctiali. Proxime, fines Saramanæ stringunt Amazones, etiam illis Indis celebres Heroides: velut ego reor, veterum Europæarum exules reliquæ, quondamque regnatæ, vel certè multùm infra Thermodeontæarum libertatem.

Post ingentem illum, quem memoravi, Sinum: redeunte Maris procursum, *Promontorium*, quod *Helena* dicunt, præternavigantibus moram objicit: cæterùm moram, nec ingratam, propter amœnitatem; nec admodum diurnam, ob contractum flexus spatium. Ad *sinistram* vero, prætercursa Puna (non incelebris nominis Insula) Guanapa, Malucha, Salinæ, continentis urbes, ostentabant se. donec denique, tot terris, tot æquoribus quæsitæ, LIMA, navigationum & itinerum terminus, offertur. Hanc urbem (cæteris omnibus jam dudum à tergo relictis sociis, ac ne PEDIOSA quidem hærente) sicut sæpius antehac votis, ità tunc pedibus, ingredior.

EST LIMA (quam & *Civitatem Regum* nonnulli dicunt) hodie PERUVII totius caput. Principio, cùm in eam coloniam nostri deduci sunt cæpti, non amplius quadringentis quinquaginta domibus habitabatur. Crevit autem deinceps; & nunc inter omnes regionis illius urbes eminet; non tam moenium sediumque, quam digressatis, ampli-

amplitudine; quippe, civilium suum tribunali, Prætorio, regionumque iudicum confessa, formidanda. Præter hac autem & illius, qui pro rege jus summum dicit, maiestate: necnon Archiepiscopi Cathedrala, venerabilis atque celebrata. *Præsul* hic, totius Peruvii sacrorum principatum obtinet: cui minorum insularum *Pontifices*, decem & quinque subsident. Urbs ipsa, *Xauxa* fluminis, amœni juxta gelidique, ripis imposita, sub coeli gradu plus minus undecimo, trans Æquatorem, ad polam Antarcticum jacer. Ad Orientem respicit Cuscon urbem, à Boreæ verò partibus, Caximalcam; nobilissimum quondam Peruanorum regum propugnaculum. Ab occiduo porrò Sole, mari, quod *Zurium* dicimus, alluitur. Portugaudet, mercibus & onerariis perquam opportuno. Diducitur hodie plateis & ædificiis, in Europæum cultum, & seriem, dispositis, Incolarum familiarumque copiam, æstimare possis ex eo; quod ab solis Nunidis inquilinis, ex Africa transgressis, blasquam duodecim millium numero, frequenterur. Nigritas vulgus appellat: suntque mancipia passim Lusitanorum; ut plurimum ex Africæ Guinæ, Congi, vel Angolæ regnis coempta; cum delectu diligenti corporum atque roboris. Ab terris illis, quotannis in Brasiliam Peruvianumque navibus transportantur; non tam ad vitam degendam, quàm vivam laborum carnificiam. Horum, humanis humeris major, sedulitas & supra fidem omnem improbus sudor: stuporem Europææ desidiæ, frequenter etiam commiserationis affectum, prolicit. (b) Præter privatas porrò, publicasque complures ædes, profanis usibus assignatas; Tempia non pauca, sacrataque domicilia LIMA numerat. In his, etiam *Societatis IESU Collegium*; *Tirocinique Domum*, cum studiosæ Juventutis *Seminario*: formandis Americanorum juxta, nostrariumque puerorum, radibus annis. Propter

hunc tam multiplicem, qualem modo memoravi, splendorem, quanquam Cusco cæteroqui multum inferior, totius tamen Peruvii, Lima ea, ut est atque domina, non indigna profecto cœlo suo, quod plerumque constantis est temperiei, quippe quod, nisi bimestrem, dierum noctiumque nullam sentiat inæqualitatem, & hanc ipsam nunquam horæ spatio productiorem. (c) Quanquam autem uliginosis ab Oriente locis, & confluence torrentium, urgetur [insalubritatis alioquin notissimis causis] propter æquoris tamen ab Occidente viciniam, proptérque molles auras; non est incommoda diuturniori convenarum moræ. quam ego proinde, quietis indigus, ad semestrem solidum extraxi, partim ex meopte genio, partim verò, quod hospitem nactus essem, minime tetricum & incivilem. Detinebat insuper, præter corporis necessariam curam, etiam consilii capiendi spatium ac maturitas, dum in meto sum. ne, non probè singulis dispectis, vitæ meæ rationes in futurum, inconsulto staltitiæ turbine, darem in præceps: néve [sicut antehac sæpius] incerto pro certioribus delecto, totum meæ navigationis institutum, ad casus sinistros, tanquam ad scopulos, affligerem. Igitur in cogitando multus, in indagando sciscitandoque plurimus: in deliberationem advocabam dies pariter atque noctes, soporem & vigilias, homines atque Superos. Excocto vix tandem [sed tamen, ut mihi tunc apparebat, satis excocto] mentis decreto; *Potosianas* in *Fodinas* inclinaui simul, & pedibus ivi. Locum eum paucis depingi, non abs re fuerit, oculato præsertim experimento, nec exigui temporis usura, per omnia tritum atque dispectum.

V. AD Orientem igitur hibernum, in continenti, quæ pæne Cusco tenus à Boreis in Austrum excurrit, ad Montes illos propemodum, quos nostri *Serias Potosias* appellant: Lacus est ingentis spa-



tii, Peruanis gentibus TIQUACACA dictus. Hic, nonnullis hinc inde renidentibus Insulis intersectus, ducentorum quadraginta passuum millibus ambitur. Dives ipse magnitudine sua, fluvius tamen præterea peramplis, denis duodenisque locupletatur: at annibus rivisque minorum alveorum plurimis, sine numero juxta sinèque nomine. Cæterum is, quâ facilitate copiaeque confluentes recipit, eadem mox abscedentes emittit, coeuntibus aquis in immanis spatii profunditatisque fluvium, ac per passuum item CCXL millium longitudinem procurrentibus, donec in aliud, haud incelebrioris notæ, Stagnum, AULOGAM accolis nuncupatum, evolvatur. Id fit ostio non plus uno, sed tamen vastissimi gurgitis, quo LACUS Tiquacaca simul intrat Aulogam, simul eo se totum merlat. Namque permiro, sed exemplis tamen non carente, naturæ prodigio: tot rivorum, anniumque [pæne dixerim] Oceanus, stagnantis hiatu paludis, dum illuit, hauritur, & haustu confestim sepelitur: nullo [quod stupas] vel exundantium aquatum, vel retrolabentium, vestigio. Credas, evanescere, sive Palestini Jordanis imitamento, Vologdæque Sarmatici, quorum prior MARI, quod MORTUUM dicunt, missus, alter autem Caspio, continuo sorbetur & interit, sive [quod propius conjecturam est] absumpti solo tor gurgites, occultis sub terra meatibus, aquas & glareas auriferas, ad usque Potosii montes devehunt. Nam rivorum plerique, largum, omnes autem, lentum saltem, & tanquam ex dimento, volunt aurum, ac, sub horridis illis terræ cavernis, suspensis fragoribus incedentes, in Ærario denique Potosiano suum pretium deponunt. Namque Potosii pæne tecta montemque, desinentis AULOGÆ litus suburget. Nec ita procul Potosiano jugo, montium nova series, ad Austrum, opulentis venis succedit.

Hæc auri pariter argentique penetralia , nostra  
 sive cupiditas ; sive , cupiditatis pallium , Egestas ,  
 vestigavit ac reperit , anno reparata Salutis CIO. IO.  
 XLV. promptuarium opum , Europææ rapacitati  
 per tot jam lustra sufficiens : quodque supra fidem  
 censeas , adhuc his tempestatibus inexhaustum ;  
 adhuc plenis venis etiam huic sæculo liberale : quo  
 reliquus tamen orbis universus emunctus est , & a-  
 ret. *Nam hæc scribimus illa ferrea regnorum tem-  
 pestate ; qua Romanum Imperium ( si verum trans-  
 marina fama narrat ) & omnium circumquaque scerp-  
 tra , bellis civilibus exterisque flagrant : jamque  
 stipendiis suis , araria provinciarum imparia sunt ;  
 futura diu , nisi Peruanæ succurrant illis aurariæ.*  
 Sed operæ pretium videtur , exactius Potosii situm ,  
 ac siqua præterea cohærent , ob oculos ponere : ne-  
 scias , trahendone magis , an absterrendo lectori ?  
 quoniam & AVARO nihil unquam est satis : & ANI-  
 MO temperanti , pensata Salutis pericula citius hor-  
 rorem , quàm lucri spem , incutiunt ; quoties sin-  
 cere narratio , rerum difficultatem , qualis est in se ,  
 depingit.

EST igitur , Æquatorem inter & Capricorni Tro-  
 picum , ab cœli climate vicesimo , meridiem versus ,  
 ponè lacum supra descriptum ; oppidum , majori  
 fama nominèque , quàm mole , Potosium. Huic  
 ad Austrum Mons instat : quinque passuum millia  
 circuitu ; tria verò , fastigio complexus , & spatio  
 celsitudinis. Quidam hunc auri penitus cassum  
 credere , quo i secus est. nam usqueadeo non  
 caret illo , potius ut ramentis & laminis affatim  
 exuberet. (d) Non passim tamen , neque temerè ,  
 non modo Potosii ; sed nec PERUVIO toto , quâ  
 foditur , in auri notam optimam incideris. quidam-  
 que pro comperto tradunt (e) ad Hispanæ bonita-  
 tis pretium , Peruviani duplum requiri. Quod ,  
 non est , cur quisquam miretur. Nam à peritio-  
 ribus , AURI septem genera deprehensa sunt ; omnia

nia quidem ac singula tanti metalli dignitatem ac nomen tuentia : cæterum aliud alio præstantius, ponderosius, & excoctius. Prius tenere fertur, ab omni jam olim ævo ; quod OBRIZUM vulgo nuncupant, hoc est, defæcatissimum. Hujus autem appellationis originem, sunt, qui deducant ab OPHIRISIO ; temporibus regum Palæstinorum, Salomonis ac Iosaphati, per orbem celebrato : quod illi contendunt, Obrizum, aut *Ophrisum*, tanquam *Ophiristum*, per diminutionem, dictum, (f) Quod Grammaticorum potius, quàm historici fori, problema ; non est animus neque refellere, neque propugnare. potius, ad narrationis institutum reverti, placet.

Mons igitur POTOSSINUS, quanquam (uti dictum est) Auri dives ; magis tamen ab ARGENTO celebratur, cujus quatuor maximè venis ingentibus, ad prodigium usque, locus hic per mortalium ora volitat. Has, ulnis non amplius binis latas, quingentarum profunditas ulnarum, in immensum deprimit : procurrentibus, ab Orientali rupis parte, per tramitem obliquum cuniculis ; ad Septentrionalem usque loci situm. Protuberant porro dextra sinistraque, sine numero, quasi rami quidam & varices, irritandis inhiantium curis, ex ipsa quotidiana novitate : fibris ac surculis argenti, singulos in dies, aliis super alios, deprehendi soletis. Mirabili quodam artis æque naturæque lusu, nescias : Plusne quæras, an stapeas ? in tam utique numerosa, supra numerum, specuum meatuumque copia ; quam mondis intestina felicitas aperit, & offert : tramitibus argentariis, aliis forsùm tendentibus, deorsum aliis ; quibusdam dextrorsum, nonnullis sinistrorsum : multis prorsum, compluribus retrorsum, sæpe rectà, sæpius autem per transversum procursantibus cavernulis : quæ quandoque decussatim sese, per occursum mutuos, secant ; alias, nulla finis aut termini spe, longitudinem suam in

in profunda montis extendunt. Videas igitur, tam paratis opibus eruendis, illaborare plusquam millia quattuor Hispani nominis; indigenarum autem millia quinquagena; continuato dierum ac noctium, mensiumque, conato. Peruviani plerique Nigritæque sunt; perpaucis Barbarorum alterius cœli mixtis. Quorum omnium (si familiarium etiam, ac necessariorum capita, semper illis hærentia, sub censum voces) plusquam octogena millia, solum ad POTOSSIUM, supputes, fossioni vel addictorum, vel opera qualiquali subservientium. (g) Ut proinde manifestum mirumque sit, unius provinciæ regnique laboribus, montem unum vexari lassarique posse: vinci, vel eviscerari, non posse. Sicut autem cætera PRETIOSA, sic & hæc opulencia, magno constat, & ARDUO, Scalas in immensam altitudinem erigunt, operosissimas ascensu, despectu descensuque formidandas. Eæ, continuo quodam nexu surgunt: columnis, non (ut Europææ] geminis, sed ternis, quas bubuli corii segmentis, in longum scissis, & funis in ritum incortis striatisque, concinnant: insertis per transversum gradibus e ligno teretibus, atque pedi figendo firmis. Quò celsius autem enituntur, dum effossas divitias humeris egerunt, eò crebrioribus ad respirandum interjunctionibus indulgent: præparatis toto scararum tergo, certa per intervalla, robustis subscelliis, quæ, trabibus, præferratis, ac longuriis subliciis, in rapem adactis, & onera sedentium ferunt, & ævum. Mensuram autem itineris, quod ab imo monte suscipiant in supremum, ex eo licet æstimes, quòd ad centum quinquaginta, nec pauciores, ulnas geometricas, infra POTOSSINARUM Alpium radices, ergatæ plerumque se demittunt, & indidem cum excisis ponderibus regrediuntur. Inter horrenda tenebrarum [dictu tetricum:] non Solis radius, non diei parcissimus nitor, rimis ullis immicat, ad aurum aut viam

ape.

aperiendam. Lucernâ duntaxat e sebo, medium ad pollicem deligata; sibi quisque viæ dux, Sol, & dies est. (b)

VI. CAETERUM hæc tanta naturæ felicitas. in ditandis mortalibus; aliunde suis incommodis vi- tiatur. Est enim POTOSIUM aeris perfrigidi; tractu locorum asperissimo; terraque, frugum om- nium ac messum infertili. Quapropter ego præ- sentium bonorum cito sator; *imperu juvenili (qui NOVA semper VETERIBUS antefert)* ab aliis ad alia pedem, cum lucri cupiditate, transporta- bam; AURI maximè studio, per compen- dium, intentus. Et ideo, quidquid aspiciam, in PERUVIO toto, metalliferam terræ sinuum erat, investigato; quasi nullo tamen laboris relato pretio, retrogredi cœpi: pèrque Bogottæ, quod appellant, Regnum, rursus in Castiliam Auream penetravi; non indelibatis Regni Venesvilæi, Da- rienique finibus, Castiliæ viciniam stringenti- bus. Illis in plagis, quantum opum per Ameri- canas operas congesti; tantum rumorum per otio- sos hospites collegi: narrantibus in dies singulos iis, quibuscum agitabam. aliis quidem gratuita, quibus- dam autem venali lingua; qua placentissima quæ- que, velut in forum, prostituiebant, sermonum blandimentis: ac sæpe veris historiis corruptam fidem miscebant. SED ego, qui multa scruta- tus: nec pauciora testimonio sensuum expertus eram: famæ publicæ, jam pridem etiam libros institueram associare; quos quidem id genus nar- rationibus, paullo sincerioribus, audieram con- cinnatos. Eos assidua volutatione, quoties otium suppeteret, terebam. Illa vero, quæ videram, in ephemeridas & commentariolos referebam: Audita, non nisi cum delectu, credebam. Quibus proinde studiis & sollertia *triennio solido, quod iis in finibus exegi*, celebriora quæque, non solum PERUVII, sed pæne totius AMERICAÆ, quàm



quam late patet, affectus sum. Unde locus ipse, tempusque, nos hortari videntur; quæ tunc super his regionibus accepimus, posterorum quoque notitiæ ne subtrahamus. Nam, cum per omnem hanc rerum nostrarum enarrationem; inter ignota plerumque locorum ac provinciarum nomina, tanquam in Cimmeriis noctibus, oberraverimus; nunc denique congruum arbitramur, triennali percurstatione comperta nobis, cum fide tradere. Sed id tamen pressè faciemus; nec, nisi cum raritatis delectu: ne, referendo quævis obvia, quæque pluribus ante me promiscue vulgata sunt; novissimus ego supervacaneam cramben recoquam. Igitur de regionibus iis, in quibus tum agebamus, & de quibus nunc acta condimus; in hunc modum se res habent.

VII. ULTRA cognitum, nostris hominibus ac scriptoribus, terrarum hemisphærium, quod Europæus, Asiaticus & Africanus mundus insedit: ad Occidentis excursus, alterius est hemisphærii terrestri spatium; immani profundo, regnis, & insulis occupatum: currente per medium Æquatore circulo, sic, ut medium dissecet; illiusque dimidium alterum ad Septentriones, alterum autem (æquâ propemodum portione) pertineat ad Austri plagas. Hujus tantæ molis magnitudo capacitasque, quæ terræ continentis, quæque pelagi. finibus & ambitu censa; pæne cæterum omnem, majoribus nostris compertum, orbem æquat. Unde, velut in æmulationem veteris; superiore memoria, NOVI nomen ORBIS accepit. Nonnulli verò, quod, iisdem prope tempestatibus, Indiarum Orientalium complures Insulæ regnæque detegit cœpta sint; hunc mundum recentiore *Indias Occiduas* appellarunt: ad discriminis (ut ego reor) quandam facilitatem; &, præter hæc, ad nonnullam *Inventorum* certamen: dum alius alii, primum insulas insulis, terrisque terras, dein Orbem orbi, con-

contendant per æmulationem opponere. Sic Occidentium Indiarum nomen exiit : quod cæteroque videri gratuitum poterat, & ex vano captum: cum *INDI fluminis* (à quo sua tellus insignitur, & nominatur) nullo nec alveo, neque gargite, perluatur; ac ne fonte quidem brachiove, nuncupationis eiusdem, rigetur. Porro PRIMUS (qui quidem sciatur) Christianis sæculis, in ea loca, tempestatibus disiectus, appulisse fertur Hispanæ triremis gubernator; qui *portu Callaico* solverat. Is, longissimo marris Atlantici tractu, meridiem inter & Occidentem, ablatus: Terras ibi quasdam, an Insulas, vidit: visasque duntaxat, nec exscensus audacia tentatas, sine suis nominibus, sine publicæ fidei certis monumentis, reportavit: cum navim suam, amisissis suorum multis, tandem in insulam *Materam* redigeret. Hæc in Oceano jacer Atlantico, Marocchium contrâ, sub coeli gradu vicesimo septimoque, supra Fortunatas, quæ Materæ, Notum versûs, substernuntur. In hanc igitur insulam, posteaquam Hispanus ille nauclerus sese, laceramque fluctibus triremem, recepit: eaque, quæ peregrè viderat, quæque tumultuariis chartis ductu rudi consignarat, exposuit; tantùm non initio pro parum sano traductus est: elusaque, tanquam fabulatoris, transmarina relatio. Cerrè quidem constat, adeo neglecta tam felicitis inventionis principia fuisse; vix ut tandem repertus fuerit, qui narranti quæstiunculam, aut (quod minimum est) etiam aurem & attentionis dignationem, impenderet; nedum fidem, & comiratus sponsonem, ad nova quærenda regna. Séd nulla re magis tunc parnit, *ingrata mortalitatis vitium* ac bene *meritorum oblivio*: quàm, gubernatoris illius excessu, nam hic, non ità multo post reditum, cum suorum reliquiis, naturæ concessit: languoribus confectus, quos ex incommodis maritimis collegerat. Sub quæ, sine mora, corpus promiscuo vulgi tumulto conditum; refossuris ne discrimen

crimen quidem, ad sui recognitionem, reliquit. origo verò, propriumque natale solum, & (quod his omnibus plus admireris) nomen adeò cognomentumque tanti narratoris, intercideret. Verum, erat eodem tempore, quasi favore quopiam fatorum. inter naviculatores, qui Materam insulam causa mercium frequentabant, Ligus quidam, acri vir ingenio, nec minùs prompta manu, *Christophorus COLUMBUS*: Cuguréo, vel (ut alii perhibent) Nervia, pago municipiove Genuate, progenitus. Hic, ex Hispani, quem dixi, gubernatoris ore, chartaque thalassographica, solerter excerptis descriptionibus; ad rationem & conjecturam loca singula cœpit expendere: notaque regnorum & Insularum, ignotis componendo; necnon Platonis antiquissimam Atlantida [cœli climatumque positionibus inter se collatis] ex Timæo secutus; in eam venit opinionem, ut jam non fabulam atque comitum credere, sed historiam & rerum veritatem. Igitur à Ferdinando, Castellano rege, per octennium ipsum sollicitato; precibus opportunis importunisque, vix denique, sed tamen extorsit, instructam comiteatu nautico classiariisque triremem: impendio non amplius decem ac septem millium aureorum nummum. Eam Callium portu solvit; suspensis expectatione cunctis Hispaniis, Ecquid audaciâ promissa, tam gravi spe, tam tumidis velis prægnantia, regi credulo paritura forent? At *COLUMBUS*, rumorum parum sollicitus; nec, quid de se mundus sentiret, sed, quid ipse mundi novi reperiret, intentus, per Canarias omnium primùm evectus est in pelagus occidentum; quod contra Marocchii regnum, & cæteram Africam, objaceret. Hinc, obliquatis in Boream velis, primam omnium retexit Guajanam insulam, Floridæ vicinam. Postea, repetito jam tertium Oceani cursu, comitibus Pinzonis fratribus; Cubam, Hispaniolam, Jamaicam, insulas ingentes

gentes ac divites : secundum has autem , Terram Firmam, Pariamque , continenti solo sitas , invenit : & inventarum nonnullas , pro jure suo , primus nominavit. *Argonautica* porro tam celebri , quæque superiorum ætatum omnium navigationibus multum antecellat ; initium datum , sub *Annum* à CHRISTO *millesimum* , *quadringentesimum* , *nonagesimum ac secundum* : Friderico III. Germaniis imperante , Maximiliano I. Friderici filio , Romanorum Rege ; sub initia Pontificatus Alexandri VI Sed post hæc , COLUMBI studiis supervenit AMERICUS , cognomento VESPUTIUS , gente Tuscus , & ex ipsis Florentiæ magnæ visceribus. Is , quinquennio post , Gadibus in Atlanticum Pontum evectus , Iustitanorum regis Emmanuelis auspiciis , continentem ingressus est Orbis novi : vir , solis insulis ac littoribus nequaquam contentus. Animis ingentibus , & magno Barbaricarum virium despectu ; ferocissimas quasque nationes adire cum paucis ausus , obstantia petripit ac profligavit arma : positosque trans Æquatorem tractus ad meridiem , primus partim aperuit ; partim hostilitate repurgavit. In quibus Guiana , Brasiliæque , cum cæteris in Austrum obversis provinciis , Ibericum dominatum acceperet. Tali VESPUTIUS industria felicitatem est eam assecutus : ut , quodcunque terrarum & insularum , ad id usque temporis , semper ORBIS NOVUS , aut OCCIDENTALES INDIAE , fuerant ; id universum deinceps ab ipsis nomine caperet AMERICAË nuncupationem ; potius , quàm à COLUMBO *Columbaria* , sive quam aliam appellationem. Ità Duorum (sub idem fere tempus) Itatorum heroica IASONIAque virtute : Mundus ingens , fieri seipso major coepit , inventique recentis Orbis , penes alterum gloria nasci , penes alterum autem hæere maluit , & perennare.

VIII. TALIBUS *America* principiis ac vestigatoribus-

toribus aperta, qualis sit, denceps dicendum est. Longitudo (si metiaris à *Fretis Magellanici* flexibus, ad usque *fretum Atianum*) his mille quadringentorumque milliarium est magnorum; quibus itinera Germani metiuntur. Sive nostram quis Geometriam malit; quattuor millium, octingentarum leucarum. At latitudo totius, à promontorio Fortunæ tracta, lineis rectis, ad promontorium Bretonicum Novæ Franciæ, bis mille sexcentarum leucarum est. Circumluitur, ab ortu Solis, in hemicycli fere formam, Atlantico mari: parique propemodum spatio [sed obversa figura] cingitur AMERICA mari Zurio, seu *Pacífico*, quæ vergit in Occidentem. Ab Austro, terris urgetur & clauditur, quas vulgus INCOGNITAS appellat, interficiente Fretis Magellanico, cæteroque, quod ad Antartum jacet, mari; quæ maxime coit in angustum. Plagas Aquilonares ingens in polum Arcticum vastitas extendit: continens, an fluens, adhuc incertum; propter horridam, quæ nostrorum accessus absterret, barbariem. Cæterum AMERICA, cum utrimque procurrerit intrâ sese, sui que velut umbilicum in medio repererit: arctatis marium & continentis faucibus, Isthmum efficit; longitudine cæteris omnibus nobiliorem: Sed latitudine disparem, ac variantem. Cujus contractissimum compèrimus intervallum, inter Auriferæ Castiliæ duas urbes, è regione semet respicientes: Panamam, & Nombrediosam. Ibi se *Novus Orbis* partitur: alterum sui dimidium in Aquilones, alterum in Austros dispescens. Hinc illam quidem, Septentrionalem, istam autem Meridionalem, usus jam tritus indigitat. Et utriusque [si maria terasque metiamur] par capacitas, æqualia prope spatia, nec fere divaricæ dotes & opes, sunt. Scatet auro, quinquaversum patet; neque minus argenti, cæterique metalli penetralibus: quibus omni-



omnibus pretium fecit, non tam suus, quàm alienus Orbis, & cumprimis Europæa sive rapacitas, sive penuria. Vehunt & rivi passim, & fluvii, glareas auro lucentes; longe certe Pactolo Lydo, vel Hispano Tago feliciores, ac majori copia. Præter hæc, amnes haud pauci, cæteris puriores, unionem alunt; variæ quidem magnitudinis, sed bonitatis receptæ: quorumque nobilitas conchis, ostreisque pelagi margaritifera, ad æmulationem certet. Terra, pleraque sui parte frumento nostrati destituta; suum tamen & domesticum sufficit, quod illi Mayzium appellant. Id, uti nostro longe parabilius est; ita sapore salubritatēque non parum cedit. Fructuum cæterorum, & in totum, auctumni vix quidquam desideres; quod non reperias, vel ad delicias, vel ad copiam; nedum ad naturæ postulara. Namque, præter Sacchari cannas (quibus non sola Brasilia, sed Insulæ quoque complures, tanquam vegetibus & æstate sua luxuriant) etiam gossypium arbutis depectunt: & Platanos frugiferas, nuces pineas, aromatum proventus, ac peregrini germinis foetus multos, hortis destingunt. In his, mala citria, Persica, Limonia; quin & aurea, Granataque, cum Armeniacis pomis: Suorummet autem nemorum fructus, Hovos, Mameas, Guavas, Guanavanas: nomina, quàm bellaria, barbariora. Gemmas insuper, neque nostratibus multum inferiores; sæpe quoque pares, aut vegetiores: plurimumque præterea pellucidi marmoris, montibus exsculpunt. Smaragdis potissimum quadam Alpes turgent; & tanquam matrice fertili, profunde pregnant. Eorum, sicut densitas atque copia grandis est; sic Pretium, RARITATIS Illia, vix ullum apud suos fuit; priusquam id Avartitia nostra lapidi faceret. Scrobibus, tanquam filices, expungebantur: & ex virore, majus oculorum oblectamentum; quàm quæstus illecebræ, ja-

jacebant: donec siccator Europæus supervenit; & ex hoc, ignoræ prius mercis, apud Americanos intellectus & æstimatio percrebuit. Constat profectò: *Simandocam* quendam, vallis *Tissuca toparcham*, Contalvo *Ximento*, legum consulto viro, nostræque gentis, supplicasse quondam, pro Salis unicâ patina, cibis condiendis. Ximeno porro, liberaliter postularis annuenti; (tanquam debitum) fuisse transcriptam & oblatam à Simandoca *Smaragdifodinam*, divitis ac spatiosi fundi. Tantulo liberalitatis impendio, steterunt opes; adhuc hodie feris nepotibus inexhaustæ. Nam eruntur illinc, in hunc etiamnum diem, *Smaragdi*. Feris porro sylvestribus (uti fere barbariora Libyes, aut Orientis sic & saltus Americani frequentantur: nisi, quòd Leones ingentes, alibi terrarum feroces, & ultrò persequi venatorem lucti; tamen istis in tractibus hominem fugiunt; & neque conspectum quidem illius exiguæ stationis morâ, sustinent. Elephantis autem, tam Indicæ, quàm Africanæ speciei, destituntur in totum America: nec, nisi forte quadam importatos, novit. (1) Jumenta, quibus ad onera vecturasque ministrandas utuntur; ab nostratibus deferunt: potissimum autem plagæ continentis, & universi Peruvii. Genus enim habent quadrupedis ad mirandum, quod *Lamam* indigenæ; nostri verò, corporis mensuram ac formam secuti, *Transmarinam* aut *Indicam OVEM*, dicunt. Est hoc animal non solum carne, corio, lana, dominis suis utile: sed jamento præterea fungitur; vectandis gestandisque sarcinis & molibus peridoneum. Dimidio gravatur illius, quod moli gestarent. Ne quis autem de dispendio majoris ponderis queratur; parsimonia victus & apparatus, eam jacturam sarciont. Nam minimo cultu, stabulantur: diario perquam parabili vilique, pabulantur; & hordeum neque datum fastidiunt, neque

nega-

negatum in minutumque requirunt. Phaleras, habenas, accinctum, ignorant. Dorſa, geſtationis aſſuetudine, durantur in callum; tanquam nati-vas in cliſſas. quodque firmitudinis argumentum majus eſt, inſoleatæ quoque, ſub quibuſvis oneribus, incedunt; naturæ beneficio conceſſis ungulis in aſſuitatem ſubarmatæ. (k) Cæterum ad Equi primos intuitus cohœſiſſe ferunt has gentes: tanquam in hoc Leonis quoque, tigridemque conſpecto rege: cùm tantam corporis celſitatem adſpicerent; cùm hinnientem frementemque paveſcerent; cum phaleratas cervices, non ſine ſuperbia, ſubrigen emiſpicerent. Id, quod illis in populis, minimè mirandum eſt, eveniſſe. Nam, pari formidine, nec aſinum paullo laſcitiorem, neque bovem cornupetam, uſiſſent; ignota mortalibus iis, ab ortu ſuo primo, brutorum monſtra. Quippe, priuſquam Hiſpani jumenta, transportata navibus, inferrent: nemo taurum, vaccam, vitulum; nemo mulum, aut aſinum, aut pullum: non hircum, arietem, capram, oſem, cuſtodemve pecoris canem [ne per picturam q idem] oculis acceperat. Multa, quæ præterea ſuper Americæ rebus univerſim tradi poſſent; ab aliis abundè jam vulgata, lectorem fatigent cinis, quam ſcriptorem deſiciant: poſitis in propatulo librorum monumentis, ut quiſque noſtrorum hominum, exterorumve, *Novas terras* inſulasque, vel ipſe reperit, vel reperiſſas interiùs luſtravit. Operæ fuerit amœnioris; ex ſingulis potius exquiſitiora delibare: propoſitis in conſpectum [ſed tanquam per tranſennam, & ſtriſſum] ſicut modo diſtinximus, AMERICAE partibus, & continentis poſſimum regionibus. quarum bona jux-  
tâ malaque, quaſi per tranſcurſum excerpemus, ac, ſiqua cætera, videbuntur ad memoriæ meritum e-  
minere.

ARGONAUTICON  
AMERICANORUM  
SIVE  
PERICULORUM  
PETRI DE VICTORIA  
LIBER XIII.  
CAPITUM BREVIARIUM.

I. *Septentrionalis America singillatim Descriptionem orditur, ac divisionem. De Eslorilandia, California, mari Vermejo, Nova Gallacia, strictim omnia.*

II. *Nicaragua regionis pictura chorographica. Ejus pars maritima, horrida & inculta, circus quondam, & campus errorum, Victoria ac Sociorum ejus. Pars autem Nicaragua interior, amœna atque frugifera. De Manta, deque Portu Vetere, urbibus: deque priscis Gigantibus, & eorum puteo, detestabilisque libidinis pœna.*

III. *Fondura regio; & rupes Masaja, stammi-voma. Hispania Nova, felix admodum fructuum, nemorum, fluviorum.*

IV. *Regnum Mexicanum, & regni princeps urbs, Mexicum; olim Temistitanum. Mexicum vetus, cum incolarum priscorum moribus adumbratur: De rege ejus ultimo. De Tlascala, urbe amula: deque*

deque demersis in stagnum epibus. Additur Mexici  
Novi splendor, ac topothesia.

V. Cuba Insula; & priscorum eius incolarum sœ-  
di mores. Angues comestites. Vallis rotundorum la-  
pidum. Insula Jamaïca. Turbines maris vicini,  
Turacanes dicti, & Insula mirandus situs.

**S** EPTENTRIONALIS igitur AMERICÆ,  
barbaro nomine Regna multa sunt, ac  
Provinciæ. quarum nuncupationis aspe-  
ritatem, partim nostræ gentis & linguæ  
majestas ad temperamentum soni per-  
duxit; partim verò, superinductis Euto-  
pææ mollitiei vocabulis, interpolavit. Celebri-  
oris notitiæ sunt, *Antiarum, Quiviranum, Tolmium-*  
*que Regna; Canada, Nova Francia, Virginia, Flo-*  
*rida:* quæque supra cunctas has in Aquilonem pro-  
jecta jacer, *Estotilandia.* Propius Austrum verò *Ca-*  
*lifornia, Fondura, Nicaragua; Nova* (quam feci-  
mus) *Hispania; Granataque Nova.* Sed & latus  
ab Atlantico pelago stipant insulæ circumfusæ. Primæ  
dignitatis, *Hispaniola, Cuba, Jamaïca, Divi Ioannis,*  
& *Margaritarum.* Ac de pluribus quidem harum seu  
terrarum continentiam, seu mari cinctarum; in  
superioribus operis nostri libris mentionem infera-  
mus: uberiolem, contractioremque; prout narra-  
tionis ulus exigere visus est. Sufficiat hic igitur,  
omissas alibi, paucis exsequi. Principium descrip-  
tionum ESTOTILANDIA sit. Ulmus, qui quidem  
hodie teneatur, Americæ Septentrionalis angulus; in-  
ter Frerum Davisium, & Terram Cortealem, diver-  
sis Sinubus varias barbarorum (herfonesos, ac de-  
serta littorum, includit: in quibus Estotilandiam e-  
tiam, Terramque, quam appellant, Laboratoris,  
à fluvio Tormenta, Furiosum ad usque Sinum, in  
latitudinem extendit. Longitudo vero tractus il-  
lius, procurfu montium, procùl abscedit, in ca-  
rentia nominibus loca; potissimumque, quæ vergunt



in Occidentem æstivum, incultæ plagæ. Littoribus præterita montium iuga, squalore saltuum & asperitate solitudo, inprimis horrent: tantummodoque belluarum non infœcunda; miræ feritatis animantes, ingenti frequentia fundunt & nutriunt. Quin & *Gygbes* illis in arboribus, dicuntur, non fabulæ, sed ex vero, sedere. (1) Notiora tamen navigationi nostræ regna regionesque sunt illæ; quæ pelagus *Zuriûm* ab Occidente per obliquum adjacent. In his, post *Quirivæ Tolmiquæ* terras; eodem littoris tractu, mari prætenduntur (Orientem versùs) *Californiæ* loca. Tergum istorum, claudunt montes; &, ab his in Oceanum decurrens, amnis *Farellones*. Latera stipantur undis, in modum brachiorum. Et dextrum quidem, quod Austrum spectat, Ponto *Zuriis*: sinistrum autem ad Aquilones, Sinu quodam prævelatur, in transversum procurrente; plusquam ad mediam *Californiæ* longitudinem. Eum quidam *Mare Vermejum* vocant, ad simulacrum nonnullum maris Adriatici Tyrrhenique: quibus, in Ionium pelagus coalescentibus, Italia (laterum tenus ac pedum) intringitur: aut in effigiem aliquam Arabici Sinus; quæ in *Divinus Historicus* passim *Mare rubrum* nuncupat: cujus itidem excursû, parte læva; dextrorsum vero, Sinu Persico, Felix Arabia coercetur. Haud ferè secus, hybernium ad Orientem, triplici promontorio coeûntes, *Sinus Vermejus*, & Oceanus *Pacificus*; *Californiam* omnem, in arctum, ac tres in angulos, compellunt. Sequitur *Nova Gallacia*, totumque litus illud; ab Occidente primum in meridiem: deinde paulatim rursus ad ortus hybernos; quod pars est Hispaniæ Novæ, Mexicique, quæ vergit hoc in meridiei plagam. sensim denique se consumit in *NICARAGUAE* Regnum: quod, ab Hispaniæ Novæ finibus, multo montium quasi tergo clausum; vix modicum transitaris spatium relinquit: cætera, totum est mariti.

maritimum, ad usque Panamæ confinia; quæ sunt Auriferæ Castellæ principia.

II. TRACTUS hic universus, ab oris CALIFORNIAE, perque littora PACIFICI Maris, ad usque NICARAGUAM; fluminibus ac torrentibus infunditur, sine numero: quos plerumque montium Aquilonarium juga præcipitant, & in jugis collectæ nives; quoties æstivo Sole resolvuntur. NICARAGUA verò parcior amnium: ceterùm sinibus excursibusque maritimis propemodum ad sæditatem restagnat. Continentis itinera, tertio quoque milliari fluctus exæstuans, vel turbat, & alterat; vel reflectit ac destruit.

CIRCUM hæc pleraque littora, nos vagos olim, omnium inopes, exulibus & ejectis similes oberasse, per dies amplius quadraginta; postea conficit, quàm locorum peritos, & tabulas thalassographicas, interrogavimus. Fuit autem vero simillimum; nos haud ità procùl *Californiani* Sinus coitu, super DESERTAS (quas illi sic nominant) INSULAS, calamitatis nostræ principia fecisse: circumque fines ultimos *Gallactæ Novæ*, quæ vergit in Occidentem, navi nostra digressos, quærere. *Thalassiam* cœptasse, quæ nusquam erat: & *Mantam* investigasse, quæ paralangis tamen innumeris aberat; neque, nisi NICARAGUAE littoribus indaganda. Nemini porrò mirum accidat; non hominem nobis, non facile feram, aut locorum nomina, palabundis occurrasse. Quanquam enim NICARAGUAE regio, quæ FONDURAM adjacentem spectat, quaque, Boream versùs, ad interiora sese flectit; fructibus, annonæ, messibus, rerum omnium ubertate, maximèque Psittacorum frequentia, sic luxuriat: ut, qui de nostris primi continentem illius penetrarunt, nuncupationis delirium fecerint (nam, ob voluptatum illius soli congeriem, MAHOMETIS *Paradisum* appellarunt, ex *Alcorani* vanitate): Nos tamen,

solorum littorum contenti stricturis, interiora regni Nicaraguani tunc non tetigimus: ac de *Paradiso* tali nec pomum, neque folium, momordimus. At verò NICARAGUÆ Maritima cuncta regio, non parum horrois habet: & præter inclementiam cœli (semestres pluvias continuas deficientis) solum insuper atenosum. Id, redditus cœlo Solibus, ardore non tolerabili plantas incedentium exurit. Uligines præterea, marisque reciprocantis eluviones, patitur graves, cœnosas, fœdas: neque culicibus modo formicisque, verum etiam pulicum gregibus obscenas. Sed his omnibus malum truculentius sustinet, indigenas, qui continentis interiora tenent, latrociniiis raptibusque factos, & humanæ carnis victu mensam instruentes. Nam etiamnum *Deorum cultu* faciunt. Eorum nos omnium incommodorum, non sola vestigia, sed prorsus quotidianum gustum, percepimus, sicut in superioribus calamitatum nostrarum actis relatam est. Verum, incolas hodie terribiles, reliquias esse longe ferocioris antiquitatis: indicio loca sunt, quibus nunc impositus incumbit *Manta* Portus; & aliud quoddam, exiguis mœnibus oppidum, PORTUS VETUS Hispanis dictam: utrumque nostrarium hominum, & sæculi superioris, opus. Eruntur enim illinc ossa cadaveraque *Gigantum*, sæpe dimidio, frequenter autem & altero tanto, grandiora corporibus iis, quibus nunc Americana proceritas incedit. Monstra fuisse portentaque mortalium est in confesso, sed alumnos aut indigenas NICARAGUÆ, negant. Ex transmarinis enim oris & regnis forsitan Antacticis advectos, Peruana fama cauit. ibi, cum Americanis bella; mox, victis illis, ultiores ad Aquilonem sedes, ac scilicet NICARAGUÆ possessionem inisse tradunt. constructis sibi infanæ molis arcibus atque turribus. Hæc indici in stricturarum, Puteus quidam

dam, etiam hac tempestate, mare ac monstratur; inexhaustæ profunditatis, vastissimi circuitus, &, qualem palus magis, quàm fons, amet: crepidine, murisque putealibus, tam immanî saxo ductis; ut appareat eum à prodigiis potius hominum, quàm ab hominibus, stare. Sed inter hæc superba molimina, tantam in Gigantibus illis fuisse memorant Veneris infandæ rabiem, quantam in veterimis illis, ac primo mundo cæcis, Deus ultor cataclysmo plexit. Quod autem tunc scelus aquis abolevit, id ferunt, in his recentioribus compressum flammis fuisse, cælò deiectis: siquæ tamen populorum illorum *memoria* fides est, quam unicum ipsi genus annalium habent; calamorum & chartæ compendio destituti. Quidquid id tamen est: ex his videas, quanquam ignibus & hostiò tumulatam *Gigantum* ferociam: tamen adhuc in posteritate sua (quam populosam crearunt) velut *c cinere favillaque male mortua, scintillare.* [m]

III. CÆTERUM, *Nicaragua* tractui FONDURA connectitur. Hujus comprimis memorato dignus est mons, MASALA nomine; forma circulari. Fauces habet geminas, quarum hiatus alter, ultrà sagittæ jactum spatio non protenditur, alterius autem circuitus, duo plus minùs millia passuum amplectitur. Flammarum assiduus est [sine cinere tamen, lapidumque projectu] vomitus & fragor. Conspectus autem, quia neque fumo, neque vapore nobilatur, ad passuum nonaginta millia clarissimus. Hujus rutilantis pura defæcataque lux, multis Auri suspensionem præbuit; tanquam exæstuantis, immoque fondo bullientis: cum aliud æternorum ignium nutrimentum nusquam deprehenderent. Idcirco, de catenis ferreis, ingentis capacitatis vasa, *Campana metallo* ducta, quidam demittere, divitiis hauriendis. At, hiatus vix media ta-

et profunditate ; ferrum , æs , instrumenta , cum omni montium aureorum spe , collicuere ( n )

SED cunctarum in America Boreali provinciarum caput , HISPANIA NOVA ; quæ vergit in Orientem , regnum in se Mexicanum trahit. Cujus opes & gloria cæteras universas Aquilonaris plagæ regiones , AMERICA MEXICANA E communi titulo , comprehenderunt. Quo fit , ut jam intotum , audiat MEXICUM ; quod pars , aliquando nominabatur , HISPANIAE NOVAE ( namque cæterarum provinciarum vix unam aliquam eminens remigio strinximus : at istam longis etiam erroribus perambulavimus ) princeps uti nuncupatio ; sic terra , spatium , fines , nec non opes & dignitas sunt : HISPANIAE VETERI , propter sororum nomen , nequaquam erubescenda. Clementissimum illi cœlum , soles ac dies pæne semper verni ; noctium dierumque minima discrimina , propter situm : quod , Cancrî Tropicum inter , & æquatorem exporrecta , gaudet. Junio , Quintili , Sextili mensibus , circumque Septembris sidera ; quotidianis , & subinde continuatis , mollescit imbribus : haud infans quidem illis , & violento calu ruentibus ; sed , quales nostrum apud Orbem Majus fere fundit , & verna terra sorbet , placidos tacitosque. Quod consequens igitur est ; viret hæc anno toto , florétque regio : neque per hortos tantum , pèrque præta ; sed in agris etiam , levissimo modò brachio versatis , atque cultis. Videas enim , eos illo gentilitio , quod suprà memoravimus , frumento mayzii , ter intrà duodenos menses nitescere. Culta præterea nemora , sylvarque ( quod mireris ) felicissimis rident proventus ; non solum Italicorum Hispaniensiumque , sed prorsus plerorumque transmarinarum fructuam. In his mala sunt rari genii delictique , granata , poma nerantia , citria : præterque fertilitatem cassiæ , fistulæque , Cacoï quoque fœtus ; cujus sapor ac bonitas etiam amygdalis contenten-



tendat. (\*) Arborum quoque sylvestrium, quæque montanis salubus se solunt: ingens copia, mira magnitudo, truncorumque moles & crassities supra fidem. Vnico certè de stipite lintres immanes, ac Liburnicis certantes, excavant frondatores, ac ducunt: ut, quod modò stirps in montibus steterat, repente, tumultuaria fabrica, cogatur per maria cursitare lignum. Quin e *Cedris* quoque (quarum fertilitas Syrio *Libano* saprar, aut æqua) trabes dolant tetrægonas, in domiciliorum compagem; centum viginti pedum longitudine: duodenum vero latam. Flumina, quibus compluribus HISPANIA NOVA passim irrigatur, Crocodiles alunt: Niloticorum nec ore, nec forma dissimiles: nisi quod hi mensis, & (ut Barbari sibi fingunt) etiam lautius, idonei sunt. Eadem ostreis quoque nantantur, quorum conchæ margaritis turgent, pretio, maritimis hand inferiore. (p)

IV. MEXICANAE tamen regionis potissima, præque cæteris HISPANIAE NOVAE terris, gloria: non modo, quod Regnum antehac latè reliquis eminuit, ac jura dedit, quacunque pater in Septentrionem America: sed etiam ob MEXICI principis urbium, majestatem: qua Sedes quondam imperii fuit. Sed tunc etiam *Temistitanum*, diversissimo nomine, dicebatur: quæ nunc passim, à *Fontibus*, & copia *scatebrarum*, quibus circumluitur, MEXICUM nuncupatur, id exprimente gentis lingua. Sita quondam urbs hæc fuit, *Venetiarum* exemplo, super ingentis lacus medium. Is, gemino sinuatus stagno, passuum quinquaginta milibus ambitur: totidem circumquaque super ripam exstructis urbibus. Nam quinquaginta fuisse, constans est eorum narratio; qui vetus *Mexicum* oculis subjecerunt. Addant; earum singulas decem millibus plus minus domuum superasse. Sed longissimè super has omnes caput erigens MEXICUM, tanquam ex annulo grandi gem-

na pulerior & extantior; in medio cunctarum posita, cunctas facile despiciebat. Etenim Orbis totius urbium (si modo famæ credimus) spatiosissima; tectorum turriumque plusquam septuaginta quinque millia sorrigebat. Præterea lemborum, quos Canoas ipsi vocant, quinquaginta millibus assidue circumnavigabatur. Quem numerum nec hodie ni quidem MEXICI populositas luccidit: quippe non rarioribus, atque quondam, per stagnum excursibus recursibusque distenta. *Mexici* porro veteres incolæ, cultibus olim *Idolorum*, & humanarum carniū epulis, diri; præter hæc autem & pellicatū, pluriumque simul uxorum cubili, detestabiles: hodie priscam infamiam, novis superinductis moribus, ut plurimum exuerunt; utique post *Christiana Sacra* vel audita, vel suscepta. Laborant autem & Infanticidiōrum fœdissima crudelitate: solitis mactari teneris fœtibus; ut primum, & utcunque, genitoribus displicuissent. Hæc immanitas ad vicena plerumque millia parvulorum capitum, annua laniena, grassando pertigerat. Tam cruentam, & vere *Molochicis Sacris*, ab omni retro memoria bacchantem urbem; diuturna quidem, sed tamen populari, Republica tenere *Chicimeiri* (sic antiquis appellati) tanquam tribuni quidam plebis, aut decuriones: nec ipsi quidem disparibus fœdi flagitiis. Post sexcentos autem ac novendecim annos; ab Democratia, gubernaculum transiit ad Reges. Hi, numero novem, neque plures; Sæculum, ac tricenos annos, impleverunt imperio: continenti decedentium succedentiumque serie. Clausit ordinem, regnum, ac vitam una, Rex *Montezuma*, ferro per seditionem popularium interceptus: eodem ipso tempore, quo *Ferdinandus Cortesius* (inter thalassarchos Duceſque *Carolo V. Caesaris* spectatissimus) Americanis victoriis floruit. Hic *Hispaniam* primo NOVAM armis occupavit. Triennio deinde post; extincti

*Notet* *urbe* regnum & regiam aggressus, MEXICUM urbem, non sine maximis utrimque stragibus expugnavit; sæculi decimi sexti primo, supra vicesimum, anno. Magnum autem ad hanc expugnationem pondus contulit, urbs alia, post *Mexicanam* secundi nominis atque loci; *Tlascalana* dicta. Quam appellationem ei conciliauit, soli fertilis ad omnem annonam ubertas & aptitudo. nam id sonat Americanis, *Tlascala*: sicut fontium abundantiam, MEXICUM; uti supra retulimus. Igitur *Tlascalana*, civium frequentia divitiisque tumida, cum in secundis ægre consisteret: æmula *Mexicana* claritudinis, haud alias magis infensum animum exprompsit, adversus invisam sibi rempublicam, quam illo postremo bello, quod à *Cortésio* gestum fuit, ad utque ruinas & excidium *Mexici*. Constat, *Tlascalanos* solos auxiliares, popularium suorum voluntate sub *Cortésio* merentes; plusquam centum millium virorum valentissimorum, exercitum expleffe. (q) Quibusdam autem in annalibus reperio; *Mexicum*, ne quidem captam, conquiesse: sed opus altera fuisse victoria, sub ejus ipsius Ducis auspiciis atque signis. Redactos vero sub officium oppidanos castellanosque: post omnia sua perditâ, tamen adhuc *invidiam* retinuisse spoliatorum, quibus ne porirentur victores, quidquid auri publici privatiue, quidquid signati rudisque fuit [fuisse vero memorant, immane] totum id lacu circumfluente demersisse: (r) quo dolentius Hispani ferrent victoriæ laborem, jam bis gratulitum, quoque gravius hiantes cupiditas ureret: nupte, quibus tot opum certissimarum in iplo portu naufragium, per summam hostium malevolentiam, obrigisset. Quæ, si cum vero memorantur, etiam hujus tantæ jacturæ sensu, crediderim, asperatum *Cortésium*; invenisse causam indignationis novam, ad prietas causas: & idcirco [post MEXICI moenia cum turribus, arcibus, & plerisque excis] *low m. 12.*

lia domorum æquasse : Post hæc autem Urbem , fundamentis suis emoram è medio lacus , in ripam ultimam projecisse , qua Boream spectat. Illic enim MEXICUM hodiernum visitur , & incolitur ; non inter aquas , ut quondam. Quod tamen , etiam post tantam stragem ac busta , magnum adhuc & spatiosum ; amplitudine sua sesquimilliaris Germanici circuitum implet. Pars illius altera frequentatur ab nostris : pars altera , cessat indigenis incolenda. *Typographico* ( quis credidisset , etiam hanc incultissimis populis aliquando scientiam accessuram ? ) præterea nummum ac *Meneta fabrica* , celebratur. Porro planitiem , in qua surgit , vallant circumfusi quaquavertum colles , humili , sed tamen vernante semper , clivorum amenitate. Remotiora vero , quæque duriores nacta sunt auram , in montes eriguntur : & , tanquam amphitheatro , gradatim eminent , jugis super juga scandentibus , quæ cuncta nivibus annosis , æternaque glacie rigent.

V. POST *Mexicum* , ab orientali plaga , sinus maris ingens illis incumbit terris , Mexicaninomen etiam ipse sortitus , ex propinquitate locorum & littorum. Huic , obliquo latere , pars Atlantici maris , *Insulæ* subnexæ sunt , CUBA . IAMAICAque : quarum utriusque tergo prætenditur HISPANIOLA . Justæ magnitudinis *Hispaniola* , *Cubaque* . Sed illa diffusior ambitu , longitudine vero transversa , productior altera . Super vacuum autem hoc loco fuerit , *Hispaniolam* relibare ; quippe , cujus , in cæpere superiore , lineam jam aliquam , & imaginem duxerimus , lecturis utique suffecturam . CUBAM ( etiam *Fernandinam* aliquando dictam ) Tropicus æstivus secat ; solo culto pariter inculroque fertilem : & , præter sacchari vim ingentem , Assyria quoque Panchæaque felicitate , divitem fistulæ , cassiæ , zingiberis , ma-  
stiches ,

stiches, aloes. Montana, sectoris auri, campestris vero, fluvii aurum provolventibus, locupletantur. Sex, neque pluribus urbibus, frequentatur: & hoc ipsum, ab non sui soli mortalibus. Namque genti, propter *obscena Veneris* immodicam & inhumanam intemperantiam; *lues olim, libidinum filia*, supervenit: insulamque, tabefactis, ac funere creberrimo resolutis corporibus, penitus priscis cultoribus vastavit. His in coloniam Hispanus successit. Et is hodie propemodum solus terram (alioquin gratis perituram) exercet. Indigenis porro veteribus, sicut vitia fœditaque; sic & serpentum (sparsissimi reptilis) epulum, primis in deliciis extitit. Nam angues hæc Insula prægrandes, cæterum innoxios, creat, & in opimam crassitiem nutrimentis certis perducit. Næc silenda CUBAE *vallu* quædam, trium circiter leucarum longitudine; genitrix lapidum innumeræ multitudinis. Quæ tamen omnes ac singulos in eam sphaeræ rotunditatem artifex natura tornavit; ut illius figuræ legem exactiorem, nullus circiri ductus queat exprimere.

SUB *Cuba*, meridiem versus, IAMAICA panditur insula, juxta latus occidentum Hispaniolæ. Geminis celebratur urbibus; *Hispani* (seu *Sevilla*) *Novæ*, quæ Boream respicit: & *Oristana*, quæ vergit in Africam. Sexcentorum millium ambitu circumitur hæc Insula. Rerum, ad vitæ delicias usumque, fertilitate, nulli secunda, virore littorum & camporum assiduo gaudet: nisi, quod Sexili, duobusque consequentibus mensibus, annuo turbine ventorum incurfatu. Eum ipsi TURACANEM nominant, violentum, improbum, & obvia quævis arietantem. Hujus furore, stirpes etiam firmissimæ, nemorum & hortorum, ab humo sæpe radicibusque, revelluntur. Insulæ tellus, ab ipsa statim littorum ora, clementibus circumaquaque clivis assurgens, paribus ex omni parte progressibus ita sensim ascendit;



ut pedes tamen fallat. donec in ipso ferè totius insulæ mediullis constitus, oculos circumferas : & præcellum jam mortem sentias ; quæ primum veluti colliculum, aggressus eras. Verùm, de *Septentrionalis America* partibus satis, neque citra promissa, memoratum. Nunc & eam, quæ *Meridiam* respicit, percurramus.

ARGONAUTICON  
AMERICANORUM,  
SIVE  
PERICULORUM  
PETRI DE VICTORIA.  
LIBER XIV.  
CAPITUM BREVIARIUM.

I. *America Meridionalis particularior topographia: nominatim, Castella, seu Castilia Aurifera; Dariena, seu Nova cujusdam Mesopotamie: in qua Guajana arbor. scopæ ex dactylis. Poppajana; & Amizem in Provincia.*

II. *Chila gelidissima regio. Mira & curiosa narratio, de Amagro, Duce Hispano; ipsæque montibus & equis, frigore eneatis, sed incorruptis Chilensium quorundam demens pertinacia, ad delitium evitanda.*

III. *Chica regio. Eius incolæ procerissimi, velocissimique. Alii, in ramis arborum habitare telluræque sibi Pitagoram gustum & robur incred. b. e.*

IV. Pe-

IV. Peruvii generatim perstringitur situs, opulentia, fertilitas, salubritas: & triplex ejus paritio ponitur.

V. Peruvium Campestre; ut plurimum arenosum

VI. Peruvii Montani fertilitas & amenitas mox Peruvium Tramontanum percurritur. Eius jumenta, feraeque sylvestres: Vultures, aranei, bufones. Avicula multicolor, & mira. Avicula eiusdem Tramontana alia, minima, Gonambucha nomine; canora. Montium Peruvii immensa altitudo Ar. summa Peruano-rum, in opere plumario. Guanaci seu Vicunna bestia, lapidum Bequarium genitricis. Per quem ea primum, & quo opera pretio, Hispanis sint prodita?

VII. Cuscus, Montani Peruvii metropolis, accurate describitur. Ejus situs, arx, platea, incola, viaeque geminae constatae, stupendi operis.

VIII. A quibus Cuscus, & moles ejus admiranda, sint exstructa, vel reposita? De Ingarum, id est, monarcharum Peruviorum, origine, fraudibusque, ad invadendam ~~Tramontanidem~~ <sup>Tramontanidem</sup> de eorum incesta licentia, & ob hoc, subditorum corruptela. Unde illis ad ruinam gradus.

IX. De Guanacaxa, Inga [ seu monarcha ] Peruvii, paullo ante adventum Hispanorum. Ejus regis palatia, horisquae, cenae novi Mada, Sepultura superstitiosa.

X. Extincto Guanacaxa, successor ejus, Guascar, filius, a fratre minore Atabaliba, rebellante, praelio funditur, & vita exstirpatur. Atabaliba, incestu & tyrannide vicinis inuisus, in Pizarri & Hispanorum arma, vincula & catenas: tandemque, Philippelli delatione, in laqueum incidit & interitum.

XI. Mangum, Guascaris & Atabaliba germanum, bellum pro Peruvio & successione morientem, agere tandem seroque Hispani coercent, & profligant. Deletur subinde Ingarum omnis posteritas: e quibus tamen non Christiana sacra suscipi, in libertate.



VAE propius *Austrum* recessit, AMERICA; figuram gerit ferè triquetram pyramidalèmvè: sinuata tamen in arcum basi, seu pede; qui Boream respicit. At acumine, terris Antarcticis opponitur. Quibusdam hæc olim *America Dariena* dicebatur, à fluminis DARIENI notissimi magnitudine. Nonnullis aliis verò, PERUANA potius; ab eo, quod cæteris omnibus præstat, regno. Finitur ab Aquilonibus Isthmo, *Magellanico freto*, quà cacuminatur ad Austrum: Mari *Pacífico*, quà Solem eadentem, *Atlantico*, quà surgentem, excipit. Circumitur autem universa sedecim millibus milliarium Romanorum. Hujus, nominationes cæteris, provinciæ numerantur: CASTELLA [quam dicunt] AURIFERA; *Dariena*, *Popajana*, *Peruvium*, *Chila*, *Chica*, *Brasilia*. Quarum postrema, sicut ab humanitate quondam; sic & à cæteris Americæ suæ partibus, longius abscessit: in latus Orientis refuga. Constat; eam *Peruvia* distare millibus passuum vicies & quater milenis: quantum sacchari cannis abundantem, tantum argento juxtà defectam & auro. Verum hæc nostri recuperis est, neque promissi. quare pluribus eam insequi, super sedemus.

CASTELLAM AURIFERAM, nihil magnopere, præter grande nomen, ac (nomini respondens) auri copia, nobilitat: quod, omni fide copiosius, & facilitate propemodum dormitante; non tantum è montibus, sed omnibus etiam atque rivis, extrahunt. Cæterorum vix aliquid ames optesve: cæ'o, solo stagnis, ad vitæ subsidia tutelamque, pariter inclementibus.

AD *Castella* dexterum latus, DARIENAM regionem suus amnis (ex quo nomen capit) famosam facit: &, præter fluvium, Sinus ingens, *Uraguay* vulgò dictus; in quem fluvius devolvitur. Ab hoc

amne sinuque, DARIENA (tanquam *nova* quædam *Mesopotamia*) spatio terrarum memorabili, ducitur ad eum usque fluvium; quem alibi RIVUM GRANDEM meminimus appellari. Latitudinem suam ab Occidente, transversim in Orientem expandit; & ad *Castellam* usque porrigit. Longitudinem autem à *Poppajana* terminis, & Oceano Septentrionali, producit; cum duorum fluminum continuato cursu: quam etiam eorundem amnium ostiis finit. Ab *Euphrate*, credas, & *Tigri transmarino*, suam *Chaldeam* includi, stiparique. Monstratur autem etiamnum (tanquam *Mesopotamicis* in campis, *Nisibis*, aut *Carrarum ruina*) sic in his locis, vetus Regni sedes, ANTIQVA DARIENIS nuncupata: non ita procul sinistro, cognominis sibi fluvii, latere. DARIENA porro, quæ nunc est; sponte telluris suæ [quæ præ felicitate nimia cultorem in plerisque dedignatur] arborum frugiferarum complura genera protrudit: sapidissimi sane, peregrinique fœtus. Earum in censu potissimum æstimant eam, quam ipsi *Guajanam* dicunt: fructu, partim aurantiis malis assimilii; partim, ac plerumque, citriis: quæ vulgus tamen Limoniorum appellatione traducit. Stant passim & nuces, varii nominis saporisque, neque solo juglandium & avellanarum discrimine. Præterea dactyli, quarum in fructibus nucleus, neque magnitudine discrepat ab nostratibus: neque specie, vel pulpæ candore, saporis gratia, cedit Europæis, in ingratam amaritiem desinente gustu. Videas & aliud dactylo- rum germen, sed rusticum: quod in sylvarum usque nemorumque densitatem ac delicias excrescit, folio stirpeque Dactylis fœcundis persimili: flore vero fœtisque nullo. quin nec utilitate quidem ulla memorabili, nisi, quod plebeja necessitas earum furculos, destitutiis foliis, in scopas & cverricula convertit: ad ritum nostratium betularum. [a]

Darie-

Darienam POPPIANA sequitur. Hujus initia ducuntur ab *Antiochia* mœnibus, Aquilonem spectantibus. extremitas autem Australis, urbe *Quito* disteluditur; quæ, secundum nonnullos, PERUVIUM vel stringit, vel etiam orditur POPPAIANA tota montibus, ad horrorem excessis, intestas; propter hoc ipsum ab Auri solita fertilitate non degenerat. Cæterum fœdus morum, priscus incolæ; dignam suis meritis locorum faciem nascus est.

SUPER Poppajanam ad meridiem (sed obliquo latere) sub Æquatore, regio panditur AMAZONUM; rupibus undiquaque cincta: quæ verò montes deficient, lacustri sumine prætensa. De quo terræ tractu, simul & incolis; supra memoratum est.

Sequuntur, litoribus maris *Pacifici*, prolixo, tantumque non perpendiculari cursu, prætextæ regiones; *Peruvium, Chila, Chica.*

II. CHILAE latus dextrum pelagus urget: sinistrum vero montes, perpetuis squalidi nivibus; & quorum altitudini nulla par sit, non huius, non alterius *America*, vel Orbis, edita plaga. Tanto montium opulentiora sunt viscera; quanto paucioribus antehac penetrata: quæ proinde non auro tantum simplici, sed prorsus obnizo, turgent. Hujus cœli pares nostratibus æstates, calent, extorrent, grandinant, tonant, fulminant: sed tunc, cum Europa brumam agit. Hyemes autem adeo lætiant; ut equitem quoque, jumento frequenter adstrictum, uno marmore pariter congelient. Inde regionis nomen, nam CHILI vocabulo, frigoris acrimonia populis illis denotatur.

Sed potissimum est montium gelu, qui verticem altitudine, longe nubibus eminent, & præter immodicum frigus, quoddam insuper auræ genus volunt: diversis inter se studiis, cemens idem atque sævum. Cum enim



tenuitate sua, viventium viscera ( simulac intraverit ) intus pervadat, pestilenterque puncto temporis extinguat: exanimatis tamen è diverso parcat, ac, velat balsami vivacitate quadam, in corruptionem illis & ævum præstat. Cujus, inter alia complura, quæ brevitatibus studio prætermittimus; unum, & publici rumoris, exemplum, sileri non debet. Id est ejusmodi.

DIDACUS *Almagrus* ( ille, qui bello civili primum, cum *Francisco Pizarro*, sub extremum etiam prælio discedit: &, acie victus ad Cuzcum urbem, in vinculis cum victoria libertatem ac vitam amisit ) post primam discordiam reconciliata, missus à *Pizarro* lusu sortis in CHILAM est, cum turmis aliquot & manipulis Hispanorum. Hæbebat legatus in speciosis titulo, sed revera casis exitu, mandatis: ut Provinciam illam faceret, quæ regio Regnumque fuerat, ad illud usque tempus: eamque, vi compulsam & armis, Iberico dominatui subjungeret. Nec detrectavit imperium ALMAGRUS; horridum licet, ac variè difficultatibus intricatum. Nondum iis tempestatibus apertus, ac neque cognitus quidem exteris, trames erat ille; qui nunc, montes inter & Pacificum mare, patet in CHILAM: sed, barbarorum sæpe ducum inscitia dolore, per Alpium juga summa, labor & iter suscipiendum erat. Et ALMAGRUS quidem eadem, expeditionem suam trajecit; sed magna luctuosaque peditum & equitatus jactura. Frigoris enim immanitas, & illius ( quem dixi ) venti mortifera vis, miseros oppressit, & alligavit. ALMAGRUS, cum signis & militum reliquiis, utcumque quidem corporibus incolumibus, in CHILES interiora decurrit. animis tamen haud perinde firmis, aliquantisper nihil, nisi substitit: ac contentus, *venisse*, *vidisseque* barbarum hostem; *vixisse*, *successori* reliquit. Grande vero putavit, *aspexisse* *se saltem armatum* incolam; membrorum formidant-

formidanda proceritate stantem ex adverso: nec illico, præcipiti fuga, dedisse terga. Cum autem nec auri quidem ulla spes [propter barbaricas custodius] affulgeret, paullatim DIDACUS ac pedetentim, ordines, pedem, & signa referre cœpit, perque tritos sibi nuper Alpestres ascensus, agmina sua reducere. Dictu, credituque magnum, sed tamen certissimum! Post *quintum* jam exactum *mensē*, quā in CHILAM irruperat, in supremo gelidissimoque montium tractu, qui frigore militiam ejus plerāque deleverat, reperit eorundem adhuc, qui quondam obriguerant, corpora pedantum, equitum, & jumentorum, inconsumpta. Vidit, stupuitque, saxis alia, vel arborum truncis, ut quemque initum glacies deprehenderat, applicita: quædam humi, prona supinave, strata, cabalios quoque, fixo calce stantes, & alarios eis insidentes, indimoto situ: qui, tanquam etiamnum æsturconem urgentes, videbantur inserta manibus fræna quassare, nisi, quod vocem nullam equestrem (hortantium, aut increpantium) mitterent, vitæ signum. Ad summam, invēnit eos tales, quales reliquerat; odore nullo tetro, colore non-solito funeribus; ac [nisi quod anima dudum intercidisset] cætera spirantibus, quam extinctis, similiores. Tam atrocis plagæ bruma, simulque tristi tot statuarum monumento, deterritus *Almagri* successor. *Petrus VALDIVIA*, declinatis ab læva montibus, dextram est ingressus: ac per maritimæ campestria, quæ sibi ferro referaverat, victorem exercitum, & dominatum, *Chilensium* cervicibus superinduxit. Ab eo tempore penetratæ CHILÆ penes *Almagrum*, subactæ domitæque, penes *Valdiviam*, fama permansit. [b] Verum ad CHILÆ descriptionem reliquam, unde discessum est, stylus revertatur.

Hæc, quā auri, vitæque nutrimentorum fetax, tam iniqua pagnaxque Pacis quondam ac

Secu-

Securitatis bona nescivit. Adhuc, qui CHRIS-  
TUM excludunt; præter ingentem ferociam, stu-  
pendamque corporum altitudinem, in armis semper  
sunt; & propter hoc, in odio generis Europæi.  
Vitam eis citius, quam libertatem & pertinaciam,  
extorseris. repertique sunt in *urbe*, regionis capi-  
te (quæ nunc à *Drvo* IACOBO nomen gerit) mor-  
tales efferi; quos hostilis captivitas ad execrabi-  
lis inedia mala, propter perviciam, adegerit. Con-  
stat; abscevisse sibi met furas; crudasque devorasse,  
furioso vitæ dispendio. ne, famis impotentia, vi-  
tam Hispano permittere compellerentur; in dedi-  
tionem ac fidem accepti. Si quando tamen bella  
desint; ipsa terra tuosmet in indigenas insurgit:  
solita, creberrimis & horrendis succubibus, in te-  
ctorum, montiumque, strages erumpere; cumque  
rupibus, unanimi ruina pecorum hominumque cor-  
pora sepelire. Tantas autem hic tremor vires ha-  
bet; ut fluminum alveos & cursus alienet: maria  
suspendat à littoribus; & in sicco decèpta navigia de-  
stituat. (c)

III. CHILAE succedit, ad Austrum positam  
regionum ultima, CHICA, sive QUIQVA, no-  
mine: cujus incolæ, Septentrioni viciniore, im-  
manem suorum corporum, proceritatem, in XII.  
usque, XIIIve pedum longitudinem erigunt; co-  
lore, præter *Americæ* cæteræ consuetudinem, can-  
dido: sed vocis ita bubulo magis, aut elephantino,  
quam humano. Quod autem in artum tam enormi  
vastitate, stupeas; perniciousis plurimum obtinent:  
qua vel cervorum damarumque fogam, & prævert-  
tant, & sistant.

At, qui longius ad Austrum recessere: brevior  
corporis mensura, nec animorum pari [sicut e-  
go reor] audacia, maritima Freti *Magellansci*, *Zu-  
riique*, non per pagos nuper cœtusque; nec omnino  
per tecta, frequentabant: sed, inaudito post *la-  
quelinam* [Virginem Appulam] habitationis modo,  
cessi-

cellissimarum arborum cacuminibus inscens , ramorum proxima compagibus nectebant. Ibi, superinductis contabulata materia barbaricis tabernaculis , æstivos calores arcebant. Illuc sèque, familiamque , cum annona quotidiana , transportabant. Id illis ( nec aliud ) munimentum adversus inimicam vim , & maritimas eluviones, erat. Quod siqua tamen potentia grandior illis insultatum venisset ; si securis hostica sylvæ truncos ab radicibus adfectaret: eam illi depellebant, provis in hoc ipsum ollis æneis , igne liquataque pice bullientibus. Has in hostica capta devolvebant, [d] De cætero ; *Chienfium* universim etiam , ex eo robur æstimes : quòd tarde victi, tardissime sub jugum Ibericum concelsère , propter gentis cujusdam connexæ , sæpeque Quiquenfibz immixtæ ferociam : quæ vel maxime *Chica* pertinaciam alebat. Nam , suprà memoratis plerisque nationibus alia natio truculentior, ( *CHILAM* inter, & *QVICQVAM* ) ad latus orientis, transmontanam continentem infedit. *PATAGONES* dicuntur. *Gigantes* plerique , viri pariter ac sexus alter, corporum proceritatem nunquam infra novenos denosque pedes deprimunt : ut plurimam ad undenos , aut duodenos, ac plures etiam , attollunt. Ostentando porro robori, sagittas sesquicubitales gutturi demergunt ; ad usque stomachi fundum : nec tamen nauseant. Quis crederet ; nisi *Magellanus* ipse , tantus & Heros & auctor, id inspexisset, & horruisset ? qui posteris hoc per epistolam enarravit. Firmitudinem corporum illorum ex eo quoque conjicias : quod unus aliquis *PATAGONUM* , adjutante nullo , planèque solus opplerum vino dolium ingens , spatio stadiorum aliquam multorum, de pontonibus acceptum in humeros aut lacertos , in continentem ; ex continenti , vicissim ad naves , deportet [e] Ergo fortitudine juxta , barbarièque, formidandus est popu-

opus. cujus, si, quæ diximus, specimen & exemplum non essent: loquerentur idipsum tamen, æqua sedibus urbibusque spatia: tam vasto solo, tam tantummodo solitudinibus ac latrociniis, ad nulla vicinarum gentium commercia, relicto. Quis enim, nisi moriendi certus, mortalium his portentis pervivatur? (f)

IV. SUPER-*Chicam*, modo descriptam, supraque *Paragones*. & *Chilam*, intra Cancræ tropicæ & Æquinoctii Circulæ, PERUVIUM est situm. Quanquam, à quinto jam ferè gradu super Æquatoræ, & à PERUAE fluminis alveo, capiat initium. Hæc omnium AMERICAE provinciarum nobilissimæ, spatio, cultu, cultoribus, opibus: & [sic] copiam auri penes argentique, quod eruitur] *Omnium orbis universi regnorum ditissimum*. Miranda nihilotenus indigenarum simplicitas, idipsum, quod mundus adorat, æstimare nescit: Neque superbiore pede calcare saxum aut marmor solita, quàm aurum; in mercimonia, mæsis radibus, nulla forma, nullo signo pressis, utitur. Emblematis nihilominus illius artis haud indelectati; mirantur operis ingenium, alienamque manum: verum innoxio prorsus, nec in avaritiam usque rapinamque duraturo stupore, vel oculo. Iucundior illis, terræ viva fertilitas; &, fluctuantes in campo, mayzii vel inportati tritici segetes: quarum est incredibilis ubertas. Nam unicum jactæ sementis sextarium, quinquagenis ut plurimum; sæpe centenis, interdum & ducentis multiplicatum, tenuissimi subactus labor refundit.

Nec tamen omni PERUVIO, credideris, eam felicitatem, neque paribus gradibus, obvenire: diversitate climatum, atque terrarum, variante fertilitatem. Huius enim maritima, sabulo tota quantæque, & sterilia ferè jacent. Quanquam temperatissimo nihilotenus; & (quod contumens est) ad salubritatem corporum accommodatissi-



datissimo perfrountur aëre, propter amenas Zuri  
maris auras; ac ventulorum inde spirantium, pla-  
cidos flatus, ac reflatus. aliud præterea discrimen  
est, quod hujus regionis bonitatem inæqualitate di-  
stinguit. Namque PERUVIUM [quod ab Septen-  
trione sui nominis fluvius inchoat, ad Austrom  
*Chila* regio finit; ad Ortum, montes, ad occasum  
denique, pelagus *Pacificum*] tribus maxime parti-  
bus absolvitur. Earum una *Plana Campestrisque*, si-  
cut est, ità nuncupatur. Altera, *Montes* sunt. Ul-  
tima, quam *Andes* illi vocant, *Ultramontana*. Pro-  
vincias porro, quas haud absurdè *Regna minora*  
dixeris; recenset intrà se comprimis istas: *Lima-*  
*nam*, *Cuscanam*, *Arequipanam*, *Tumbesiam*, *Qui-*  
*tanam*. Hæc illæ nomina fortiantur, ab totidem  
primis singularum urbibus, quibus hæ toparchiæ reg-  
nantur.

V. PLANA, sive CAMPESTRIA *Peruvii* [quam  
& *Maritimam* dicunt *provinciam*] à PERUAE fla-  
minis sinistra ripa, tertioque gradu climatum An-  
tarcticorum, procurrunt cum *Zurii* maris littore,  
meridiem versùs, ab Aquilonibus. Quindecim  
millium milliarium longitudine censetur. Latitudo,  
qua transversim à pelago montibus incurrit, trice-  
num; & sic ubi diffusissima, sexagenum est millium  
passuum. Sata segetesque suas, fontibus, rivis, & amni-  
bus [in colliquis sectis diductisque] nutrit ac promo-  
vet. Namque cœlo, nisi tenuissimi roris stillicidio, non  
irrigatur; clausis ad pluvias æque tonitruaq; nubibus:  
& plerumque pulverulenti soli glebis æstoantibus.  
Hinc, fere juncis & cannis palustribus indormientes  
incolæ, frigoribus aucopandis: hinc, sub umbris ar-  
borum prostratæ meridiationes atque noctes: hinc  
arenæ, per omnem eum terrarum tractum, quam  
plurimum; ac vis magna sterilis sabuli. Crebra deni-  
que solitudinum deformitas, jejunos & difficilis  
ager: nisi, quâ fluminum viciniæ vomere vel pa-  
stino proscinduntur. Illic enim lætissimis messibus  
ipsa

ipsa riparum viriditas, ac subeuntis humoris salubritas, adolefcit. Et tamen cultores suos, talis, tam incerti favoris humus, invenit: dulcis insuper iis, quibus patria; tolerabilis autem aliis, quibus hospitium, aut exilium est.

VI. MONTANA, quæ *Peruvii Campestribus* prætexitur, ab altero ferè trans *Æquatorem* gradu, protenditur à *Septentrionibus* ad *Austrum*: non illo quidem continuo connexoque jugo, sed vallibus interrupto, duorum *Millium* ferè leucarum spatio. *SERRATAM* nostri vocant, ob æternas montium scissuras. Fertilitate sulcorum, æstatum auctum norumque copiis, cultu mortalium, amœnitate cœli, nec minus urbium castellorumque frequentia; sic cæterum omne *PERUVIUM* anteit, ut *prisci Reges*, ac nobilitas, non alium magis aërem ad æstiva delegerint. Huius argumentum, *Villa* sunt, & creberrima *Lucullea*; super omnem *Græcam* ac *Romanam* elegantiam, marmoribus ductis,

Post *Montanam* ea, quæ *TRAMONTANA* dicitur, jacet, pari fere cum montibus procurso *Viciniam* hæc stringit *Argentei fluminis*, seu *Plata*, *Brasiliæque* fines *Occiduos*. Et hæc super perpetuum quoddam montium dorsum incedit, sine vallium intercapedine: rigidum nivibus, sed non ideo vacuum cultoribus. Hi valenti saluberrimoque corpore; validioribus autem animis, arcu venatuque vitam trahunt. Et animantium, in sagittas atque prædam, affatim est: vescorum quidem, damæ, *Camelottique* (genus *ovium* arietumque, camelina colli longitudine, nisi quod non perinde surrigitur, aliquantillo quoque gibbere) præterea, dapis insolitæ [sed illis tamen gentibus non intactæ] *Leones*, *ursi*, *lupi*, *Frequentant* quoque montium illorum aerem magnitudinis monstruæ *Vultures*. Horum molem ex alis æstimes, pleno remigio dissipis. nam *XVIII*. dodrantium reperere diametrum, qui dimensu

menti sunt. [g] Vnde non immeritò fabulis exeme-  
 rim eorum rumorem; qui pecudes gregum, ab  
 hisce volucris discerpi devorarique memorant. (h)  
 Pari credulitate receperis etiam regionis ejusdem  
*araneos*; citri mali crassitie, venenique sævitiæ præ-  
 sentissimâ. Sed *busonum*, quas narrant, pluvias,  
 eorum que spurcas carnes, verubus ad ignem cir-  
 cumagi solitas, aut è sartaginibus in ventrem de-  
 missas: in medio relinquere, quàm asseverare, ma-  
 velim, quippe gulam & ingluviem, ut omnibus hu-  
 manitatis cupidinibus atque ritibus: sic prorsus om-  
 ni fide vel historiis, insolentior. Illud tamen cer-  
 tum est, & huic *Peruvia* cum insula *Cuba* commune:  
 colubros illic volutari, corporis humani mole, cæte-  
 rum nulla sanguinis rabie peste. Vidimus quo-  
 que, nectarò, *genus avicularum* tinnulum, ac [ni  
 fallor] etiam canorum. *Gryllorum* magnitudinem  
 habet, neque supra. tamen interim absolutissimo  
 gaudet pennarum ac plumularum vestitu, præfi-  
 xoque capiti rostellò, de clunibus caudam trahit.  
 Pennularum nitor versicolor, lucet; sic, ut sma-  
 ragdinum virorem, splendor sapphirinus, purpu-  
 ram vero, luteus auri fulgor, provocet. Deni-  
 que, quidquid oculos trahit colorum: id omne,  
 supra pavonum & iridis varietatem, in illo volu-  
 cris breviario natura miscet, mistumque, denuò  
 secernit, haud ineleganti compositæ venustatis dis-  
 cordia. *Pistorum tormentum invidiamque* dixeris,  
 aut profecto, manus Apellæ sollers compendium.  
 Ad summam! in animalculo minimo, magnam  
 stupendumque Dei, ludere gestientis in rebus pro-  
 ductis, opificium! Non minus hoc prodigio natu-  
 ræ, memorandum & illud alterius cujusdam *avicula*,  
 quam partium harum Barbari, dialecto sua, GO-  
 NAMBUCHAM appellant. Ea comprimis fre-  
 quens, nivei candoris plumis alitque lucet; nulla  
 colorum cæterorum tinctura. Mayzii, sive cuius-  
 cunque frumenti, caulisque paullo celsioris, caca-  
 mina

mina diligit. Eam sedem & quietem affectat occupatque; nec inglorio tamen otio, segnie defidia. Cantillat enim, perpetuo vocis ac spiritus fluxu. Quodque præcipue stopeas; cum corpusculi mentura vespam tabanumve sylvestrem non excedat: carminis tamen volubilem subtilitatem, cum sonitus altitudine penetrantèque claritate, sic conjungit; ut *Gonambucham te videre, sed Lusciniam audire*, jures. (i) Caterùm hic, & quos ante memoravimus, alites; quamquam in *Vallibus PERUVII* celeberrimè degant: in *ANDIBUS* tamen, seu (quod idem est) *TRAMONTANA*, rariùs videntur: nisi circa medium earum Alpium, quatenus sylvis & arbutis obsidentur. Altius, & ad usque supremos vertices, aut nonquam; aut, non nisi per gradus, & interjunctim, enituntur. Namque (quod complures observarunt) hi *Montes Andium*, quæ *Peruanum* regnum à *Brasiliæ* finibus absecant: non modo *Peruvii* (quin & *America* totius) altitudines; sed, ut plurimum, etiam *avium* cunctarum *volatus*, vincunt. Prius enim, quàm verticem contingant; despondere pennas animosque perhibentur: & succiduis alis jacere. (k) Porro, de quibus memoravimus aviculis; eæ non vivæ modo, sed & mortuæ, miraculo stuporique sunt: ac pictæ potissimum. Namque *Peruani*, qui montani Regni valles insedere: campestribus *Peruanis* haud paulò promptiores ingenio; quippe gens operis plinarii scientissima, pinnularum (colore disparium) contextu: quidquid jofferis, exprimunt, subtilitate perquam mirabili. rerumque cunctarum imagines, hominum, brutorum, sensu vitæque carentium; tantum non vivere spiratèque cogunt. Id autem præstant tam pertinaci laboris incubitu, tam rigida centura snæ manus; ut unicæ sobinde plumulæ, rite concinnandæ, versandæque sæpius & reversandæ, nunc in dextram, nunc in lævam, alias recto, mox obliquo situ, solidum diem impendant:

Q

inter-

interdum & noctis portionem, quoad omnia congruant. Itaque veteres omnes Phrygiones, & acus Babilonica gloriam, ingenio futuræ recentis, extingunt.

Est in iisdem, nec aliis (quod quidem compererim) orbis universi montibus, animal quadropes. *Guanacos*, & [quorundam lingua] *Vicunna*, appellant, genus caprarum & hircorum Americæ sylvestrium. Est enim vere quadam, ut plurimum, Hirci specie, qualem Orientalis Indiæ pastores norunt, sed planè cornibus exaratum. Colore præterea ruffo, pernecitateque stupenda: quam auget ipse naturæ pavor, formidine fugacissima, quoivis ad motus ignoti soni strepitulæ, suspicax & aversus. Pelli ventris, marsupium nativum gestat adstitum, in quo recondit, & creberrima volutatione retractat herbas, quibus, non nisi saluberrimis, ex omni montium delectu, pascitur. Harum lento de succo, gemma, seu Lapis, innascitur animalis alvo, nec aliis scilicet, quàm illius ipsius loculi latebris: quem BEZUAREM, etiam nostrates *pharmacopæi*, dicunt, magnitudine, dimidium ovi gallinacei non raro superante. Tantum sanitatis adjuvamentum; qui de Lusitanis primi PERUVIUM ingressi sunt, ignorarunt, IGNOTIQUE *boni nulla cupidine*, diu præterierunt intactum: silentibus, & conjurato studio suppressantibus, compertam sibi felicitatem indigenis, donec ad extremum prorupit *immodici puer oris*: & intemperanti prodicione, latentes quadrupedis opes [designata digito sede *Bequaris*] vulgavit. Garrulitatis pretium ipse sibi mox fuit; DIS suis victima, pro Vicunna prodita, concursu popularum, immolatus, ut, quibus Immanitas ista, frequens & sollemnis sit Pietas. Verum hæc hæc hactenus, de Peruvio.

VII. LIBET his tamen paucula quædam, etiam super urbibus, annectere; præcipueque, siqua magis emulent. Ac MONTANARUM quidem *Pybium* [adeo-



[adeoque totius, si cultum spectes, PERUVII] principatum Cuscus obtinet, Regum olim Principumque Peruanorum sedes. Hæc, ad *Ecbatanorum* in *Media* ritum; lateri montis imposita, molli, perque gradus assurgente; clivo subrigitur, decimo septimo super *Æquatorem* ad *Austrem* climate. Figura quadrata structura mœnium est, domibus intusque plurimis, non ad plebejum, sed nobilitatis duntaxat usum [ignobiles enim in suburbana submoventur] & ideo palatiis non infrequentibus. Eorum quatuor, præcipua majestate conspicua nitent; præter Arcem, supercilio montis impositam, quæ, pulcritudine constructionis, facile quibusvis Europæis ceter, situ vero, fossis, ac propugnaculis inexpugnabilibus, vim exteram aut irrideat, aut in longum suspendat. Stat autem hæc, marmoris & saxorum quadratorum insans molibuseducta: quas non boum, jumentorumve quorumcunque plaustra iugaque, sed [quod fidem superet] humanæ manus & vires advolvere, longinquis è sedentis. Ideoque *Gigantum* id opus multi credidere. Platearum (quibus compluribus Cuscus urbs dispescitur) (& ædificiorum aequalitas, in Europæam digesta seriem, rectitudine propemodum ad regulam exacta porrigitur, sed in *Crucis* plerumque formam compitis semet interfecantibus. In incolarum autem usus & munditiem, nullus non vicus & angiportus profluente diluitur; quippe canalibus, utrimque lapide marmoréve septis, per omnes vias apertam aquam volventibus. Sic amœnitatis gelidissimæ rivuli. vicinis è collibus, perque prona montis, cui CUSCUS insistit, in ubi partes omnes deruunt: incolarum refrigerio lautiusque dispensandi.

Recenset autem CUSCANA civitas incolentium faciliè quinquagena millia; cultu sermonis, [qualis in transmarina Barbaria fingi potest] elegantia morum, & fortunis, reliquo PÆUVIO præcellen.

lentiam. His vero, si circumjectam ad decem circiter leucas multitudinem adjungas; *Cuscanorum* capitum universum ducenta milia sub numerum redigas. quibus omnibus Hispanas leges & jura præscribunt, ab Rege delecti Prætores; & ad octoginta nobilitatis equestriis Proceres. Præstantium urbis hujus operum haud postremum est, *VIA germana*, quarum *altera* saxi & rupibus, in semitas excisis, per æqua, per iniqua, montium valliumque ferrur. *Altera* verò, *Quitani* ab usque mœnibus, ultimoque *PERUVII* limite, quoque Boream adjacet; ad *CUSCI* muros porrecta: quingentorum longitudine milliarium, per campos ac planitiem nullo telluris assultu stratam, incedit. Saxorum, in hac factitia semita (nec minus in illa prior) stupendæ sunt moles, etiam ipsæ manibus adgestæ, nullo jumentorum auxiliari tractu. Semita porro campestris, illa montana jam multo cultior, in latitudinem pedum vicenum expanditur. Lateribus utrimque murus, æterno nexu, prætexitur, compage firmissima. Quod adversum stagnantes eluviones, & hostium, ex transverso lateribus assultantium, impetus; gratum est, ac tutum, munimen. Illud etiam ad ornatum & amoenitatem valet: quod dextra lævaque rivuli serpunt; marmoreis alveis, atque marginibus: quorum delicatam gelu contra Soles protegitur, aditis ad ripas arbutulis (quas illi *Mollos* appellant) continenti per longum serie: tamque spargendis umbris, quam voluptati, dispositis.

VIII. ET *Cuscum* quidem à fundamentis extruxit primus ex *Ingarum* prosapia *PERUVII* rex *MANCOCAPPA*, cujus opus posterius, quique regnum ejus per successionem exceperunt, aliis alio magnificentius ornavit auxeruntque. [1] *VIARUM* autem, de quibus modo narratum est, & totius tam operosi moliminis auctorem quidam ferunt *GUANACAXAM*; eum, qui, sanguinis *Ingarum* etiam ipse, nostrorum abaverum memoria decessit. Quod

certe secus esse, melioris curæ scriptores, & operis antiquitas, adstruunt: quin & ipsa structuræ magnitudo: quæ nec unius sæculi, nedum hominis esse potuit, vel imperii. Quapropter *instauratorem* potius, quam *positorem* ejus operis, regem GUANACAXAM extitisse, necessum est, & consequens, fateri: quem, innata posteris *Ingarum* gloriæ cupiditas, & magnificentiæ stadium, primis illius stirpis, aut altius, aut in parvis famæ fastigium, provexit. Verum, quoniam in hanc *Ingarum* mentionem, non solum noster; sed omnium, qui de PERUVIO tradiderunt, calami crebro descedant: non erit extra consilium, super iis, & eorum origine, paucis *digredi*: deinde ad *Goanacaxam*, & liberosejus reverti.

Vetustissimos, non modo *Peruanorum*, & *Americæ*, sed omnium plane populorum ac mortalium, ferunt creduntque, fuisse gentem eam, quam *Tambos* appellant. Ex his ortum *Mangecappem*, egregium, ac DIS charum virum, Romano *Numa* similem, originis IGNARUM principio jecisse; procreatis filiis, quorum posterii fortes & incliti, cum religione potentiam juxta nomenque protulerint. Hos, INGAS esse dictos; hoc est, *Principes & capita gentium*: idque nuncupationis invaluisse tandem; in imperii, domusque regnatricis, certum insigne, non aliter, atque penes Romam *Cæsares*, penes Gallias *Capetos*, apud Polonos *Jagellones*, apud Imperium Germanicæ *Austriacos*. Tradunt autem, INGARUM primam stirpem, in duas postea præsigniores familias [sed unicam interrim generis sui radicem agnoscentes] abisse: quarum alterius dux & antesignanus *Hanan*, alterius vero *Brincuscus*. Istum imperii sui sedem *Cusci*, sed alterum, domum privatæ similiorem, ubicunque commodius visum fuerit, cepisse. Sic Regium, cum nomine, dominatum pedetentim evaluisse, quorum virum seriem, ac fortia domi militæque facinora, cum canunt; etiam *Paullum*

quendam, ac *Titos*, celebrant. Trecentis amplius  
 annis ab hac domo magnifice regnatum est. Quo-  
 quot ex *INGIS* porro fines suos, ac dominandi  
 jus, extendere conati sunt; ii, circumlatis ad vi-  
 cinos ac remotos armis, ut quamque gentem bel-  
 lo læcessebant; speciosum originis & religionis præ-  
 textum, tanquam iustissimam subigendi causam,  
 hanc adferebant: Quod *INGIS*, eorumque primor-  
 dio, cæteri mortales omnes, & ortum suum, &  
 Sacra deberent. *Aequum*, & naturæ dictamen,  
 exposcere: non sub aliis eos esse malle, quam sub iis,  
 à quibus essent; illisque modo [ nec aliis ] *Humana-*  
*rum* permittere rerum arbitrium, à quibus ipsi Deos  
 acceperant. (m)

*PLEBE* barbara sic, in omne virtutis & sceleris  
 obsequium, compulsæ; grassari licenter *INGAE*  
 cœperunt, ad humana quævis divinaque convellen-  
 da repugnâ, dum animo suo morem gererent:  
 & suæ quisque cupiditati cum *Iulia*, *Caracalli*  
*noverca*, diceret, SI LUBET, LICET. AN,  
 IMPERARE TE, NESCIIS? (n) Itaque  
 superstitiones ex superstitionibus necere: ceremonias  
 & ritus Tartareos in vulgus, pro cœlestibus spargere,  
 se Deos facere, Deorumque nomina sibi cum dia-  
 dematis imponere, *Iovemque* (quam is nec agni-  
 tum, neque nuncupatum) tamen factis exprime-  
 re; *Iunonem* eandem & sororis & conjugis loco,  
 complectentem. Primas, hanc *Atticam incestus*  
*libertatem*, & *Tersicam concubitus audaciam*, pa-  
 lam involavit [ tanquam tunc demum vere Regiam &  
*eminentem voluptatem* ] *TOPA*, cognomento *JU-*  
*PANGVIUS*. Hic, *MAMOELLAM* cum dederit,  
 eodem secum patre matremque genitam; eam in  
 æternam cubiculi societatem ascivit, uxorio jure.  
 Nec multo post ex illa, *GVAINACAPAM* filium,  
 & alterius sexus. *Coyam Cussil-mayam*, suscepit.  
 Id factum cum in admiratione videret esse, sermo-  
 neque, saorum popularium: ad fatuas *Clandii Ca-*  
*saris*

*facis* syo phantias confugit; *Agrippina* (filiae fratris) incestum ac nuptias. *Decreto publica* deinceps *licentia* palliantis. Idemigitur, & *TOPA IUPANGVIUS*, esse posthac rerum *Dominis* ratum & sacrosanctum connubium, pronuntiavit. Utque successioribus *INGIS*, ab ipso numero, cresceret imitationis ardor: filium ipse (quem retuli) *GVAINACAPAM*, moriens, inter ultimas voluntates adigit, ad simile sine mora conjugium, in sorore *Coya Cussilimaya*, capiendum. In quo quidem non hunc solum, sed nepotes quoque suos, habuit per primum obsequentes; ceteros autem, regiae sive stirpis, sive familiaritatis, etiam ultra concessum promptos & precipites. Dictu foedum, sed verum tamen, ac magnis auctoribus firmatum! Procerum enim gentis plerique, quod prius, ad natorum lucem, opus tenebrarum, in corporibus germanarum horruerant; nunc in omnibus promiscue faciunt. Neque contenti, Virgines praetrectare stupris; propolluere sponsalia; nuptiam alienam (a poculis praesertim, & epulis) sua non distinguere: *Filiarum* quoque complexos (nec id infrequenter) invadunt; & ex se progenerarum noctibus (tanquam jure quo quid optimo confarctatis connubiis) indormiunt. *Tantum habet virum, ad corruptelam; in summa Potentia, pravitas exempli!* Cum praesertim, super impudentiae viram illecebram; etiam approbantis ac iubentis auctoritas accedit: ut, *QUOD privatum antea NEFAS erat, id deinceps Fas publicum dicatur; QUODQUE Libido fuerat, Lex fiat.*

SED ex his tamen, improbe facilis decretisque, scire licet & agnoscere; Quibus gradibus *Perveni*, tot saeculorum, *rege*; Numinis detrahente vindicta, devoluti sint a folio tyrannici dominatus, ad *probris & scabellum Hispana servitutis*. Discere, pretium est operae, quibus iunioris & facibus, impleta tandem mensura sit horum *Amerihacrum*. tam



enormiter, per tot ætates, & impune, peccantium. [o] Sic enim [nec aliter] à *ibalamorum* sacrilegiis, descendendum erat ad *ergastulorum* seditatem, ac majestatis ad excidium. Verum hic ultor DEI *ladius & oculus*, in TOPAE IUPANGUI posteritate clarius illuxit, ad quam pròinde festinare, serie nos rerum deducente, placet.

VIII. EXEMPTO rebus mortalib9 IUPANGUIO, filius ejus [*Mamœlla*, matre simul & amica, progenitus] imperium per manus traditum excepit: & nullo potentia rivali, diuturna securitate tenuit. GUAINACAIAM hunc nonnulli, plerique, paulum variante nomine, GUANACAXAM appellant. Hic, majorum nostrorum aut paulillo supra, notus æro; profanorum annalium Reges omnes famarum gestarum, bellorum pacisque gloria; copiis, ac luxu magnificentia, longissimis intervallis antecessit. Auro festus edificasse. Palatia quidem herculè, regiamque (non sola lateritium ignorantia defectuque, sed plane majestatis ostentatione) tegulis auro solidis instravit. Regiæ subiecit hortum, aureo solo, stirpibusque, quas in quincuncem digessit, aureis: radiantibus tam pretiosa fortuna truncis, ramis, fructibus; suoque fulgore, Solis illapsum provocantibus. Et hoc quidem ea proceritate, pondereque stantium arborum, pendentiumque fortium; quo vicæ, nemus occupassent nativum, aut manu satum. Idem ipse; quidquid in omni PERUVIO bipedum, quadrupedum, volantium, reptantiumque vixit: quidquid herbarum, florum, germinum; id universum auro, gemmisque conquisitissimis, ad veri simulacrum expressit: ac per regiæ penetralia disposuit. (p) Nec ditior fuit, quam fecundior. Nam, intrà solam Cusum, supra trecentos utriusque sexus numeravit, ex legentis, diversissimis ex uteris [si nepotum his etiam nepotumque turbam accenseas] In his, duos ex torio contubernio susceptos; *Guasarem & Atabali-*

*balibam*, Coja *Cussilmaya* matre: prætereaque MANGUM *Ingam*, ex alia femina: qui tres postea per seriem regnarunt. (q) Demortui cadaver, balsamo differtum, Quirum urbem avectum, aurooque non solum loculo, sed etiam conditorio (si verum publicus rumor canit) illatum est. In inferias autem, GVANACAXAE confestim ab excessu, de domesticis mille ceciderunt, volones omnes; & ferrum, quo corruerunt, gratiam gloriæque suam arbitrati: cum sperarent, jactarentque, Se Regi suo, sicut apud mortales, sic & apud immortales, proximos à solio, ministrisque poculorum fore.

IX. SUCCESSIONEM principatus, & hæreditatem, adierunt primùm ex sorore filii; MANGO tantisper dilato: quoad ei fratrum calamitas fortune qualemqualem cuderet. Ac prior quidem, ut natu, sic jure, Regnum inolevit GVASCAR: quem apud quosdam etiam reperio TITUM CUS-SYUM GVALPAM nominatum. Hic *Cuscum*, more majorum; sedem regiam fecit: & Peruvium maxime montanum cum *Andibus*; hoc est, feliciorum regni glebam, tenuit. germanum *Atabalibam* (ut inferioris juris) CAXIMALCAE mœnibus, & Peruvia *Campestri* tenuis, continere se, jussit. SED, quæ Regnorum insociabilitas, fratres quondam *Roma* conditores agitavit, agitabitque semper, quoties, qui minor est dominatu, major animis & armis erit: eadem amulatio trans *Pelagus* etiam, ad fratres Peruanos, volavit; & imperium omne tumultibus internecinis evertit. Ecce namque; GVASCARE summam rerum, ingenio miti, sinèque belli moribus, obtinente, repente *Mars*, unde minime debuit, exarsit. ATABALIBA quippe, fastigii multum interioris, & legum imperii [ceu, quæ grandiore ortu fratrem antetulissent] æger; in GVASCAREM movit, utcumque talium incogitantem; & idcirco, SIMPLICITATE suspicio-

num, oppressioni fratris patientiorem. Hunc, collatis ad *Cuscum* signis, & urbe regia capta; per *Quisquium*, militæ suæ magistrum, in suum arbitrium, ac vincula, redegit: *sustinuitque* (nefasti) *spectator esse*, cum & Regum & Germanum catenatam, suo iussu, carnifex (nulla, vel indicta causa) jugularet. Hoc perfectio tyrannus scelere; quidquid *GVASCARIS* fuerat, statim occupat: regiam & opes, *CAXIMALCA* transfert in *Cuscenam* arcem. Ac, ne minus turpis & profanus esset, quàm atrox & cruentus fuerat; nèe degeneraret à patris avique cubilibus: sororem uterinam etiam ipse (quod *GVASCAR* flagitium horruerat) in lecti consortium assumit. Ei *PAGHAE* nomen fuit: è qua liberos *ATABALIBA* complures suscepit, &, tanquam è principis matrimonio creatos, regiè præ cæteris habuit. E *minoris* autem dignatione uxoribus (quas gentis more plurimas habuit), nec non è pellicibus educatos; in incertis successionis spes (si qua lævâ forte quandoque priores intercederent) seposuit. [r]

SED inter hæc *ATABALBA* conversus, non tantum ad confirmandum, verum etiam per novas injurias proferendum, impetium: quidquid in propinquo remotoque populorum erat, extra fines *INGARUM*, id armis adgreditur. Pulsisque circumquaque regulis ac dynastis, trigemini *PERUVII* spatia novis principibus, in immensum laxat. Eò factò plurimorum, quos violavit, odium; quos autem teruit, invidiam, in se, curasque concitavit. Vnde, cum eadem tempestate, *CASSOLIV. Caesaris* auspiciis, *Franciscus PIZZARRUS Marchio*, *Peruvii* maritimi regionem *Tumbesiam*, armis sub jus Hispanicum subjungeret; jamque *GAXIMALCA* etiam priscam *Atabaliba* regiam, ejectis præfidiis *Pernanis*, in potestatem redegisset: omnium circumcirca locorum pristini toparchæ, conspiratione convolarunt, ad peregrina castra.

Ira. Tum *Pizarro*, tuum exitum, & Atabalibæ  
 servitiam, ostendentes; promiserunt non solum au-  
 xiliares lacertos, & expulsum copias: sed in-  
 super, in munitissima quæque castellorum & urbium,  
 vias atque ductum. Quibus citò subnervata Peru-  
 ni regis potentia, quanquam immensis stipata  
 copiis; ad *Caximalcam* primò concidit: *Ataba-*  
*liba* capto, cæterisque *casis* ac profligatis. Tam-  
 etsi, nequaquam in imbellem pavidumque, nec in-  
 segniter præparatum, Hispanæ vires impigere: plu-  
 rimo fortissimorum utrimque cruore victoriis præ-  
 ludente. Collatis aliquoties castris; post sæpius  
 ancipitem belli casum, Rex barbarus [animo,  
 quàm annis, major] catenis tandem injectis  
 coercetur; anno Salutis Christianæ M. D. XXXII.  
 Potuit hic tamen & compedes tandem, &  
 multo magis victoris quæstorem capitalem, exire,  
 promisso, depactoque, quidquid usquam in regniis  
 omnibus thesauris esset auri, lytro conficiendo.  
 Quod quanquam assatim esset, & à Peruanis cor-  
 tionno comportatum, pro salvo regis sui capite: plus  
 tamen Atabaliba promittere potuit, quàm illi præ-  
 stare. Congestis enim in acervum, terdecies cen-  
 tenis & vicensis senis millibus auri probatissi-  
 mi nummum [in his etiam vase quodam, ducer-  
 tas auri libras pendente] præter hæc argenti fa-  
 cti ducentis quinquaginta duabus solidis libris: ne-  
 que camera tamen illa, quam Rex assignarat, ad  
 lineas rubricæ ductas; neque nostrorum, est exple-  
 ta, cupiditas. Et tamen hanc tantam prædam (la-  
 boris ac periculorum pretium) non plures inter se  
 partiti sunt ducentis militibus, pæne gregariis, & iis  
 ipsis scilicet, qui gurru delectam Atabalibam com-  
 prehenderunt.

Vixisset nihilominus, si non in veteri fastigio,  
 saltem in libera custodia, clementibusve vinculis,  
 Atabaliba; nisi, novas interim res moliente *Quis-*  
*quizio*, cæterisque regis sui vicem utitur, bis *Pizar-*

ro bellandum vincendumque, pro victoria jam possessa, fuisset. Supervenit huic capti regis invidiæ, prodicionis nescio cuius, tanquam per eum conficiendæ perque populares, atrox insimulatio. Primum hujus detectorem se ferebat *Philippellus* quidam; ex idololatra Ieritano Christianus *neophytus*. Hic, cum regiam in *pellicem*, cæteris venustiorẽ, exarisset; & illa regem coprivalem, etiam in compectibus metuendum, concitationi mutui complexus prætenderet: pactus amariæ nuptias [ut primum æmulus interisset] sine mora nomen *Atabaliba*, de conspiratione clandestina, defert. Id, siue verum, siue *Philippelli* commentum; credulas quorundam aures statim est nactum. In jus, ex præjudicio, raptus Rex; & testibus, seu legitimis, seu corruptela subornatis, oppressus (Quis enim INNOCENTIAM locupletem & captivam, apud infensos defenderet?) FECISSE VIDERI, proclamatur: & supplicio statim, quod medio *Caximacæ* foro sumeretur, in catenis producitur. Sunt, qui tradant, *Pizarrianos*, ni sacris Christiæ initiaretur, incendium viventi spirantique minatos. Illum, doloris perferendi desperatione deterritum, baptismum, quàm Ignem, maiuisse. Neque tamen abluto parsum ex toto: sed reclamantis, & *superum hominumque fidem* appellantis, collum laqueo, per servos Numidas, ac publica crudelitate, fractum. (1) Hic *Atabaliba* funis ac finis fuit.

XI. SED nondum etiam tragœdiarum exitus. Reperti namque, qui, cum viventem eripere nequissent, sublatam, ultionis reverentia prosequerentur & annosi belli pietate. Præter *Quisquirum* Ducem pro rege suo superstite strangulatoque præliantem, & cum omnibus tandem copiis deietum: IN-GAMANGUS, *Atabaiba* (sed ex diversa matre) frater; quanquam a *Pizarro* victore diademate sedimtus, & in atavicum solium ultro productus: occa-



sione rapta, beneficii gratiam vertit in ingratis & rebellionem. Sed paullo post victus, vinctusque; cum nihilominus in libertatem, *Ioannis Pizarri* parum causa misericordia, rursus assertus esset: rursus, ac tertium, arma resumpsit. Adversum *Pizarros* castra plusquam centum millium *Peruanæ* juventutis habuit: *Casumque*, non contentus expugnasse, profigatis, aut captis, præsiis Hispanis, etiam magnam partem incineres redegit. Denique compluribus inclytus secundis præliis, jamque toto *Peruvio Montano*, pro monarcha victoreque volitans: repente tandem, & unico conflictu, fusus ab *Alvarado*, partium Ibericarum Legato, castris est & omni spe meliorum exutus. Tamen, qua fuit animi *MANGUS* excelisitate, quantumvis accisis victoriæ pennis, in *Andium* editiora profugit: & in *Vilcabamba* castellum Alpestre, propugnaculis vallisque munitissimam, cum quattuor millibus suorum se recepit, speculatori, per multos annos, quam Regi similior, ex illa tam edita calamitatis suæ *Pharo*. Duravit ibidem, post excessum *Mangi*, quæ perfugerat eodem, *INCARUM* mascula posteritas: incolumis, int' cæta, Parvo, sed tamen suo, se continens: & ob id ipsam felix, si tam extra novorum studium, quam extra gubernacula regnumque, didicisset agere. Sed *AMARUS* quidam ex his, adversum Hispanas res occulta consilia resumpsit. quorum perfidiam in apertum protractam, capite tandem, & publico securis ictu, *Cusei* fuit. cæteris ex *INGARUM* familia captis, & constrictis. (1)

Ex iis ipsis tamen *nounemo*, cum ad sæculum pæne nostrum vitam & custodiam produxisset, *Guanacaxa nepos*; incertum quo patre, de tribus fratribus, supra celebratis? nostri Regis beneficio, libertati redditus est, & arbitrio fortunæ suæ. Transgressus posthæc in *Civitatem*, quam dicunt *REGUM*; & *Vallu Yucaya*, latique fundi possessio-

nem.

nem, ex filia dote, nactus: neque Regis, neque Numinis liberalitati, semet ingratum exhibuit. Nam ab *Alphonso Barcena*, Societatis IESU Sacerdote religiosissimo; per decubitus otium & occasionem, Christianæ religionis arcana doctus, *idola* projecit; *Deum cæli*, cum sacrosanctis ejus legibus, amplexus. Mox, salutis lavacro tinctus; CAROLI nomen, & *suave Christi jugum*, ex animo suscepit. Piè denique, sicut egerat, mortalitatem explevit, immortalibus [ ut spes est ] Regibus insertus, ac majoribus suis hoc ipso felicior, quod in successione calamitatum sapientior: dum solus omnium Ingarum, *fortunam pessimam* didicit cum *optima mente* conjungere. (u) Jam ex eo porro tempore, *Philippis*, & Europæis Hispaniis, *Peruvianum omne solium*, sine competitore, sineque turbulentis motibus, constantè hæsit, & , *precor*, *deinceps hæreat!*

ARGONAUTICON  
 AMERICANORUM,  
 SIVE  
 PERICULORUM  
 PETRI DE VICTORIA  
 LIBER XV.

CAPITUM BREVIARIUM.

I. Occurritur iis, qui cavillari possint *Historiam Americanam*; libris proximè præcedentibus, ex diverticulo, insertam. Defenduntur Hispanorum in *Pernanos* iuste mota arma.

II. Mundi satur *Victoria*, secum ipse presentiam rerum instabilitatem expendere orditur: ex occasione considerati Pelagi, & fluctuum ejus; quorum è fluxa fide, per comparationem æstimat, fugacitatem *Divitiarum*, *Honorum*, ac *Voluptatum*. Comment. pag. 378.

III. Disputatione secum solitaria instituta, tadium sibi suscitatur Fallacium *Divitiarum*: adductis in medium *Americanis* (quod & insequentibus facit) diversorum exitiis, occasione captatarum opum incurrit. *Barbæ* socii interitus retribuitur. Mors *Cambiz*, *Bombadilla*, & *Alfingororum* duorum, è *Vindelicis* oriundorum: quorum tragico fini aliquantum immoratur.

IV. Honorum quoque vanitatem examinat, & excruciat, tum rationibus & argumentis, tum *Inventorum* ac *Prætorum America*, exiguis aut calamito-

sis,

sis lucris. In quibus præter Columbrorum, Magellanis, Puelli, Moralis, Pizarrorum, ac cæterorum exempla funesta; Niquésa tristis interitus eminet.

V. Voluptates denique corporum (& cumprimis illicitas) nauscat Petrus, tam ex ipsamet earum natura, quàm è fæda multorum morte, fædam vitam insecta. Mors Almagri, Nunnii Valboæ Francisci Pizarri, militum Columbi, exercitusque ad Cuscum urbem clades, palmam ferunt, in hac tragædia. Invectiva in magistratus libidine fædatos, & exemplo suo turbam trahentes. Difficilem esse, in tanta Mundi libertate, Castitatis illibata diuturnam custodiam: Mortis autem, & Novi simorum hominis, memoriam salutarem. Tria Religionis Vota, totidem Mundi vitii vulgaribus, efficacissimè opponi.

VI. In regressu ab littore, in urbem Limanam, Petrus secum Massajam, supra memoratam America Septentrionalis rupem, tacitus retractat, & ruminat: seu Symbolum quoddam, & imaginem, frequentius ac securissima meditationis Inferorum.

VII. Omnibus probe ponderatis, Victoria post dies aliquot, Lima, Religiosum S. I. ordinem amittit, impetrat; ingreditur, ac perennat; magno animi suo lucro. Comment. pag. 396.



UAE super America, potissimumque PERUVII memorialibus. in proximè præcedentibus hujus curæ libris, stylum nostrum intrarunt; ea, talium narratio- num insolentioribus, videri poterunt non-nihil extra rhombum, aut indulgentiore digressu, memorata. Nec enim regna duntaxat, & provin- cias cum insulis; sed reges etiam, & imperiorum fortunas, descriptionibus influxisse. cum nos inte- rim iter Argonauticum, & viatum propemodum ephemeridas; non Geographiam & annales, profitere- mur. Vis talibus excutabit me primùm historico- rum utriusque linguæ mos vetustus: quibus tum fre- quenter, tum longinquius digredi, semper & con- suo-

suetudini datum est, & laudi. Testis inter Grajos,  
 historiae pater *Herodotus*: testis, successor felix, *Pan-*  
*sauias*, Peloponnesiacorum bellorum conditor, cæ-  
 terorumque scriptorum *Helladæ* ingens ordo. Te-  
 stis, inter Romanos enarratores (ut de *Crispo si-*  
*leam*) ipse C. Cæsar; in Galliarum, Britanniae,  
 Germaniae res, loca, mores, diffusissimus: nullo præ-  
 liorum, quæ sola conscribenda suscepit, id exigente  
 connexu. Nec aliud Q. *Ruffus* in Alexandro; Corn.  
*Tacitus* in Actis Principum Romanorum, fecerunt.  
 Horum ille, quantum in Indias excurrit? iste quan-  
 tum in Palaestinam, & Phœnicem? & in *Agricola*  
*brevisimo*, quam multis versibus effluit, in Britan-  
 niæ novissimam picturam? Cum idem igitur tenta-  
 vi, non animi lubidinem in consilio, sed exemplum,  
 habui: speraviq;e, siquid etiã hoc esset nævi; ve-  
 nerandæ tamen antiquitatis pallio circumpositum,  
 si non splendere, velari certè, posse. Loquetur præ-  
 terea, pro calami mei libertate, certissima quædam  
 ratio: quæ gentis meæ defensionem, adversum  
 quosdam iniquiores *Hispanico* nomini, suscepi, vi-  
 delicet *Hispanus* ipse. Cavillantur enim, violentis  
 armis, nullo belli jure, subactum & hujus & alte-  
 rius *America*, vastum imperium: direptas populorum  
 fortunas: exactos necatosque reges, aut nullis, aut  
 quasitisimis ex iniquo causis. quæ tamen, quo pa-  
 cto gesta sint, cum fide retulimus, apparuitque,  
 sinceris rerum æstimatoribus, Urgente desuper  
 Numinis vindicta, debuisse tolli de medio (tam  
 immanium reos) à Nemesis fulmine, suisque fatis,  
 quibus homines peperissent, & Hispanus in oc-  
 rum excidium non tam venisse, quàm incidisse. Sed  
 scilicet, is malevolorum mos priscus est, insectari Sa-  
 tyris & contumeliis eum, cui par esse nequeas suc-  
 cessibus: OMNISQUE semper POTENTIA nimia,  
 quantum amulis clausa, tantum maledicis esse con-  
 suevit aperta, clamantibus; VIOLENTER occupa-  
 rum, quod valenter sentiunt custoditum. Habent hi  
 tales



tales ergo ( si rerum *Americanarum incorruptos annales* introspicere dignentur ) quod cum *Cane*, vel *Invidia*, rodant; Intemeratam nempe rerum gestarum veritatem. Absolvet me denique longinquioris evagationis crimine, *meum jus*; quod adhuc equidem nullo *Pratore*, vel *interdicto* perdidit. Quis enim veret, in opere, quo scribo, quidquid expertus sum, referre me, quæ per *solidum* ferè *quadriennium*, partim in *AMERICIS* ipse vidi: partim, idoneis comperta testibus, excepi? Nam arbitror: *EORUM*, quæ *suo quisque labore comparavit*; unumquemque, sicut apud se dominum, ita præconem & venditorem apud alios, esse posse. Sed de confidentiæ meæ ratione, quantum sufficit, dictum puto.

II. CAETERUM ego siue præsentis fortunæ, flatu, siue rerum humanarum ludibrio fatigatus; cum præsertim *Peruvii* colonorum quorundam dissoluti mores, & secturis auri sueta licentia, conscientiam non parùm dissentientem offendissent, mecum ipse sæpius proclamabam, Et quis *DIVINORUM* memor, in longum inhumana flagitia probabit? Reputare quoque jam dudum apud animum meum institueram, *Falsæ voluptatis mendacia*, *brevis avi celerem fugam*, *pallidumque funesto luxore, tam auri, quàm honorum, fulgorem*: expendere rigide mecum salutis sexcenta discrimina, crescentesque, cum vitiorum irritamentis, vires & annos: denique, de *VITAE* *correctioris* *Portu* tacite rationes inire.

QUODAM præcipuè die, cum, *Limam* urbem regressus, *Zarii* maris litoribus, per otium ( sicut fit ) imminerem: & pelagi primùm tranquilli, post paululam verò fluctibus turbidi, fidem intuerer, in seria, apud memetipsum cogitationes, inter turbante nullo, non sine vocibus exarsi, serque solitudinis occasionem, tantò liberius, quantò minùs arbitrium metuebam, arradiant: cœlesti jubare colliquefactus, sic in lacrymas & clamorem effundi suæ orsus;

Papa (dicebam) ad quas imagines, & ad qua simulacra stamus? HAEC, quam intueor, Maris est, hac eadem & Mundi, stabilitas. Fluxa sunt utraque, fluidibusque, de senatis inquieta. Cum serenum placidumque putaveris, cum praesentium fiducia, futurorum timores exploseris: propter hoc ipsum in diversa subito mutantur, faciem exuunt, & vultum cum ruga sumunt. NEC unquam implacabilis Oceanus, & Mundus, irascuntur, quàm ab recentissimis blanditiis. Infelix PETRÈ! solo patrio, matre, facultatibus, Europa, quodque damni caput est, TEMPORE (quod disciplinis ac moribus expoliendis debebatur) amissis; tu Potosiorum aurum & argentum, tu latentes Aurifera Castella gazas consecraris: fassis illis & inferorum penetralibus, per diu pernoxque, tanquam cuniculus, ingemiscens & intumulus? Et qua, quaso, spe, quo, toi periculorum premio vel exitu? Nisi fallor; UT Hispalim dives recurras, unde ditissimus quondam, & saltem innocentia locuples egressus eras. Ut conspicuus civibus tuis, & propter peregrinitatis audaciam, digito monstrabilis: Ut in otio posthac & deliciis, genii tui culior & servus, agas. Etenim in studiis propositoque mortaliu [quantum ego capio] tria plerumque sunt hæc, aut ex his unum aliquod, ad quod gradum affectent: OPES, GLORIA, VOLUPTATES. Horum singula, quaso, nostra salutis & felicitatis ad trutinam vocemus: videamusque, quantum in iis spei reive sit; ut FORTUNATI constanter, & ubique, simus.

III. DE DIVITIIS autem primum in deliberationem veniamus. Dic mihi, iogo te; quid si congeastas auri massas, si sectas in longum argentilaminas & ramalia, navibus intoleris? hoc est, ligno malefido, fragili, maris & vitæ bibulo, digitorum haud amplius trium intercapedine, salutem inter & interitum? Quot mortales, Superi bonis quot Heroes, naufragio sua vota, suas Fortunas [etiam ante Trojanum Æneam, & post Ajacem,

Laerc,

Locrorum regem) affixerunt? Quanto ditior est Oceanus omnibus regnorum fideis, arcis, & aeriis? nec tamen, nisi demerso, fluctibusque rapto, pecuniosus. Et adhuc tamen satur non est; sed quotidie graves opibus onerarias vorat. Quibus adstruendis, ad fidem sufficere debent Oculi nostri. Quid enim opus est; ad Iasonem, & ceteros Aurei velleris corrivales, memoria retrogredi? Prisca nimis illa sunt; &, quis scit, an usque quaque vera? Recentium potius, & sæculi pæne nostratis, ARGONAUTARUM *exitus* inspiciamus. BALBOAM, & post hunc alios, è comitata nostro; fluminibus & æstuariis interceptos, ipsi vidimus. Et hi tamen, quid aliud in America, quam opes, quærebant? Petrus CAMBIUS, Gallus, negotiator famosus & locuples, navibus FLORIDAM nuper intravit: incredibilem aurivim, sponfam Floridanam, & socerum Regulum, invenit. Hic, dum in celoce, qua gazam revehebat, cervicem inclinat, prunis contra frigus insufflandis intentus: a barbaris duobus nautis, ascia feritur ictus; diviso per immane vulnus occipite. Quid ex longa mercatura retulit miser? nisi, *quod ferrum accepit, & aurum latronibus reliquit.* (a) Aliquanto vetustioris tragædiæ, sed adhuc tamen recentis luctus exempla; Franciscus BOMBADILLA, Calatravæ religionis Eques: & Rolandus XIMENIUS, nobilis Hispanus; ubi nunc, quæso, jacent? in quibus navalibus classem habent suam? Ex Hispaniola (quam per fas & nefas solerter eraserunt) in Hispaniam Europæam, cum quattuor & viginti navibus, solverunt: quadringentis impositis propugnatoribus. In his, apparatus tanti, maritimis curribus (nam quid aliud omnes illæ fuerunt actuariæ, volantes, tanquam in Circensibus, ad metam, quæ fregit illos?) Castellani ponderis plusquam centena millia nummum aureorum victabantur, Regionum tributum: &, super hæc, plurimorum privata latrocinia. sepositam

tam potro cistam gravabat præsignis magnitudinis  
 massa, quam AURI GRANUM appellant; Isabellæ  
 reginæ thesauris inferendum. & huic, tam pre-  
 tiolæ glebæ, parem, non ulla priorum ætatum aut  
 vidit, aut legit: quippe ternis amplius aureorum  
 millibus, & trecentis, appensæ. Quo, quæso,  
 denique, tam opulentæ classis appulso? quo *plausu*?  
 Nempe. qualem ad scopulos impacta convulsaque  
 tabulata reddunt: onerariam omni numero; nec  
 non, auro, mercibus, nautis, Ducibus, & clas-  
 sariis, impetu tempestatum, solutis ac demersis. Et  
 hoc quidem, unico temporis, & unius naufragii,  
 momento. TAM *brevis sepultura, tam longæ mag-  
 naque congeries fuit!* Et ne GRANO quidem illi,  
 tam feliciter invento, parcam est. *nam & ipsum  
 infelici ruina sementeque, sparsum est in fundum;  
 ex quo nihil renascitur.* [b] Sed ne fortè putes; so-  
 lum Oceanum & flumina DIVITIIS nimis inimi-  
 ca: sunt, mi PETRE, sunt opum, etiam in litto-  
 ribus, & media continenti, naufragia. Nonne  
 meministi: vos à Barbaris nuper, non in flumine  
 sanè, sed in ripa terraque; toto, quod portabatis,  
 Auto Bædico, cum vestibus, exutos? Etiam an-  
 nales & auctores habes, qui cum fide memorent:  
 in America Boreali nostrorum hominum non pau-  
 cis, avaritiæ nimis manifestis, à barbaris injecta  
 vincula: superque pavementum extensis supinis cor-  
 poribus, aurum, igne liquatum, in os infusum;  
 quod tigillis violenter diduxerant: renovato M.  
 Crassi, post tot sæcula, supplicio, Parthicaque cru-  
 delitate. Corpora porro sic enecta, frustillatimque dis-  
 secta, cum immanes illi vorarent; & ventres suos  
 Hispanorum sepulcra facerent; hoc dictorio, tan-  
 quam epitaphiis, eos insectabantur; AURUM alii  
*de gente vestra* SITIUNT: at vos, etiam BIBIS-  
 TIS: (c) Quid autem & ALFINGEROS retrac-  
 tem, *Augustanos è Vindeliciis*, sive fratres, sive  
 fratrieles; jam pridem fama per omnem Darienam  
 & Peru-

& Peruviam detritos? AMBROSIUS alter, & post hunc GEORGIUS; pro *Wolferis*, indultu Caroli V. Cæsaris, Valentiolam prætura, simul (si verus rumor est) exactionibus violentis, premebant. EST enim perdifficile; locus pletem ad provinciam, non simul afferre cupidam montem: & IN licentia transmarina, rarum & operosum, non transilire præscriptor à lege fines. PAUCIS contigit, in magistratu lucroso, ponere modum imperio, paucioribus; ponere sibi metipsis. Adeo videlicet habendi studiis abripimur. Hinc turbatur bene composita subiectorum quies: ac Patientia rudium, sine fine pressa, simplicitate posita, tandem etiam ferrum rumpit; & ex hoc, armatur pro libertate. (d) Quid igitur? quodnam severioris quaesturæ pretium abstulerunt? Compendiosum utrique; Celerem mortem & interitum. Eorum enim alterum Canibales anthropophagi, repentino superventu, cum suis oppresserunt; excursionibus intentum. Alterum [ut prætoræ, sic factorum hæredem] in lectulo suo trucidatum, in tempesta nocte, de thalami fenestris in publicum; ab hoc, in propinquum nemus abjecerunt, belluarum pabulo. Sic illi miseri, dum ubique sibi fingunt AUGUSTAM, humanitatis alumnam, & fontem; in sua Valentiola Scythiam, & antrum Cyclopum, invenerunt. Sed videlicet illud est, quod divinus Paulus clamat, RADI-CEM malorum omnium esse, Cupitatem: Avaros invenere se doloribus multis. Qui fieri Divites velint, in desideria perniciose labi; qua mergant homines in interitum. Hoc quidem certe, vides, illis evenisse, quorum lugubres avaritiæ tumulos & cippos nunc inspeximus. Quod autem Cambio, quod Crasso, Crassique rediivis manibus, quod Bombadillæ, tamque multis auriferis tiremibus, accidit, ut interirent, hoc idem & VICTORIANAE tiremi potest. Et tamen hæc ipsa nondum in salo stat: sed adhuc (incertum, quibus in montibus sylva?) ventorum ludibrium, nutat.

Sed



Sed fingetamen, animoque persuade, Lydorum regis fortunam, Cyri prædam, & Americani Geanacaxæ divitias omnes, esse Tuas. Puta, jam nunc, à portu Limæ detrudi naves, opulentiæ graves, in Europam : & ex Hispano portu centum jogis Hispalim deportari. Proponet tibi paternæ domus penetralia, transmarina felicitate confipata; securissimæque possessionis imperturbatum incubitum. Quoad ista, mi VICTORIA, duratura credis? Quor tu lustris ( ne dicam ætatibus ) iactaturus es contribulibus tuis, adita lustrataque peregrina regna? Nam hoc ( quoniam de quæstu DIVITIARUM abunde quæstionem exercuimus ) *Alium* esse diximus humanæ fatigationis campum, & sudoris irritamentum: HONORES videlicet, ac magni nominis Ambitum.

IV. QUID igitur & in GLORIA sit solidi pulveris; excussum eamus. Certè quidem eorum, qui comparari solent in Orbe novo, titulorum, duo sunt principes : quos affectare potes. Nam aut INVENTAE retectæque regionis gloriam quæres : aut prudenter fortiterque GUBERNATAE. Quantum pertinet ad primam illam honoris palmam; OMNIA, mi Petre, IAM REPERTA, reserataque sunt. nisi fortè fiduciam & animos adjicis ad TERRAM, quam dicunt AUSTRALEM INCOGNITAM, evolvendam. Eam, an perumpere tu primus velis ac possis? interroga diligenter audaciam; interroga robur & facultatem tuam. Nam, si quidem illa terrarum vastitas à quovis obvio posset aperiri : non meherculè tamdiu diceretur INCOGNITA. Quod autem spectat ad *alterum illud decus*, è felici provinciæ cujuscuque administratione colligendum, sive per quietem, sive per armorum strepitum : vehementer vereor, ut *Laurum* hanc regiam, & tam altam, decerpas juvenis nondum undevicennis, & ob hoc ipsum, hujus Gloriæ ramis attingendis, multum infra, quàm ætas

ætas boni rectoris exigit. Ac præter hoc: *Quomodo diversissimos Aliorum mores temperet, qui suas nondum potest?* Sed finge tamen: & INVENTURUM te tot novos Mundos, quot vel Democritus esse credidit; & inventis, cum maiestate Jus DICTURUM quid post illa? Sæpè illane gloria splendet? nec unquam hæc crystallus in fragmenta solvetur? scilicet, *hi soli mortales, mori non solent?* Sin autem & ipsos communia manent fata; quid illis, in interitu, conferet grandis auctoritas? Hoc solum, ex istis magnæ famæ Megalesiis, adhuc omnes Ambitiosi reulerant: ut dicerentur; *Aliquando FUISSE, FLORUISSE, DECIDISSE.* De multis etiam id genus hominibus, fortasse non falso, nunc quoque, magnus Augustinus exclamaret; *Laudantur, ubi non sunt: uruntur, ubi sunt.* Verùm ista quidem divini tribunalis sunt, non humanæ censuræ. Sit sanè, sit omnibus bene, supra nos! quibus bene fuit, dum viverent, Esse supra ceteros! Sed numquid clementiæ suæ Solem, sine nebulis & maculis, & sic inoffensis rotis, in altum provexerunt, ut is semper in meridie staret, & Occasu nullo mergeretur? Vide, quæso (sicut in præcedentibus, sic & in hac consideratione) nostros illos inclytos Americanorum ARGONAUTAS: qui, famæ velificati, medio cursûs sui, pelago sunt excussi. Quid COLUMBIS fratribus, Christophoro, Bartholomæo, Didaco; primis (si verum quærimus) & veris Jasonibus, quid non debuissent Hispaniæ nostræ? Non est ullum ulli dubium; quin Omnia. Tamen trium Pinzonum lividis criminationibus, à Bombadilla vinculis constricti; separatis duobus navigiis (tanquam totidem fluitantibus veræ virtutis carceribus) in Castellam Europæam missi sunt: frementibus etiam ipsi regibus; *Esse Reos Tres illos, quibus pro tribus trajetibus Americanis nondum, ne naulum quidem sufficiens præbitum, aut gratia persoluta forent.* Et tamen maiestatis absoluti sunt: miserum tamen

tamen fuit; Coram Isabella Ferdinandoque, regum exemplis, tantumnon *in catenis stare*: *miserrimus, sine causa causam dicere*: *miserrimum, illis, gestorum suorum* (cum capitis discrimine) *rationem reddere, quibus Insulas ipsi regnaque dederant.* (e) At his quidem suum periculum, adhuc citra madidam mortem, & sanguinem stetit. Tristius alii suam adorem tinxerunt, & finierunt. *Ferdinandus Magellanes* (Freti celeberrimi rector & rector) à suis inrer barbaros desertus, adverso proelio periit. *Ioannes Ribaudus*, Gallicanæ classis supremus apud Floridam præfectus; &, aliquot littorum apertorum inclytus, regionis ac ripæ Maji fluminis primus explorator; ab nostris met, immanissimò cultro, vivur acspirans, plusquam Persicà feritate, fertur exoriat: (f) cum simul & pugione cor illius transverberassent. (g) *Gaspar Corterealis*, terram ab se nominatam, ad ultimum Americæ Boream, indagavit; & aquis est haustus. *Michael Corterealis*, ut ortu fratrem Gasparem, sic audacia, secutus; ab iisdem postea fluctibus interceptus jactatur: hoc ipsò, quòd nusquam littorum comparuit. (h) *Americus Vesputius*, Meridionalis continentis; *Alvarus Mendavius*, Insularum Salomonis; *Villalobus*, Novæ Guineæ; *Michael Lopus Legaspes* Philippinarum, excussores: Secundum hos, *Sebastianus Gabottus*, *Lucas Vascus Aillonus*, *Ferdinandus Corduba*, *Garzias Lupus*, *Nunnius Gulsmanus*, cæterique sine numero; singuli singulos tractus & Insulas patefecere. Perire tamen omnes: pars, naturæ lege dura, pars potior, undis aut gladio sicariorum, quidam in vinculis, aut rixa, jurgio, seditionibus, civilique Marte. Talem exitum & coronidem habuit, INVENTARUM regionum gloria; *Sepulcrum in aquis, aut pulveris cippum interris!* [i] GUBERNATARUM autem provinciarum quæ merces? Nempe, meriti fuit ejusdem; Incognitas Penetrare, penetratisque Dominari. Pe-

trus PUELLIUS, Quidi Prætor, nonne Roderici Salazaris pugionem, in lectulo suo transossus, tanquam antelucanum Excitatorem, excipit? (k) MORALES, Hispanæ militiæ Dux; nonne Didaci Menesii saturandis odiis, gulam laqueo præfocandam præbuit? (l) *Pizarri tres fratres*, infinitæ, pænæque jam regiæ potentæ, nonne cum splendore, quo tenuerunt altum, devoluti sunt in ruinam? *Franciscus* mucrone seditiosorum, *Ioannes* laniatu Barbarorum, *Gonsalvus*, Numidarum ferro cervicibus incisis, Gascæ Prætoris imperio. Cujus postremi (Gonsalvi, dico) tanta post mortem quoque fuit improspérité: ut Caput, in carcere defectum, Limam (fratris quondam regiam ac Prætorium) transmitteretur, columnæ marmoreæ clathrato fastigio suspensum, in urbis propatulo: cogereturque sibi, post funus etiam, *quoquo modo* superstes esse, luctuosa *Gloriæ* victima! Cujus ore muto, quid nisi clamabatur illud Salomonæum; VANITAS VANITATUM! & OMNIA VANITAS? (m) Quid autem de Didaco NIQVESA dicam? celebri quondam, & hodiæque decantato viro? VERACUAM infederat, Americæ Septentrionalis Tetrarchiam, Regis auspiciis. Verum, ob habitam avarè provinciam, & crudeliter exercitum domioatum, etiam ab nostris tandem undique, tanquam portentum & bellua quædam, pulsus, eum Septuaginta quinque suæ gentis militibus: ne fragmen quidem panis, in famis remedium, invenit. Exagitatus autem ob omnibus, conspirante mortalitatis odio, cùm demum, omisis navibus, exscendisset ad fluvium, nescio quem, hand ita procul insula Zorobarorum, à Barbaris Veraguanis, quos sæpe presserat, oppressus est, cumque suis omnibus, cæsus, discerptus, devoratus. Unde nomen hodiæque, FLUMINIS PERDITORUM, amni manet, qui, nisi monumento detestabilis cladis hujus, innominatus & instestabilis perdurasset. Quanquam

partem hujus tragædiæ loquitur & Vicinum nemus, ejus arbor quædam, in cortice descriptum retinet, hoc mœstissimi commeatus & transitus Latinum testimonium, totidem, quot produco, verbis; HAC, MISERO FESSUS ERRORE, DIDACUS NIQVESA TRANSIIT INFELIX? (n) Transiit, verè transiit Niqueſius! & cum illo, Gloriæ tota pompa! Quisquis desipis, ſequere! Quid hoc dici, tot fortissimorum virum exitu, monstrosius potest aut lacrymosius? In Terram alii Barbarorum, ad illud usque tempus, intrarunt, propter Aurum: Iſti [dictu cruentum!] in Barbarorum etiam Ventres & viscera! Recurrat igitur in summam suam oratio: dicamusque; Nihil eſſe Gloriam è transmarinis ſive Reperitis ſive Perdomitis; præter ventum, fugam, naufragium, cadem, interitum. Nam certe quidem illorum, qui te præceſſerunt, non opum ſolo quaſta, ſed rerum in orbe peregrino geſtarum magnitudine, clarissimi; ſuo fato, paucos poſt annos (& hoc, ante diem ſuum) conceſſerunt OMNES. Vri namque ſalvis ſaltem Animis! quos eorum nonnulli ſempiternæ maculæ flagitiis inquinarunt; geniali turpiſſimarum VOLUPTATUM indulgentia. Videamus tamen & iſtam illecebrarum humanæ cupiditatis partem; quæ nobis erat propoſitæ meditationis Tertia, poſtremaque: quid ſecum, hæc Stimuli Cupidinei VESPA, non mellis, ſed cruciatus & vulneris & aculei lethiferi, portet?

V. OMNIS VOLUPTAS aut eſt cum honeſtate conjuncta, eumque legibus: aut ab utriſque diſculſa, flagitiola, bruta. SI cum decere Rationeque: peti debet ex ſola Virtute; cujus tamen nec alumnus eſt, nec approbator; MUNDUS: quippe, totus in malitia conſtitutus. Sin cum Opprobrio, ſecordiaque connectitur: nec cogitari quidem ab homine debet, ne dicam, amari recipique. Nam aut quæa trajicitur; aut parte corporis erubeſcenda:



*quarum altera canalis est, altera conceptaculum, omnis inquinamenti*: Sororiaeque ferè sunt obſcœnitatis, & illa, quod ſordes inchoet; & iſta, quod in ſordes deſinat. Ad ſammam, ſive quæritur in epulis & vino, ſive petitur è ſcortis & Venere gaudium: utriusque genii *Deus, eſt Venter*; cuius obſequii ſtudio, eſt nequitia, fructus, infamia; ſinis, interitus, & omnis, in *confuſione*, gloria. *MORS*, *Mors*, intrat per utriusque januam, & *Mors* quidem Animorum, ſemper, ac ſine dilatione: frequenter autem & Corporum, ſuo die. Quod, ut certiore fide capias, etiam hic, *PETRE*, recentium, *Argonautarum Colchidem*, & *Medeas*, exitusque, fac recordetis. *Didacus ALMAGRUS Maior*, iſle Chilæ primus cum exercitu penetrator, & æmulas Pizarreæ potentie, concubinam [Hiſpanæ conjugia neglecto] Panamæam, & ſcilicet ex Americanis ſordibus, in delitiis habuit. Ex ea, *Didacum ALMAGRUM Minorem* ſuſtulit. Ad extremum, pro lacertis amiculæ, collo laqueum accepit; *Conſalvi Pizarri* ſævis imperiis in cuſtodia ſtrangulatus. [o] *Vaſcus Nunnius BALBOA*, Caſtiliæ, quam dicunt, *AURIFERÆ* repertor, & inſeſſor: ne minus impurus, quam inquietus eſſet, poſt ſe non ſolùm rebellium caſtra, ſed & mulierculam ſecutuleiam, traxit. cujus etiam indicio, prodicionem in ſe comparatam, vitavit, ſellicius, quàm durabilius. Etenim *Soceri* demum immanitate periit, ſecuri percuſſus: &, in torpelliſ noctes, ſomnum ſempiternum accepit. (p) *Alphonſus HOIEDUS*, maritimæ regionis ad *Carthagenam* Prætor: uxorem Americani *Reguli*, non inſcœne formæ, perductam ad ſe, contra ſas & pudorem, attinuit: &, quàmquam repoſcenti marito; tanquam alieni nunc lecti, reddere detractavit. Sed, dum armis & vi ſe credit invictum; alieno dolo patuit. Nam *Reguli*, ſupplicem ſimulantis, toxicato ſpiculo, de hæc proviſo ſecundum ſemar

mur sauciatus: ac barbarici satellitii copiis superob-  
 rutus, rapinam, praetura, vitam, damnificat.  
 Et quanquam, facti poenitens, *melius animam egit,*  
*quam vitam:* praestiterat tamen, alienam nuptam  
 suo thoro, quam, injuriae rationem divino iudici,  
 reddidisse, [9] *Franciscus PIZARRUS*, Peruvii  
 pro Rege gubernator, & subactor; post tot domitas  
 gentes, reges, & regulos, *adhuc indomitam Cupi-*  
*dinem retinuit.* Duarum pellicum, & in his, So-  
 roris ATABALIBAE Regis, amplexibus insuevit;  
 ad usque iusti concubii licentiam: susceptis ex u-  
 traque spuris. Tandem, suorummet concursu,  
 per Didacum Almagrum Minorem, & Ioannem  
 Radam, concitato; fortissime pugnans, collo gla-  
 dium & mortem excepit: clamantibus, qui tu-  
 multuabantur, *I nunc! hoc habe! Vitamque, cœp-*  
*tam à pedo, cruentatam praeliis, maculatam inson-*  
*tium sanguine, pollutam domesticis stupris, hoc pun-*  
*cto claude! Quibusque, tot per annos, Os impune*  
*per summam impudentiam, nunc, per vindictam,*  
*etiam jugulum praebe!* (r) Sic Limæ, domique pro-  
 priæ cælum, Venus in cubili perdidit, cui toties  
 Mars in castris pepercerat. Piger pluvium, huius  
 farraginis, exemplorum: quæ tamen plura non  
 deessent; si praesertim cum vero, nec per calamitiam  
 traditur, quod nonnulli monumentis publicis con-  
 signatum reliquerunt. Id equidem, ut credam, nunquam  
 adducar. Sed adducar tamen, ut mecum tacitus sus-  
 picer, *NEC omnia de Nostrorum vitiis vere, nec omnia*  
*falso, spargi.* Quid igitur? qua fama nostrorum con-  
 tinentia laborat? Nempe, Primos inter AMERICA-  
 RUM Occupatores, paucos admodum, aut jus præ-  
 torium dixisse victis, aut in nondum victos classem  
 duxisse: quin, unius aut alterius, subindeque trium  
 ac plurium, impliciti meretriciis contuberniis; per  
 stuprum vel adulterium abnoctarint. Ac re Colum-  
 bianos quidem (omnis ARGONAUTICAE recen-  
 tis principes) in totum temperasse sibi classarios: sed,

subducta *castissimi Thalassiarchi sui*, CHRISTOPHORI, venerabili præsentia, per hanc opportunitatem, & pudorem simul, & absentis reverentiam, exiisse. Nam, post COLUMBI primum in Hispanias regressum, duodequadraginta milites Hispanos, tradunt, relictis signis, AMERICANARUM pudicitiam & nuptias expugnasse. Quibus offensos injuriis maritos, veterem resumpsisse feritatem, adulteris ad unum omnibus trucidatis: & quidem (ut ego reor) plerisque, flagranti deprehensis in libidine; proque meritis, in Tartarum recta devolutis. En, VOLUPTATUM præposterum stolidumque delectum! En, oblectamentis incredibilem væcordiam; DELECTARI MOMENTO; quo CRUCIERIS AETERNO! Si qui, nostrorum hominum intemperantiam palliare sunt ausi ( *QVAENAM enim causa tam est Mala, quæ non sui similem Patronum reperiat?* ) ii scilicet ad Augusti Caesaris artes confugerunt; filias familias deflorantis, & matronarum cubilia temerantis; ut Patrum ac Maritorum in se mentes exquireret. Sed DEUS ille, qui judicabit adulteros, non distinguet Augustos: &, si malam rem tenuerit, non interrogabit; Cui res ea BONO fuerit? (s) POTENTI manu torquebitur, quisquis in Potentia peccaverit. Nec præter meritum, nam SIQVIS in Regimine palam exorbitat, is in erroris consensum cuncta trahit: neque sibi soli, sed populo quoque, nequam est. DUM facit scelus, OSTENTAT: &, quoties in fastigio degenerat, etiam sine voce disertus est ad depravandum. DUM enim aspicitur, invitat: dupliciterque pellicit ad facinoris audaciam; Impunitate nempe sceleris, & Illecebra turpis exempli. Quod utinam, utinam, in expeditionibus nostris Argonauticis experti non essemus! ut Iasonibus nostris, singulis singula tantum Hypsipylas & Medææ objectare possemus; ac non potius integros stupris infectos exercitus, totaque castra lue Veneris inquinata? Loquatur opprobria militiæ nostræ, *Caximalca*: lo-

quatur *Cuscus*, urbs regia: *castraque Regis Atabaliba*. Prælio, quod ad *Caximalcam*, inter nostros, & Peruvii monarcham, commissum est: adversus infinitam barbarorum manum, tam feliciter Mars noster pugnavit; ut, innumeris cæsis profligatisque Peruanis, & Atabaliba rege capto: tamen Hispanorum nec unus quidem caderet. Cum ergo tanto Numinis favori gratiam deberent; offensam, & ingratissimam mentem, reposuerunt. Non enim contentus miles noster, exuisse castris Atabalibam, &, præter spolia, grande sæminarum agmen in potestatem redegissem; viciniam quoque mox omnem, & Caximalcæ municipia, tanquam venatores, excutere cœperunt; ad plures similis aprugnæ deprehendendas feras. Iratoque Numine factum est; ut in nemorale quoddam stagnum inciderent, vivis aquis pellucidum; & impendentium arborum umbris amœnum. In eo, velut Nymphæo, sedebat per otium & lulum, matronarum virginumque vis ingens; lavacro corporum, more gentis, intenta; stragisque pridiana penitus, neque metuens, neque gnara. Nostrorum tantus fuit intemperantiæ furor, ut in eas continuo, nec sine nobiliorum formarum delectu, facerent impetum: &, omni Christiani pudoris velo posito, miseras omni libidinis genere divexarent. Satis constat, in hanc turpissimæ patientiæ servitutem, ad quinque millia redactas: nec, nisi quas insignis aliqua deformitas delicatis victoribus excusasset, intactas evasisse. Quæ (malum!) ista licentiæ rabies? quæ cæci copidinis importunitas? DEUM nec meminisse per dona beneficium; neque metueret pro nequiter factis ultorem? Cujus tamen solius est, & in altum, tollere victricem aquilam: & eandem, incisus alis, dejicere. Quare, post istam labem, versa bellorum alea, felicitas vultum mutavit: & ab nostri signis ad inimica castra transivit. Statim cum Quisquizio duce, cumque Peruvio prope toto, labor,

pugnæ, malefida victoria. Deinde Mangi regis inopina defectio: capta, cremataque Cæsus: cæsum cum Ioanne Pizarro præsidium: & mox ipse Mangus, cum plulquam centum millibus armatorum, superveniens, gravis & insolens victor. Nec usquam Hispanæ vires barbaro furori pares, in prælia, quasi tempestate, ruentibus Peruanis, & obvia quæque strage, sanguine, vastatione, flammæque miscentibus. Nemo vel tam vetustis victoriis clarus, vel tam minax & irritatus recentibus claudibus, sistere potuit Hispanicam ruinam. Non Didacus Pizarrus, quem Mangus cum suis omnibus occisione delevit. Non Morgovius; quem, maioribus instructum copiis, pari successu Barbari mactarunt. Non Gonsalvus Tapia, cum octoginta turmis oppositus: quem, cum viris equisque concisum, vix viderunt, & pepulerunt. Non Gaita denique, famosus, & bonus transmarino bello, dux. Non Franciscus Godejus, nec Petrus Lerma; quinquaginta, fortissimorum equitum, stipatus alis. Eratque prorsus in arctum compactare rerum nostrarum summa: nec poterat Christianus hic Israel ante suos stare deinceps hostes: quia Pollutus, non anathemate facti Ierichuntini, palliique coccinei rapina; sed discincti pudoris soluta zona, muliebriisque consuetudinis forde; cum priscis illis Benjaminitis. Ad extremum [quancquam admodum serò, desperanteque jam Francisco Pizarro] virtute restituti sunt, ALVARADI: tanquam novi cuiusdam, ac Deo gratioris, Iosua. [t]

Talia, PETRE, fœdissimarum sunt præmia VOLUPTATUM, funesta semper & exitialia; nec id in privatis modo, sed multo magis in publicis, extra lectum justum, digressibus. *Mors scilicet & Excidia*: singulorum pariter & universorum. Ut proinde, *Vespillo* quidam gentis humana communis, æstimari Cupido possit: nec sine causa prudens antiquitas,



tiquitas, unam eandemque [sub distincto nomine] Deam statuerit, Venerem ac Libitinam. Quare tecum ista sapius, & cum cura, retracta; BREVE tempus esse; Breviora gaudia; Longissimum tormentorum avum. Neque tibi dixeris; *Ad me quid ista?* Non ego quaro vetita corporum oblectamenta. Patet honesti thoris fructibus, Connubii janua. Vellem quidem [anime mi] vellem, intemeratam esset apud omnes nuptiarum fœdas! Utinam, hujus Scyllæ communissimæ naufragia fugientibus, hic saltem portus semper tutus & obseptus esset. sed, o, quàm multi sunt; in quibus lecti fides labet, & lex Iulia dormiat? Quàm est autem proclive, turbam in malo sequi? quodque Multi faciunt, etiam Unum non horrere? Ne cæteras matrimoniorum nauseas in medium proferam, ipsa nausea facit, & quotidianus fastidiorum aspectus. Ut ob hoc ipsum proinde, censeam Optimum; Nunquam mulierem vidisse: proximum, Non tetigisse, Divinum autem, Ne tangere quidem unquam posse, voto constringente. NAM, Quoad in sui Libertate vagatur animus, tantisper in diversa facile fluctuat, tanquam in medio salo navigium, anchora nulla revinctum. Et, quanquam fortasse non semper evertitur, perpetuo tamen impugnatur: interdumque, quo minime suspicabatur, impingitur. DUM enim gaudia sibi nonnulla, velut innoxii gustus, sumit; paullatim etiam noxia delibare, quasi per transfennam & carptim, incipit. Decerptis autem semel iterumque profanis deliciis, mens in totum effunditur: & à permissis ad impermissas cupiditates paullo momento transsilii, exiguu licitorum, illicitorumque confinio. Quare Totum, & ad solidum, amputari præstat suimet Arbitrium, quàm, tot inter illecebras, semper cum periculo pendere. Sive tamen inimico Deo, sive placato, Mundi gaudiis usus es: MEMENTO, Petre, memento, denique te MORITURUM. Nam quicumque te, vel honoribus conspicui, vel opibus affluentes, vel deli-

licii innatantes, antecessere; tandem, oppressi lege mortalitatis, esse desierunt. Hi clamant nunc omnes è baptis suis; NOS *precessimus: vos Posterius subsequemini, citius, serius; aliquando tamen certissime.* Quoniam IN TEMPORE *nihil esse potest ÆTERNUM.* Iuvenis floridus, in Pythagoræ nunc littora stas: & adhuc in bivio versaris, bene malæque consultorum, mortis ac vitæ; Salutis, & Interitus, Cœli juxta, formidandique Tartari. Quocunque visum fuerit; gradum intendes, & manum admovebis. Si verum est igitur, OPTIMUM *esse sua quemque fortuna FABRUM:* si, quod semel prudenter elegeris, habiturus es semper: quin tu vitæ conditionem eam aggredieris, atque cedis; quæ te, per varios quidam casus, sed tutissima tamen munitissimaque triremi, quadriremive [puta, *Religionis Poterum*] deducat in portum: & exponat in cœli Fortunatissimas ac mansuras Insulas?

VI. TALIA mecum, & his similia complura, disputabam; turbidis ac rorantibus oculis. Et, quoniam maris & procellarum continuum intuitum, jam dudum [ut RERUM OMNIUM] subsecuta SATIETAS erat, ex navalibus ad LIMAE mœnia redibam: interque regressus tristitiam, hilaritate mixtam, etiam ista mecum, tacita philosophia, differebam: &, In NICARAGUAE [dicebam] regno, quod Auriferam Castellam inter, & Novam Hispaniam extenditur, Rupem comperimus editissimam, MASAIAM nomine; Vesuvii Campani ritu, flammæ immani eum fragore vomentem. Os illius, ad bis & amplius mille passuum, semper hians ac diductum, innubilam, ac proinde aræ conspicuam volvit pyram: non sine sparsis circumquaque fulgetris. At in profundi depressissimo barathro, stagnum ballit, Auro liquato simillimum: incendii tantis ardoribus, ut ingentia cum catenis ferreis athena, si quando demittantur; pun-

oto temporis hauriat, inque rivum vertat. Flamm-  
marum quoque (quamvis è longinquo) vis ac ra-  
pacitas, exurit omne rupis illius in summo solom,  
& germen. Non illic herba, non gramen, non  
aliquid veris æstatisve viret, aut autumnus prægnat.  
Et tamen circum oram & margines ejusdem Alp-  
is, in tanta ferventis ignis propinquitate, frequens  
& impune PASSERUM nidulatur simplicitas,  
(u)

Hic Vesuvius, hæc Ætna transmarina (mi PE-  
TRE) quadam est imago, si capis, Inferorum ac Ge-  
hennæ. Quid enim in illo, semper ardente, semper  
arsuro stagno, quod sulphure fluet ac pice: quid, in-  
quam, Aurum, quid Opes, & Voluptates omnes,  
erunt aliud: quàm pyra, quàm fornax, quàm in-  
cendium, nunquam extinguendum; si cum his sarcini-  
is eo mortuus descenderimus? Quin igitur, eis ma-  
ture relictis, calamitatem ultimam antevertimus?  
& IN GEHENNAM VIVI, SPIRANTESQUE,  
quotidianis intuitibus, nos demittimus? immo, quip-  
peni cum PASSERCULIS, ad Inferorum crepidines  
habitamus? & è vicino cogitationum, rem omnium  
formidandorum teterrimam, assiduo mentis contempla-  
tu speculamur, audimus, olfacimus? ne tandem illa-  
bamur? Id fiet, in aliquo Religiosæ Domûs angulo  
latibuloque; tanquam Nidulo. Cum hisce tam salu-  
bribus curis, & utili formidine, quantulum vitæ su-  
pereff, exacto; Spiritus, corpore solutus salutis suæ mul-  
tum securus & gestiens, evolabit: ac, cælo receptus, pro-  
rumpet in regium illud epinicion, ANIMA NOSTRA,  
SICUT PASSER, EST EREPTA, DE LAQUEO  
VENANTIUM!

VII. CUM his vocibus, & mentis fixæ decretis,  
in hospitium primo redeo; cœnaque modica capta,  
curis indormio. Deinde postero, sequentibusque  
diebus aliquot, eadem cogitationum in curamque  
partem versata pugna: tandem mane quodam in  
lacrum introgredior Effæorum domicilium; quod illi

Græca voce *Syllogen* nominant. Ibi cætus præfidentem accedo, virum eximium; & *Essaarchi* munere planè dignum. Huic mentem omnem, desideriique summam denndo. qui, maturæ deliberationis auditis ac pensatis rationibus; non *Animum duntaxat, sed totum VICTORIAM*, approbavit. Ac principio quidem inter *Essaorum* candidatos; dein: *exactis Bienni consuetis experimentis*, inter *IESU milites veteranos* adlégit. Illic ego demum, post tot *Marium*, *Insularum*, ac *Regionum* lustrata miracula, post quattuor *Orbis Partes*, *Europam*, *Africam*, *Asiam*, *Americam*, oculis subiectas: *Videre sum orsus & introspicere*, quod inter profana negotia difficillimum fuit; id est, *MEIPSUM*. Ibi, per arma, per enses, pèrque navales pugnas, & omnis generis *Argonauticam*, diu quæsitum: non in balteo, nec in sagopaludamentove; nec in velis atque carbasis; sed in *Toga lænea VELLUS* illud *AUREUM*, inveni, Cælestisque planè *Militiæ* torquem: Consecutus, divino munere, compendium lucrumque, quod ex *ORBE NOVO* reportari summum poterat; exuto scilicet *VETERE* Petro, *NOVUM* & emendatiorera *VICTORIAM*.

AUCTORUM,  
Qui in Libris Argonauticis, per al-  
phabeti litteras indican-  
tur,

L O C A:

---

LIBRI I.

Auctores.

- a. I. Hondius, in descriptione Andalusia.
- b Carol. Steph. V. Canaria.
- c Ioan. Metellus Iuris Consultus, in Epistola, ad Augustinum, Episcopum Ilerdensem, de mirabilibus Indicis.
- d Idem Metellus. Et, Petrus Bertius in Geograph. tabulis.
- e Brunnerus Annalium Boicor. Part. I. l. 4. & Paul. Diac. l. 4.
- f Quentelius Coloniensis, de Novo Orbe, impressus Colonia, in fol. anno 1598. Libro 1. cap. 16. & 19.
- g Idem Quentelius Libro 1.
- h Idem Libro 3. Ad tabulam Americanam 14.
- i Quentelius, ad Tabulam insula Margarita, & Cubagua.
- k Idem, ad tabulam 14. Libro 3. descriptionum Americanarum.

LIBRI II.

Auctores

- a Arnoldus Agrippinas, Americanarum descriptio-  
num, Germanice editarum, Libro 3. Tabula 13.
- b Idem, Libro 3. Tabul. 13. Et Ioannis de La-  
16p.



- Late, in descriptione Hispania pag. 221.*  
 e *Agrippinas Libro 2. cap 6. & antecum Iosephus A Costa. l. 2.*  
 d *Quentelius Colonienf. Libro 3. Tabul. 13. Americana Thalassographia.*  
 e *Idem, Libro 3. Tabula II. annotationibus.*  
 f *Metellus Sequanus, epistola de mirabb. Indiciis.*  
 g *Iodoc. Hondius, in Geograph. Hispaniolæ.*  
 h *Agrippinas, Libro 3. Ad tabulam 20. princip.*

## L I B R I I I I.

## Auctores.

- a *Abbreviator Hagonis Linschottani, germanicè editus per Theodoricum de Bry. Libro 1. cap. 21. & Ioseph à Costa, de Novo Orbe.*  
 b *Quentelius Colonienf. Libro 3. in Tabulam Quivira.*  
 c *Acosta de Novo Orbe. & ex eo Hugo Linsch. Libro 1. de natura Novi Orbis. Ioannes de Lase pag 435. Quentelius Colonienf. Libro 3. in tabulam 20.*  
 d *Abbreviator Linschotti, de natura America l. 1.*  
 e *Arnold Agrippinas Libro 3. Geographia Ameriana, tabula ult.*  
 f *Iod. Hondius, in tabulam Moluccarum.*

## L I B R I V.

## Auctores.

- a *Hieronymus Benzo, Mediolanensis. Item Theodoricus de Bry. Libro 4. de Orbe novo.*

## L I B R I V I I I.

- a *Felix Fabri, in Itinerario suo Arabico, ad montem Sinai, & Sepulcrum Divæ Catharinæ.*

## L I B R I

# AUCTORES.

199

## LIBRI IX.

- a Theodoricus de Bry, Parte 8. Occidentalis India. Incidit autem mors Draci in annum 1596. diem 28. Ianuarii.

## LIBRI X.

- a Quentelius Colonienf. in Geographia Americana, Libro 3. Tabula 11.

## LIBRI XII.

### Auctores.

- a Commentator, in Libros de Novo Orbe, Hieronymi Benzonis Mediolanensis, Libro 4 cap. 24.  
 b Ioannes Paullus Augspurgerus, Itinerario primo, Germanicè edito; de profectiione suà è Batavis in Brasiliam.  
 c Abbreviator Hugonis Linschottani, apud Theodoricum de Bry. & Agrippinas Libro 1. de natura Novi Orbis pag. 44.  
 d Philippus Cluverius Libro 6. Introduct. cap. 10. de Peruvio. Theodoric. de Bry Tabula 3. Americanarum imaginum.  
 e Theodoricus de Bry, Libro de Peruvio.  
 f Hugo Linschottanus, apud Theodor. Bry; Libro 1. pag. 17. ex Ioseph à Costa.  
 g Arnoldus Agrippinas, Libro 3 Geographia Americana, in Tabulam de Potosio.  
 h Theodoricus de Bry, Tabula 3 de Potosio.  
 i Abbreviator Linschotti Germanicus: de natura Novi Orbis, Libro 1 pag. 18.  
 k Idem; Libro eodem, pag. 29.  
 l Quentelius Colonienfis: Libro 3. Geographia Americana, in Tabulam 4.  
 m Ioseph. à Costa de Novo Orbe: & Abbreviator Hug. Linschotti, Libro 1. de natura Novi Orbis, cap. 19.  
 n Agrippinas, Tabula 10. Geographia Americana.

o Quem

- o *Quentelius Colonienſis*, in *deſcriptione Nova Hiſpania*. Licet his contraria ſcribat *Philippus Cluverius*, Libro 1. *Introduct. Geograph. Capite de 4 Circulis minoribus, & de Zonis*. Sed ab alii conſenſu reſutatur.
- p *Idem Quentelius*, Libro 3. *Geogr. Americana*, Tabula 9.
- q *Idem ibidem*, med. & ante fin.
- r *Metellus Sequanus*, *epiſt. ad Ilerdenſem Epiſcopum*.

## LIBRI XIV.

## Auctores.

- a *Arnoldus Agrippinas*, in *Tabulam 18* Libro 3. *Geograph. Americana*.
- b *Idem in Tabulam 18. à medio*, Libro 3.
- c *De Suriſ abſectis*, *Ioan. Metellus*, ad *Auguſtin. Ilerd. De terra motibus vero*, *Quentelius Tabula Americana Geograph. 18. Libro 3.*
- d *Ioannes Sequanus in epiſt. de mirabb. Indicis.*
- e *Agrippinas Tabula 19. deſcriptionum Americ.*
- f *Vide Tabulam America Meridionalis Iod. Hondii.*
- g *Agrippinas in deſcriptione Peruvii*, Libro 3. *Americ. Geograph.*
- h *Ioannes Sequanus*, *epiſt. ad Auguſtin. Ilerdenſem.*
- i *Ioannes Lervius*, *Burgundus*, in *navigacione ſua Americana*, *Capite XI.*
- k *Quentelius Colonienſ.* in *Tabul. 15. deſcriptionum Americanarum.*
- l *Hieronymus Benzo*, *Mediolanenſis*, Libro 3. *de Novo Orbe*, *cap. 20.*
- m *Abbreviator Hugonis Linſchottani*, *de natura Novi Orbis*, libro 1. *pag. 17. & 33.*
- n *Alius Spartianus*, in *vita Antonini Caracalli.*
- o *Hugo Linſchottanus* : & *interpreſ illius Germani-*

## AUCTORES.

- manicus, Ioann. Humbergerus Wetteravius. libro 6.  
de morali historia India Occidentalis. cap. 19.  
Item, Hieronym. Benzo. l. 3. de Novo Orbe. ca-  
pite 20.  
p Ioannes Metellus in epistola ad Augustin. Her-  
densem. cit.  
q Hugo Linschottanus Libro 6. de morali Historia  
Indiae Occident. cap. 22.  
r Hieronym. Benzo Mediolan. Libro 3. de Novo Or-  
be, c. 5.  
s Idem Benzo ibidem, cap. eod.  
t Hugo Linschottanus Libro 6. moralis Historia de  
Ind. Occid. cap. 23.  
u Idem Libro eodem, cap. 23. & R. P. Iacobus  
Vasquezius S. I. in epistola, data ex urbe Iulen-  
si, anno 1601.

## LIBRI XV.

## Auctores.

- a Thomas Harlottus, Britannus, in descriptione  
Virginiae, tabula 42.  
b Ioann: Sequannus. epist. ad Herdensem, de mi-  
rabilib. Indicis, & Benzo Libro 4. c. 12.  
c Theodoricus de Bry, Commentario in librum 4. Hier-  
onymi Benzonis, Tabula 20.  
d Hieronymus Benzo, Libro 4. de Novo Orbe, capi-  
te 25.  
e Annotator in opera Hieron Benzon. in Librum 4.  
cap. 12.  
f Quentelius, Descriptionum Geographicarum A-  
merica, Libro 3. in fine.  
g Oséas Halenius, Libro de expeditionibus tribus  
maritimis.  
h Arnold. Agrippinas Geograph. Americana Li-  
bro 3, in Tabulam, 4. 7. 18. & 20.  
i Idem, ibidem, in Tabulam 20.  
k Ioannes Benzo, Parte 2. Americanarum re-  
rum.

l Idem.

- l Idem Ioannes Benzo, *ibid.* tabula 19.
- m Commentator Ioannes Benzonis, in *Partis 2. Librum 3. cap. 5.*
- n Hieronymus Benzo, *Libro 4. cap. 22. vel in eum potius, Glossa illius, seu Commentator.*
- o Ioannes Benzo *Partie 2. l. 3. cap. 7. rerum Americanarum.*
- p Idem *ibidem.*
- q Hieronym. Benzo, *de Novo Orbe Libro 4. cap. 19.*
- r Idem *Libro 3. cap. 8. Tabula 15. apud Theodoricum à Bry.*
- s Commentator in *Libros 4 Hieronymi Benzonis. cap. 27. ubi memoratur, annis 14. moratus in America.*
- t Theodoricus de Bry, *Leodiensis, Tabula 8. America, in Librum 3. Hieronymi Benzonis, & ipse Benzo Libro 3. de Novo Orbe, capite 6.*
- u Ioannes Metellus Sequanus, *epist. ad Augustinum Alderens. de mirabilib. Indiciis.*



R. P. PHILIPPI ALEGAM-  
be Bruxellensis, è Societate  
JESU,

*In BIBLIOTHECA Scriptorum ejusdem  
Societatis,*

TESTIMONIUM,  
*De Commentariolo PETRI de  
VICTORIA.*

PETRUS Goveus de VICTORIA, na-  
tione, ut equidem existimo, Hispanus: qui, cum é naufragio, quod in Peruano mari fecit, evasisset incolumis; circa Annum Salutis M. D C. X. Societati se nostræ addixit. Scripsit, linguâ Hispanicâ, Navigationem & naufragium suum, in littore Peruano, &c.

Facul-

Facultas R. P.

PROVINCIALIS.

**L**ibros XV. ARGONAUTICÔN *America-*  
*norum, sive, Historiam Periculorum PE-*  
*TRI de VICTORIA, ab JOANNE BISSE-*  
*LIO, Societatis Jesu Sacerdote conscrip-*  
*tam, & à designatis censoribus perlectam*  
*approbatamque; Ego LAURENTIUS KEPP-*  
*LER, ejusdem Societatis per Superiorem*  
*Germaniam Præpositus Provincialis, jux-*  
*ta factam mihi potestatem ab Admodum*  
*R. P. N. Generali, VINCENTIO CAR-*  
*RAFA, luci publicæ typisque permitti con-*  
*cedo. Concessionis vero hujus fidem mea*  
*manu, consuetoque muneris mei Sigillo,*  
*facio. Eberspergæ Bojorum, 22. die Mar-*  
*tii, Anno Christi M. DC. XLVII.*

LAURENTIUS  
KEPPLER.

SÆculi nostri, quotidie delicatiori cupidine *prag-*  
*nantis*, pica iam vulgaris est, ut Operis cujuscun-  
 que *Syllabum* appetat, & Elenchum: nec ullos fa-  
 cile *Partus* ingeniorum, se publico committat,  
 quin continuo clametur, UBI nomenclator, &  
 INDEX est? Non reperto, cum nausea, Liber  
 vadere foras jubetur. Id adeo non vitio magis,  
 quam jure suo, facere sibi vulgus videtur: & per  
 me, fane faciat! Sed ceræ, servandum saltem  
 Brevitatis temperamentum, sciat. Nam Operi qui-  
 dem exiguo, magnam Indaginem apponere; quid  
 est id aliud, quam pumilo nares, ac (quæ vo-  
 cant) PERSPICILIA dare, TOTI corpori paria?  
 Vel Statuis compitalibus, itinera monstrantibus, tam  
 longum, quam ipsa via sit, digitum induere? vel,  
 per tenebras dirigendæ Naviculæ, non Lampada fa-  
 cémve, sed totam Pharon & littus, accendere.  
 Denique, clariùs ut dicam, NON INDICEM IN  
 LIBRO, SED LIBRUM IN INDICE téxere? Qua-  
 re, salvum quidem esto suum cuique judicium?  
 Equidem Argonauticis meis faculam addam cur-  
 tissimam, quadrigemina Synopsi digestam: ad quam,  
 qui volent, aspiciant intuitu brevi, MEMORABI-  
 LIORA, NARRATIONES, DESCRIPTIONES,  
 ORATIONES. His, si libet, acquiescant, ac fruan-  
 tur. Quod si quis, super hæc, nihilominus adhuc Co-  
 piofissimum, & OMNIA complexum, Catalogum  
 efflagitaverit, & in hoc Solo tali Syllabo totus fuerit:  
 is aut petaciorena se, quam studiosiorum, aut her-  
 clè præposterum, ostendet, ut, qui Libri mei le-  
 ctionem à PEDIBUS ordiri, quam à CAPITE,  
 malit.

ARGONAUTICON  
AMERICANORUM  
INDEX.  
MEMRABILIORA.

---

A.

**A**DULTERI milites, à Barbaris oppressi, pag. 390.

Alfingeri, fratres Augustani, in America occisi. 381.

Alpium Peruvii altitudo immensa. 361.

Amazones in America, novæ, 42.

Anglicanæ naves, Hispanam insequuntur, 150. 151.

Anglorum Piratarum audacia, 152, 153.

Aranei grandissimi, 360.

Arbor rosida in Insula Terra, 12.

Arborum in ramis habitantes, ac bellantes. 355.

Arundines Americanæ, Vexuri dictæ, 90. & alibi sæpe.

Arundines Americanæ, alterius generis, ad pocula aptæ. 302.

Atabalibæ, Regis Pernani, in fratrem rebellio. 369.

Ejus incestus & sævitia. 370. Clades & captivitas. 371. Lytrum, pro eo comportatum. ibid. Accusatio de proditione, occasione Concubinæ, 372.

Mors indigna. ibid.

Augusti Cæsaris in nummo effigies, 53.

Avicula minima, pulcherriorum colorum. 360.

Avicula minima coloris candidi, & canora, 360.

Aurea ædificia. 368.

Auro necati. 380. 381.

B. BAL-

# INDEX.

## B.

- BALBOAS, unus è Victoriæ Sociis, 115. & seq.  
Ejus mors & interitus, 116 117. Eiusdem mali  
mores, 117. 118.  
Bezuars lapis unde? & quomodo inventus ab His-  
panis, 362.  
Bufonum pluvix; & ex his dapes, 360.

## C.

- CASTELLUM Aureum, 57. 58.  
Cedrinæ trabes ingentes, 343  
Cervical dormientis faneſtum, 195  
Chriſtianus fit, nepos Regum Peruanorum, 374.  
Panchiacus, Regulus, 56.  
Cibus, è Cancris crudis, 110. 211. E Cancris &  
limacibus crudis, 144. E serpentibus grandibus,  
347. 360. E colubro grandi (ſuper quo contentio)  
274. uſque ad 279.  
Clypeus ſuper caſulam nemoralem, 90  
Columborum fratrum indigna Captivitas, & peri-  
culum, 385 & 386  
Concubina, Regi Peruano fit occaſio mortis, 372.  
Cornu caprinum, pro vomere, 11  
Crocodili comeſtiles, 343  
Crocodili pelle, conſecta caſula, 90. 91

## D.

- DEVORANTES ſua membra, 354  
Didaci Niqueſte, & militum ejus, interitus luſtuofus,  
387. & 388.

## E.

- EXERCITUS libidinoſi, deterriſſimus ſucceſſus, 390  
391. 392.

## F.

- FERTILITAS miranda tritici & ſiliginis, 52. 53.  
fertilitas jactæ cujuſcunque ſementis, mira, 357.  
ſeminarum ingens multitudo, in lavacro capta, &  
oppreſſa, 390. 391.  
ſtrigicæ prægrandes, 239. 240.  
ſtrigus aſſerrimus & paradoxum, 352. Milites con-  
gelat, 352. 353. 354.

Fru-



I N D E X.

**Fructus arborum**, instar clypei: & eorum cortices, sicut quomodo pepulerint? 214. 215.

G.

**GIGANTUM** Patens. 340. Eorundem libidinis poena. 341.

**Granum Auri**, pretii maximi, naufragio mersum. 381  
**Gryphes**, ubi? 388.

**Guanacaxæ**, Regis Peruani. potentia, magnificentia, opes, & aurea ædificia, 368. 369. Ejusdem funus superstitiosum, & sepultura aurea, 369.

**Gualcaris**, Peruani Regis, clades, captivitas, mors 370.

H.

**HISPANIOLÆ** fertilitas mira. 52.

I.

**INCESTUS** in matrimonia versus. 366. 367.

**Ingaram**, Regum Peruvii, origo, & tyrannis, ac mores scædi, à pag. 365-368.

M.

**MEXICVM**, urbs omnium maxima. 343. Quot domum? & quot olim urbibus incincta? 343. à Tlascalanis Civibus æmulis, atque ab Hispanis, expugnata evertaque. 344. 345.

**Mexicani** victi, thesauros demergunt. 350.

**Monoceros** animal. 69.

**Mortes** varæ variorum, Alfingerorum fratrum. 382.

**Alphonfi Hoiedi**. 388. **Consalvi Pizarri** cædes ignominiosa. 386. **Didaci Niquefæ** Prætoris. 386.

387. **Francisci Bombadillæ**. 380. **Francisci Dra-**

**ci Angli**, 251. **Francisci Pizarri**. 389. **Joannis Ribandi**, Galli, 385. &c.

N.

**NAUFRAGIVM** Bombadillæ & Sociorum, cum omnibus opibus. 380. 381.

**Naviam** Europæarum conspectus primus, consternat Americanos. 67.

O.

**OPES** regni Peruani, & Americæ meridionalis, quis primus Hispanis retexerit? 57.

Ora

# INDEX.

Ova & pulli sub sarmento, subsidium famis. 173.

Oves Indicæ. 334.

## P.

PANCHIACI, Reguli Americani, in reprehendendis avaris libertas. 56. 57.

Paradisus Mahometis. 339. Paradisus Vallis. 52.

Passerum copia. 172. 173.

Passeres, ad Ignis viciniam degentes, 395.

Patellæ Malaccaicæ, margaritis permutatæ. 20.

Philippellus, neophytus libidinosus & perfidus sui Regis delator. 372.

Philippinæ Insulæ. 71. Earum Inventores. 71. 72.

Earundem opulentia & margaritæ. 72.

Plomarii operis, apud Peruanos, sollertia, ac præstantia. 361.

Proceritas Quiquensium, seu Chicensium : & eorum celeritas, vox, &c. 356.

Proceritas Patagónum populorum. 357.

Proditorum præmia, 137. de meretrice, & de puer. 362.

Pulices magni, numerosi, importunissimi, 236. 237.

Puteus Gigantium. 340.

## R.

RADICES arborum, cibis ac potus fiunt. 201.

Raptus Alienæ conjugis, causa mortis. 388.

Regia Tatarraxi, regis Quiviræ, ejusque opes & gloria. 68.

Rupes, Massaja nomine, flammavoma. 341. & 394.

Ejusque comparatio nonnulla cum Inferno. 395.

Rupes & scopuli ferrati : eorumque transfiliendorum necessitas, ac grande periculum. 185.

## S.

SACCHARI Cannæ in Hispaniola Insula, ponderosiores. 52.

Scalæ, labor, multitudo, &c. effodiendum metallum in monte Potosino. 326. 327.

Scopæ dactylinæ. 391.

Scotorum piratarum fortitudo. 39.

## S

Sepul-

# INDEX

- Sepulcrum, & sandapila, aurea. 369.  
 Serpentes grandes, Guabiniquinci, qui devorant  
 quadrupedes. 276.  
 Serrati scopuli plurimi. V. Rupes & scopuli.  
 Siliquæ venenosæ, & viatoribus Hispanis mortiferæ,  
 126. 127. 128. 129.  
 Smaragdifodinæ 345.  
 Socii Petri & Victoria, variè extincti. 212.  
 Socii Victoriæ Novem, ab reliquis divulsi. 212. Quo  
 exitu? 305. usque ad 308.  
 Spinæ Americanæ. 285. Vulnere per eas atrocia. ibid.  
 & pag. 203. 204. Magnitudo earum. 208. Medi-  
 camen vulneris illius geminum. 208. 209.  
 Stagnum in summo monte, admirandum. 53. 54.  
 T.  
 TEMPLUM Deiparæ, ab Argonautis erectum & de-  
 dicatum. 225.  
 Terræ motus horribiles. 354.  
 Thesaurorum Mexici Sepultura. 350.  
 V.  
 VALLIS, & in ea lacus Cajona, formidabilis &  
 mirandus. 54.  
 Vallis lapidum rotundissimorum. 347.  
 Venetovels, seu Valentiola, munitio in rupe excelsa,  
 43. 44.  
 Vexuri, genus arundinum. 90. & sæpe alibi V. A-  
 rund.  
 Via prorsus invia, facta pervia. 324. 325.  
 Viæ Duæ stratæ, urbis Cusci, admirandæ. 364. 365.  
 VICTORIA solvit ex Hispania in Americam. 6.  
 Inteteste pugne Navali contra Scotos. 38. Delabi-  
 tur è scopulis ferratis, in voraginem aquosam &  
 profundam. 160. In periculoso flumine servatur  
 a Deo, patrocinio Deiparæ. 223. 224. Volucris  
 rabo resolutis vascitur. 274. 275. Colubrum  
 grandem opprimit; & cum Sociis partitur, ac de-  
 vorat. 274. 279. Sepulcrum sibi conchylio effo-  
 dit. 283. 284. Et effossum subit. 285. Religio-  
 nem ingreditur. 395. Vicun-

# INDEX.

Vicunna, seu Guanaci quadrupedes sylvestres: ex quibus lapis, seu Gemma Bezuaria. 362.

Vulture: maximi, boophagi. 369.

W.

WELSERORUM hypotheca in America: ejusque Procuratores. 43. 44. & 382.

## NARRATIONES.

De ALMAGRO Didaco in Chiliam penetrante: ejusque militia frigore deleta. 353. De ejus morte. 388. De Americæ primo ac genuino Inventore. 330. Americo Vespatio. 331.

De Apio Americano interfecto, & consumpto. 147. 148. 149. 150.

De Apostata Mauro-Hispano, Regulo, 303. usque 310. De ejusdem Filio, ejusque comitibus, prædonibus nefariis: & Hispanorum spoliatione, 295. usque ad 304.

De Aquatoribus Tribus, interceptis & mactatis per Anthropophagos. 270. 271.

De Aria forti & industrio; Crudeli tamen, in necce generi sui. 318. & 319.

De Atabaliba, Rege Peruano: ejusque genere, vita, moribus, captivitate, interitu. à pag. 369. usque ad pag. 372. BREVES Narrationes complures à pag. 380. usque ad Cap. 6. libri 15.

De CHRISTOPHORO Columbo, repertaque Insula Cubagua, margaritifera, a p. 19 usque ad p. 24.

De eodem Columbo. 330. 331.

De Companerosæ, Juvenis optimi, moribus, vita, morbo supremo, excessu, & sepultura, à pag. 177. usque ad pag. 198.

De FERRA, seu Ferrea Insula, una ex Fortunatis: ejusque Roscida Arbore. De Insulæ Proditione, Hispanis facta. 12. 13.

De Flumine difficillimo, superato ope Beatissimæ Virginis: post amissos digressu nemorali socios, à pag. 216. usque ad 224.

# I M D E X.

- De **INGIS**, Peruvii Monarchis, à pag. 366. usque ad fin. lib. 14.  
 De **MANGO**, Rege Peruvii, ejusque victoriis, & clade. 372. 373.  
 De Militum libidine, & ejus peccati pœnis. 390. 391. 392.  
 De **NAVIUM**, in vasto mari dirigendarum, variis modis, 14. 15.  
 De **PANAMÆ** urbis origine, & primo ejus conditore, Vasco Nunnio Valboa, 54. 55. 56. 57. ubi simul,  
 De Panchiaco, Regulo Americano. Ibid.  
 De Piscatoribus Quattuor Americanis, captis, & libertati restitutis, à pag. 251. usque ad 258.  
 De Pomis venenatis, in nemore repertis, & incautè, cum damno, devoratis. 91.  
 De Pugna inter Piratas Anglos, & navim Hispanorum Panamæam. 260. 261.  
 De Peruvii motibus, & duobus fratribus, de Monarchiæ possessione dimicantibus. 369.  
 De Pugna navali, inter Scotos & Hispanos; deque incitamentis, & præparatione ad eam, à pag. 25. usque ad 41.

## DESCRIPTIONES.

- AMERICÆ** generatim. 327. usque ad 335.  
 Americæ Meridionalis 349. per totum lib. 14.  
 Americæ Septentrionalis. 337. per totum lib. 13.  
 Arborum, in modum tabernaculorum. pag. 179.  
**CANIBALUM**, gentis ferocissimæ. 41.  
 Confessus & colloqui ad amœnum rivum. 146. 147.  
**DESCENSUS** difficillimi, proni & spinosi. 202. 203.  
**ELUVIONIS** seu Inundationis. 240. 262.  
**FICTI** Pontificis. 300. 301.  
 Fluminis Bætis, & situs ei adjacentis. 6.  
 Fluminis, distincti glebis herbidis, & periculosi. 124. 125. 126. &c.

Flumi-



# INDEX.

- Fluminis, cognomento Grandis, seu Amazonici,  
ejusque ostii ingentis. 44.  
Fluminis vasti & periculosissimi. 211. 212.  
Fluminis, prætexti vastissimis scopulis & virgultis  
prævestiti. 228. 229. 230.  
Fluminis, cujustipæ, & ora amœnissima: cum ne-  
more & fructibus peregrinis. 214. 215.  
Fontis limpidi. 96.  
Fontis fœdi & limosi. 268. 269.  
INSOMNIAE pertinacis. 195. 196. 197.  
INSULARUM sequentium,  
Cubæ. 446. 447.  
Cubaguæ. 17. 18.  
Ferræ. 11.  
Fortunatarum. 10. 11.  
Hispaniolæ. 52. 53. 54.  
Jamaicæ. 52. 447. 448.  
Margaritarum Inf. 17. 18.  
Itineris, per altissimas Alpes. 175. 176.  
Per arbutum Spinosum. 265. 266.  
Per Alpes & valles. 145. 146.  
Itineris amœni. 100. 101.  
Itineris difficilis, 94. 95. & pag. 103. 104.  
Itineris difficillimi, per arenas, coticulis instratas, &  
supra rupium vertices, saltu superandos. 157. 158.  
159.  
LACUM duorum. 382.  
Lætiæ intolitæ famelicorum, repertis alimentis: &  
eorum voracitatis. 173. 174.  
MARIS Atlantici, speciei & intuitus. 9.  
Mexici (maximè Veteris) 342. 343.  
Mexici Novi 345. 346.  
Miseri, & malis undique circumfessi hominis. 204.  
Montis Potossii, & fodinarum ejus. 328. & seqq.  
NAVIS inutilis & ineptæ. 66.  
PRÆPARATIONIS ad pugnam. 26. 27.  
Pugnæ cum apro. 149. 150.

# INDEX.

Pognæ navalis inter Scotos & Hispanos, à pag. 34.  
usque ad pag. 41.

REGIONUM diversarum, ut

Chicæ Regionis, seu Quinquæ. 354. 355.

Chilæ. 354.

Darienæ. 352. 353.

Hispaniæ Novæ. 341. 342.

Peruvii, generatim. 356. 357.

Peruvii Montani. 359.

Peruvii Tramontani. 359. 360.

Rupis Massajæ, semper ardentis. 340. 394. 395.

SACERDOTIS optimi & festivi. 234. 235. & sæpe  
alibi.

Solitudinis nocturnæ, in voragine; in quam illapsus  
Victoria. 163. 164.

Speluncæ horridæ, in solitudine, 285.

TEMPESTATIS maritimæ. 72. 73.

Transitus difficillimi, per adversum flumen, suspen-  
sis ab arbusto corporibus peracti. 231. 232. 233.

VESTITUS barbarici Reguli 294. 295.

Vestitus pedisequorum & pedisequarum Americana-  
rum. 295. 296.

Viarum stratarum (quarum unius maxima elegantia  
& amœnitas. 364. 365.

Urbis Cusci. 161.

Urbis Limæ. 420. 421. 422.

Urbium Panamæ & Nombrediosæ. 49. 50. 51.

## ORATIONES.

ADHORTARIA, Ad Inscium natationis; ut  
periculosissimo flumini se committat, sine adminiculis,  
219. 220.

Adhortatoria & Animatoria, cum consolatione;  
ne animus despondeatur in doloribus, 206. 207. &  
pag. 309.

Adhortatoria & Animatoria (ad mortem fortiter  
ac pie excipiendam) in ipsa mortis vicinia & luctu.  
pag. 191. 192. Ad-

# INDEX.

Adhortatiuncula ſui ipſius, ad crebram & ſeriam Inferni meditationem. 395.

Adhortatoria Sacerdotis ad Socios profanos: ut ſibi venerationem inſolitam exhibeant. 299.

CONSULTATIO, ſeu Deliberatio, ſuper viræ ſtatu meliore, & ſecuriore, deligendo, à pag. 378. uſque ad pag. 389.

Conſultatio, qua deliberat ſecum Victoria, num cum Pedioſa Socio & amico, deſatigato, in ſolitudine permaneat? 140. 141.

DEFENSORIA ſui, ſeu Apoſogeticus brevis; Cur Digreſſio ſeſſor in Hiſtoria facta? 376. 377

Dehortatoria ab itinere difficili & Spiſis implexo. 266.

Dehortatoria; Ne Adoleſcenti nobili & generoſo mandetur gynæcei cuſtodia. 31. 32, 53.

Deprecatoria, Petri Victorix ad Laurentium Roam avunculum, ne is ſe a profectione Peruana cupiat impeditum. 47. 48.

Dilectatio Problematica, cur Quiſcentibus, Ambulatio repetita difficilior acciſat? 111. 112.

Dilectatio, Quomodo primum Cibi ſalutares à noxiis diſtingui ſint cœpti? 129. 130. 131.

Dilectatiuncula; cur Somnus, quamvis maximè copientibus, & indigis, non ſuccedat? 196.

Diſſuaſoria ad Adoleſcentulum tenerum ac nobilem; ne ad tranſmarinas regiones naviget. 41.

Diſſuaſoria ad Socios, itinèris pedeſtris perarſos; ne diſmiſſam (ut voluerant) navim repetant; ſed terrâ pergant. 108. 109.

EXHORTATORIA, per Epistolam, ad Hiſpanos; ut perſequantur Sceticos piratas; certamine navali commiſſo. 25. 26.

Exhortatoria, ad adoleſcentem; ut declinato prælio, gynæceum Hiſpanorum cuſtodiat. 30. 31.

Exhortatoria Pedioſæ ad Petrum Victoriam, cum petitione importuna & invidioſa; ut ſecum in loco ſolitario permaneat; nec ſe deſtituat. 136. 137. 138.

# INDEX.

Exhortatoria, ad Patientiæ perseverantiam. 141.  
142.

Exhortatoria, ad mortem fortiter ab adolescente excipiendam; unà cum mortis denunciatione 62.

Exhortatio & excitatio sui ipsius ad alacritatem animi, & malorum tolerantiam. 98. 99. 100.

INVECTIVA; in Avaritiam, & Auri Idololatriam. 56. 57.

Invectiva, in profanè viventium mores, generatim, 378. 379.

Invectiva in studium nimium Divitiarum, à pag. 378. usque ad pag. 389.

Invectiva in Ambitionem Honorum. 389. usque ad pag. 394.

Invectiva, in Studium Voluptatum (maximè inhonestarum,) à pag. 387. usque ad p. 394.

Invectiva, in per fidum navis gubernatorem, & ejus consilia, de comportando comœatu. 77. 78.

Invectiva in magistratus, libidine perditos. 389. 390.

Invectiva, in Milites, & alios privatos, Veneri obnoxios, 391. usque ad 394.

Invectiva in Proditores. 13.

Invocatio Deiparæ, per votum; ut sibi in fluminis periculosissimi transitu præsto sit. 221. 222. 223.

PETITORIA ægrotantis & moribundi Companerosæ, ad Victoriæ. Sodalem suam: ut sibi præsto sit. 180. &c. Ejusdem ad eundem preces, ut Sacerdotem accersat. 181.

SUASORIA ad transeundum flumen periculosissimum, cum ejusdem Suasoriæ Dissuasoria, 230. 231.

Suasoria, ad iter difficillimum, periculosissimumque, de integro relegendum. 254.

Suasoria Laurentii Roæ; ad Victoriæ, Sororis filium; ut, omiſſa profectioe Peruana, secum Carthagenæ maneat. 46. 47. Cujus Dissuasoria mox subjungitur. 47. 48.

Suasoria naucleri Panamzi fraudulenta, ad Vectores; ut comœatum & annonam omnem comportent;

# INDEX.

rent, suæque solius fidei committant. 74. 75. 76.

Suasoria ejusdem Panamæi naucleri, ad Vectores suos; ut eorum dimidium, relicta navi, terra pergant: & ignotum oppidulum quærant. 82. 83.

Suasoria Navarchi Hispani, viri boni, & captivi, ad captivos Piscatores Americanos: ut seiplos servituti Anglorum eripiant. 254. 255. Ejusdem Suasoriæ Refutatio per captivos subjungitur. 255. Mox & Refutationis Refutatio adnectitur. 256. 257.

Suasoria, ad Socios defatigatos: ut, omisso tandem itineri pedestri, in navim dimissam sese recipiant. 107. 108. Cujus Dissuasoria mox subnectitur. 108. 109.

Suasoria, ad vestes ponendas, in summo licet gelu nocturno, & sub ipso dio, 235.

Suasoria ad resumendas vestes, verecundiæ causâ, 241.

VALEDICTORIA morientis Companerosæ, ad Petrum Victoriam, Sodalem & Amicissimum suum, à pag. 185. usque ad pag. 190.

*Ad ORATIONES perro reducuntur etiam,*

II A @ H,

*Seu, AFFECTUS; velut Orationum Anima.*

AFFECTUS, seu PATHOS, Animam jam agentis, & Judicem Deum formidantis. 284. 285.

Complorationis miseræ viatorum, & eorundem interitus. 156. 157.

Complorationis, pereuntium in aspectu suo, Sociorum naufragorum 196.

Deliberationis apud se, Num, incius omnis narrationis, periculoso flumini profundoque, sese committat? 220. 221.

Deplorantis seipsam in grandi vulnerum dolore sensuque, & agmine variorum malorum 204.

Deplorantis præmaturum suum obitum; deque vitæ



# INDEX.

vitz præteritis erroribus dolentis: ac Judicium futurum metuentis. 63. 64.

Deplorantis Solitudinem suam. & sibimet indignantis, ob amissos culpa sua Socios, ad Ratein, 218. 219.

Dolentis, conquerentis, ac pæne desperantis, ob vulneratum atrocibus spinis corpus. 205. 206.

Fastidientis vitam. 282.

Lætitiz affectus, ex conspectâ Cruce, Catholici Christianismi symbolo. 312.

Pœnitudinis, ob desertam Matrem. 190.

Pœnitudinis, ob relictum avunculum, ejusque preces repudiatas. 63.

Pœnitudinis, de relictâ patriâ, terrisque peregrinis quaesitis. 97. 98.

Sollicitudinis, pro navi, & vectoribus Hispanis; qui periclitabantur à Piratis Anglicis. 143. Et Solatii interim, ex propria sua securitate. 144.

Terroris & consternationis, ac mœroris in Solitudine, apud Cadaver Socii, modò extincti. 193. 194. 195. 196.

Tristitiæ, ob Patrem & matrem relictam, identidem animo recurrentis. 7. 8.

Tristitiæ, in voragine aquosa; in quam delapsus Victoria. 163. 164.

# NOMINA

*In Argonauticis celebriora.*

- A** *Cænius*, Dux militum Hispanus, in pugna contra Scotos.
- Andalusia*, regio Hispaniæ meridionalis, pars Beticæ, al. Andaluza, & olim Wandalia.
- Atabaliba*, Rex Peruvii, filius Guanacaxæ regis.
- Bætica*, regio Hispaniæ meridionalis, al. Granatæ regnum.
- Balboas*, Juvenis Hispanus: unus è Sociis Petri Victoris.
- Castilia*, vel *Castella Aurea*, & *Aurifera*: regio Americæ, ad latus meridionale maris Atlantici.
- Companerosa*, unus è Sociis Petri Victoris.
- Cumanas*, Regulus Insulæ Cubagnæ.
- Dariena*, Provinciæ Americæ meridionalis, ad mare Atlanticum.
- Franciscus Pizarrus*, Marchio, & Prorex Limæ in America.
- Guanacaxa* Rex ditissimus Peruvii; in America.
- Guascar*, Rex Peruvii, filius Guanacaxæ, frater regis Atabalibæ.
- Hispalis*, urbs primaria, in Hispania Bætica, seu Andaluza, hodie, *Sevilla*, *Sevilia*, *Sivilia*, & *Sibilia*.
- Hispania Nova*, regio amplissima, in America Septentrionali.
- Hispaniola*, Insula Americæ Septentrionalis, in mare Atlantico.
- Jamaica*, Insula Americæ Septentrionalis, in mari Atlantico.
- Inga*, nomen est certæ cujusdam prosapiæ: ex qua continenti successione regnatum est in Peruvio, usque ad Hispanorum adventum.
- Lima*, urbs Peruvii, ad latus Orientale maris Zuri.
- Manta*, portus & urbecula Americæ Septentrionalis ad latus Septentrionale maris Zuri.
- Margarita*, Insula Americæ Septentrionalis, in mari Atlantico.

*Mati-*

*Nomina in Argonauticis celebriora.*

*Matilina*, al. *Matalina*: & *Matinina*, Insula Americæ Septentrionalis, in mari Atlantico.

*Marroccinum*, urbs & regnum Africæ Occident.

*Matera*, Insula maris Atlantici, supra Fortunatas, ad Septentrionem.

*Mexicum*, urbs & regnum Americæ Septentrion.

*Nesfor*, unus è comitibus navigationis Victorianæ, Senex.

*Nicaragua*, regio Hispaniæ Novæ, in America Septentrionali, ad mare Zurium.

*Nombrediosa*, urbs & portus Americæ Septent. ad littus meridionale maris Atlantici.

*Pánama*, urbs & portus Americæ meridionalis, ad littus Septentrionale maris Zorii.

*Panchiacus*, regulus provinciæ Darienæ, in America meridionali.

*Pediosa*, unus ex Sociis & cognatis Victorian.

*Peruvium*, regnum Americæ meridionalis.

*Portus Vetus*, oppidulum & portus Americæ Septent. ad littus Boreale maris Zorii.

*Potosium*, urbs, & mons argentifodinis, celeberrimus, in America meridionali, & regno Peruvii.

*Quivira*, regnum Americæ Septentrionalis.

*Quisquizius*, Dux militiæ supremus regis Peruani, Atabalibæ.

*Reas*, avunculus Petri de Victoria, nobilis Hispanus, & militum Ductor.


*Sevilia*, urbs Hispaniæ Beticæ, olim Hispalis.


*Tatarvaxus*, rex Quiviræ, in America Septent.

*Thalassia*, urbecula, à Victorianis quæsitæ; nec inventa.


*Valboa*, Dux Hispaniæ militiæ in America.


*Zurium mare*, vulgò *de Zur*, vel *Sut*, & *Pacificum*, in America ad Occidentem.











~~B698~~  
~~G574j~~

B698  
G574a

